



VIATOR

Christianus

fn

PATRIAM

Tendens.

Per Motus Ana-
gogicos.

P. Eremi: famol. priuile Vigore.



Cum Facultate Superiorum.

CRACOVIA,

Typis Francisci Cezary, S.R.M. Necnon Illustr.
ac Ruditiss. Dni. Episc. Crac. Ducis Seueriae

Typogr. Anno Dni, 1684.

Ad Usum P.D. Ludovici. C.C. m.C. 1774.

*Cui tua fons lacrymas p' mou eāt Obnudet
Tunc manet infensus gaudiū nulla petet*

Via est Vita præsens,
quâ ad Patriam ten-
dimus. S. Augustinus
de Consolat. Mort. Ser. 1.

Bien. A. IX. 49

**M A R I Æ
D E I P A R Æ,**

Serenissimæ,

Cæli terrarumq;
R E G I N Æ.

Ter Optimæ, Ter Maximæ
IMPERATRICI.

Augustissima Domina.

O pusulum hoc tenui,
seruitutis demississima, obsequij
bumillimi, amoris Studiosissimi
monumentum supplex ad tua Maiestatis
aram appendo. Et ne mibi in Via Vires
animiq; deficiant ad tuum o M A R I A
Sinum, Cursum bunc dirigo: quia à Sa-
culo non est auditum, quenquam ad tua

currē tem præsidia, tua implorantem au-
xilia, tua petentem suffragia à te esse
derelictum. Quam diu aduena ē pe-
regrini sumus in regione longinqua. ē
procul à patriæ finibus extores degi-
mus, ad te omnes ḥ Stella maris, super
hoc mare magnum ē spatiōsum necessa-
rio subleuata, micans meritis, illustrans
exemplis, sicut ad medium, sicut ad pre-
sidiū, sicut ad portum, sicut ad negoti-
um sculorum respiciunt omnes viatores,
ē qui nos præcesserunt, ē nos qui su-
mus, ē qui sequuntur, ē nati nato-
rum, ē qui nascentur ab illis. Tu Ma-
ter Misericordia de via fessos reficis, si
qui torpent excitas, benè currentes ad
Cursum consummandum animas. Te
sequens Viator non deniat; te rogans
non desperat; te cogitans non errat;
te tenente non corruit; te protegente
non metuit; te ductrice non fatigatur,
ē ad portum peruenit. Tu igitur Ma-
ter viuentium, Virgo via Regia, per
quam ad nos Saluator venit, procedens

ex thō

ex tuo utero tanquam sponsus de tba-
lamo trabe nos post te, ut deponentes
omne pondus, & circumstans nos pecca-
tum curramus ad propositum nobis cer-
tamen, afficientes in Auctorem fidei &
Consummatorem I E S V M filium tu-
um, ut non fatigemur animis nostris
deficientes, (Hebr. 12.) sed feruide,
& constanter sub tua protectione Cur-
sum consummantes perueniamus ad Pa-
triam. Vbi tu mulier amicta sole, gau-
dium omnium celitum, post Filium tu-
um, illuminas uniuersum celum, omnes
latiferas stellas, accendis soles. Vbi tu
Estbere felicior, formosa valde, & incre-
dibili pulchritudine, omnium Saneto-
rum oculis grata, & amabilis videris,
& videberis, aeternum decus cali & de-
licium. Vbi tu iuditia fortior, gloria
Ierusalem, letitia Israel, honorificatio
populi honorificati, aeternum triumpha-
bis. O Domina! trabe nos omnes post
te, & sicut aquila prouoca pullos tuos
ad volandum, ut assumentes pennas

velut aquile, volemus & requiescamus
in monte illo, ubi felix iucunditas & iu-
cunda felicitas (teste Augustino) San-
ctos videre, cum Sanctis esse, & esse
Sanctum: DEVM videre & DEVM
habere in aeternum & ultra. Vbi vaca-
bimus, & videbimus; videbimus & a-
mabimus; amabimus & laudabimus.

Hec vota mea & conatus ut benigna
accipias intra Sacrarium exauditionis
tua, humillime obsecro.

Augustissimæ Majestatis.
Tuæ,

Minimus & indignissimus
Seruorum,

A. K.

FACVLTAS.

Perillustris ac Reuerendissimi Do-
mini Commissarij ac Vicarij Gene-
ralis S. O. C

OPUS QUOD INSCRIBITUR VIATOR
CHRISTIANVS, IN PATRIAM
TENDENS PER MOTUS ANAGOGICOS SUMMAM IN-
DUSTRIÆ CONSCRIPTUM AB ADMODUM RIDO,
Patre ANTONIO KRZESIMOWSKI
PRO TUNC PRIORE CONUEN. COPRIUNIC. SA
ORDIN. CISTERC. POST MATORAM DISCUSSIO-
NEM RECOGNOUIMUS & IN LUCEM EDI PRO-
BAUIMUS, VT POTE NIHIL ORTHODOXÆ FIDEI
CONTRARIUM CONTINENS, IDEO AUTHORITATE
NOSTRÆ COMMISSORIALI FACULTATEM CONCEDI-
MUS VT TYPIS MANDETUR. DATUS LANDÆ
8. IUL. ANNO DNI. 1684.

Fr. Ioannes Zapolski,

Abbas Landensis S. Ord. Cist. Commis-
sarius & Vicarius Generalis, S.R.M.
Secretarius.

(L.S.)

AP-

APPROBATIO.

CVM Librum, cui Titulus est : VI-
CATOR CHRISTIANVS in
Patriam tendens per Motus Anagogicos,
conscriptum à R. P. ANTONIO KRZE-
SIMOWSKI, Priore Conuen. Copriunicen-
sis, S. Ord. Cisterc. duo Theologi ad id
deputati recognoverint, & in lucem edi
posse probauerint, vtpote pijs Meditati-
onibus & affectibus animum interioris
hominis ad amorem diuinorum inflam-
mantibus refertum, ac concinnatum.
Ideo dignum Censeo & Concedo ut Ty-
pis mandetur. Datum Cracoviae 20.
Octobris, Anno Dñi. 1684.

Nicolaus Oborski,
Episc. Laod. Suff. Crac.

(L. S.)

G A.



CAPVT I.

Proponuntur quædam Considerationes Viatori utiles & necessariæ.

I.

Omnes, Viatores sumus & peregrini.

*Omnis qui ad supernam pertinet
Ciuitatem peregrinus est mundi,
& dum temporali vtitur vitâ,
in Patria viuit aliena.*

S. August.

Sicut omnes, quoquot nascimur, siue pauperes, siue Principes, immortales sumus, ita omnes Viatores, omnes Peregrini, Toto aberaret;

VIA TOR

raret cælo, qui sibi Patriam in exilio fingeret,
qui manentem ciuitatem in ignere somniaret.
Mundus omnibus diuersorum est.

Vnde benè S. Bernardus : *Sancti Viri Peregrini sunt & hospites in hoc seculo. Hinc reprehenditur Petrus, quod Tabernaculum in monte fieri voluerit : quia Sanctis in hoc mundo Tabernaculum non est.* Et S. Augustinus, cuius diuiti modum pecunijs utendi præscribens ait : *Vtere nummo, quemadmodum Viator in hospitio, sititur mensa, calice, vrceo, dimissuris, non permanens. Tract: 40. in Ioan.*

Quia omnes peregrinamur, imitemur homines peregrinos & viatores. Viator seu Peregrinus semper ad patriam suspirat, ad patriam sollicitè tendit, vestitum & victum habens non vult alijs onerari. Peregrino diu stare, quiescere, sedere, epulari splendide, moras hic necere, amicitatibus alijsq; illicijs distineri non licet. *Nam Stultus ille Viator est, (inquit S. Gregorius) qui in itinere amana prata conspiciens obliuiscitur, quod tendebat. In via es & bonzo ambula, & peruenias, ne te nox in via occupet.*

Idem inculcat nobis mellifluus. Doctor cum dicit : *Peregrinus via regia incedit, non declinat ad dexteram neq; ad sinistram : si forte iurgantes videbit, non attendit : si nubentes aut choros ducentes, aut aliud quodlibet facientes, nihilominus transit, quia Peregrinus est, & non pertinet ad eum de talibus.* Ser. 7. in Quadr.

Infelicissimam Viator fuge viam illorum, qui mundo & mente capti, hic sibi præfigunt Patri-

am, hic fines vanissimos honorum voluptatumq;
eligentes, homicidam animæ suæ præponunt
Christo, voluptatulam pestilentem delicijs cœli,
hic ob res caducas, animam suam & aeterna bona
(scilicet S. Augustino) vendunt Diabolo, accepto tan-
quam pretio, dulcedine temporalis voluptatis, cur-
sumq; eheu! miserè abripiunt.

II.

Via recta ad Cælum Via
crucis.

Per quam viam ascendemus?

4. Reg. 3.

MAXIMUS ille & amabilissimus Gigas, paratus
ad currendam cœlestem viam, duas commen-
morat vias, quibus Viatores tendunt ad felicem,
vel infelicem terminum. *Spatiosa* (inquit Mathe-
7.) *Via* est, qua ducit ad perditionem: & multi
sunt qui intrant per eam. *Arcta* *Via* est, qua du-
cit ad vitam: & pauci sunt, qui inueniunt eam.

Spatiosa via, quâ currunt cœco impetu ho-
mines reprobî, quorum D E V S venter est, qui
ducunt in bonis dies suos, & eheu! in puncto
honoris, in momento læritiaz, in exultationis e-
xiguo fluxu ad inferna descendunt, est plenissi-
ma omni fraude & dolo, plena reptilibus ac be-
stias omnium scelerum, nimirum avaritiaz, luxu-
riaz, odio, superbiaz. Per hanc viam, Mundus

Merca-

Mercator perduellis, suis spargit misera solatia,
fallaces spes, breuem vilemque fortunam, quae vix
afficit & deficit, vix proficit en proiicit, vix ex-
ponit & deponit, vix concedit & recedit.

Omissa hoc loco spatiosa ac periculosâ viâ,
in omni pio statu ac professione, non tantum sci-
licet Religiosorum, sed etiam cuiuscunq; condi-
tionis Sæcularium arcta via est eligenda, nimi-
rum via crucis: quia omnibus in genere dictum
est: *Per multas tribulationes oportet nos intrare in
Regnum D E I.* Deinde: *Regnum calorum sim-
patitur, & violenti rapiunt illud.* Non violenti,
non somno, gulæ, luxuriæ, aut delicijs dediti.
Frustra existimamus obtineri Cœlum posse, ni-
hil patiendo, & carni indulgendo, quidquid illa
appetit. *Impossibile est (inquit S. Hieron.) &*
*præsentibus quis & futuris fruatur bonis, & hic gen-
trem, & ibi mentem expletat, si à delicijs transeat
ad delicias.*

Hâc viâ Dux & Antesignanus noster Christus
præiuit. Primus ille crucem baiulauit, primus
passus est, nobis relinquens exemplum, ut sequa-
mur vestigia eius. Neq; tantum passus fuit ad
finem vitæ suæ, quandò fuit crudelissime cæsus,
Spinis coronatus, & cruci affixus, sed ab instanti
suæ Incarnationis, tota ipsius vita fuit passio, fuit
continua Crux.

Post Christum Ducem nostrum transierunt
hâc viâ Crucis & Virgines, transierunt Martyres,
transierunt pueri & puellæ. Tu solus hâc viâ
Crucis ire renues! Christus portauit Spinas: tu
vis te blandis rosis coronare? innocèissima Chri-
stica-

CHRISTIANVS.

5

sti caro tam diris cruciatibus, lacerata est amore
tui; tu D E I amore non vis carnem tuam rebel-
lem nisi indulgenter habere!

D E V M serio amare est vnicum compendi-
um, ne commoda nostra quæramus, vt secun-
dum D E V M, non secundum nos viuamus. Di-
uus Prosper de vita Contempl. l. 3. c. 1. hæc omnia
scitè ita complectitur, depingens hominem suis
commodis inhiantem: secundum se ipsum vivit,
qui si potuerit est cum quibus vult; pergit quo vult;
dormit quando vult; quamdiu vult; loquitur que
vult et ubi vult; manducat et bibit, quando et
quod vult. Qui autem secundum D E V M
vivit; non quod eum carnaliter delectat, sed quod
adificat spiritualiter facit; et omnia desideria
carnis spiritualis desiderij delectatione competit,
futura presentibus anteponit, carnem spiritui subdit.

Indulgenter tractare carnem est illam immor-
taliter odisse; ac ad æternum quod cruciat du-
cere per momentaneum quod delectat. Vnde
S. Bernardus (Ep. 1.) commoditates, pororum
siliquas vocat, quæ cœlestium famem extinguit.
Quomodo potest inquit esurire vel sitire Christum
plenus quotidie siliquis pororum! Quomodo ignis
et aqua simul esse non possunt, ita spirituales et car-
nales delicia. Verè ait aureus ille Asceta Thom.
de Kemp. l. 1. c. 24. nos iplos decipimus per inor-
dinatum amorem, quem ad carnem habemus.
Quanto amplius tibi ipsi nunc parcis, et carnem
sequeris, tanto durius postea parastues, et mai-
orem materiam comburendi releras.

Crux ergo seu mortificatio est arcta via, per quæ
cœlum

V I A T O R

cælum ingredi contendamus. Qui verò crucem
seu quamcunq; mortificationem fugit in quo-
cunq; statu, fugit viam arctam, semitam salutis &
incidit in vias difficiles.

Duplicem verò communiter Ascetæ assignant
mortificationem, nimirum continuam & discre-
tam seu discontinuam. B. Albertus Magnus
(Paradisi animæ c. 38.) macerationis seu mor-
tificationis continua actiones has ponit. Primo
sponte castigare corpus jejunijs, vigiljs, humi-
cubationibus, orationibus, cilicijs, disciplinis, ab-
stinentiâ cibi & potûs delectabilis, ut in omni-
bus caro spiritui subjaceat. Secundo carni nul-
lam voluptatem, sed solam necessitatem impen-
dere. Tertio non tantum ventrem & Os su-
um coercere à cibi & potûs voluptate, sed &
linguam compescere à verbis illicitis: & visum,
auditum, gustum, odoratum, & tactum refræ-
nare à delectationibus, & eorū à cogitationibus
& affectionibus voluptuosis.

Continuā mortificationem sua- dent nobis authoritates & exempla.

Sancius Paulus monet: *semper mortificationem*
in corpore nostro circumferentes: & de seipso
alijsq; ait: Propter te mortificamur tota die: nos
habuimus requiem caro nostra: Quotidie morior per
tegumenta gloriam, Et S. Bernardus suadet (ad
Prato)

CHRISTIANVS.

Erat de Monte D E L (scribens) semper exhibere corpus suum hostiam D E O placentem. Hanc hostiam per continuam mortificationem D E O amor Sacerdos immolat, quando corpus jejunio, somno parco, cilicio, flagris, duro inter orandum, vel in lecto, situ, alijsq; artibus afficit.

Primum exemplum continua mortificationis seu crucis accipe in Beata Virgine, de ea scribit Gregorius Turonensis, quod ex quo templum ingressa est, semper sit vsa cilicio; somnus illi super nuda humo vel duris tabulis parcissimus fuerit.

De S. Bernardo in Vita ipsius legitur: Beatus Bernardus in afflictione corporis sui vsq; a deo sibi mundum, seq; mundo reddidit crucifixum, ut confidamus Martyrum quoq; eum merita obtinere Sanctorum: quem Confessionis ordine & parsimoniae vita, tam longum constat duxisse martyrium.

Scribitur de Iuditha l. 4. quia habens super lumbos suos Cilicum jejunabat omnibus diebus vita sua prater festa domus Israeli,

Ajunt S. Ludouicum Galliae Regem, si quando Confessarij jussu consuetum cilicium deponebat ob valetudinem afflictam ad tempus; eo die concessam hanc ut ipse dicebat, corpori suo indulgentiam, erogatis quadraginta scutis in pauperes redemisse.

Robertus Galliarum Rex, quinta cuiusvis hebdomadis feria vestem regiam exuebat; & cilicio ad carnem cooperitus centum sexaginta.

pauperum pedes abluebat; ac prolixo suo capillo tergebat. *Lyræus l. 2, c. 3.*

S. Paula etiam in grauissima febri, mollia le-guli strata non habuit, sed super durissimam humum stratis ciliciolis quiescebat. *De ea s. Christo soft. Ep. 108.*

Lectus S. Martini erat nuda humus superin-jecto cilicio.

Tiberius Bisiniani Princeps sepius non nisi pa-ne vescebatur, aquam bibebat, ferreâ catenâ col-lo circumdata, quâ se Deiparæ mancipium testa-batur.

B. Eleonora de Vanegas Religiosa Tertiij Or-dinis Sancti Dominici pane solo vescebatur, vel quandoq; Iauticiarum loco, coctis herbis; nu-dis hyeme pedibus ambulabat, humili cubabat, aut in astere, saxo ceruicalis vicem subeunte; ei cili-cium diu noctuq; humeris affixum fuit, modi-co somno vtebatur, ut largius orationi vacaret, cui frequens fuit per septimanam flagellatio &c.

Gratum sibi esse S. Edmundi cilicum ostendit D E V S, quando illud ab igne seruauit illæsum. Dum enim ejus Cubicularius (inquit Su-rius) Cilicum & femoralia cilicina, quæ vsu diu-turno contriuerat ab eo comburenda accepit, & ille quidem misit ea in ignem; sed ignis lambens ea consumere non potuit, tanquam vereretur Sa-crilegij notam sibi inustum iri, si læderet ea, quæ beati Viri carnem attigissent.

S. Eligius de sua prædestinatione anxius ani-mi, hanc sibi vocem (nempe dæmonis instinctu) audire videbatur: Quidquid agis inutile est: Ca-surus

CHRISTIANVS.

9

surus es, quia de numero es reproborum. At ille in consueta mortificationis exercitatione pergebat. Et vero inter canticina linter noctu orantem vox e celo lapsa recreauit: securus es, si sic ad finem perseueraueris.

S. Theressia post obitum cuidam apparenſ dixit: si quâ ex cauſa vellem carere beatitudine tantisper, certè ut amplius pati possem, cujuſ nunc tantam mercedem in celis video,

Alia mortificatio est discreta seu discontinua, quam in varijs actionibus totius diei, & in omni occasione possumus facere: videlicet in sensibus externis & interno, in potentijs tribus animæ, in linguae vſu, in prauis consuetudinibus, in mortificatione honoris, amoris proprij & mundani &c.

Ita dum egredieris in publicum, oculorum cohibe curiositatem: ne affice, quod desiderare non licet; ſilum modeſtum & depreſſum gere. Magdalena Redonia tertij Ordinis S. Dominici Professa, per urbem incedens nihil praeter ſilices & lutum intuebatur. Vedit aliquando S. Mechtildis, dum in feſto S. Ioannis Euangelistæ ſacris interefſet Beatam Virginem, & hunc S. Apostolum illum radio ſplendoris admirabili, qui ex oculis emicans in faciem Deiparæ dirigebatur, dumq; haeret iſto prodigo attonita, audit à Ioannie: illum, dum inter mortales viueret, eā ſuille erga Virginem Matrem reverentiā, vt defigere illam oculos nunquam fuerit ausus.

Offert ſe aliqua curiositatis occasio? ad hibc mortificationem. S. Carolus Boromæus nunquam per villam fenestram proſpiciebat. Pia Magda-

B

lena

Iena Redonia, quando ad eam filij literæ deferebantur, ad tres quatuorū dies tenebat osti signatas: tum ut curiositatem suam frænaret; tum ut teneritudinem affectus materni compesceret.

Aliquis te verbo, repulsâ, contemptu, aut alia ratione offendit, opima adeſt te mortificandi occasio. Sanctimonialis quædam in Monasterio B V. de Gratiâ, si molesto aut aculeato aliquo dicto perstringeretur, illico se proripiebat ad SS. Eu- charistiam pro hac cruce gratias actura.

Versaris in periculo violandi silentij, aut Regula alicuius, aut preſtanda inutili & etiosa erbant- zatis? Generoso recessu & mortificatione declina. Memoriae proditum est de Ioanna Celeria Attre- bati Religiosa, quod raro ad locum congressus seu colloquij veniret, ne vñquam, niſi de rebus ne- cessarijs loqueretur. Vnde ab alijs quibusdam fororibus majori licentia deditis, foror Sylue- atris appellata est; sed illa tali conuitio immo- bilis à sua consuetudine non recessit.

Cibum sumis? etiam hic in quo franges appen- ditum tuum inuenies, siue à qualitate ciborum, siue à quantitate. Nunquam sine aliqua victo- ria recedendum est. Franciscus Arias pluribus confirmans plurimum placere D E O mortifi- candi studium etiam in rebus paruis affert ē B. Petro Card. Damiani Abbatem, qui allatum sibi piscem, cuius edendi desiderio tenebatur, cùm pauper ad portam peteret sibi pro eleēmo- syna dari id, quod Abbatii appositum est; au- dito eo, illi vñā cum scutella misisse pro eleēmo- syna; vt se ipsum mortificaret, seu periuinceret: paupe-

CHRISTIANVS. II

pauperem autem, vñā cum accepta scutella in conspectu plurium ē terra sublatum in cælum.
Alia sexcenta exempla omisso.

Nunc ergo & nobis gemendum est sub jugo mortificationis; ne si crucis jugum nunc fugiamus, cum reprobis mortificemur æternum. Hâc te Viator consideratione solare, crucem vnius horulæ æternæ præmio & solatio compensari. *Curramus ergo (vt Anselmus urget) credendo, sperando, diligendo, corpus affligendo, lenè operando. Certe abstinentia, lachrymae, preces, Vigiliae, ipsa sunt via, qua in calum ducunt, teste Ephræm.*

III.

Compendium viæ cœlestis est
breuissimum per Heroica.

*Vidisti virum velocem in opere
suo? Prou. XXII.*

Viator, viâ Regiâ, seu viâ Crucis incedens ad Patriam, si velit quandoq; breuissimo tempore iter suum confidere & pervenire ad terminum, in Spiritu ferooris, seu per actiones heroicæ progreedi debet. Per has citius summum attingitur; & quod alij diuturno tempore, Viator heroicus breuissimis momentis assequitur.

Præstantissimus est talis feroor eorum, qui incumbunt actionibus heroicis, generosis, ins-

litis, & ita celeribus, vt incredibili velocitate sua omnes alias vulgares transcendent actiones, & ad thronum gloriæ magni D E I peruenientes, Angelos omnes, & ipsum D E V M in sui admirationem & amorem abripiant.

Talis fuit actus Abrahæ, qui ad vnicam vocem Domini, exnunc voluit vnicum Filium suum immolare. Vnde audiuit: *Quia fecisti rem hanc benedicam tibi.*

Eius generis fuit actus heroicus S. Bernardi. Clericus quidam veniens ad hunc S. Abbatem, importunè instabat, vt in Monachum reciperetur. Dum ei suaderet S. Bernardus, vt ad suam reuerteretur Ecclesiam, homo ille velut insanus, tota vi percussit maxillam Sancti Patris. Ad hunc tam grauem iustum, ne minimum Sanctus edidit impatientiæ signum. l. 3. c. 6.

Alexius primâ nocte nuptiarum, Sponsam intactam reliquit, paupertatis propter IE SVM experiendæ studio, & amore castitatis.

S. Calimirus, maluit vitam amittere, quam Virginitatem.

Eximius ille Vir Cæsar Buzius, dum quodam tempore videret Augustissimum Sacramentum deferri ad ædes ægroti, statim nudato capite, faciem manu præferens, contempto nobilium virorum occursu, à quibus se ridendum, & vilipendendum sperabat, præibat ad ædes ægroti.

Theodosius Imperator magnam Sanctimoniam & perfectionem consecutus est vno actu heroico; Nimirum in ludis theatalibus frænando oculorum licentiam & curiositatem: quotiescunq;

CHRISTIANVS. 13

escunq; enim occurreret aliquid aspectu jucundum gratumq;, & populus magnis lætitiae voci-ferationibus spectaculo acclamaret, tum se de-mittere, aut omnino claudere oculos solebat, ne quid eorum cupiditati indulgeret.

Hæ nimirum nobilissimæ ac generosæ actio-nes, mirum in modum accelerant iter ad egre-giam Sancitatem. Hæ actiones sunt gratiæ pro-digia; & germina spiritalis ferooris; ita, vt vni-cus subinde actus herocus, non solum aucupa-ri soleat singulares fauores diuinos in hac vita, sed etiam in altera incredibilia consequatur amo-ris diuini & gloriæ argumenta.

I V.

Decet Viatorē semper & vbiq;
D E I sui meminisse.

*In omnibus Vjs tuis cogita Dominum
& ipse diriget gressus tuos.*

Prou. 3.

Viator aspirans ad Patriam, ne erret in terra deserta, inuia, & inaquosa semper ambulet coram D E O, & cogitet D E V M libi intimè vbiq; præsentem: quia in D E O viuimus, mo-uemur, & sumus.

Vnde nos admonet S. Bonau. Attende, & quicquid agas, & vbiq; steteris, & quibuscunq; negotijs

negotij impliceris die ac nocte, omni momento & hora D E V M semper habeas in memoria, credens & cogitans, te esse & erissimè coram eo, & ipsum cogitans & biq; te aspicere Hec autem cogita cum magna reverentia ac timore pariter & amore. Et S. Greg. Nazian. idem nobis inculcat: Non tam sapere respicere oportet, quam D E I meminisse; D E V S enim continuo, & continenter nobis benefacit.

Certè continuò cuius D E V S benefacit; quia per eum nobis terra stat, fluit aqua, diffunditur aér, ardet ignis, lucet Sol, cælum vertitur, nobis bruta animalia viuunt, seruiunt Angeli, Verbo quæcurq; sub visum, gustum, odoratum &c. cadunt, omnia munera tua comperies, quibus D E V S te pascit, cum esuris, potat cum fuis, operis cum nudus es, fouet cum friges, reficit cum deficis, sanat cum ægrotas.

Vnde est summa infelicitas nostra, quod raro præ oculis Authorem bonorum præsentem habeamus; quod in huiusmodi actione supinè simus negligentes: perinde ut bruti pisces, cum in mari viuant, moueantur, & sint, se tamen ibi viuere, & moueri, & esse ignorant

Est & summè periculosum homini, non meminisse D E I sibi præsentis; quia sicut pisciculus ex aqua extractus mox perit & moritur; ita homo ex D E I præsencia per obliuionem egressus, necesse est ut subito pereat. Non est (ait Propheta) D E V S in conspectu ciuij (ideo) inquinata sunt via illius in omni tempore: ideo homo sine præsencia D E I sèpissimè in grauis sima

sim
tem
co.
fine
velu

præ
uior
in ti

do.
apu
lide
capr
cup
quie
acce
con
nes.
mul
ros
nero
sent
pecc

diui
quæ
Pria
ter q
appe
V M

CHRISTIANVS.

15

sima ruit & labitur peccata, in mentis cæcitatem, cordis obstinati duritiem, ac demum cæco impetu ruit in præcipitum infernale. Nam sine præsentia D E I homo sit aut per luxuriam velut bestia, aut per superbiam velut Dæmon.

Maximam utilitatem Viatori adfert diuina præsentia. Et in primis; quia nos arcet à gravioribus peccatis, puritatem cordis adfert, & in timore D E I conseruat.

Habemus hujus rei-exemplum in S. Bernardo. Contigit, Ut Bernardus adhuc adolescens apud Matronam quandam hospitaretur. Considerans mulier Adolescentem decorum aspectu, capta est laqueo oculorum suorum, & in concupiscentiam ejus exarsit. Cumq; adolescens quiesceret, surgens ipsa de nocte, impudenter accessit ad eum, quam Bernardus sentiens, nec consilij inops exnunc clamare cœpit: Latrones, Latrones. Et ita usq; tertio improba mulier fuit repulsa. Quo nam hic iniustus Heros seuto munitus, de carne & Diabolo tam generosè triumphavit? certè seuto diuinæ præsentiae. Et verò quis coram Iudice præsente peccare audeat?

Deinde præsentia diuina in nobis flamas diuini amoris succedit. *Vis D E V M amare?* quærerit S. Thom, op. 61. c. 2. & respondet: *Prius oportet cognoscere. Summum delectabile operari præapprehendere cogitando, ut possimus diligere appetendo.* Vide ergo intellectu semper D E V M, vt concipiias affectu.

Insuper præsentia D E I nos ipsis Seraphi-

nis assimilat. Pulcherrima Seraphinorum oculatio est coram D E O stare clamare, amare ut Isaías vidit c. 6. Quisquis D E V M amat, conatur illum ferre ubiq; in oculis &c imitatur Seraphinos. Vnde S. Gregor. Seraphin ex singulari propinquitate conditoris sui, incomparabili ardente amore. Tanto magis ardente, quanto cinciniores hunc vident.

Per præsentiam D E I omnis virtutum acquiritur perfectio; qui enim mentis oculis semper intuetur D E V M, omnia placita, omnes gultus, omnia mandata D E I adamussim exequitur. Quidquid ergo facis, siue legis, siue oras, comedis, bibis, loqueris, ambulas, in omni loco & actione accede ad D E V M Viator, ad D E V M semper tibi intimè præsentem. Accedere autem potes triplici viâ, vel ut reus de peccatis ingemiscens per viam purgatiuam, vel inops à virtutibus per viam illuminatiuam, aut velut sponsa ardens amore per viam vnitiuam.

Viam Purgatiuam vocant viri spirituales, quando intellectus animæ, peccati fæditatem proponit, illud detestetur, atq; exterminet; quibus ipsa permota affectuum suorum pedibus (ut sic loquar) per voluntatem abit in timorem D E I, & à peccatis cum magna detestatione recedit.

Via illuminatiua est, quando intellectus voluntati proponit amandam pulchritudinem virtutis, omniq; studio querendam, maximè Christi & Sanctorum exemplo.

Via Vnitiuam dicitur, quâ beneficiorum D E I
& per-

& perfectionum consideratione, voluntas in DEVM fertur per amorem, ejusq; voluntati se conformat, atq; ad perfectam cum eo yniōnem aspirat.

Hinc apparet triplex affectuum genus, quod triplici viæ respondet in partes plures diuidi posse.

Affectus Via purgativa sunt, pudor & confusio de peccatis, dolor de ijsdem, timor diuinæ justitiae, atq; hinc mortificationis desiderium, vt homo illi satisfaciat.

Illuminativa: virtutum omnium amor, spes ac desiderium eas acquirendi, rerum terrenarum & voluntatis propriæ abnegatio, imitatio Christi & Sanctorum.

*Vnitiva: amor D E I, gratiarum actio, Ze-
lus animarum, lætitia & admiratio de perfectio-
nibus diuinis, suspirium ad cœlestem gloriam.
Hac ergo triplici viâ seu affectibus, jaculatorijs
ſepius per diem potest Viator ad DEVM, &
patriam Beatorum accedere.*

Orationes jaculatoriæ & Mo-
tus Anagogici quid sint? exem-
plis Sanctorum Patrum ap-
probantur.

*D*icuntur orationes jaculatoriæ, quia instar ja-
culorum seu sagittarum velocissimè transe-
uentium, in cor diuinum, tanquam in scopum
jaciuntur, vt ab eo dona cœlestia obtineamus.

De

De his S. Augustinus ad Probam ep. 121 dicuntur Fratres in Aegipto crebras quidem habere orationes, eas tamen breuissimas, & raptim quodammodo iaculatas, ne illa Vigilanter erecta, qua orante plurimum necessaria est, per productiones moras evanescat atq[ue] hebetetur, intentio. Et cassianus in collationibus. Frequenter, sed breuiter orandum est, ne immorantibus nobis, inservire aliqua cordi nostro insidiator possit inimicus.

Hunc breuem orandi modum per orationes jaculatorias seu motus Anagogicos exemplo suo nos Christus docuit. In horto enim iterabat haec verba: *Pater si possibile est, transeat à me calix iste.* Sancti in celo continuo clamant: *Sanctus, Sanctus.* Basilius suadet peccatori, ut ad imitationem Chanice identidem inclamet illud: *Miserere mei fili David.* Thais olim Meretrix edocta à Paphnutio Abbe sic orabat. *Qui plasmati me miserere mei.* Beata Clara de Monte Falco millies quotidie DEVM adorabat genua flectens, & totidem fundens Orationes jaculatorias. S. Franciscus tota nocte orabat, haec sola verba repetens: *Deus meus & omnia.* Narrat Theodoreus l. 9. Simeonem stylitam, innumeratas quotidie adorationes peregrisse, adeò ut unus numerauerit aliquando milie ducentas quadraginta quatuor, alias omittens, quia lapsus destitit numerare.

Dicuntur Motus Anagogici, id est sursum ducentes, nimirum, quia illis à rebus terrenis abducimur, & ad superna leuamur; ac tandem ad beatam cum DEO Unionem evehimur.

Exer-

*Exercitium Aspirationum in via
Purgatiua.*

Tibi soli peccavi Domine ! & malum coram te feci,

Qui plasmatu miserere mei.

O me infelicissimum ! qui omnium peccatum sum reus.

Miserere mei D E V S secundum magnam misericordiam tuam.

Quo ibo à Spiritu tuo, & quo à facie tua mi D E V S ! fugiam.

O mi D E V S ! si me ejcis, quis me recipiet !

Delicta juuentutis meæ & ignorantias, ne memineris Domine.

O I E S V ! sis mihi I E S V S.

Hic vre, hic seca, modo in æternum parcas.

D E V S propitius esto mihi peccatori.

Non audeo mi I E S V ! in cælum oculos leuare, propter peccata mea.

D E V S in adjutorium meum intende.

Sancte D E V S, Sancte Fortis, Sancte & Immortalis miserere mei.

Pater peccavi in cælum & coram te, jam non sum dignus vocari Filius tuus, sed nec creatura tua.

O Domina mea monstrate esse Matrem !

Quæ utilitas mi I E S V in sanguine tuo & meo, si descendero in infernum ?

Non mortui laudabunt te Domine ! sed nos qui viuimus benedicimus tibi.

Quid, mali fecisti mihi Domine, quia offendisti te ?

O mi

O mi DEVS! malo in posterum in ipso inferno ardere, quam te offendere.

Peccavi Domino!

O IESV! ô summum bonum meum, cur vñquam offendit te?

Vñ tempori illi, quo te offendit mi DEVS!

Pactum facio mi Domine tecum! ego tuus & tu meus eris in æternum.

Exitus aquarum deducant oculi mei, quia non custodierunt legem tuam.

In Via Illuminatiua.

Serò te cognoui pulchritudo tam antiqua, serò te cognoui bonitas infinita.

Ibo & ibo quæram quem diligit anima mea.

Domine IESV, nouerim me, nouerim te, nec aliud cupiam nisi Te.

Quocunq; loco fuero meum IESVM desidero.

Viuat IESVS! & exaltetur DEVS salutis meæ.

Vñ tempori illi, quo te mi DEVS! non amauit,

Loquere Domine quia audit seruus tuus.

Domine ante te omne desiderium meum.

Adjuua me & saluus ero Domine,

O Domine ego Seruus tuus, & mancipium ancillæ tuæ MARIAE.

Illumina oculos meos, ne vñquam obdormiam in morte.

Nolo

CHRISTIANVS.

21

Nolo viuere mi IESV, sine vulnere, quia te pro me video totum vulneratum.

Gaudens gaudebo in Domino, & exultabo in DEO IESV meo.

Adhæreat lingua mea ori meo, si vñquam oblitus fvero tui mi D E V S !

Credo tibi, & in te spero, & toto corde te volo diligere D E V S meus.

Ex te, in te, & pro te mi D E V S ! sint omnia mea.

Benedic mihi ô SS. Trinitas, ô Dulcissima Virgo Mater, ô Angele mi Cultos, ô Patroni mei.

Eja quæso multiplica in anima mea virtutes Domine D E V S virtutum.

In Via Vnitiua.

Misericordias Domini in æternum cantabo. Benedic Dominum in omni tempore, semper laus ejus in ore meo.

O ignis qui semper ardes accende me ! Paratum cor meum D E V S , paratum cor meum !

Quis mihi det, vt diligam te mi D E V S , amore Seraphico, Theandrico, & Diuino ?

O patria nostra ! patria secura ! à longè te video, ab hoc mari & exilio te saluto.

Cupio disloluti & esse tecum mi IESV !

Tædet animam meam vitæ meæ, quialumen cæli, D E V M meum non video.

Quid mihi & tibi ô IESV Fili MARIÆ Virginis !

Amo

Amo IESVM amore MARIE, amo
Mariam amore IESV.

O patria quando reuertar ad te?

Viuat IESVS! in corde meo.

O mi DEVS! quando transibo in te? quando
abibo in cineres dilectionis tui?

Vulneraftis cor meum o IESV! o MARIA!
vulneraftis cor meum.

O felix hora quando liberabor de corpore
mortis hujus!

O amor meus! o DEVS meus! vellem te
amare mille cordibus, si tot haberem, & amo-
re ardentissimorum Seraphinorum.

Cupio mi DEVS! transire in te, transfor-
mari in te; perire propter te.

Nihil cupio mi DEVS extra te, quia in-
quietum est cor nostrum, donec requiescat in te.

Moriar mi IESV moriar! modo inter de-
sideratissimos & suauissimos amoris tui ample-
xus.

Age, age bone IESV: tolle amorem me-
um totum à me, & conuerte ad te, accende &
rape flagra & dulcesce, jam amem te, jam ta-
pias in te.

O liquefcam! o conflagrem amore DEI
mei!

Vtinam viuere possim ego sed non ego, sed
viuat in me DEVS, amor meus.

V.

Viatori per creaturas ad creato-
rem ascendendum.

Cor hominis disponit viam suam.

Prou. 16.

Variæ Viatori aspiranti ad Patriam solent occurtere in Via creaturæ D E I & opera ejus, si ergo Viator noluerit errare, sciat & curet per eas D E V M inuestigare, & per omnes semper amoris gressibus ad Creatorem suum aspirare. Viatori creatura non sit Remora.

Philo disertissimus Iudeorum lib. de præmij, scalas ad D E V M esse omnia creata affue-
rat. Via etenim patet nobis ab his quæ vide-
mus, & contrectanus, ad Opificem D E V M,
quem non videmus. Consonat Basilius Seleu-
Episcopus orat 1. dicens. Cum D E V S res cre-
atas in morem scala Viatoribus adaptauerit, per
eas sui amantibus ascensum ad se extruxit.

Per creaturas D E V S iuum ô Viator vena-
tur amorem, cui capiendo, toto orbe, creatu-
tarum ponit laqueos. Utinam & tu capiaris!
utinam sis amoris Diuini præda, ne fias alterius
amoris prædo. Omnis Creatura inclamat
tibi hæc tria. Accipe, zedde, caue. Accipe
creaturas ut beneficium, zedde Creatori earum
officium, caue abutens illis supplicium,

Cur amas hæc terrena, nisi quia pulchra &
bona

bona sunt: possunt esse tam pulchra & tam bona, atq; ipse à quo facta sunt? quis sic delectat, quām ille qui fecit omnia quæ delectant? Interroga creaturam, si à seipsa est, remane in illa; si autem ab illo est, non ob aliud perniciosa est amatori, nisi quia præponitur Creatori.

Ad hanc piam erga D E V M affectionem & continuum accessum omnes Viatores Christianum creaturæ hortantur, sive enim rationales illæ, sive non, laudem tamen D E I sui, vel aperte vel occultè enuntiant. Nulli ergo dubium, quin facillimè possit, quicunq; huic studio animum applicauerit, ex aspectu cujuslibet creaturæ in D E V M assurgere, & pijs affectibus ad D E V M aspirare. *Habemus huius rei exemplum in sanctis.*

Scribitur de S. Fulgentio Ep. Ruspensi. Videntes quondam hic Sanctus, in generali conventione nobiliū Romanorū, tot dominorum præsentium splendorē, Theodorico Gothoru Rege concionante, exclamauit: O D E V S! quam pulchra oportet, ut sit cælestis illa ciuitas Hierusalem, si hic in terris sic splendet Roma terrena. Et si in hoc mundo tantus splendor concessus est amatoribus vanitatis, quanta gloria reseruata esse debet contemplatoribus Diuinæ Majestatis.

Constantinus Magnus honorificè quondam scripsit S. Antonio Abbatii, quod factum Religiosi, qui cum illo erant valde admirabantur. Tunc inquit Sanctus ad illos: Quid admiramini Regem scribere homini? potius admiremini D.E.

V M

V M
imò i
S.
dos e
cula i
ster i
ctus v
come
quām
mortu

A
cælū
erat,
stellæ
me in

F
um i
ad o
verba
uiter

C
rentu
Borgi
rent,
nas P

Ali
quid
quid

Al
mi D
lem ju

V M æternam suam legem scribere mortalibus,
imò in persona Filij illis locutum.

S. Franciscus videns ouem solam inter hædos derelictam : Ecce, inquit, vt misera ista ouicula mansueta est inter capellas, sic Saluator noster inter Pharisæos mansuetus erat. Idem Sanctus videns quodam tempore agnellum à porco comedestum : Ah parue agnelle, (inquit, plorans) quām ad viuum Saluatoris mei amarissimam mortem exprimis.

Anima quædam deuota, intuens fluvium, cui cælum cum stellis, nocte serenâ repræsentatum erat, exclamauit : O mi D E V S ! eædem illæ stellæ sub pedibus meis erunt, quando recipies me in Sancta tabernacula tua.

Francisca considerans pulcherrimum fluuium in ripa, in quâ ipsa flexis genibus sedebat ad orandum, in extasim rapta aliquoties hæc verba lentâ voce repetit : Tam dulciter & suauiter fluit gratia D E I, sicuti fluius iste.

Cum nouercali die, igni medullæ coquarentur, pia cogitatio mentem Diui Francisci Borgiæ pupugit. ecquænam illos flammæ vrent, qui ob flagitia apud inferos pñas æternas penderent ?

Alius arbores videns floentes suspirabat : vt quid ego solus deflorui in horto Ecclesiæ ! vt quid sum arbor sicca nullum fructum faciens !

Alius intuens cursum solis dicebat : Quando mi D E V S ? anima mea sequetur Agnum, somum iustitiae, quoconq; ierit ?

CAPVT II.

Praxis Aspirationum seu Affectionum pro qualibet occasione & actione.

Dum Cælum conspicis.

1. **D**omine non sum dignus videre altitudinem cæli, præ multitudine iniquitatis meæ.

2. O patria nostra! patria secura, à longe te video! ad te suspirat peregrinatio mea! Tædet animam meam vitæ meæ, quia non video D E V M Deorum in Syon.

3. Utinam mi DEVS! tantum te nunc amare possem, quantum omnes Beati in cælo hactenus te amarunt.

Dum aliqua grata & venusta vides.

1. **S**I tanta mi DEVS! facis nobis in carcere, quid ages in palatio? si tanta solatia in hac die lachrymarum, quanta conferes in die nuptiarum?

2. Quidquid mihi dare vult Dominus meus, præter se ipsum, dulce mihi non est; auferat totum & se mihi det.

3. Quam

3. Quam aridus & durus es anime mi sine I E S V ! quam insipiens & vanus, si cupis aliquid extra I E S V M ! esse sine I E S V grauis est infernus, & esse cum I E S V dulcis paradisus.

Dum animum relaxas.

1. O Dilecte I E S V ! vnicum cordis mei gaudium quia amoris mei delicium ! da ut amando te semper sim hilaris, quia offendit te merito sim tristis.

2. Ego autem in Domino gandebo, & exultabo in D E O I E S V meo.

3. Utinam efficere possem dulcissime D E V S , ut omnia gaudia, quæ sunt & erunt in mundo non sint nisi de te : Tu enim es vera dulcedo cordium, excedens omne gaudium, & omne desiderium.

In aspectu Solis, Stellarum.

1. O Sol mundi oculi, qui me toties peccatum aspexisti, utinam me deinceps, non nisi dolentem & lugentem aspiceres.

2. O mi I E S V candor lucis æternæ ! quando in lumine tuo videbo lumen tuum ? quando me totum concremabis flammâ tui viui incendijs ? quando me totum liqueficies penetratum efficaci suavitate tuâ ?

3. Ardeant tibi & luceant D E V S meus

sydera tua, & tot accende toedas amoris in corde meo, quot in cælo splendent stellæ.

In aspectu Ignis.

1. **H**ic vre Domine ! hic seca, modò in æternum parcas.
2. O Domine amoris ! deficiat & conuertatur in cineres cor meum, si non permitto, ut amoris tui flammis æstuet, & ardescat.
3. O si citius vt ferrum igni, ita & ego, tibi D E O meo vniri, ac in te transformari possem.

In aspectu Aqua.

1. **O** Si deriuare possem in oculos meos, flumina, Maria , Oceanum , efflerem ista omnia hoc luctu : Eheu ! peccauit Domino: dereliqui fontem aquæ viuæ !
2. O mi D E V S ! quot sunt guttae aquarum, in fluvijs, lacubus, fontibus & mari, tot tibi laudes, tot ardenterissimos amoris effectus in omnibus & pro omnibus offerro, & in te transfundeo.
3. Immensa dulcedo mi D E V S : utinam me totum in te rapiēs absorberes & absconderes : Quod enim est mari absoluere vnam guttam, hoc tibi est absorbere me.

Ante quodlibet opus.

1. **O** Mi D E V S ! titulus & inscriptio omnium actionum & cogitationum mearum est nomen tuum, quod est I E S V S : tua enim sunt

sunt omnia, & propter magnam gloriam tuam,
omnia mea do, dico, & addico tibi.

2. Quidquid video, quidquid audiero, quidquid sentiero, totum tibi seruiat mi I E S V, omne opus a te incipiat, & per te cæptum finiatur.

3. Desidero, ut quævis actio mea non tam sit actio, quam amor tui major & major continuus, mi Domine !

Ad Sonitum Horologij.

1. **B**enedicta sit illa hora, quam Dominus noster I E S V S Christus incarnari voluit & pati pro nobis : quam concepta & nata est SS. Mater D E I M A R I A.

2. Ecce elapsa est hora D E V S meus ! cuius inutiliter jacturam feci ; utinam geminatis ignibus hanc jacturam resarciam.

3. O mi D E V S ! desidero, ut quoduis momentum hujus horæ sequentis, omnis pulsus & motus cordis, & omnium arteriarum mearum, idem significant, quod hæc verba : Sanctus, Sanctus Dominus D E V S.

Actus ante disciplina exercitium.

1. **M**emor sum o Domine ! opprobrij & confusionis, quam pro me passus es in crudelissima flagellatione tua, quando virginum corpus tuum virgis spineis cruentabant, lo-

ris nodosis & vacis ferreis dilaniabant, catenis
osfa ipsa & costas diuellebant.

2. O anime mi! ad tam funestam Saluatoris
tui tragædiam ne quidem ingemiscis? si feram
aliquam sic excarnificari cerneret, an commisera-
tione non tangereris?

3. Æquum eis mi I E S V! vt qui flagella-
tionis tuæ causa fui, illius quodammodo parti-
ceps siam. Vnde offero tibi eam Domine in
vnione acerbissimæ passionis tuæ: omnes ictus
& flagella tuo aspergo sanguine, vt hoc pæni-
tentiaæ exercitium gratius tibi sit, cedatq; in sa-
tisfactionem pro peccatis meis.

Actus ante suscepsum iter.

1. **O**ffero tibi mi D E V S, tot actus fidei, spei,
charitatis, quot in hoc itinere intercedent
superficierum corporis mei permutations.

2. Sicut ero in continua loci muratione, ita-
vellem mi I E S V! continuo benedicere & lau-
dere te pro omnibus laboribus, & sudoribus,
quos præcipue per triennium tuæ Sanctissimæ
prædicationis sustinuisti.

3. Quia proclivis sum ego ad omne malum
& peccatum, ideo commando me tibi dulcis I E-
S V, commando me tibi Virgo Beatissima, &
vobis SS. Angeli & speciales SS. Patroni mei,
vestro præsidio munitus non timebo mala.

In ipso itinere.

1. **O** Mi D E V S: quoties in hoc itinere cæ-
lum

Ium suspic' am, toties venerati volo omnes illos
cœlestes Spiritus, illasq; Intelligentias cælorum
motrices, commendans illis necessitates colono-
rum, per quorum agros transibo, ne grandines,
tonitrua, tempestates illis noceant, vt maleficia
dissipent, inducantq; àeris temperiem.

2. Transeundo oppida, pagos, gratias tibi
ago Domine pro beneficijs omnibus spirituali-
bus & temporalibus concessis hujus loci incolis.
Innouo tibi omnes cultus, laudes, affectus, & vo-
ta omnia, hic facta & facienda: simulq; detestor
omnia peccata, hic commissa & committenda.

3. In omnibus Ecclesijs tractus mei, adoro
te mi I E S V ibidem Sacramentaliter existen-
tem: tibi offero & repræsento omnia Sacrifi-
cia inibi facta, omnes deuotiones & affectus
cujuscunq; orationis & adorationis siue elicitos
siue elicendos.

Dum insurgunt tentationes impure.

1. **A** Mor meus crucifixus est, & ego volupta-
ti operari dabo? Absit! non decet sub
spinoso capite membrum esse delicatum.

2. Discerpar in mille partes, rumparq; poti-
ùs, quām vt amori Diuino rem quamquam præ-
ponam. Malo Domine millies mori, quām fæ-
dari. Malo in ipsum exnunc infernum descen-
dere, quām te deliberatè vel minimo peccato
offendere.

3. Eia adesto optime I E S V, ne Sanguis tu-
us in me pereat. Adsis clienti tuo M A R I A.

Amore tui Domina mea, non cogitabo, non dicam, non faciam. Adeste Sancti omnes, vestris praesidijs munitus sperabo in Domino: & licet consurgant aduersum me castra, non timebit cor meum. IESVS MARIA JOSEPH domino vobis cor meum.

Cum deambulas.

1. O Quanti sunt infirmi & claudi quibus ambulare concessum non est! Gratias tibi Domine, quia corpus integrum dedisti mihi, & me hactenus incolunem conseruasti.

2. Domine non sum dignus calcare hoc pavimentum, per quod transeunt tot serui tui, quibus comparatus Vermis sum & non Homo, opprobrium hominum & abjectio plebis.

3. O si quis momento vitae meae, quis gressu accurrere possem ad pedes tuos mi IESV, illosq; lamberem, illos amplecterer!

Cum vides aliquod peccatum proximi.

1. Compator mi DEVS peccato hujus hominis, non credo tamen illud esse tantum malum, quantum mihi videtur. In supplementum tuæ offensæ offero tibipretiosum Sanguinem Filij tui, & in illo hoc peccatum depono.

2. Ego Domine majora peccata perpetraui, proh dolor! & grauius te offendere nisi tua me

me gratia præseruaret. Vnde etiam toto corde
tibi gratias ago pro auxilio mihi præstito.

3. Amore tui mi D E V S ! doleo de omni-
bus peccatis à quocunq; vñquam contra te cõ-
missis, & committendis, quæ, si possem, impe-
dire, & sanguine meo delere vellem.

Cum vides aliquod bonum proximi.

1. S eruiat tibi mi Domine, quidquid est in cæ-
lo & in terra, quia dignus es accipere lau-
dem, & gloriam, & honorem ab omni creaturâ.

2. Sis benedictus Domine in firmamento cæ-
li pro omnibus bonis inspirationibus & auxilijs,
quæ tam huic personæ, quam omnibus tribuisti.

3. O si & ego possem te amare omnibus illis
affectionibus, omnibus cordibus, quibus amatus es
& amaberis, quam libenter id præstarem !

Dum occurris diuitibus.

1. O quam diues est mi dilecte ! cui tu suffi-
cis. O amor meus ! quid extra te
quæram ? desint omnia modò tu me & ego te
possideam.

2. Alij alia querant, te solum ego mi IESV
querô, te solum desidero : D E V S meus &
omnia !

3. O si omnium hominum, quotquot fue-
runt, sunt, & erunt corda & voluntates solus
haberem, ijs omnibus te solum quererem, te
summè diligarem vnicum bonum meum.

Cum

Cum das Eleemosynam.

1. **S**i ego possem Domine D E V S meus o-
mniū egenorum miserijs subuenirem.
2. OFFero tibi mi. D E V S omnes diuitias,
omnes thesauros hujus mundi, omnia regna,
omnes redditus, ita vt si hæc omnia mea essent, il-
la amore tui pauperibus erogarem, & in cuius
cultum effunderem.
3. Gratias tibi Domine, quia me pascis à fu-
uenture mea, nam inops & pauper sum ego.

*In aspectu Imaginis alicuius
Sancti.*

1. **O** Sancti Sanctæq; omnes fideles Sponsæ
Christi saluto & veneror vos. Gratias a-
go D E O meo, quod vos elegerit, & in subli-
mi gloria collocauerit.
2. Scribite me Sancti D E I in libro afflicto-
rum, quia affligi semper desidero propter D E-
V M. Scribite me cum SS. Virginibus, quia
desidero cum illis sequi agnum, quocunq; ierit.
Scribite me in corde I E S V, & in corde M A-
R I Æ, vt nunquam obliuiscantur animæ meæ.
3. O felices animæ ! quando vobiscum gulta-
bo & videbo, quam suavis sit Dominus ! & longa
mora ! ô tædiosa dilatio !

Cum vides imaginem Crucifixi.

1. **Q** Pater æterne ! respice dulcem natum,
toto corpore extensem, cerne manus in-
noxias

noxias pio manantes sanguine : vide inerme la-
tus crudeli perfoſsum cufpide, & dimitte noſtra
crimina.

2. In tantum me diligis D E V S m̄eūs vt te
odiffe videarīs, cum poſſet gutta redimere non
dico crūoris ſei fudoris redemit vnda.
3. Adoramus te Christe & benedicimus tibi,
quia per Crucem tuam redemisti mundum.

In aſpeсtu imaginis SS. Virginis.

1. A ve gratiā plena Dominus tecum, Vel
Salve Regina Mater Misericordiæ.
2. Quis non diligit te Regina cordium, & Ma-
ter Sancti amoris, quis non diligit te? vtinam
omnes creaturæ tibi seruant.
3. Sublerno tibi Virgo Beatissima me tuum
licet indignissimum mancipium, tuisq; Virgi-
neis pedibus cor meum subijcio quia melius a-
pud te erit, quam apud me,

Dum recordaris alicuius peccati.

1. O quam justè me jam pridem in infernum
detrudere poteras, justissime Iudex, pro
peccatis meis, & mihi clementer pepercisti.
2. O si quod factum est poſſem infectum red-
dere! o ſi tempus præteritum reuocare! o quam
bonum erat mihi, ſi natus non fuifsem: neq;
enim vitam mihi dedisti, ut te offendere D E-
V S meus.
3. Detector peccata mea corde Saluatoris mei:
ſicut

sicut Cor I E S V ea fleuit, ita ea ploro & abo-
minor. Nolo amplius in æternum peccare.

Dum conspicis hortos, agros, prata.

1. **O** Mi D E V S ! hæc omnia quæ nunc vi-
deo videlicet agros, hortos, & simul o-
mnes agros per totum mundum, omnia prata,
& quicquid in eis ab initio mundi excreuit, nunc
crescit, crescatq; ad finem mundi, omnes sege-
tes, herbas, flores, gramina, & totam entitatem,
substantiam, tibi tanquam mea, & me totum-
cum eis, & in eis, in Holocaustum suauissimum
tibi offero, pro eis gratias ago, in eis te adoro,
te laudo, & magnifico.

2. O si possem omnes arenas, atomos, folia,
maris ac pluviarum guttas atq; niuum grana in
cælos & choros Angelorum te amantium &
laudantium conuertere, ô quām libentissimè id
facerem.

3. Velle mi D E V S toties æstuantissimis
desiderijs ad te moueri, quoties mouentur folia
& rami in arboribus, herbæ & gramina in cam-
pis, segetes in agris, animalia in terris.

In aspectu Volucrum.

1. **B**enedicite omnes volucres cæli Domino.

2. Quid est homo, quod memor es ejus
mi Domine ! omnia subjecisti sub pedibus eius,
volucres cæli & pisces maris.

3. Quis dabit mihi pennas sicut columbæ &
volabo

volabo & requiescam sub umbra illius, quem desiderat anima mea.

Cum noctu decumbis.

1. O Amabilissime DEVS! quam dormit securè, pro quo vigilat amor! nullas mentes infidias, ubi amor habet excubias.

2. O mi DEVS lux indeficiens! dum clauduntur oculi mei; fac ne simul amori tuo claudatur cor meum.

3. Gratias tibi Domine, quia dum nox in suo cursu medium iter haberet, omnipotens sermo tuus è regalibus sedibus venit.

Ante concionem.

1. Dignus es Domine accipere gloriam & honorem. Vtinam & ego omnes ad te Creatorem meum conquererere possem!

2. Eja Domine video, ut infiniti pereant tuo Sanguine & laboribus empti: & nemo potest venire ad te, nisi tu traxeris eum: quid ergo pollutis labijs & corde praestare potero hinc te? da igitur mihi gratiam, ad quod vocasti me, & adsint mihi SS. Angeli & Patroni mei, ut ad tam unius gloriam fiant vniuersa.

3. O Sanctissima Trinitas! aperi os meum ad benedicendum & laudandum nomen Sanctum tuum. O IESV! da mihi guttam Sanguinis tui cordialis, ut illo cor meum conspersum inclescat. O MARIA! da mihi guttam lactis tui Virginei.

Anie.

Ante Confessionem audiendam.

1. O I E S V vnica salus, sana quæso per me,
hanc animam peccatricem, quia tu cor con-
tritum & humiliatum non soles despicere.

2. En pretium Sanguinis tui Sponsa tua ab ho-
ste vulnerata. Doce me, vt prudenter cæcam
& ægram ducam in viam salutis æternæ, quia
tu nihil horum odisti quæ fecisti & redemisti.

3. O I E S V adfis, ô Spes nostra miserere !
O SS. Angeli ! ô SS. Patroni adjuuate me. En
volo Domine potestate à te mihi & ab Ecclesia
collatâ absoluere pænitentes meos. Quod fiat
ad gloriam Diuinæ Maiestatis tuæ.

In aspectu Iudæi, Hæretici, Etbnici &c.

1. A More tui mi D E V S ! doleo de omni-
bus hæresibus, blasphemis, irreuerentijs,
quibus ab omnibus vnquam Iudæis, Hæreticis,
dissidentibus offensus es & offenderis.

2. In persona omnium, qui nunquam tibi de-
bitum honorem, laudem, & reuerentiam reddi-
derunt; nec reddit: vt sunt Hæretici, Athei,
Iudæi, Turcæ, Idololatræ, magi, blasphemis, &
omnes infideles, ego te mi I E S V adoro, lau-
do, veneror, benedico, & exalto.

3. Desidero mi D E V S ! vt ab omnibus cre-
atūris rationalibus adoreris & glorificeris.

In aspectu cuiuscunq; creature.

Q Vot stellæ in cælo, quot guttæ in mari, quot
atomi

tomi in terra, quot creaturæ in hoc vniuerso sunt,
fuerunt & erunt, toties te mi Domine pro o-
mnibus & singulis momentis creationis ipsarum,
& conseruationis, nec non concursus tui cum
ipsis laudo & glorifico.

Ante refectionem.

1. L iberalissime Domine, illinè tu escam da.
bis, qui te non semel conuitijs & oppro-
brijs saturauit! cur me potius non enecabis fa-
me? cur talem escam alijs melioribus qui fame
pereunt non prouidisti? Indignus enim sum ra-
tionalis creaturæ cibis, & pane Filiorum, qui ju-
mentis inhipientibus similis factus sum propter
innumera peccata mea.

2. O D E V S meus! misericordia mea! gra-
tias ago tibi, qui pascis me a juuentute mea, &
vsq; nunc aperis manum tuam & imples me
licet indignum animal benedictione.

3. Decerno temperantissime I E S V escâ &
potu eo tantum vti, vt natura ad seruendum
tibi consilitat. Nolo Domine ullam in mensâ
voluptatem percipere, memor fellis & acetî
quod ipse gustasti. Vellem potius Domine, vt
ea quæ sumpturus sum absinthium saperent pro-
pter te.

*In ipsa refectione condimentum
spirituale.*

Q Vam magna multitudo dulcedinis tuæ Do-
mine, quam abscondisti timentibus te.

Virtus

Virtus tui Diuini amoris me totum tibi incorporet amantissime I E S V.

Tu es Spes mea Domine portio mea in terra viuentium.

Dominus meus I E S V S in cruce sitit & ego comedam & bibam.

Intingo Domine omnes micas, quas sumo, in phlegmate consputa facie tuæ.

Vtinam Domine I E S V felle, quod gustasti, omnia mea prandia condiantur.

O cæna magna, quando accumbam ad te ! ô torrens voluptatis, quando potabis me !

Quanti mercenarij abundant in domo Patris mei panibus, & ego hic fame pereo !

O quam millies felicior esses anima mea ! si colligeres micas, quæ cadebant de manibus I E S V, nunc in deserto, quando illi ministrabant Angeli, nunc in domo Pharisæi, vbi Magdalena lachrymis rigauit pedes eius. O si etiam in societate Virginis Matris puerum I E S V M pa-scentis, hunc cibum sumeres !

O I E S V felle & aceto potate ! omnes qui nobis benefaciendo prouiderunt, & eos, qui ante me hic refecti sunt, obsecro, educ de tenebris, & in patria refice.

Aëtus Oblationis omnium actionum totius Septimanae.

O Pto mi Domine ! etiamsi abjectissimus sim, ut in similitudinem beatorum Comprehensorum, qui tuo stabili amore frauntur, possim incessanter laudare te, amare te, cogitare de te.

Deside-

Desidero ut quælibet respiratio oris hæc hebdomadâ & omnibus diebus vitæ meæ, sit ad te D E V M meum aspiratio cordis.

Volo ut seruiat tibi Domine, quicquid ago, quicquid loquor, quicquid cogito. Volo ut omnis animæ & corporis actio, omnis motus substantiæ meæ, omne momentum vitæ meæ, nihil aliud sit, aliud nihil spiret: nisi Sanctus, Sanctus, Sanctus Dominus D E V S Sabaoth.

Desidero, ut semper Cor meum, anima, cerebrum, oculi, aures, lingua, manus pedes, venæ, sanguis, nerui, arteriæ, ossa, caro. ac omnia & singula, quæ intra me vel extra me sunt, pro modulo suo, te totis viribus reuereantur. ament, laudent, benedicant, honorent, ad te tendant.

Quia verò præsentis vitæ necessitates, minus sinunt mentem indiscretam laudi tuæ intendere, hinc tale tecum pactum mihi Domine inire cupio.

Quoties his diebus ore vel mente dixero: Domine laudo te; toties volo omnes laudes, quæ datae tibi vel dari poterant possentq; ab omnibus creaturis, quas tibi dant sacræ literæ & omnes libri, quas Angeli & Sancti, quas Virgo Beatissima & Humanitas Christi, quibus te afficere possent infiniti mundi ac creaturæ infinitæ, & omnes possibiles ac cogitabiles & à te conceptibiles tibi offerre.

Quoties dixero: O mi D E V S amo te! toties amo te & amare desidero amore Te digno, amore Mariano, amore supplente amorem eorum, qui te non amant, ut damnati &

non creandi: toties desidero concentrare omnem amorem in cor meum, quo in æternum totum cælum amabit te.

Quoties aliquam mortificationem fecero, quoties me tentantem Dæmonem, vel carnem vicero: toties offero tibi omnes dolores, omnes austерities Religiosorum, omnia Martyria, omnem sanguinem pro te effusum, & ad tempora Antichristi Martyrio fundendum; ita, vt si tibi placeret in augmentum gloriæ tuæ, omnia tertia libenter propter amorem tuum vellem perpeti.

Quoties mi DEVS sustulero ad te animū meum & siue corde siue ore dixero: mi DEVS adoro: mens mea est; nimurum adorare Te cultu latræ tibi soli debito, adorare omnium creaturarum adorationibus, quæcunq; fuerunt, sunt, & erunt: adorare in omni loco in quo sunt homines, in quo non sunt, in omni loco aquæ, aëris, sphæræ ignis, in omni loco Inferni, Purgatorij, Cæli, in omni loco Dominatio-
nis Tuæ.

Dicit sæpè sæpius (vt spero in gratia tua) cor vel lingua mea: O DEVS sis benedictus! tunc semper magno nomini Tuo DEVS illigo & includo omnes omnium totius æternitatis amplius linem occupaturarum laudum & benedictionum tuarum thesauros; ita vt sunt & erunt in corde ac ore omnium Angelorum, omnium Electorum, atq; in ore & corde ipsius IESV & MARIE.

Clamabit ad te sæpius cor vel lingua mea:
O bo-

O bo-
ce v-
mod-
DE V-
lum
non a-
ab al-
In-
tantu-
exter-
onni-
ratio-
bus,
rum
actibu-
includ-
meus
Et-
nis D-
jus as-
cta, co-
Sancte-
S V, o-
um E-
stati t-
tuam.
nem
mniu-
gratia-
trition
efficax

O bonitas! cur vñquam offendit te? tunc hisce verbis, doleo, doleo! quod vñquam vlo modo Te maximum, dulcissimum, optimum. D E V M meum offenditerim Doleo quod vilum temporis momentum perdiditerim, quo te non amauit. Doleo quod vñquam offensus sis ab alijs & offenderis.

Insuper pacis cor tecum mi D E V S! non tantum de minimo quocunq; motu interno & externo animæ, cordis, & corporis mei; de omni mea æquè dormientis ac vigilantis aspiratione & respiratione; sed etiam de omnibus, & singulis quæ sunt & erant, creaturam motibus: de singulis electorum tuorum actibus, quos omnes vellem cuiniis actioni meæ includere, illis te glorificare, ita ut nullus actus meus non sit ad gloriam tuam directus.

Et hæc omnia vñita meritis vitæ & Passio-
nis Domini nostri I E S V Christi, sanguine ejus aspersa, in corde deposita, manibus benedicta, conjuncta omnibus lachrymis pænitentium Sanctorum, omnibus guttis lachrymarum I E S V, omnibus meritis M A R I Æ, & omnium Electorum tuorum, consecro diuinæ Majestati tui. Ex amore tui ad maiorem gloriam tuam. In gratiarum actionem, & satisfactio-
nem Ad exhilarandum Cor B. V. & SS. omniuum. Ad impetrandum mihi virtutem & gratiam N. Ad impetrandum peccatoribus con-
tritionem, ægris sanitatem, tentatis auxilium, efficax, justè bellantibus victoriam, quibus-

cunq; indigentibus opem & auxilium; agonisantibus perseverantiam, requiem defunctis.

*Actus Gratitudinis ad finem Se-
ptimanae eliciendi.*

Quid retribuam tibi Domine pro omnibus quæ hisce diebus & omnibus momentis vita meæ tribuisti mihi? quid pro bonis publicis & priuatis? quid retribuam tibi pro conservatione, cooperatione, & gubernatione omnium creaturarum?

Quid pro bonis operibus, verbis, cogitationibus te donante à me conceptis referam, quippe, qui nihil boni cogitare possum, nisi te largiente? Quid pro auxilijs & inspirationibus tuis? O Domine, pro his omnibus sis benedictus in æternum.

Quid autem pro his omnibus reddidi tibi? Eheu! reddidi mala pro bonis, quia toties auras sum grauissimis peccatis meis te offendere, te contritare. O vtinam ea nunquam commissem, non corde, non ore, non opere.

O amabilissime D E V S! amore tui solius odi, execror, & abominor omnia peccata mea etiam venialissima. Doleo de omnibus cogitationibus, quæcunq; his diebus fuerunt otiosæ, yanæ, superbæ, impuræ, iracundæ, temerariæ, fraudulentæ, inuidiosæ, & suspiciosæ. Retracto omnia verba, quæcunq; fuerunt inconsiderata, otiosa, inuercunda, superba, impudica, mor-

ca, mordacia, detractoria, iracunda, simulata, adulatoria, vana, & affectata. Abominor omnia opera mea vana, ad finem malum directa, inordinata, immunda, perfuntoria, acediosa, simulata.

Detestor omnia peccata, omnes malitias & irreuerentias totius mundi, præcipue hâc hebdomadâ commissas, & vtinam tali affectu, tali voluntate, quâ tu ipse eas abominaris, & vtinam dolor meus tantus esset, quantum tu esse desideras.

Omnia peccata mea & totius mundi demergo in abyssum misericordiæ tuæ, demergo in cruenta vulnæ tua, depono in balneo sanguinis tui MI I E S V.

In supplicationem amoris & laudis, quam tibi vt debui, non impendi, offero tibi Domine & innouo omnia obsequia justorum, omnes deuotiones, jejunia, vigilias: omnem pænitentiam, mortificationem, & austерitatem Religiosorum: omnia vota, omnes cultus, adorationes, & omnia SS. Missæ Sacrificia ac demuni, si quæ facta sunt Martyria. Offero tibi incendia amoris omnium Angelorum, omnes laudes Sanctorum totius triumphantis Ecclesiæ. Hæc omnia quasi mea esent dono tibi & offero.

Suppleo omnes defectus meos sanguine, Domini mei, meritis Beatissimæ, & Sanctorum omnium.

CAPVT III.

Diarium Viatoris.

sive actionum per diem ordinatio.

1. **M**Emineris semper & ubiq; DE VM te cum cælesti curia intueri: Angelum & Dæmonem te tuaq; omnia diligentissimè obseruare.

2. Considera, quænam agenda hodie, quid status, vocatio exigat; perinde, quasi in stadio curreres opera tua omnia, ac passus dirige ad metam, id est ad DEI gloriam corde ardenti.

3. Sæpius ex te percunctare: Quo pergis anima mea? quid intendis studijs, cogitationibus, & occupationibus tuis? ad quem finem tendis?

4. Uttere tempore velut re omnium pretiosissima, & particula boni diei non te prætereat. *Volat sapientia verbum irreuccabile* (inquit S. Bern.) *Colat tempus irremeabile*, nec aduertit inspiens, quid amittat, libertabulari, libertati, dicit, donec hora prætereat. *O donec prætereat hora, quam tibi ad agendam penitentiam, ad obstinendam veniam, ad acquirendam gratiam, ad promerendam gloriam miseratio Conditoris indulget!* donec transjeat tempus, quo debueras properare ad Angelicam societatem, suspirare ad amissam hereditatem, flere admissam iniquitatem.

5. In omnibus actionibus, locutionibus, & cogi-

CHRISTIANVS.

49

cogitationibus dic tibi, monet Mellifl. Doct: Im-
nē ageres, si hanc leires pro certo nouissimam horam.
Et Doctor Angel. op. 62. diligentiam apponere
debemus, s̄t singula opera nostra, & Salus nostra, &
omnis laus D E I, & Uniuersitatis utilitas quasi ex
uno opere dependeat: quasi nunquam ad id opus
reuerluri, neq; aliud postmodum facturi.

6. In omnibus op̄ib⁹ suis præcellens e-
sto: dum oras benē ora, dum confiteris, cantas,
laboras, fac singula, quā potes perfectione maxi-
mā, quia D E V S non est remunerator verbo-
rum sed aduerbiorum. Imo omnia opera tua ita
fac, acsi jam tibi sepulchrum foderetur.

7. In progresu cujusuis etiam minimi ope-
ris & colloquij s̄pē cor tuum ad D E V M e-
leua, vt inspicias, an illud ei placeat.

8. Ut verō semper collectus in D E O esse
valeas, orationibus, quas iaculatorias nuncu-
pant, frequentissimè per diem vtere.

9. Quotiescunq; Domini D E I obliuiscer-
is, ita vt magna pars transierit temporis, sine in-
teriori ad eum motu & conuersione, ingemisce,
ac pugnis percute pectus tuum, cum ille debeat
solus esse unicus dilect⁹, & amor tuustotus, nec
vnquam ille tui obliuiscatur.

10. Sæpius per diem Sanctos velut præsen-
tes inuoca maxime Virginem Beatissimam; &
SS. Patronos tuos cum Angelo custode viæ
duce & conite.

11. Si lapsus fueris in via, mox contritione
resurge & amore in D E V M.

12. Ut omnes actiones & opera tua gratio-
ra fiant

ra fiant D E O, demerge & depone illa s̄epius
in vulneribus I E S V, asperge illa sanguine
cordis I E S V, offer per manus Beatissimæ, o-
peribus & meritis Sanctorum vnias.

13. Dom aliqua occurrit occasio peccandi,
protestate exnunc, quod malis mori, malis in-
ipsum infernum descendere, quam D E V M tu-
um, summum & infinitum bonum vel minimo
peccato delibero offendere.

14. Sæpius per diem excita in te desiderium
corde ardenti videndi D E V M in cælo, illum
cum Sanctis amandi & laudandi.

15. Dum in mentem occurrunt tibi pecca-
ta tua ante commissa, exnunc illa detestare tan-
quam rem summè detestabilem, exosam, ex-
erandam; atq; corde contrito dolens ejula, quia
peccatis tuis amore tuum I E S V M tam grā-
viter toties offendisti.

16. Deinde omnibus modis, quibus potes,
te vilifica, te nihil reputando esse, sed credas o-
mnes homines esse bonos, & meliores te, ma-
gisq; placere D E O.

17. Ante omnia vero, semper primò mane
per Actum Intentionis, omnes cogitationes, ver-
ba & actiones illius diei etiam indifferentes, ad
D E I gloriam dirige. Quia non in magnis so-
lū in actionibus Amoris diuini magnitudo reperi-
tur; etiam in paruis, humilibus, & secretis exti-
stis. Amor inaurat & amplificat omnia. Et
I E S V S laudibus extollit viduam illam, quæ
duo æris minuta contulit, & silentio prætent
Salomonem, qui plus quam bis mille millions

auri

auri ad templi structuram contribuerat. Totum tempus huius vitæ nobis concessum est ad merendum præmium æternum, ne igitur sine merito vel initans tibi elabatur, ipsa cibi potusq; sumptio, & omne aliud opus coram D E O meritorium erit, si S. Paulum monentem audieris I. Cor. 10. *Sive manducatis, sive bibitis, sive aliud quid facitis, omnia in gloriam DEI facite.* Curandum ergo tibi, ne vnquam opera tua regat calus, sed ratio. Sunt enim aliqua opera quæ de se non sunt meritoria, neq; demeritoria, si tamen altiori intentione eleuentur, evadunt meritoria.

Actus Matutini.

In IESVM & MARIA M primos oculos somno euoluto Viator aperiat, ac si presentes, & suo lecto adstantes conficeret: proinde prima quasi sit respiratio: I E S V &

MARIA: Deinde paulo sibi factus presentior dicat:

O I E S V, & M A R I A, mei dulcissimi amores dono vobis cor & animam meam: totus sim vester, nullus meus in æternum. O I E S V candor lucis æternæ, D E V S, D E V S meus ad te de luce vigilo. Anima mea desideravit te in nocte. Paratum cor meum D E V S, paratum cor meum. O Domine, quia ego ser-

uus

uus tuus, ego Seruus tuus, & mancipium au-
cillæ tuæ MARIÆ.

*Electulo surgens, seg̃ muniens signo
s. Crucis dicat.*

In Nomine Patris, & Filij, &
Spiritus Sancti.

Benedicta sit Sancta Trinitas, atq; indiuisa vni-
tas, Pater, & Filius, & Spiritus Sanctus, con-
fitebimur ei, quia fecit nobiscum misericordiam
suam.

Benedictus sit D E V S Pater qui me creauit
& conseruat, vnigenitusq; D E I Filius qui me
redemit, Sanctus quoq; Spiritus, qui vocauit me.

Adoro, laudo, & saluto te dulcissimum &
vernans cor I E S V Christi, & ex totis viribus
cordis mei ago tibi gratias, quod me hac nocte
custodieris, D E Oq; Patri pro me laudes & gra-
tiarum actiones persolueris.

Immortales etiam vobis gratias ago SS.
Virgo M A R I A, SS. Angeli & Patroni mei
pro speciali tutela mihi & omnibus in toto
mundo hominibus hac nocte exhibita: benedi-
cant & collaudent vos omnes omnium anheliti-
bus & respiria, psallat cor nostrum vobis gratia-
rum canticum, vt semper, præsertim in agone
nostro à vobis adjuuari mereamur.

Dum

Dum surgis, aduerte num Diabolus te
somno aliquo lasciuo, aut motu quopiam sen-
suali ex tua occasione contaminare conatus
sit, quod si factum fuerit, amaritudinem
& dolorem assume dicendo.

O Domine iustitiae & D E V S Clementiae:
En de testabilis peccator omnia scelera & fæ-
tores peccatorum meorum in immensum ignem
amoris tui projicio: in sanguinolentis tuis vul-
neribus I E S V Crucifice ea abscondo: in a-
byssum misericordiarum ea immergo: veniam
da obsecro cunctis imperfectionibus meis, Do-
mine mi I E S V: ablue me pretioso Sanguine:
da, vt non amplius offendam te.

Insuper ex corde abominor non solum
mea, sed totius mundi hac nocte præcipue, com-
missa peccata. Vice cujusq; peccati offere tibi
mi Domine & innouare nunc vellem Seraphi-
cos ardores, ac omnes laudes in cœlis Beato-
rum, incessanter intensissimo affectu clamanti-
um: Sanctus, Sanctus, Sanctus Dominus D E-
V S Sabaoth.

Deinde petat benedictionem.

Benedic mihi hodie & quotidie Sancta & in-
diuina Trinitas. Benedic mihi ineffabilis
potentia Patris. Benedicte mihi manus, cor
dulcissimum cum Filio Virginis Matris. Bene-
dicat me virtus Spiritus Sancti.

Anima

Anima Virginis MARIÆ lucidissima illumina me. Corpus Virginis immaculatissimum custodi me. Lac Virginis nitidissimum MARIÆ pasce me. Fletus Virginis MARIÆ in passione Christi effusus confirma me. O Dulcissima Parens fons diuinæ pietatis & gratiæ intercede pro me. O Virgo Mater Misericordiæ impetra mihi, ut à Filio tuo præuisam hodie implere possim mensuram meritorum meorum: ut casto, ac humili corde & corpore Filio tuo & tibi in omnibus actionibus meis seruire & place-re valeam.

Sancte Michael Archangele, tuere nos in prælio ne pereamus in tremendo judicio. S. Gabriel, S. Raphael, omnes Sancti Angeli & Archangeli DEI succurrите mihi peccatori.

Rogo vos cunctas virtutes coelorum ut nullus inimicus mihi nocere possit, nec in via, nec in aqua, nec in igne, nec in domo, nec dormiendo, nec vigilando, nec aliquid aliud faciendo.

O Crux Christi adjuua me † o Crux Christi salua me † o Crux Christi † libera me † o pretiose Sanguis Christi ne permittas damnari & perire me, o Purpurea vulnera Christi absconde me.

O Sancti Sanctæq; DEI omnes Sancti, Innocentes, SS Patriarchæ & Prophetæ, SS. Apostoli, Martyres Confessores, Virgines. Sancti ad quorum Ecclesiam viuo. Sancti Angeli custodes status & officij mei. Sancti veteris testamenti orate pro me indignissimo peccatore.

Per merita Sanctorum Patronorum meorum,

per

per Crucem & pretiosum Sanguinem Saluatoris
mei I E S V Christi, per merita totius trium-
phantis & militantis Ecclesiæ; Sancte D E V S,
Sancte Fortis, Sancte & Immortalis miserere
mei. A subitanea & improuisa morte libera
me Domine: à peccandi occasione: à carnali-
bus desiderijs: à damnatione perpetua: à cor-
de obstinato & in peccatis obdurato: à Spiritu
superbiæ: ab omni prava intentione: ab appe-
titu terrenæ consolationis: ab appetitu volu-
ptatum temporalium: ab omni inani gloria:
ab amaritudine, ira, & indignatione: à delibe-
rato etiam veniali peccato libera me Domine.

Actus Intentionis.

O Ter magne D E V S! ex quo, per quem,
& in quo sunt omnia, proinde supremi ju-
re Dominij seruiunt tibi omnia: tu scis deli-
derium meum, & gemitus meus à te non est
absconditus. Sed quia præsentis vitæ necessita-
tes minus finunt mente in desinenter laudi-
bus tuis intendere, hinc tale tecum pactum mi-
Domine inire cupio.

Quoties hodie cælum suspexero: toties cor-
dialiter cupio videre & possidere te, dissolui &
requiescere in te, deficere à me & transforma-
ri in te: toties intensissimo affectu cum San-
ctis Seraphinis volo exclamare. Sanctus, San-
ctus, Sanctus Dominus D E V S Sabaoth. Ple-
ni sunt cæli & terra gloria tua.

Quoties de te cogitauero, dixerò, audierò:
toties

toties offero tibi vitam, passionem, & Sanginem D. N. I. Christi, Cor SS. Matris ipsius & Matris meæ. Incendia amoris omnium Angelorum. Cineres, tormenta, sanguinem omnium Martyrum. Suspiria, lachrymas, labores, affectus omnium Confessorum. Lilia, rosas, corda omnium SS. Virginum.

Quoties pectus percussero: toties amore tui detulor & abominor omnia peccata mea & aliorum commissa ab initio mundi. O si hodie committenda ybiq; impedire possem! ó si vix impetrare gratiam, ne te offendat.

Quoties librum, rosarium, vel quampiam rem in manus accepero: toties quicquid boni habent omnes bibliothecæ, omnes linguae, calami, cogitationes omnes, totum tibi offero: toties vellem tuos dulcis I E S V pedes amplecti, osculari, lambere.

Quoties signum Missæ vel elevationis SS. Hostiæ percepero: toties offero tibi omnia Missæ Sacrificia peracta, & ad finem mundi peragenda: toties omnes actus falsi cultus ab Ethnicis factos à malitia depuratos tibi offero.

Quoties imaginem alicuius Sancti vel Sanctæ videro: toties pro omnibus naturæ, gratiæ, & gloriæ donis Sanctorum, præcipue, quorum hodie dies annua ingressus in cælum agitur te laudo & benedico: toties vellem gloriam accidentalem Sanctis tuis, omnibus & iument anibabus purgatoriij impetrare.

Quoties ore vel corde dixero: Benedictus D E U S! toties supplex volo actus diuinæ laudis,

laudis
per te
geli,
tiona
In
mato
bus
simè
quet
nom
fern
calo

Trin
tent
rem
tui
rum
toti
ctio
um
frag
Per
cor
act
nae

O
om

laudis, amoris, & adorationis, quos poterant per totam æternitatem exercere Apostolæ An-geli, & animæ damnatorum, aliæq; creaturæ rationales possibles.

Insuper quoties cor meum, cor omnium animato-rum mouebitur: toties in omnibus cordi-bus replicari vellem & illis te amare intensissi-mè: quoties cadent guttæ roris vel pluuiæ, quoties cadent niues vel folia decidunt: toties nomine omnium cælestium, terrestrium, & in-fornorum projicio & prouoluo me ante te, in ca-lo, Eucharistia, ac vbiq; præsentem.

Et hæc omnia in vnione mutui amoris SS. Trinitatis, in vnione omnium altissimarum intentionum, ad gustum tibi dandum & ad majo-rem gloriam tuam. In protestationem supremi tui dominij, & nostræ subjectionis. In gratia-rum actionem pro omnibus beneficijs mihi & toti mundo præstitis & præstandis. Insatisfactionem pro omnibus peccatis meis. Ad solati-um viuorum præcipue N. & defunctorum suf-fragijs carentium, & pro quibus orare teneor. Per manus Beatissimæ Virginis MARIÆ, per cor tuum ô IESV, & in corde tuo deposita, ac tecum mi IESV, do, dono & offero Diui-nae Majestati.

Actus diuersarum virtutum.

O Mi DEVS! gratulor tibi & gaudeo cum tota Ecclesia de tua Diuinitate, gloria, de omnibus Excellentijs & perfectionibus tuis.

Adoro

Adoro ex profunda abyssō mei nihili, infinitam Majestatem, Sanctitatem, Bonitatem, Potentiam & Sapientiam. Adoro te Trinum & unum.

Adoro te benedictę I E S V in D E O Patre & Spiritu Sancto, verum D E V M & H o m i n e m. In immaculata Virgine Matre tua. In omnibus Angelis & Electis. In cælo & in terra. In speciebus venerabilis Sacramenti per totum orbem. Et in justis omnibus.

Adoro captum, flagellatum, desolatum, crucifixum. Atq; isto actu omnes alias adorationes, alias cultus, quibus haec tenus affectus es, & quibus affici te conueniebat, uno fasciculo comprehensos tibi offero & dedico.

Desidero Domine, ut ab omnibus creaturis rationalibus adoreris, lauderis, & glorificeris.

Amo te & amare desidero amore tuo, amore Mariano amore supplente amorem eorum, qui te non amant ut damnati & non creandi.

Accipio personam omnium hominum in quatuor mundi partibus viventium, præcipue vero illorum qui te non adorant sed blasphemant, & illorum nomine ante te procido, te adoro cultu latriæ, tibi genu flecto.

Doleo de omnibus peccatis meis, & totius mundi, quæ contra te D E V M meum, quomodoque; ynquam facta sunt, fiunt, fientque; eo affectu, quo Christus de illis doluit.

Pactum facio tecum, quod in æternum nullo peccato voluntario te offendere velim, ut dum à multis peccatoribus offenderis à me pacem habeas.

Pro

Pro omnibus & singulis beneficijs tuis mihi,
& omnibus alijs in vita & post vitam præstandis,
gratias ago, quantas possum, quantas debo, quan-
tas Christus pro suis obtulit & Beatissima Virgo.

Omnia bona opera omnium hominum & An-
gelorum, quæ tibi Domine vñquam placuerunt,
vel adhuc placebunt approbo & tibi offero ad
gustum tuum.

Quia mi D E V S ! mendicus sum ego & pau-
per, & nihil habeo quod possit tuam Majestatem
& dignitatem condecorare ; illam saltem voluntate
habeo & offero tibi, quod si ego haberem o-
mnia, quæ tu habes, omnibus vellem abdicare, &
tam liberaliter omnia tibi dare, vt tu posses dare
cuicunq; velles.

Pia Viatoris desideria, sive scin- tillæ ad flammarum diuini amoris concipiendam.

EMORIOR MI I E S V ! emorior quolibet mo-
mento desiderio millies ac millies plius a-
mandi, plius exardescendi, plius laudandi te, quia
tu es centrum cordis mei, tu vita, & omne bo-
num, sine quo nihil est bonum.

Quare autem o D E V S meus, cum tam a-
mabilis sis, & ita præceperis te amari dedisti no-
bis vnum cor & adhuc tam paruum?

Vtinam haberem latitudinem cordis, sicut a-
rena maris, sicut totus mundus, vt amare te pos-
sem latissime.

Vtinam millies millena millia talium cordi-
um haberem, quale fuit cor SS. Virginis: & o-
mnes omnium Beatorum virtutes unus posside-
rem, vt amarem & seruirem tibi D E O meo o-
mnibus illis cordibus, & exercitatione omnium
illarum virtutum.

O si cor meum ob tui amore in tot minu-
tas partes, quot sunt arenæ maris, quot sunt gut-
tae in aquis, quot atomi in àere, posset diuidi, &
quælibet pars amaret te amore infinito, & omni
possibili creato.

O si omnia corporis mei ossa forent lampades
aureæ, & sanguis omnis per venas & per
membra diffusus balsamum foret, & lampades ar-
derent, & balsamum consumeretur in tui solius
amorem & honorem, sicq; totus in holocaustum
tibi conflagrare possem.

O si & venæ meæ omnes & nerui vincula fo-
rent aurea, te cordi meo alligarem mi DEVS?
& nunquam amplius dimitterem.

O si tibi placeret D E O meo, etiam deside-
rarem vñiri tibi D E O meo, vñione personali
& Hypostaticâ, non propter meam excellentiam,
vt appetiit Lucifer, sed ideo purè, vt eo plus
diligerem te D E V M meum, nempè amore
infinito, & tibi adæquato, nec te amplius pos-
sem offendere.

O mihi si dares vel ad vnicam saltem horam
ardentissimum illum Seraphinorum amorem, vt
illo vehementissimo amoris igne succensus o-
mnes homines in tuo amore succendere possem.

Et heu! quād doleo quod tu dulcis amor
meus

meu
quò
ris, &
C
super
gatu
foliu
tum

A

E
lus &
ad t
pare
cùm
indig
quia
one
fanc

ties
Sera
de &
qui

meus à me non ameris! Eheu! quām doleo,
quod tu dulcis amor meus ab alijs ita contemna-
ris, & insuper offendaris.

Comptior tibi D E V S meus, amor meus,
super omni contumeliā & injuriā, quæ tibi irro-
gatur: & si praualerem, libentissimè tibi per-
soluerem omne damnum, in quo est detrimen-
tum honoris & amoris tui.

Actus varij pro oportunitate temporis & occasionis eliciendi.

Ante recitationem Officij Diuini.

ERUBESCO Domine! cogitans quis tu, & quis
sim ego! nempe audet vilis terræ vermicu-
lus & putris ranacula è palude sua prorepercere
ad thronum gloriae summi D E I! Ego nè com-
parebo coram te & loquar ad Dominum meum
cum sim puluis & cinis, immo quod grauius est
indignus, exosus, & ingratus peccator. Sed
quia me Domine tam amanter inuitas ad orati-
onem & colloquium tuum, cupio tale tecum
fancire pactum.

Quoties in oratione linguam mouebo: to-
ties veilem mihi dari linguas ardentissimorum
Seraphin ad benedicendum & laudandum te cor-
de & affectu Seraphico: toties pro omnibus
qui te ignorant vel blasphemant siue in terris

sue in inferno, ego clamo amoroſo affectu: Be-
neditus D E V S!

Quoties oculos aperiam & literam aspici-
am: toties desidero videre Chriftum Dominum
& Virginem Beatissimam: toties vellem inno-
vare affectus cujuscunq; orationis à quocunq;
Sanctorum in hac vel in altera vita tibi oblatæ
& offerendæ.

Quoties cor meum mouebitur, toties vel-
lem cor meum mutare cum tuo, vnaq; recitare
Officium, ut concessum S. Catharinæ Senensi: to-
ties vellem cum S. Francisco cordialiter dicere:
D E V S meus & omnia: toties desidero trans-
figi mihi cor cuspidé amoris cum S. Theresia.

Quoties respirabo: toties gaudeo ob amo-
rem quo te Electi tui æternum prosequentur,
& laudes quas tibi in perpetuum dicent: toties
desidero ut quælibet respiratio oris, sit ad te.
D E V M meum aspiratio cordis.

Quoties hoc nomen D E V S ore vel mente
pronuntiabo: volo ut sit idem, atq; si tunc uno
corde completerer amorem tui summum, ac si
tunc amarem te amore increato & omni possi-
bili creato.

Quoties me inclinabo: toties volo exhibe-
re illos dignissimos actus adorationis, quos Ma-
ter SS. exercuit erga Dominum I B S V M cum
alijs Sanctis in terris: toties omnes inclinationes,
gentilflexiones, & omnes venerantium gestus tibi
offerò.

Placeat ergo tibi D E V S meus hoc Sacrifi-
cium laudis, & benignè digneris acceptare has
preces,

CHRISTIANVS. 61

preces, non ut à me procedentes, sed à te inspi-
ratas, & sanguine Dómini nostri aspersas. Per
illas supplico tibi D E O meo, vt mihi condon-
nes peccatorum remissionem, dones augmen-
tum gratiæ & amoris tui. Esto propitius pro-
pinquis, amicis, & benefactoribus meis. Suc-
curre illis, qui se meis precibus commendaue-
runt, conuerte miseros peccatores ad te. Reuo-
ca Hæreticos & Schismaticos, illumina infideles
omnes te ignorantēs. Da animabus fidelium
defunctorum lucem & requiem sempiternam.

In ipsa recitatione Diuini Officij.

Consideret qui psallit, aut recitat, se offici-
um Angelorum obire, quorum in cælo per-
petuum est exercitium D E I laudes celebrare.
Sed ipsis exemplis melius demonstrari potest,
Officium diuinum esse Angelorum Officium.

S. Magdalena triginta annis ab hominum
consuetudine sejuncta, quotidie septies ab An-
gelis eleuabatur in altum, ad audiendas cælesti-
um Spirituum laudes & cum illis persoluendas.

S. Bernardus noster, in matutinis Choris vi-
dit Angelos, qui Fratrum orationes scribebant,
aliorum quidem auro, aliorum argento, nimi-
rum qui deuotè canebant aliorum aquâ videlicet
tepidorum.

S. Guduualdus Archiep. ambulans aliquando
per mare, cum preces in naui persoluturus in-
choasset more Ecclesiæ dicens: *D E V S in ad-
iutorium meum intende.* Angeli subjunxerunt:

*Domine ad adiunquandum me festina, & ita totum
Officium alternis vicibus cum Viro D E I per-
soluerunt. Surius 6. Jun.*

Vnde Thomas à Kemp. loquens ijs, qui in Choro preces absoluunt, sic dicebat: *Chorus est D E I E S S. Angelorum locus sacratus, sicut Angelii in Celo, sic ministri ordinati sunt in Choro.* Sic ergo sta in Choro, & canta inter Fratres, quasi in medio Angelorum stares ante Christum in dextera Patris residentem, vel ante Beatissimam Virginem, Filium suum infantem in gremio gestantem.

Contra verò quantum D E O displiceat negligentia in Diuino Officio, præceps quædam celeritas, absq; vlla ferè significatione reverentiae, patet è vita S. Ludgardi, vbi diuinitus innotuit, pestem, fuisse pñnam culpæ illius. Vnde quamprimum horæ Canonice cum reverentia sunt recitatæ; pestis cessauit. *Surius 16. Jun.*

Recentius est id quod memorie prodidit Nerbidius Canonice. Regul. S. Augustini, qui ait Gratianus Capuccino pio Nouitio in templo nocte intempesta D E V M oranti cælites in cultu splendidissimo conspectos dixisse: Dicas Guardiano, ut curet in Choro horas Canonicas lentiùs recitari. quia nihil in Ecclesia, post usum Sacramentorum, D E O gratius est, recitatione horarum Canonicularum.

Iacobus Cardin. Vitriacensis ait Sancto cuiquam usum Dæmonem in humeris onustum facco pleno syllabarum in horis canonice celeritati præcipiti omislagum.

Iusti-

Iustinum in extasim raptum Anno 1547.
 narrat è Bouerio Nebridius, peruenisse in Eccle-
 siam, cùm Religiosi matutinum Officium pera-
 gerent. Sperabat se auditurum concentum An-
 gelorum; sed ecce nihil aliud percipere potu-
 it, quām horrendos latratus canum, grunitus por-
 corum, mugitus boum, & verba blasphemie.
 Mirabatur! Et vox ad eum. Illorum Religio-
 sorum preces, qui eas negligenter persoluunt,
 qui Regulam negligunt, aliosq; rectè viuentes
 impediunt, nihil aliud esse, quām voces bellua-
 rum.

Post Diuinum Officium.

Orationem sequentem deuotè recitan-
tibus Leo X defectus in eo persoluendo
ex humana fragilitate contra-
cōs indulxit.

SAcrosanctæ & Individuæ Trinitati, Crucifixi
 Domini Nostri I E S V Christi Humanitati,
 Beatissimæ & Gloriosissimæ, semperq; Virginis
 M A R I Æ fecundæ integratæ, & omnium
 Sanctorum vniuersitati, sit sempiterna laus, ho-
 nor, virtus, & gloria ab omni creatura, nobisq;
 remissio omnium peccatorum, per infinita secu-
 la seculorum.

Beata viscera M A R I Æ Virginis, quæ por-
 tauerunt æterni Patris Filium, & beata vbera,
 quæ lactauerunt Christum Dominum.

Oratio, quam Christus Dominus B. Gertrudem docuit, post Horas recitanda.

Blos. Mon. c. 3.

O Bone I E S V propitius esto mihi peccatoris. Ego tepidum, distractum, & imperfectum seruitium meum commendō mellifluo cordi tuo emendandum, & perficiendum, tibiq; ipsum offero, in vniōne illius attentissimæ orationis, quā tu Patrem orasti & laudasti in terris. Responde quæſo ſatisfac, & ſupple pro me pleniffimè.

O Pijſima Mater ſupple hoc imperfectum obsequiuin meum apud dilectum Filium tuum, Monſtrate eſſe Matrem.

O pijſime I E S V, fuiſce hoc idem de manu SS. Matris tuæ, vnitumq; tuis ac ejusdem, omniumq; Sanctorum meritis offer æterno Patri.

S. Gertrudis ora pro me. Offer preces meas cordi I E S V, à quo has didicisti.

Affectus post Horas Canonicas vel alias priuatas. Orationes eliciendi.

O Pater misericordiarum! ſcio & verè cognosco, quòd me peccatorem miserum magis deceret coram te jacere prolitratum, & cum fletu, gemitu, ac rugitu peccatorum meorum, veniam postulare, quām te ore polluto laudare,

Igno-

3. Ger-
nda.

peccato-
imperfe-
tuo cor-
tibiq;
orā ora-
a terris;
ne ple-
ctum
tuum.

de ma-
demus,
æterno
es meas

alias

rē co-
n ma-
cum
orum,
udare,
no-

Ignosce Domine, ignosce pie Saluator, igno-
sc & miserere. Noli me tanquam temerarium
reprobare, quod audeam Seruus valde malus te
omnipotentem D E V M terribilem, ac nimis
tremendum, sine cordis contritione & lachry-
marum fonte, sine reverentia & tremore laudare.

Vtiq; Domine Angeli te Dominum suum
adorantes & laudantes tremunt mirâ exultatione
repleti: ego peccator dum tibi assisto, laudes
dico, peccatorum veniam postulo; cur non cor-
de paueo, vultu palleo, labijs tremo, toto cor-
pore inhorresco, sicq; obortis lachrymis coram
te indesinenter lugeo. Volo sed non valeo! O
amor vim patior! tu responde pro me, quia ne-
scio, quid dicam D E O vitæ meæ.

Et quia mi Domine, non est speciosa laus in
ore peccatoris. Laudet te pro me Domine D E-
V S tua æterna Deitas, immensa Majestas, infi-
nita bonitas. Laudet te pro me tua altissima
Sapientia, tua latissima misericordia, tua profun-
dissima justitia.

Tibi Domine D E V S meus jubilet & be-
nedicat Humanitas I. C. Sanctissima ejus vita,
diuinissimæ ejus virtutes, pretiosus ipsius San-
guis & lachrymæ, dirissima ejus vulnera & liuo-
res, cor illius apertum.

Iubilet tibi pro me Mater gloriofissima Filij
tui, tabernaculum admirabile gloriæ tuæ.

Tibi Domine D E V S meus cantet & jubi-
let SS. Mater Ecclesia, te honorent omnes Psal-
mi & preces, omnes ejus affectus, & amores, o-
mnia.

66 VIATOR

mnia ejus vota & desideria, quibus ad te gemit
in hac lachrymarum valle.

Iubilent tibi pro me omnes Sancti Angeli.
Omnes Sancti & Sanctæ, omnis Electorum
tuorum exercitus.

Iubilent tibi pro me & laudent te omnes crea-
turae, quæcunq; cæli, terræ & abyssi ambitu
continentur.

Benedictum sit in omni loco totius vni-
uersi nomen tuum Domine, quod est Sanctum,
& laudabile & gloriosum in secula.

Iubilent etiam tibi & gratias agant cor me-
um & anima mea, tibi seruant omnes corporis
& animæ meæ vires: tibi jubilent omnes ner-
ui & arteriæ meæ, omnia ossa & carnes meæ,
omnis intellectus, memoria & voluntas mea.

Nunquid enim Domine ideo te non laudabo,
quia me indignum & immundum esse agnosco?

Nonne & vermes & ranæ immundæ co-
xitantes in paludibus suis te suum creatorem
laudare cupiunt, prout sciunt & possunt?

O Domine amoris! quamdiu halitus erit
in ore meo, benedicam te Dominum meum in
omni tempore, semper laus tua in ore meo.
Lingua etiam deficiente omnis respiratio mea
sit laudis significatio. Corpore vero extinto
& in puluerem redacto laudes tibi infinitas di-
cant minutissima quæq; pulueris grana usq; ad
extremum judicij diem.

Actus ante Meditationem.

O DEVS Omnipotens, adorande, calende,
tremen.

tremende, ante cujus conspectum omnis Beatorum exercitus cum summa reuerentia & tremore procidit, teq; jugiter adorat, reueretur, te contemplatur: quomodo & ego vermis immun-dus, canis mortuus, cadauer putridum, ego ingratis-simus & infidelissimus peccator, non tan-tum coram te assistere, & nomen tuum laudare, sed ad tuæ diuinitatis contemplationem, fruitio-nem, & vniōnem aspirare audebo?

O Domine! quia tanta tua est dignatio, vt vélis & gratum habeas à me adorari, & mecum colloqui, ideo ingredere in solitudinis meæ re-quietum, & concede, vt hic secus pedes tuos cum Sancta amante tua Magdalena, discam modum-ac rationem, quā vni necessario sollicitè vaccem, atq; vnicè intendam.

Excita me Domine ab omni negligentia & sensuum euagatione. Da vt in meditatione mea exardescat ignis. O si vt ferrum igni, ita & ego vniār tibi amori meo. O si vel ad vnicum mo-mentum transferar in te, absorbearq; à te D E O meo.

At quomodo seruus tam inutilis inueniet gratiam in conspectu tuo? Respice ô Pater in-faciem Christi tui, in quo tibi bene complacuit: in cujus nomine supplex rogo, vt clementer exaudias me.

Vt felicius tibi succedat Meditatio.

In primis imaginare quasi cælum apertum, & puta te videre D E V M Patrem ibi Angelis circum-

circumdatum, teq; considerantem, quidnam age-
re velis. Roga eum, ut auream sagittam aduer-
sum te dirigat, quâ cor tuum Sancto amore suo
vulneret.

2. Puta te videre D E V M Filium cum vul-
nerum suorum cicatricibus mirificè radiantibus;
deprecare eum, ut tuo pectori immitat guttam.
Sanguinis sui, quâ cor tuum veluti viuo igne suc-
censum in amore Diuino incalescat.

3. Imaginare te contemplari Spiritum San-
ctum sole longè splendidiores, roga eum, ut
ad te candidam gratiæ suæ columbam demittat,
& inflammet cor tuum.

4. Finge te à latere obtueri Virginem Bea-
tam stellis coronatam, ei cor tuum præsenta, ut
ipsa Filio suo offerat.

5. Imaginare deniq; te cernere innumeras Be-
atorum Spiritum phalanges, qui ei mysterio,
quod contemplaturus es, assistent. Tu vero
postea perge ad pedes I E S V assumpta simili-
tudine vel serui ingrati, vel præditoris, vel exi-
lio damnati. &c.

Post Meditationem.

Te D E V M laudamus, vel Collectæ consuetæ
cum versibus recitentur.

In ingressu Ecclesie.

Ergone credibile est, quod verè D E V S ha-
bitet super terram? si cælum & cæli cælo-
rum

rūm te capere non possunt, quantō minus hæc
domus?

Domine in multitudine misericordiæ tuæ,
introibo in domum tuam, adorabo ad templum
Sanctum tuum, & confitebor nomini tuo.

Omnis Sancti & Sanctæ D E I, quorum re-
liquiæ & imagines hic sunt, saluto & veneror
vos, intercedite obsecro pro me.

Saluete omnes Christi fideles animæ: de-
vobis requiem ille qui est vera requies, I E S V S
Christus Filius D E I viui, ille benedicat vos,
& à pœnis liberet, faciatq; resurgere in die judi-
cij, Angelisq; suis sociati.

Visitando SS. Sacramentum.

Coram te ô Sanctissimum SACRAMEN-
TVM cum summa reverentia procido, &
cum omnibus Angelis & Archangelis, cum Thro-
nis & dominationibus, cumq; omni militia
caelstis exercitus hymnum gloriæ tuæ concino
dicens: Centies millies laudetur Sanctissimum
Altaris SACRAMENTVM.

Credo mi I E S V firmissime, quod sub his
speciebus tu Dominus meus & D E V S meus
continearis. Innouo & offero tibi omnes affe-
ctus & actus, adorationis, salutationis & recog-
nitionis hic elicitos & impensos. Et non tan-
tum hic sed in omnibus Ecclesijs per totum
mundum existentibus.

Gratias tibi Domine pro thesauris omnibus
bene-

beneficiorum, quos hic aliquando effudisti, effundes. Doleo de omnibus peccatis & irreuerentijs, quibus aliquando in hoc loco offensus es & offendere. Desidero ut laus & gloria tua hic permaneat vsq; ad tempora Antichristi.

O si accendere tibi possem cor meum tanquam lampadem, vt hinc ante te arderet continuo, & totum consumeretur! O si continuo affltere possem tibi DEO meo hic praesenti!

Quia mi Domine id praestare, non possum, faltem anticipatō, omnes affectus laudis, amoris, adorationis ab omnibus fidelibus hic tibi impendendos nunc approbo, tibi innouo, & repræfento.

Vos vero Sancti Angeli, SS. Patroni ad quorum Ecclesiam viuo, & in qua sepeliar, adorate, magnificate pro me istum Dominum meum, hic præsentem, omni modo, omni tempore, in æternum.

*Praxis offerendi Sacrificium Missæ,
cum Sacerdote celebrante.*

SVscipe Clementissime Pater hoc SS. Missæ Sacrificium à Sacerdote celebrandum in unione illius SS. Sacrificij quod Christus in ultima cæna ac demum in ara crucis tibi obtulit. Ecce in primis.

In gratulationem de infinitis thesauris gloriarum quo habes in te & à te.

In adorationem & amorem, quo in æternum cupio amare te propter te.

In

CHRISTIANVS.

71

In gratiarum actionem pro beneficijs omnibus quæ habeo, & quæ habent omnes creature à te.

In satisfactionem omnium peccatorum quibus vñquam offensus es.

In impetrationem gratiæ illius, quam mihi nunc & in vltimo puncto vitæ meæ maximè necessariam scis esse, vt veniam ad te.

In impetrationem gratiæ tuæ omnibus in horrendo mortalis peccati statu existentibus: omnibus in agone luctantibus, peregrinantibus, viduis, orphanis, benefactoribus.

In auxilium animarum purgatorij præcipue N. vt leuamen pñnarum consequantur.

Praxis Communionis Spiritualis.

¶ Ta est, Domine I E S V, indignissimus sum quia omnibus peccatoribus & ipsis damnatis deterior sum, indignus omni bono. & dignus omni malo. Sto tamen pauper & inops ad mensam magni Regis & amantissimi Patris mei, tuam Christe I E S V: & credo tibi ô æterna veritas quòd verè è summo cælorum ad verbum Sacerdotis, vt me visites, venire dignatus es; verumtamen conscientius infirmitatis meæ & peccatorum meorum, de quibus propter te vehementer doleo, non audeo Sacramentaliter susciper te, sed dico ex amore tui cum Centurione: Domine non sum dignus vt intres sub tectum meum; sed per os Sacerdotis veni amantissime

I E.

72. V I A T O R

I E S V in animam meam. Munda quæso illam
à malis omnia bus & imperfectionibus, orna bonis
& virtutibus.

Actus petitionis pro statu Ecclesie.

O Pater misericordiarum, respice in faciem
Christi tui, qui clamore valido & lachrymis
interpellat pro Sponsa sua Ecclesia, Matre no-
stra.

Eece mi Pater profusus ille corporis Sudor,
horrendæ capit is spinæ, calidi fontes oculo-
ruin, clavi manuum & pedum, liuores & vul-
nera, & vox sanguinis Fratris nostri I E S V
Christi clamat ad te de cruce.

Audi ô Pater! ad hujus suspiria & gemitus
moti sunt cœli; scissi sunt lapides, & tenerima
misericordia tuæ viscera non flectentur?

Protege & defende Pater Clementissime po-
pulum tuum, contra hostium ferociam. Ne tra-
das bestijs animas confitentes tibi, & animas
pauperum tuorum ne projicias in finem.

Custodi omnes Domine & conserua, qui te
sincero corde & ore confitentur, ne à falsis Pro-
phetis, qui veniunt in vestimentis ovium, intus
autem sunt lupi rapaces ieducantur. Coerce
potentiam illorum, machinationes detege, &
confilia aduersus Ecclesiam tuam disolle.

Da fidelibus tuis misericors Domine, vt in
pace & tranquillitate, ac vnione incessanter a-
memus, & laudemus te, vt doctrinam tuam a-
gnoscamus, teq; ad mortem usq; constanter se-
quamur,

Depre-

*Deprecatio pro felici successu Sacrae
Religionis.*

Domine D E V S Rex omnipotens, in ditio-
ne tua cuncta sunt posita, & non est, qui
possit resistere tuæ voluntati, si decreueris salua-
re & conseruare nos indignos seruulos mille ti-
bi votis ac desiderijs mancipatos. Tu fecisti
cælum & terram, & quicquid cæli ambitu con-
tinetur. Dominus omnium es, nec est qui re-
sistat Majestati tuæ. Et nunc Domine Rex
D E V S Patrum nostrorum miserere congrega-
tionis tuæ, quam possedisti ab initio.

Ne despicias Domine partem tuam, & hære-
ditatem tuam, quam tuo sanguine acquisuisti.
Exaudi deprecationem meam, & propitius esto
forti & funiculo tuo. Intende oculos pietatis
tuæ in omnes Religionis nostræ Fræsules & Pa-
stores, & fac eos super commissum sibi gregem
fideliter excubare.

Conuerte oculos tuos misericordes in omnes
Religiosos seruos tuos & Fratres nostros, quos
de hoc seculo nequam eripuisti, ad te benignè
traxisti, vt hæreditatem capiant salutis. Da il-
lis in virtute & vocatione profectum, & in cun-
ctis seruorem accende. Da vt viuentes per to-
tum mundum laudemus nomen tuum Domine,
& ne vnquam claudas ora te canentium Domi-
ne D E V S noster.

Postulatio gratiarum.

Si quidem bone I E S V, sine gratia tua nihil
boni

boni fieri potest, quocirca peto à te dona & auxilia ad meam & proximorum salutem procurandam necessaria. Peto auxilium gratia habitus Sanctificantis. Peto continuas gratias efficaces, excitantes, & cooperantes. Peto intensiores habitus virtutum, fidei, spei, charitatis, iustitiae, prudentiae, temperantiae, fortitudinis.

Largire dona & fructus Spiritus Sancti. Largire opera misericordiaz Spiritualis & Corporalis. Largire etiam gratias gratuitas ad salutem proximorum & amplificandam gloriam tuam. Tribue gratiam orationis mentalis & vocalis, examinis vtriusq;, frequentis recollectionis, silentij, intimae tecum vnionis, pietatis erga Virginem Beatissimam, cultus erga SS. Patronos.

Concede ut perfecte obseruentur Regulæ, & vota paupertatis, castitatis, obedientiae. Auge in me amorem vocationis, & da mihi Spiritum, statu, & aptitudinem ad omnia ejus munia peragenda. Da virtutes solidas, humilitatis, mortificationis heroicæ, & abnegationis in omnibus, sicut insatiabilem contemptus & injuriarum. Da ut nunquam te peccato mortali & veniali deliberato offendam. Da vitam plenam meritis, & tuo amore feruentem. Da perseverantiam in Religione, & felicem in optimo animæ meæ statu mortem.

Petitio breuior.

V. Confirmaboc D E V S quod operatus es in nobis.

R. A templo Sancto tuo quod est in Hierusalem.

ORA-

ORATIO,

DE VS qui nos à sœculi vanitate conuersos ad brauum supernæ vocationis accendis, pectoribus nostris purificandis illabere, & gratiam nobis, quā in te perseueremus infunde, ut protectionis tuæ muniti præsidij, quod te donante promisiimus impleamus. & nostræ Professionis executores effecti, ad ea, quæ perseverantibus in te promittere dignatus es, pertingamus. Per Christum Dominum nostrum.

*Actus ad Virginem Beatissimam &
Sanctos Patronos.*

Formula dedicandi se Beatissimæ Virgini.

Sancta MARIA Mater DEI & Virgo, Immaculata, Ego N. peccator vilissimus, undequaq; purissimo conspectu tuo indignissimus, impulsus desiderio tibi seruendi, ac fatus pietate tua singulari, coram benedicto Filio tuo, & curia cælesti vniuersa, dedico me tibi hodie in servum & mancipium tuum, eligoq; te in singularem meam Dominam, Matrem, & Aduocatam, & firmiter propono, me nunquam te derelictum, neq; contra te aliquid vñquam dicturum, sed semper tuum honorem defensurum.

Te itaq; Virgo Sacrosancta per Sanguinem vñigeniti Filij tui IESV Christi oro, vt me

inter alios Tibi deuotos in seruum perpetuum
admittere digneris, ad hisq; mihi in omnibus ne-
cessitatibus meis, & super omnia non me dese-
ras in hora mortis meæ.

*Christus proprio ore dictauit in Regula
Saluat. c. 5. has duas Orationes.*

OMnipotens sempiterne D E V S, qui pro no-
bis de Castissima Virgine nasci dignatus es, fac
nos quæsumus tibi casto corpore seruire & hu-
mili mente placere,

ORamus te piissima Virgo M A R I A, mun-
di Regina & Angelorum, ut eis, quos pur-
gatorius examinat ignis, impetres refrigerium
peccatoribus indulgentiam, justis in bono per-
seuerantiam nos quoq; fragiles ab instantibus
defende periculis. Per Christum Dominum
nostrum.

*Beatissima V. M. hæc dixit S. Brigittæ l. i.
eius Reuelat. c. 8. Sic laudare
debes me.*

Benedictus sis tu D E V S Creator omnium,
qui in uterum M A R I Æ Virginis descende-
re dignatus es.

Benedictus sis tu D E V S, qui cum M A-
R I A Virgine, esse sine grauamine voluisti, &
de ea immaculatam carnem, sine peccato sumere
dignatus es.

Bene-

CHRISTIANVS.

77

Benedictus sis tu D E V S, qui ad Virginem cum gaudio animæ ejus, sine peccato, de ea processisti.

Benedictus sis tu D E V S, qui M A R I A M Virginem Matrem tuam post Ascensionem tuam crebris consolationibus lætificasti, & per te ipsum eam confortando visitasti.

Benedictus sis tu D E V S, qui corpus & animam M A R I Æ Virginis Matris tuæ in cælum assumpsisti, & super omnes Angelos juxta Deitatem tuam honorificè collocasti, miserere mei propter preces ejus.

Deuota ad V. B. Commendatio.

M Emorare piissima & gloriofissima Virgo M A R I A Mater misericordiarum, & totius consolationis ; à seculo non esse auditum, quenquam ad tua præsidia currentem, tua implorantem auxilia, aut tua petentem suffragia à te Virgo M A R I A derelictum. Idcirco tali animatus fiduciâ, ad te Virgo Virginum, Regina cælorum & Domina Angelorum, ô M A R I A Mater Domini nostri I. C. confugio ; ad te Stella maris curro ; coram te miser gemens & tremens afflito.

Noli ô Domina mundi clementissimas aures tuæ pictatis obingratitudinem meam, ad clamorem meum claudere. Noli Mater omnium ab omni benignitate me excludere : sed benignè fac tecum propter nomen Sanctum tuum. Noli porta cæli ob sclera mea jugiter obserari, sed

reporta me ad portam gratiæ, à quâ ingratus exi-
ui, per quam tu mundo vitam & salutem repor-
taui.

Noli Regina gloriæ, ob tuæ celitudinis glo-
riam mei peccatoris obliuisci, sed memor esto
fragilitatis meæ, & adjuua me propter magnitu-
dinem gloriæ tuæ. Noli solitam pietatis tuæ
manum retrahere, sed tolle quod metuo, largire
quo careo, indulge quod offendō. Noli æterni
verbi Mater verba mea despicere, sed audi pro-
pitia, & exaudi me miserum ad te in hac lachry-
marum valle clamantem, nunc & semper, & in-
horâ mortis meæ. O clemens ô pia ô dulcis
Virgo MARIA.

Pro felici morte ad Beatissimam.

O Dulcissima IESV Mater, Virgo MARIA,
Patrona mea, visceribus misericordiæ ple-
na, succurre mihi misero peccatori, antequam
mors subitanea & improuisa superueniat, ne su-
bito & imparatus de hoc mundo transeam.

Ora pro me MARIA Virgo benedicta ob-
vnigeniti Filij tui D. N. I. C. passionem ac mor-
tem amarissimam, ut peccati detestatione, Diabo-
li & operum ejus abrenuntiatione, vera contriti-
one, pura & humili confessione, pænitentia &
satisfactione, dignâ DEI acceptione, & proximi-
mi dilectione, Filio tuo reconciliatus de hoc
mundo transeam.

Et fac mecum misericordiam tuam ô Beata
V. M. Mater D E I, in illa tremenda hora, quan-
do Spi-

do Sp
nequ
mer
voca
cum,
subu
meæ
Chri
men.

O
Sand
Virt
Serap
Om
SS. N
scop
Leu
SS.
& I
Et p
S. P
nedi
ce,
mit
tore
tibu
flag

do Spiritus vitales deficient, & mortua lingua se nequibit mouere ad inuocandum te; neq; oculi mei lucem capere poterunt, auresq; meæ nulli voce patescent. Memor esto ô M A R I A precum, quas nunc fundo ad aures tuæ pietatis, & subueni mihi in illa vltima hora necessitatis meæ, vt liberer à ministris Diaboli, collocer cum Christi Fidelibus, Filij tui seruis & amicis, Amen.

Ad SS. Angelos & SS. Patronos

OMnes Sancti Angeli & Archangeli. Omnes Sancti Throni & Dominationes. Omnes Sancti Principatus & Potestates. Omnes SS. Virtutes cælorum. Omnes SS. Cherubim & Seraphim. Omnes SS. Patriarchæ & Prophetæ. Omnes SS. Apostoli & Euangelistæ. Omnes SS. Martyres & Confessores. Omnes SS. Epi-scopi & Doctores. Omnes SS. Sacerdotes & Leuitæ. Omnes SS. Monachi & Eremitæ. Omnes SS. Virgines & Viduæ. Omnes SS. Conjugati & Innocentes. Omnes Sancti & Sanctæ D E L. Et præsertim S. Michael, S. Gabriel, S. Raphael, S. Petre, S. Paule, S. Ioannes, S. Andrea, S. Be-nedictæ, S. Bernarde, S. Augultine, S. Dominice, S. Francisce, S. Ignati, S. Antoni, S. Casimire, orate & intercedite pro me indigno pecca-tore. Vestrâ me tutelâ, vndiq; hostibus irruen-tibus vallate, vt non accedat ad me malum, & flagellum non appropinquet tabernaculo meo.

Venite in subsidium fortissimi Athletæ, vt auxilio vestro vltionem videam ex inimicis meis, & vobiscum in æternum laudem & glorificem Dominum D E V M nostrum in terra viuentium,
Amen.

Ad Angelum Custodem.

ANgelo D E I Sacratissime, mihi à D E O in custodiam deputate, gratias tibi ago pro omnibus beneficijs, quæ mihi in corpore & anima vñquam exhibuisti.

Laudo & glorifico te, quòd mihi miserrimam fideliter altare, atq; me contra omnes hostium insultus tueri dignaris.

Benedicta sit illa hora, quæ mihi in custodiam datus, & in defensorem atq; Patronum deputatus es.

Benedicta sit tua in me charitas omnisq; tua solicitudo, quæ salutem meam promouere non cessas.

In recompensationem omnium obsequiorum mihi à juventute exhibitorum, offero tibi nobilissimum Cor I E S V Christi : rogans mihi ignosci quòd toties Sanctis tuis inspirationibus renitendo te contristauerim : firmiter nunc propono tibi obedire, Deoq; meo fideliter servire.

*Ad S. Ioannem Euangelistam
pro conseruanda castitate.*

Ania. Ille est Ioannes, qui supra pectus in cœna re.

CHRISTIANVS. 81

na recubuit: Beatus Apostolus, cui reuelata sunt
Secreta cælestia. ¶ Hic est Discipulus. R.
Quem diligebat I E S V S.

O R A T I O .

Pectoris illius delicias & Diuinissimi cortis
dulcedinem, supra quod felicissimè decubni-
sti S. Ioannes, ad nos quoq; famulos tuos seti-
citer extende, vt abjectis mundi illecebris in pu-
ro Christi amore quiescamus. Per. &c.

Ad S. Iosephum.

Amen. Salve Patriarcharum decus, & Eccle-
sie Sanctæ D E I Oeconomus, qui panem
vitæ & frumentum Electorum conseruasti. ¶
Ora pro nobis castissime Ioseph, R. Ut digni
efficiamur. &c.

O R A T I O .

Virginum Custos & Pater S. Ioseph, cuius
fidi custodiae ipsa innocentia Christus i-
S V S & Virgo Virginum M A R I A in terris
commissa fuit; te per hoc vtrumq; charissimum
pignus tuum I E S U M & M A R I A M obse-
cro & obtestor, vt me ab omni inamunita præ-
seruat, mente intaminata puro corde & casto
corpo I E S V & M A R I Æ semper facias
castissimè famulari. Per. &c.

Votiva ad eundem Sanctum.

SAntissime Ioseph M A R I Æ Matris D E I
& Vir-

& Virginis Sponse periclitantium & agonisantium aduocate. Ego N. te hodie eoram I E S V & MARIA Sponsa tua in Dominum Patronum & Aduocatum pro tota vita mea & morte eligo, firmiterq; statuo ac propono, me nunquam te derelicturum, neq; contra te aliquid vñquam dicturum, neq; permisurum vt à meis subditis aliquid contra tuum honorem vñquam agatur.

Suscipe me ergo in seruum tuum, & me MARIÆ Sponsæ tuæ in perpetuam protectionem, & in æternas I E S V misericordias commenda; adsis mihi in omnibus actionibus meis, quas omnes offero in perpetuum, ad maiorem I E S V, MARIÆ, & tuam gloriam, nec me deseras in hora mortis; ad quam te nunc Sanctum Patronum inuito: vt tunc quod possibilitas mea non obtinet, tua mihi intercessione donetur per I E S V M D E V M animæ meæ.

Gratias tibi D E V S meus, pro omnidoноrum thesauro quem in I E S V M MARIAM & S. Iosephum effudisti.

Gratias tibi ago dulcissime I E S V & tibi SS. Virgo MARIÆ pro omni amore & benevolentia, ac honore, quo Sanctum Iosephum complexi es sis.

Gratias tibi SS. Ioseph pro omnibus laboribus & doloribus, quos pro I E S V & MARIA libentissimè sustinuisti.

Gratias vobis omnes Sancti & Sanctæ D E I, quæ peculiari studio I E S V M MARIAM IOSEPHVM coluistis: adeste mihi ves o mnes

omnes vna cum IESV, MARIA, IOSEPHO, semper, sed potissimum hinc migranti.

Per merita agni immaculati IESV Christi, ex quo est sons omnis puritatis, & per Immaculatam Conceptionem, SS. Virginitatem, & innocentissimam puritatem Beatæ semper Virginis Marris DEI MARIÆ, & intercessionem castissimi Sponsi ejus Iosephi emundetur, & immaculatum conseruetur Cor & Corpus meum.

In Nomine Patris, & Filij, & Spiritus Sancti.

Ad S. Antonium de Padua.

**Responsorium à S. Bonaventura
conscriptum.**

SI quærvis miracula, mors, error, calamitās, Dæmon, Lepra fugiunt. Ägri surgunt sani. Cedunt mare vincula, membra, resq; perditas petunt & accipiunt Ituenes & Cani. Pereunt pericula cœflat & necessitas: Narrent hi qui sentiunt, dicant Paduani. Cedunt mare, &c.

V. Ora pro nobis P. Antoni Prædicator egrégie. **R.** Ut interueniente tua gratia percipiamus cœlestis vitæ gaudia.

O R A T I O .

Clementissime Domine IESV Christe, qui Beatum Antonium Confessorem tuum perpetuis illuistras miraculorum splendoribus, cede.

cede propitiis, vt per ejus merita pacem Regni istius, & gratiam consequamur æternam.

Sanctissime famulé DEI Antoni, qui inter opera mirabilia, in quibus elucet, meritorum tuorum efficacia, ad conquirentias res perditas accurris, assit, & instruis, Quæsumus, nobis desperditam gratiam reperire certantibus benignè subueni, vt & illam amissam, & gloriā promissam percipere mereamur. Per Christum Dominum.

Ad S. Barbaram.

Henricus Koch ad Ossa usq; exustus
sequent Oratione meruit esse su-
perstes. Sur. 4. Dec.

O Sanctissima Virgo Barbara, quocunq;
Sponsi tui viribus potes, mihi in mortis articulo, obsecro, vt suppedites; adjuua me miserum, ne in peccatis moriar: effectum tunc habeat tua intercessione primitus à Christo tibi facta promissio, cum fidem ejus tuo Sanguine consecrare: Redeat in memoriam Sponso tuo Virginieus collo tuo exuberans Sanguis: recordetur ardentissimæ tuæ charitatis, nec animam meam à corpore exire permittas, nisi confessione expiatam, & SS. Eucharistiae Sacramento resestatam. Amen.

*Ad S. Patronum cuius nomen in
baptismate sortitus es.*

O Beatissime N. Patrone fidelissime, inuictissime

sime miles purpurati exercitus sublerno me tibi
in seruum perpetuum, commendo vitam & mor-
tem meam, maximè autem extremum Spiritum
meum.

Obsecro mi Patrone Sanctissime per amorem,
quo tam feruenter D E O adhæsisti, vt nunc li-
berari possim à cunctis malis animæ & corporis,
ac te duce & comite securior peruenire merear
ad vitam æternam.

O D E V S omnipotens & misericors, no-
men meum mellifluo nomini tuo digneris sub-
scribere in libro vitæ, & qui me famulum tuum
Sancti tui N. nomine voluisti gaudere, da vt in o-
mnibus tibi placitis ejus vestigijs insistam, & tan-
dem cum illo Beatissimam faciem tuam contem-
plari valeam.

*Modus honorandi quemcunq; Sancto-
rum in eius festivitate.*

O D E V S æterne infinitarum perfectionum
Author, adoro te creatura tua, vt supremum
rerum omnium Dominum, & principium omni-
um donorum, naturæ, gratiæ, & gloriæ, quibus
Sanctum N. in terra ornasti, & nunc ornas in
cælis.

Gratias tibi bone I E S V, gratias Sanguini
tuo, ex quo omnia Sancti hujus merita fluxe-
runt.

Gratias tibi ô Patrone fidelissime ob tuos
istos amores, quibus Diuinam Majestatem olim
in terris, & nunc amas in cælis. Gratias tuo be-
nedicto

benedicto cordi, gratias sanguini (si est Martyr)
quem effudisti.

Gratias ob tot exempla virtutum nobis reli-
cta, & beneficia multis per merita tua collata.

Benedicta sit B. V. MARIA, benedicti San-
cti Patroni & Angeli Custodes, quorum ope ad
hanc paradisi gloriam peruenisti.

Confundor & erubesco, quod vitijs meis sim
adeo tibi dissimilis, & præsertim tuæ puritati.

Recipio te in Patronum & Aduocatum me-
um, ac me tibi trado in seruum & clientem in-
vita & in morte.

O S. Patrone cæli Princeps per amorem I E-
S V & M A R I Æ impetra Ecclesiæ Sanctæ pa-
cem, omnium infidelium, Hæreticorum, ac pec-
catorum conuerzionem.

Offero tibi ô SS. Trinitas merita omnia SS.
Patroni mei ad gustum Diuinissimi cordis tui, &
gaudeo de omni amore & seruitio, quod exhi-
buit tibi fidelis iste Seruus tuus.

Offero preces omnes, quæ in ejus honorem
funduntur, ut ante Tribunal tuum Altissime D E-
V S præsententur, & per eas mihi beneficias.

Gratulor tibi ô S. Patrone, de omni honore
& cultu, quem in terra habes, & quem in regno
gloriæ consecutus es.

Actus Antemeridiani.

Memento Domine per viscera misericordiæ
tuæ, per merita Filij tui, per merita Bea-
tissimæ Virginis M A R I Æ ac omnium San-
ctorum

ctorum & Electorum tuorum in primis Ecclesiæ
Sponsæ tuæ: auge in ea fidei puritatem, & labo-
re virorum Apostolicorum dilata eam toto orbe
terrarum.

Da summo Pontifici nostro N. Spiritus San-
cti abundantiam, ut populo sibi commisso ver-
bo & exemplo præluceat. Intende oculos pie-
tatis tuæ in vniuersos Ecclesiæ Præsules & Pa-
rores, & fac eos super gregem sibi commissum fide-
liter excubare.

Adesto Párochis & Presbyteris, & omni Cle-
ro, vt nulli præbeant scandali occasionem, dili-
gant puritatem, & ea sequantur, quæ pacis sunt.

Esto propitius omnibus Religiosis, da illis
continuum in virtute profectum, votorumq; ac
regularum exactissimam obseruantiam. Da huic
domui honorum temporalium sufficientiam, &
Spiritu excita in Prælatis nostris, & in cunctis
feruorem accende.

Effunde miserationes tuas Domine Princeps
Regum terræ in omnes Reges, & Catholicos Prin-
cipes, eisq; tribue in obedientia fidei & Eccle-
siæ perseverantem famulatum, subditorum cu-
ram, justitiae Zelum, & obseruantiam mandato-
rum tuorum.

Da Virginibus continentiam & castitatem,
Conjugatis Sanctimoniam, pænitentibus indul-
gentiam, viduis & orphanis sustentationem,
peregrinantibus redditum, nauigantibus portum,
justis perseverantiam, bonis ut meliores fiant; te-
pidis ut feruescant, malis & peccatoribus, qualem
me dolens esse confiteor ut conuertantur.

Con.

Conserua cælum in salubritate, terram in fertilitate, mundum in prouidentia ex omni parte sufficienti.

Respice omnes ægrotos, tentatos, affictos, agonisantes, incarceratos, & in aliquo periculo, vel necessitate constitutos, da illis auxilium & consolationem, prout expedit ad gloriam tuam, & salutem illorum.

Miserere Domine omnium consanguineorum meorum, affinium, amicorum. Miserere inimicorum meorum, quos intimè amore tui diligó. Miserere omnium, quos ego scandalisau & offendí.

Respice etiam Clementissime Domine, Paganos, Turcas, Idololatras, Hæreticos, Schismaticos, Iudæos, & gentes omnes à fide alienas, collustra eas Domine veritatis tuæ splendore, ne pereant tot imagines tuæ, pro quibus pretiosus Filij tui Sanguis effusus est.

Memento demum Rex æterne, cui omnia viuunt, animarum omnium fidelium defunctorum, præcipue earum quæ suis carent suffragijs, & pro quibus orare teneor. Extingue earum ardorem optato rore misericordiæ tuæ, & cito purgas in conspectum tuum admitté.

Pro me ipso tandem infelicissimo peccatore Clementiam tuam humillimè imploro. Miserere mei secundum magnam misericordiam tuam, Dona mihi virtutes statui meo necessarias. Da terrena despícere & amare cælestia.

Actus Meridiani.

O Candor lucis æternæ Domine mi I E S V! O ignis qui dulciter ardes, secrètè luceſ, sua-uit̄r̄ odoras! quando? o quando nox ista sicut dies illuminabitur, in qua tuo in lumine videbo lumen tuum?

O quando veniet dies illa, cui nox non suc-cedit, quæ temporum vices nescit, sed semper lu-cet & diest!

Quando mi tuiuissime I E S V flammis tuæ immensæ charitatis transflammatuſ ego Te ſo-lo & Te ſolum ardere incipiam? quando arde-scet pigrum frigus meum igne tuo, & accenſus in te paruuſ erit mihi omnis amor, quo creatura quæuis diligit te? quando mi I E S V vitali a-moris tui motte moriat, & in igne tuo conſum-ptuſ fauileſcam, abibōq; in cineres dilectionis tui?

O Domine! quādo ero tuū totus & tu-meus! quando ſuſpensus de tē, deficiam à me & trañſibo in te? quando in loco tabernaculi admirabilis reficiar in admiratione gloriae tuæ? quando gustabo & videbo quām ſuavis ſis Domi-ne I E S V?

Quanti mercenarij abundant in domo Pattiſ mei panibus, & ego hic fame peteo! o ſi citius poſtem ſurgere & ire ad Patrem meum. Quamuis verò ille panis non ſit dandus canibus, quo-rum uňum me meum facit peccatum, attamen & catelli edunt de micis, quæ cadunt de mensa Dōminorum ſuorum.

90 VIATOR

O D E V S cordis mei ! quemadmodum
desiderat Ceruus ad fontes aquarum, ita deside-
rat anima mea ad te fontem viuum.

Quis indicabit mihi, quām diligit anima-
mea, vbi cubet in illo meridie, vbi pascat ? &
quando requiescam in meridie illo : meridie ju-
cunditatis & lætitiae ? O meridies præclarus &
pulcher nesciens vesperum, non habens occasum,

Veni suspirata quies amantis animæ meæ,
vt nulli mihi dies, nullæ noctes eant sine te,
nullus mihi somnus, nulla requies sine te : te
solum esuriam & sitiam, qui pasceris inter li-
lia mi Iesu suauissime.

Actus Pomeridiani.

O Bonitas ! ô misericordia mea, Deus meus !
quid retribuam tibi pro omnibus, quæ
tribuisti mihi ? en vilissimus terræ vermiculus
immensas tibi gratias ago.

Quia ex æternitate vidisti & dilexisti me
(vt de tua misericordia spero) me ad gloriam
tuam efficaciter elegisti, & per conuenientia-
media ad eam prædestinasti.

Quia per Creationem me ex nihilo condi-
disti, ad tuam imaginem & similitudinem fecisti,
& innumeris donis in anima & corpore ditasti.

Quia me & omnia propter me tam longa
duratione conseruas, sine cuius actuali con-
cursu in nihilum rediremus, nec possemus uno
momento subsistere.

Quia me pretioso vulnerum tuorum sanguine re-

ne redemisti & per merita ac passiones tuas à
seruitute Diaboli liberasti.

Quia me cum paucis respectu multorum ad
Ecclesiam tuam, & ad tui cognitionem & ob-
sequium vocasti.

Quia me cum paucissimis ad statum Reli-
giosum, & ad hunc amabilissimum, quem pro-
fiteor, misericorditer adduxisti.

Quia Sacrementis, inspirationibus, Sancto-
rum exemplis, spiritualibus libris, & alijs plu-
rimis medijs ad bonam Vitam adjuvisti, & ad-
iuuare non cessas.

Quia me ab innumerabilibus periculis per-
dendi gratiam liberasti, & liberare non desis.

Quia plurimis donis tum internis, tum ex-
ternis, tum naturæ, tum gratiæ ditalsti.

Quia mihi (vt spero) ab æterno certum,
secundum tuam prædestinationem, gradum,
gloriæ efficaciter præparasti.

Quia me hodie ad orationem & tui col-
loquium admisiſli (pretioso corpore & san-
guine satiati) & per totam vitam infinitis alijs
beneficijs, ac postea per totam æternitatem
afficies.

Insuper gratias tibi Domine, quia cuiusvis
benignè prouides corpori & animæ, & das
escam omnibus in tempore oportuno. Neq;
tantum hominibus, sed & iumentis d's escam
ipserum, & pullis coruorum inuocantibus te.
Ergo pro omnibus & in omnibus sis benedi-
ctus in æternum.

Actus Anteuerpertini.

O Æterne Deus! principium sine fine! scio & verè cognoscō, quia corpus meum in dies ruinam minatur, mors semp̄ insidiatur, & mox post lucem in tenebris eternam lectulum meum, ideo dum claudentur oculi mei, lingua etiam mea, & cor meum in tuis deficient laudibus. Proinde mi D E V S! quia tē vitam meam, Centrum cordis mei, vnicum animæ meæ delicium, in sepulchro dormiens & putrescens, non amplius laudare & amare potero. Ideo omnia bona opera, post exitum meum ē vita hac vsq; ad tempora Antichristi tibi in toto mundo impendenda, nunc offero, dono, & dedico.

Præcipue offero tibi mi D E V S omnium Sanctorum Angelorum ac hominum laudes Tui, adorationes, amores, & omnes actus bonos, Tibi siue in Via, siue in Patria exhibendos.

Offero omnium Electorum tuorum persecutio[n]es, dolores, mortificationes, & omnia Martyria. Omnia demum Sacrificia in toto orbe celebranda.

Omnia quæ fecimus aut facere debuissimus omnes creaturæ: omnia corda alijs malis affectibus impedita & occupata, & omnia obsequia, quibus dignus es, acsi reuera omnia Sanctissime erga te facta fuissent.

Insuper dilecte I E S V hoc adjicio desiderans corde affectuoso, vt quando corpus meum fuerit in pulueres minutissimos redactum, & la-

pide

pide clausum, vt videlicet de qualibet particula
minutissima vox amena laudis, & intensissimi
amoris tui exurgat; quæ durissimum lapidem
penetrans cælorum altitudinem transcendat, &
vsq; ad extremum judicij diem viuæ laudis præ-
conium extollat: donec in resurrectione beata
corpus & anima pariter vinta in tuæ laudis glo-
rificatione copulentur.

Actus euntis Dormitum.

Credo Domine, quicquid de te credit S. Ro-
mana Ecclesia, & quicquid illa damnat ego
damno & anathematizo, imo pro hac fide sum
paratus ac opto mori,

Spero Domine etiam si vilis, indignus, & ab-
iectus homuncio in abyso misericordiarum tua-
rum, & in Sanguine tuo cum tanta charitate pro
me effuso, quia me saluum facies, & in carne
mea videbo te D E V M Saluatorem meum.

Amo te o D E V S cordis mei, & amare
volo in æternum. Et quia parum amo te, eum
amorem quo anima Christi, beatissima Virgo, &
omnes Sancti te amarunt, imo infinitum, quo te
ipsum amas, tibi offero. & si possem omni illo
amore velleni te amare in perpetuum.

Laudo & approbo omnia bona opera facta
in toto mundo, & deinceps ad finem mundi fa-
cienda, & si possem, ea millies nunc vellem
multiplicare ad gloriam tuam.

Gratis tibi Domine pro beneficijs proprijs,
pro beneficijs communibus, gratias tibi pro be-
neficijs

neficijs cuicunq; quantumuis irrationali creaturae hodie concessis.

Doleo mi I E S V, quod te summum bonum, bonum infinitum, bonum amabilissimum toties hodie & tam grauiter offenderim, & doleo ex corde, non propter amissionem celi, aut metum inferni, sed ob amorem tui solius.

Detestor simul & abominor peccata totius mundi hodie praecipue commissa Opto ex animo ut compensari aliquatenus meo sanguine possent.

Protestor coram te Domine, quod millies potius impendere eligam vitam, quam post hac vlli peccato etiam veniali consentiam. Hucusq; sit terminus delictorum meorum, & non ultra in eternum.

Parco Domine omnibus qui me aliquâ molestiâ in vita affecerunt, & eos propter te sincere amo.

Offero me ad omnem nutum diuinæ voluntatis tuæ. Visnè bone I E S V vt hac nocte moriar? lubens moriar. Offero me & ad omnia mala pœna toleranda, etiam ad istas infernales pœnas, renuncians judicio, voluntati, amori meo proprio.

Et quia vitæ & salutis incertus velut Sepulchrum ingredior somnum capturus, voueo (si est Religiosus,) coram tota Curia cœlesti, Pauperatatem, Castitatem, & obedientiam.

Omnia quæ feci, aut facere debui substerno pedibus I E S V. Et quia non impleui meniam meritorum meorum, quam hodie implere debui,

debui,
Domin
gutta

Sacra
Efferi
tra mo
min

P Er
lib
Procu
ta: ho
tur con

D i
custod
magna

P a
tus Sa
& titu
Iudæ
dia SS
Etoru

O
hac n
requie
V M
uiflsm

S
etiam
Christi

debui, inuestio me superexcessio Sanguine
Domini I E S V, quia quod potuit Sanguinis
gutta redemit vnda.

Sacratissima I E S V E M A R I A nomina
efferi ante somnum, digito in fronte efformare con-
tra mortem repentinam docuit ipse Christus De-
minus S. Edmundum Cantuar. Archiep. Tu
similizerfac.

PER signum + Sanctæ Crucis de inimicis meis
libera me D E V S noster (Hoc ter dicat)
Procul recedant somnia & noctium phantasma-
ta: hostemq; nostrum comprime, ne polluan-
tur corpora.

Dignare Domine nocte ista sine peccato nos
custodire Miserere mei. D E V S secundum
magnam misericordiam tuam.

Pax Domini Noitri, I E S V Christi & Vir-
tus Sacratissimæ Passionis eius, signum S. Crucis
& titulus triumphalis I E S V S Nazarenus Rex
Iudæorum. Integritas quoq; B. M. V. Custo-
dia SS. Angelorum & Suffragia omnium Ele-
ctorum sint inter me & omnes inimicos meos.

O Cor I E S V dulcissimum tibi commendo.
hac nocte Cor & Corpus meum, vt in te dulciter
requiescat. Et quoniam ego obdormitus D E-
V M laudare nequeo, hoc, tuum mi I E S V sua-
uissimum Cor pro me supplere dignetur.

Sancte Angele Custos SS. Patroni mei vos
etiam pro me assistite SS. Trinitati, Humanitatî
Christi Domini, & Beatissimæ Virgini Matri. SS.

Patroni al quorum Ecclesiam viuo assilitte SS;
Eucharistia, in persona vestri mancipij adorate,
laudate, benedicite, perpetuo & interrupte, D E.
V M, Humanitatem Christi Domini, Virginem
Beatissimam Dominam meam.

I E S V S Nazarenus Rex Iudeorum præ-
seruet me à subitanea morte. I E S V sis mihi
I E S V S Virgo M A R I A sis tecum in via.
Omnes Sancti & Sanctæ D E I intercedite pro
me. Nos cum prole pia benedicat Virgo M A-
R I A,

I E S V S M A R I A I O S E P H dono vo-
bis cor & animam nican.

Cum iam decumbis.

A Ntequam obdormiscas breuiter tecum reuoluere
poteris, quibus illi, qui infernalem regionem in-
tolunt, lecti videntur: quam etiam mollibus lectis
q, qui amara cœlestis paradiſi loca inhabitant, ac-
cubent. Postea imaginare te somnum capturum,
esse circumdatum ab Angelis, qui custodia tua inut-
gilent. Vel mente concipe te aliquando cum Christo
dormire in Stabulo vel in deserto: aut in carcere
Caipha, aut sub Cruce. Sic tibi nox sicut dies illu-
minabitur, & nox illuminatio tua erit in delicijs
tuis.

*Quando non potes capere Somnum
dic saltē corde:*

O Crux! ô Corona spinea! quam durum le-
ctulum præbuilis I E S V Saluatori meo!
In hoc

In hoc lectulo dormiam & requiescam in cogitatione animæ meæ.

O IESV! quid erit de me, quando oportet sternere in tenebris lectulum meum? quando sternetur subter me tinea, & operimentum meum erunt vermes?

O Domine IESV! utinam feliciter obdormiam in fine amoris tui, & lux perpetua luceat mihi in lumine uiuentium, videntium & amantium te.

Peto mi IESV & desidero, ut cunctæ respirationes meæ, hac nocte, sint aspirationes, & actus ardentissimi amoris tui.

O si animus ad amoris lucernam vigil hæret dum somnum corpus capit, ita ut dicere possem eum sponsa: ego dormio & tu meum vigilat.

S. Gertrudis cum quodam tempore dormire non posset hanc Orationem à Christo didicit l. 3. c. 25.

Per tranquillissimam suavitatem, quâ ab æternō in Sion DEI Patri⁹ accubuisti: & per amænissimam paulationem in utero virginali, quâ nouem mensibus quieuisti: & per jucundissimam delectationem, quâ vñquam in amante aliqua anima dignatus es deliciari: rogo te misericordissime D E V S: ut non ad meum commodum, sed ad æternam laudem tuam mihi concedere digneris aliquantam requiem, quâ lassata membra corporis usui exercitationis restituantur.

Actus

Actus brevis pro defunctis.

Miserere piissime I H S V, miserere, & respice de sede magnitudinis tuæ, ad miserias animas in purgatorio detentas, quia tibi proprium est misereri semper & parcere. Miserere gemituum, miserere lachrymarum quas ad te fundunt, & condona eis penas peccatis ipsarum debitas.

Principuè verò animabus Fratrum, amicorum, & benefactorum meorum: animabus bellicis, peste, fame sublatorum: item pauperum, egenorum, & quorum nulla extat memoria: ac demum istorum quos à me juuari vis: per Sanginem totius corporis tui, per crucem & mortem tuam, per merita omnium Electorum tuorum, per SS. Missæ Sacrificia, & omnia bona opera ad gloriam tuam in toto mundo facta: Requiem æternam dona eis misericordissime Domine, & lux perpetua luceat eis. Requiescant in lumine viventium, videntium, & amantium te in æternum. Amen.



CA-

CAPVT IV.

Alphabetum Amoris DEI per
Hebdomadam dispositum.

Relinquit infantiam, & viuite & ambula-
te per vias prudentiae. Prou. 9. A, a, a,
Domine DEVS: ecce nescio loqui, quia
puer ego sum. Ierem. 1.

DIE DOMINICO.

Amo te DEVS meus. Et ideo.

1. **A**doro te cultu latræ tibi soli debito, affe-
ctu totius Ecclesiæ militantis & trium-
phantis, in cælo, Eucharistia ac ubiq; præsen-
tem.

2. Adoro te in peccatoribus, blasphemis,
ingratis, infinitam bonitatem tuam letalibus pec-
catis offenditibus. Adoro beneficentem pro-
bis & improbis, omnia in orbe sanctissimè dispo-
nentem. Adoro pro omnibus & in omnibus
creaturis.

3. Adoro omnium Dæmonum ac damnato-
rum loco; totiesq; honorem omnem vitâ meâ
compensare desidero, quoties blasphemarijs.

4. Admiror, antefero te omnibus. Amo vt
Filius amantissimum Patrem, cuius amore vitam,

ponere

ponere si occasio ferat, pro honore, & Catholica fide, pro auertendis peccatis, libertissimè decerno.

5. Amore tui vellem extinguere infernum, comburere cælum, ut nemo te D E V M meum amet ob timorem pœnæ vel spem præmij, sed propter solam bonitatem tuam.

6. Amore tui desidero obstruere meipso locum inferni, ne in posterum quicquam tibi perreat.

7. Agnosco subjectionem meam, secundum infinitam à te distantiam, recedo & resilio in abyssum nihili mei.

8. Assumo, mihiq; vnio corda amore tuo ardentia omnium Sanctorum hominum & Angelorum, a deoq; Cor ipsius Deiparæ Virginis, & Cor humanitatis Christi, hisq; omnibus te intensissimè ac ignitissimè amo.

9. Approbo omnia bona opera hominum & Angelorum, quæ tibi Domine vñquam placuerunt vel adhuc placebunt, & illa ad gustum tuum millies ac millies per omnia instantia temporis & æternitatis innouari ab omnibus cupio.

10. Abominor omnia peccata quæcunq; in hoc vniuerso fuerunt sunt & erunt, & illa super omne malum detactor, & retracto, quia tibi displicent, teq; amo super omnia, in recompensationem aliquam pro illis,

11. Agnosco, quod sim ego infidelissima ex omnibus creaturis tuis & malitiosissima, quæ si ex merito suo tractanda esset, jam tu illam centies & millies, in ima inferni præcipitem dare debuisses,

Amo

Amo te D E V S meus. Etideo.

1. Benedico tibi omnium cælitum benedictionibus, propter honorem, excellentiam, Sanctitatemq; tuam infinitam.
2. Benedictus es Domine D E V S Patrum nostrorum: & laudabilis & glriosus in sæcula.
3. Benedictum nomen gloriae tuæ, quod est Sanctum & laudabile & glriosum in sæcula.
4. Benedictus es in templo Sancto gloriae tuæ: & laudabilis & glriosus in sæcula.
5. Benedictus es super thronum Sanctum Regini tui: & laudabilis & glriosus in sæcula.
6. Benedictus es super Scepturn Diuinitatis tuæ: & laudabilis & glriosus in sæcula.
7. Benedictus es, qui sedes super Cherubim & intuetis abyssos: & laudabilis & glriosus in sæcula.
8. Benedictus es, qui ambulas super pennas ventorum, & super vndas maris: & laudabilis & glriosus in sæcula.
9. Benedicant te omnes Angeli & Sancti tui; & laudent & glorificant in sæcula.
10. Benedicant te cæli, terra, mare, & omnia quæ in eis sunt, & laudent, & glorificant te in sæcula.
11. Benedico tibi mi D E V S: & omnibus sceleratis Iudeis ac infidelibus te blasphemantibus me oppono, qui dum tibi maledicunt, ego pro illis & nomine illorum clamo inten-sissimo

sissimo affectu: Benedictus D E V S in æternum!

Amo te D E V S meus. Et ideo.

1. **C**redo quod sis, & quod remunerator sis.
Credo omnia quæ reuelasti de tua vnitate & Trinitate, de Incarnatione verbi Diuini, de sacramentis, de Ecclesia, ejusq; capite, de cultu Sanctorum.

2. Credo specialiter illa omnia, quæ nostri temporis Hæretici non credunt, sed blasphemant.

3. Credo M A R I A M Virginem D E I Genitricem esse quæ Virgo ante partum, Virgo in partu, Virgo post partum fuit.

4. Credo imagines Christi Domini, Deiparæ semper Virginis M A R I Æ necnon aliorum Sanctorum colendas, & venerandas. Credo purgatorium esse animasq; ibi detentas fidelium Suffragijs adjuvari.

5. Commendo tibi mi D E V S Spiritum meum, Spiritum vocationis meæ. Commendo omnia proposita & decreta mea, quæ Tibi seruare, vel Tui causâ facere debui & decreui.

6. Commendo tibi vniuersam Ecclesiam, ejusq; Prælatos & superiores, ac omnes Religiosos, Reges & Principes, diuites atq; pauperes, afflitos, captiuos, carceri mancipatos, ægros, & in extremis positos, atq; animas in purgatorio existentes.

7. Concentro Domine omnem amorem in Cor meum, quo in æternum totum cælum amabit te,

bit te, & illo singulis momentis vitæ meæ millies ac millies veliem te amare.

8. Claude si fieri potest, obsecro mi Domine! januas inferni, ut nemo eō descendat vbi omnes te oderunt: aper portas cæli ut omnes eō descendant, vbi omnes te diligunt.

9. Cupio tibi omnes illas laudes, quibus te afficere possent innumerabiles Angeli, hominesque possibles, & creaturæ alia non creandæ.

10. Contemni & pati volo pro te mi DEVS: proijciant me, abieciant me omnes à facie sua. Ego sum ille qui cum Lucifero locum in inferno promerui infimum ad delitescendum.

11. Caream mi DEVS cælo, & dato quod carebo te in cælo, hoc ipso nolo te carere in terra, ne sim bis miser, ibi & hic, & ne sim ante tempus infelix.

DIE LVNÆ.

Amo te DEVS meus. Et ideo.

1. Doleo ex toto corde de omnibus peccatis meis quomodo cunctis commissis contra te summum Bonitatis & Sanctitatis Oceanum. Ita doleo de peccatis meis amore tui mi DEVS: ut velim Sanguine meo redimere tempus, quo peccauit ut non peccasset.

2. Doleo, quod tu amor meus ab alijs non ameris. Doleo quod tu amor meus contemnaris.

3. Desidero cum dispendio omnium bonorum & vitæ meæ, ut agnoscaris, ameris, adores, sis ab

ris ab omnibus creaturis rationalibus, in omnibus & super omnia.

4. Detecto, damno, & anathemizo omnes blasphemias in D E V M, & omnes irrenientias ac contemptus.

5. Desidero infotorum portas obturari ipso me, & per me, ne quisquam amplius in infernum, & damnationem æternam descendat.

6. Desidero quicquid habent Seraphini omnes & omnes dilecti, ac Electi tui vna cum J E S V Domino ac Rege nostro, ac M A R I A Virgine omnium Electorum Regina.

7. De iustitia, meritis, dignitate mea despero, spero autem in sola tua Bonitate & gratia, in Christi meritis & morte, in pretiosissimæ Parentis patrocinio, in communione Sanctorum.

8. Decretum mortis à tua manu diuina, eo animo excipo, quo animo exceptit Christus decretum mortis suæ.

9. Desidero Domine te amare, te diligere Seraphicè, Christiformiter, & omnipotenter, & tantum quantum amabilis es, quantum dignus es amari. Requiris à me Domine cur veniam ita diligere te? causa diligendi te D E V M meum. Tu ipse D E V S es.

10. Desidero mi D E V S! & in ipsum infernum descendere, & ibi amare te. Nam si potentes potenter tormenta patientur, cur amantes amabiliter tormenta non paterentur?

11. Dono tibi cor meum mi D E V S! suscipe illud, quia melius & securius apud te erit, quam apud me.

Ame

Amo te DEVS meus. Et ideo.

1. **E**xulto in te solo rebus q̄; tuis, nihil in hoc mundo habere volo, quod me afficiat, nisi te sapiat.

2. Exulto in te solo mi IESV. Alij alia quærant, te solum mi IESV ego quærō, te solum desidero, hoc millies dicam, hoc millies repetam, **D E V S meus & omnia.**

3. Exulto mi **D E V S !** quòd Tibi fideliter seruiatur à multis seruis tuis. Quòd honor tuus & gloria tua per totum mundum innotescat, quòd te omnis creatura **D E V M ac Dominum summum** recognoscat,

4. Exulto, quòd tibi publicus honor deferratur in Tempis, Processionibus, famulatibus Religionum ac sodalitatum. Quòd omnes Cæsares & Reges terræ, te sicut vermiculi creatorem suum potentissimum cognoscant & venerentur.

5. Exulto, qnòd milia hominum amore tui moriantur, vitam & sanguinem alijs profundant, alijs profundere sint parati.

6. Exulto in iudicij tuis quantumvis terribilibus, idem volo approbare, & reprobare, quod tu, idem velle & nolle, quod tu.

7. Exulto & tibi congratulor, quòd D E V S sis summè bonus & perfectus immensus, infinitus, justissimus, sapientissimus, & incomprehensibilis. Gaudeo de omnibus his bonis tuis, ob hanc solam causam, quia bona tua sunt.

H

8. Esu-

8. Esurio desideranter omnia peccata mea, per tuam iustitiam in me dignè castigari, & puniri: ut sicut peccando te in honoraui, sic libenter pænam pro peccatis meis patiendo, te honorem & glorificem.

9. Esurio per totum mundum gloriam & honorem tuum ubiq; propagari præcipue ubi nec cultus, nec amatus es.

10. Ejuro omnia peccata carnis, ejuro etiam nœuos, quantumuis minores venialissimis imperfectionibus, volendo imitari tecum Sanctissimam Virginem, ante partum, in partu, & post partum.

11. Erubesco, quod sim creatura tam ingrata & exosa tibi: indignus sum mi Domine, ut me inter homines tanquam monstrum abominabilissimum foueas & conserues.

Amo te DEVS meus. Et ideo.

1. Fero (toto corde meo) ad te summum bonum meum; in immensa gloria tua exulto: gauleo quod ames te, quantum amari dignus es, ames te, quantum amari potes, & quantum amare potes.

2. Fero & patior libenter omnes corporis & animi molestias, has præsertim & illas, quæ tibi omnia pro gusto in primis & gloria tua, deinde in satisfactionem pro peccatis meis offero.

3. Fero & patior amore tui omnem dispositionem aëris, intemperiem cæli quæcunq; sit, omnes vilipensiones, injurias, sitim, famem, humiliem opinionem, sinistra judicia, despctus, & labores omnes

4. Fz.

4.
ro, quo
more, o
tus es,

5.
& mer
homin
etiam b

6.
volo en
uino.

7.
ter vesp
quod i
& hor

8.
us off
ad te.

9.
furio
suavis
cedin
dental
10.
ro: n
Angel
onib
& ade

11.
iniqu
legis
manat

4. Fædus tale tecum mi DEVS inire desidero, quoties dixerò amo te, vellem amare te eo amore, quo nunquam ab vila pura creatura amatus es, vellem amare amore omni possibili creato.

5. Firmissimè mi DEVS in misericordia tua & meritis tuis confido me saluandum. Vtiq; homines & jumenta saluabis Domine? salua etiam hoc jumentum tuum.

6. Fieri potest mi Domine, quia damnabor, volo ergo nunc in vita mea satiari amore tuo Divino.

7. Fugere volo delicate nutritre aut mollier vestire corpus meum, vt pote rem vilissimam, quod nihil aliud est quam esca vermium, fætor & horror.

8. Fame vellem me enecare, vt non amplius offendam te, vt citius veniam & transeam ad te.

9. Famelicus sum mi Domine! te solum e-surio & sitio! ô quando gustabo & videbo, quam suavis sis Domine! quam magna multitudo dulcedinis tuæ quam abscondisti amantibus & videntibus te?

10. Fædus tale ineo tecum; quoties dixerò mi DEVS adoro te! roris adoro te tum Angelorum, tum Sanctorum omnium adorati-onibus, quibus & modo adorant te, adorauerunt, & adorabunt labente tota æternitate.

11. Fateor mi DEVS! quod sim sentina iniquitatum, vitiorum pelagus: quod sim sacri-legis & latronibus, publicanis & beneficis, dannatis & dæmonibus peior.

DIE MARTIS.

Amo te DEVS meus. Et ideo.

1. **G**ratulor tibi, quod solus tu sis, qui es.
2. Gaudeo de omni bono tuo, quod
es, quod habes, & operaris, & de pleno dominio
ac beatitudine, de tuo honore & voluntatis tuae
impletione.

3. Gratulor tibi, quod adæquate amari tan-
tum, quantum amabilis es, nonnisi à te ipso pos-
sis.

4. Gratias ago tibi pro beneficijs, quæ Hu-
manitati Christi Domini, Sanctissimæ illius Ma-
tri, quæ Sanctis Angelis, Sanctis omnibus pre-
sertim meis Patronis contulisti.

5. Gratias ago pro omnibus spiritualibus &
temporalibus beneficijs, Ecclesiæ huic regno &
Religiōni meæ concessis.

6. Gratias ago pro creatione, conseruatione,
redemptione, pro instituto venerabili SACRA-
MENTO, pro extirpatis heretibus & erroribus
ex hoc regno.

7. Gratias pro omnibus aduersitatibus, cruce
hac & illa, pro omnibus incommodis, fame, pe-
ste, bello. Item pro omnibus beneficijs iustis
& injustis, damnatis & dæmonibus aliquando
præstitis.

8. Gaudeo Domine propter bona opera
quæ vñquam facta sunt, hodie fiunt, fientq; de-
inceps propter amorem tui.

9. Gaudeo ob ea quæ Dominus noster IE-
SVS

S V S Christus, Sanctissima ipsius Mater, Sancti
Angeli & beati omnes egerunt ad gloriam tuam.

10. Gaudeo ob amorem intensissimum, quo
te Electi tui æternum prosequentur, & laudes,
quas tibi in perpetuum dicent.

11. Gratulor mihi, quod per te solum pos-
sim beatus fieri: vnde nec placet mihi beati-
tudo, nisi per te illam haberem.

Amo te DEVS meus. Et ideo.

1. **H**Onoro & reuereor infinitam Majestatem,
Excellentiam, & Sanctitatem tuam pro-
fundissimo affectu. Dominus meus es ego Ser-
vus tuus & Mancipium tuum ex natura. Vita
mea & mors in manibus tuis.

2. Honorem & cultum Duliæ exhibeo San-
ctis tuis: Sanctissimæ D E I Genitrici M A-
R I Æ debitam Hyperduliae venerationem & cul-
tum offero.

3. Hactenus te Domine mi non amauit, ha-
bere nunc cupio Cor I E S V, Cor M A R I Æ, ut
his cordibus te amare possum.

4. Habere desidero mille vitas, quas omnes
in augmentum gloriae tuæ impenderem: mille
corda & linguas quibus te glorificarem.

5. Habere cupio amorem intensissimum Se-
raphinorum, ut omnes homines in tuo amore
succedere possem.

6. Horas omnes, omnia momenta vitae meæ
volo honori & gloriae tuæ dedicare, in omni a-

Aitone & cogitatione mea volo inclamare: Sanctus, Sanctus Sanctus Dominus DEVS Sabaoth.

7. Hæreses omnes, & omnia perfidiaz monstra
damno & anathematizo, præcipue vero Athe-
ismum, Paganismum, Iudaismum, Arianismum,
Luteranismum, Calvinismum, & omnes alias
Hæreses ab Ecclesia damnatas.

8. Horas omnes & annos meos male pera-
ctos, item tam omnium hominum quam Ange-
lorum prauorum cupio retrouertere, & peractæ
ætatis spatia amoris tui actibus replere.

9. Hororo & reuereor tuos Vicarios supe-
riores meos, quibus me amore tui subijcio, vo-
luntatemq; meam, imitando eum, qui factus est
obediens usq; ad mortem.

10. Honorem & gloriam tuam mi DEVS
tanti facio, ut eligam potius manere in inferno,
& pati omnia tormenta, quam vt tu vel unico
momento priueris tuo honore.

11. Halitus ultimus quo animam efflabo, ut
nam halitus amoris sit Moriar amore tui mi
DEVS, & quia vitam ab amore non inchoavi,
da mihi vitam amore finire. Ultimus vita æ-
tus fit amare.

Amo te DEVS meus. Et ideo.

1. IESV nomen suauissimum & dulcissimum
In persona omnium Cælestium, Terrestri-
um, & Infernorum supplex adoro, adoratumq;
vellem in perpetuum ab omnibus creaturis rati-
onalibus.

2. Igno-

2. Ignosco amore tui omnibus, qui me injurijs affecerunt totā vitā meā, & illos amo propter te sicut meipsum, vt & tu Domine dimittas mihi peccata mea.

3. Indulgentias lucrandi gratiam & industriam peto à te.

4. Immolo tibi mi DEVS Sacrificium laudis pro omnibus, quī te ignorant vel blasphemāt.

5. Iuro & statuo custodire judicia justitiae tuæ, & quicquid in oppositum vñquam fecero, puta Domine nolenti irrepsisse.

6. Jejunia omnia quæcunq; faciam per gratiam tuam vñio cum tuo, & Sanctorum tuorum jejunio.

7. Iuro & protestor me Pretiosissimæ DEI Parentis esse perpetuum seruum, & mancipium.

8. Ignis amoris tui semper ardeat in altari cordis mei, & in tantum crescat incendium, vt non solum Sacrificium, sed & ipsum altare consumat.

9. Ita te diligo mi DEVS, vt si scirem me fore annihilandum, adhuc tibi omni studio seruirem, non enim tibi seruio propter me, sed propter te.

10. In balneo sanguinis, sudoris, lachrymarum, in vulnere cordis tui I E S V mi dulcissime immergo & depono me totum, omnes actus meos, & alienos, vt in eo detenti atq; sublimati per Te & per Matrem tuam, SS. Trinitati pro me & pro omni creatura offerantur.

11. Ignis, crux, bestiæ, confractio ossium, & totius corporis contritio, & cuncta tormenta.

Diaboli veniant in me, tantummodo IES V amore meo vnicō fruar.

DIE MERCVRII.

Amo te DEVS meus. Et ideo.

1. **L**aborabo purē pro gloria tua constanter & fideliter vsq; ad mortem, nihil aliud intendens, quam gloriam tuam.

2. Laborem & laboris præmium, omnes coronas & merita resigno ac transfero in solam gloriam tuam. Hac vna in cælo coronâ contentus ero, quod omnibus meis meritis & coronis in te translati Te magis gloriosum videbo.

3. Laudes omnes, & tantos honores desidero tibi exhibere, quantos nosti exhiberi posse, & quantos mereris. Sed quia non est speciosa laus in ore peccatoris, laudet te pro me totum cælum & terra.

4. Laudent te omnes Chori Angelorum, & vniuersæ turmæ Sanctorum: quos tu ab æterno ad gloriam tuam prælegisti.

5. Laudent te pro me infinita Sanctorum Angelorum castra, quos mittis in ministerium, propter acquihtionis tuæ genus electum.

6. Laudent te viginti quatuor Seniores cum omnibus Patriarchis & Prophetis, qui deponentes coronas suas procidunt ante thronum tuum.

7. Laudet te amicissimorum Fratrum tuorum Apostolica dignitas, quorum suffragijs Sanctam Ecclesiam tuam mirabiliter sustentas.

8. Lau-

CHRISTIANVS. 115

8. Laudet te victoriosa Martyrum tuorum,
turba, quorum stola pretioso sanguine tuo est
purpurata

9. Laudet te Confessorum agmen perfectissimum,
quorum Spiritum transtulisti in admirabile lumen tuum.

10. Laudet te & jubilet tibi pro me hoc nō
num Canticum, quod resonat in ore eorum, dum
te sequuntur quocunq; ieris, I E S V sponsus
Virginum.

11. Libenter mi D E V S pro te omnes per-
secutiones, injurias, afflictiones, morbos, & quæ-
cunq; alia mala usq; ad mortem si oportuerit
me tolerare, volo tolerare.

Amo te D E V S meus. Et ideo.

1. M A R I A M Matrem tuam, Matrem pul-
chræ dilectionis amo feruentius & inten-
sius præ omnibus Sanctis, quia haec est voluntas
tua teste Bernardo. Per illam peto à te Spiritum
modestiæ, mansuetudinis, mortificationis, misericordiæ erga viuos & defunctos, & mortem amo-
ris tui plenam.

2. Malo Domine millies mori, millies da-
mnari, quam deliberato peccato fædari.

3. Mori millies desidero in tua immensæ mi-
serationis profluio; sicut moritur Scintilla
ignis in fluminis impetu validissimo.

4. Malo Domine propter te amatum esse in
inferno, quam propter te odio habitum esse in
cælo.

5. Mo-

5. Momentis singulis vitæ meæ vellem te amare non meo, sed ipso amore Diuino, quo te ipsum amas, amore Theandrico quo te Christus amat, amore latreutico, quo te justi amant, amore omnium hominum & Angelorum.

9. Mortificationes omnes, omnia martyria, & omnia mala pænosa animæ & corporis, quæ pro te passi & passuri sunt homines, siue in mundo, siue in inferno, siue in purgatorio, tibi offerro: ita, ut si tibi placeret in augmentum gloriæ tuæ, omnia talia libenter vellem perpeti.

7. Mori cupio, quia te amo D E V M meum. Dulcius est mihi mors, quam viuere & offendere te summum bonum meum.

8. Mori desidero, ut immoler tibi D E V S meus, cui me totum debo: mori desidero ob gloriam tuam, & in meorum criminum pænam.

9. Moriar mi D E V S, ut in te sine fine viuam, in ardentissimo amoris tui igne consumptus.

10. Mundi hujus opes & voluptates omnes alijs non inuideo, mihi D E V S meus & omnia! Quis enim sic delectat quam ille qui fecit omnia quæ delectant?

11. Magnifico, adoro, laudo, glorifico, omnes & singulas perfectiones tuas. Diuinæ, affectu tibi gratissimo, mihi possibili, imo affectu beatifico, Seraphico, Mariano, Theandrico, quo dignus es.

Amo te D E V S meus. Et ideo.

Nolo viuere sine vulnere, quia I E S V M meum totum video vulneratum.

CHRISTIANVS. 117

2. Nomen dulcissimum I E S V vellem infixi cordi meo, vt fuit infixum cordi Ignatij Martyris.

3. Nouerim te mi D E V S, nouerim me, nec aliud cupiam nisi te.

4. Noscant te Domine omnes peccatores & timeant. Noscant te Iusti amplius, ac tepidi vt tibi feruentius seruant. Noscant te Gentiles ac Hæretici & conuertantur.

5. Negotia omnia, quæ à me geri vis, tibi committo, juua me, vt illa amore tui faciam diligenter.

6. Negligentiam omnem à me amoue velut pestem exosam tibi.

7. Non merui te D E V M meum beatificè videre, nec merebor in æternum. Cupio tamen videre, quia tu me mi D E V S ad hunc finem condidisti, & redemisti.

8. Nullam cupio ex villa creatura habere voluptatem; omnis mea delectatio est & voluptas vt delectetur D E V S.

9. Nolo ire in cælum mi Domine, si tu non vis, eligo potius infernum, si tibi ita complacuit; illum tamen nolle habere in pænam meorum peccatorum, sed in præmium mei erga te amoris.

10. Nolo vñquam in rebus illicitis delectari, & potius malo mori, quām tamē delectationem liberato animo admittere.

11. Nolo vñquam magnificè aut arroganter de me sentire, illud potius desidero vt obscurus & inglorius delitescam, nec oculis alijs, quām tuis appaream.

DIE

VIATOR
DIE IOVIS.

Amo te DEVS meus. Et ideo.

1. Oferro tibi cor dulcissimum & suauissimum
IESV, cor purissimum MARIAE, &
omnium cælitum.

2. Offero vitam, passionem, & sanguinem
DominI IESV in horto perfusum ac punctu-
ris spinarum expressum, & illud pretiosissimum
balsamum sanguinem cordis Filij tui.

3. Omnes omnium creaturarum substantias,
potentias, actus, affectus, circumstantias bonas
mihi proprio atq; assumo: atq; ita me cum
omnibus in tuum omnimodum amorem & ho-
norem sacrifico.

4. Opto habere tot corda, quot in ære ato-
mi volitant; quot arenæ in mari, ut amare te pos-
sem cordibus his vniuersis, vel vt ita dicam recti-
us corde unico, quod omnibus istis æquialeret.

5. Offero tibi omnes laudes & adorationes,
quibus te Angeli & Sancti omnes adorauerunt,
& centum milenos adorationum milliones, quas
omnes Sancti & justi Ecclesiæ militantis faciunt.

6. Offero tibi omnes cultus, deuotiones, &
omnia bona opera post vitam meam tibi ad finem
mundi impendenda.

7. Offero tibi cor meum in laudem æter-
nam ad perficiendum corpore & animâ omne
benepacitum tuum.

8. Omnia vota & proposita mea in hono-
rem tuum aliquando à me facta fideliter exequi
curabo.

9. Offe-

9. Offero omnia Sanctissimæ Missæ Sacrificia peracta in Ecclesia & ad finem sæculi peragenda.

10. Offero tibi omnes pœnas, cruciatus, vulnera effusiones sanguinis, & omnia martyria: omnem pœnitentiam, jejunia, vigilias, & austertates omnium confessorum: omnem amorem, continentiam & puritatem Virginum.

11. Odi, auerter, & execror omnes contemprus & irreuerentias quæcunq; fuerunt, sunt, & erunt in toto mundo.

Amo te DEVS meus. Et ideo.

1. P roijcio & prouoluo me ante te in cælo,
Eucharistia ac vbiq; præsentem.

2. Peto vt tuo amore ames te pro supplendo
exili amore meo erga te.

3. Pauper esse tui amore volo, exspolians me
totius mundi possessione; & si rebus vtor tanquam tuis à te concessis mihi vtor & non meis.

4. Pauperculam suppellectilem è domo Parentum meorum me concernentem non tantum
ejuro, sed totius mundi diuitias, si illas possiderem: Tu mihi Domine sufficis.

5. Peccata mea omnia proijcio in immensum
ignem amoris tui, demergo in exuberantium me-
ritorum Filij tui pelagus.

6. Peto vt perditio me, omnibusq; creaturis
nihil videam, nihil quæram, nisi solum te, vt vi-
nam ego, non ego, sed tu viuas in me,

7. Peto mihi alijsq; concedi ea, quæ vis à te
postu-

postulari, ea quibus maximè indigeo alijq; , &
per quæ obtenta maximè tibi placere possimus.

8. Protestor coram te, quod in omnibus a-
ctionibus meis, nihil aliud intendere totâ vitâ
m  volo, nisi solum purum honorem, gloriam,
amorem, & beneplacitum tuum.

9. Propono per gratiam tuam, & eligo milli-
es mori, qu m te vel leuissim  D E V M meum
offendere.

10. Protestor quod propter peccata mea de-
terior sim mortuo cane, f x hominum & labes,
indignus qui suspiciam c los, dignissimus qui
post mortem meam in olido simeto aut sordium
receptaculo defodiar.

11. Patiar qu so pro honore tuo, si vis, p -
nam omnium damnatorum, & laudem te laude
omnium Beatorum.

Amo te DEVS meus. Et ideo.

1. **Q**uotidianas meas actiones, occupationes
tibi offero. Da vt in illis qu ram te non
me, amorem tui non mei.

2. Quicquid est auri, argenti, lapidum preti-
osorum atq; gemmarum in mundo: quicquid
homines s culares aestimant & amant, totum il-
lud, vt nihil pr ter te amem, ego nihili aestimo,
& vt lutum despicio.

3. Quinq; talenta tradidisti mihi Domine,
itaq; diligenter operari volo, vt alia quinq; va-
leam super lucrari, non vt me excludas a c lo,
sed vt per hoc placeam tibi, tuam Sanctissimam
voluntatem faciendo.

4. Qua-

CHRISTIANVS.

123

4. Quæso Domine: vt mihi dones cogniti-
onem tui ac mei, donum perseverantiae finalis, &
omnes virtutes statui meo necessarias.

5. Quoties ad me àcrem attraho, toties cu-
pido cordiali quodam affectu te Dominum meum
I E S V M Chrltum, & Matrem tuam intra me
attrahere.

6. Quotiescunq; corde vel ore dixero: D E -
V S, D E V S meus! vellem hoc nomen tuum
infinitè reuereri, & repetere corde ac ore omni-
um Angelorum ac Electorum tuorum.

7. Quia te amo mi D E V S: vellem hinc
pasci à vulnere, hinc lactari ab vbere, vellem co-
stam mihi attolli ad latius amandum te cum S.
Philippo Nerio: vellem continuò cordialiter
dicere cum S. Francisco: D E V S meus & o-
mnia!

8. Quarere primum volo regnum D E I &
justitiam ejus, postmodum vitæ hujus necessaria.

9. Quoties vñquam respiro: toties in me
volo trahere corda & affectus electorum tuo-
rum, atq; illis toties te amare & laudare.

10. Quæcunq; tibi D E O meo proposui,
promisi, juraui, quæ pretiosissimæ itidem Paren-
ti, & omnibus Sanctis Patronis meis, ea omnia
promitto, propono, voueo, juro ad gustum tuæ
Divinæ voluntatis.

11. Quia ego & omnia mea nihil sunt, &
infra te infinites sunt, ideo non meis, sed affe-
ctibus tuis Te per Te superamo, te per te super-
æstimo, te per te superexalto. Sis per te super
benedictus, superlaudabilis, superexaltatus.

DIE

DIE VENERIS.

Amo te DEVS meus. Et ideo.

1. **R**esigno tibi mea omnia Domine IESV.
Dispone de me liberè, vt de tuo proprio
jumento in tempore & æternitate, prout tibi
placet.

2. Resigno me tuæ adorandæ voluntati ad
inopiam, ad contemptus, ad infamiam, ad extre-
mos dolores, ad mortem, imo ad ipsam conde-
mnationem æternam.

3. Restituo me tibi, te super omnia appre-
cio, præligo, appeto & quero: paratus cæteris
omnibus propter te abrenuntiare, quotiescunq;
& quomodocunq; volueris.

4. Renouo tibi laudabilia animi decreta,
itemq; vota mea, piaq; desideria omnia erga te,
erga Virginem MARIAM, erga Angelos &
SS. tuos facta.

5. Ratifico Domine & innouo omnes actus
bonos tibi oblatos & offerendos; omnes laudes
à quocunq; Sanctorum impensas & impenden-
das.

6. Retracto & corrigo omnia opera totius
vitæ meæ, quanta quanta sunt mala & imperfecta.

7. Rata habeo omnia bona opera mea per
gratiam tuam facta, & ea quæ facere debui.

8. Religiosum statum approbo, amplector, &
exnunc ingredior, totiusq; mundi res & spes pro
tuo amore & seruitio calco.

9. Retracto & ejuro omnes blasphemias, ir-
reuerentias, contemptus contra te siue hic siue
in altera vita commissos.

10 Re-

10. Reuereor tua horrenda judicia, tuam dispositionem & quidem æternum de me duratram approbo.

11. Regum omnium ac Principum etiam infidelium te non credentium, colla & corda tibi subijcio licet oppositum volentium, quia tibi Regi sæculorum immortali & inuisibili debetur summa laus & gloria ab omnibus.

Amo te DEVS meus. Et ideo.

I. SACRAMENTA omnia mihi ad salutem necessaria desidero. Da ut illa Sancte frequentem, & accipiam non tantum SACRAMENTVM, sed etiam rem & virtutem SACRAMENTI.

2. Spem omnem salutis meæ pono in tuo dulcissimo nomine ô IESV! quod Salvatorem significat: igitur & IESV, sis mihi IESVS! dic animæ meæ, salus tua ego sum.

3. Si scirem quod damnandus sim, Tibi DEO meo servire vellem & volo, tanto etiam magis & intensius, quanto hoc spatium temporis brevius mihi esset.

4. Si de salute mea æterna certus essem, imò si eam jam haberem, & placeret tibi D E O meo, me hic cum incertitudine salutis viuere, aliquid autem insigne ad tuam gloriam & voluntatem perficere, præligo hoc posterius illo priori, præter propter gustum tuum, & adorandæ voluntatis gloriæq; tuæ æfflorationem.

5. Si omnia creata corda, omniumq; cordium

affectus in meum cor immergere & includere possem, vellem te sic amare dulcis amor meus.

5. Si placet tibi mi DEVS: exure Paradisum, extingue infernum. Non requiro aliam mercedem obsequij à me tibi præstiti, quam illam gloriam, quæ est Tibi seruissse.

7. Si nossem velle tuum mi DEVS esse, vt in æternum torqueret in inferno, me ipsum statim sponte in illas flamas præcipitarem, solummodo vt tuæ Diuinæ satisfacerem voluntati.

8. Si possem mi DEVS: velle ab omnium cordibus amorem, qui non est tuus euelle, & tuum inferere, vt amore tuo omnes arderent & languerent.

9. Si mihi in omnibus corporibus replicari liceret, cuperem te in illis millenis adorationum Seraphicarum millionibus adorare.

10. Siquidem (teste S. Bernardo) dum amas mi DEVS animam, amat tua æternitas, tua immensitas, tua Sapientia, & ego vellem te redamare immensè, æternaliter, omnipotabiliter, ita vt tuo amori correspondeat amor meus.

11. Sum ita affectus erga te mi Domine, vt velim res omnes mundi in linguas, odium omnium peccatorum & damnatorum in tui amorem blasphemias eorum in laudem tui commutare.

Amo te DEVS meus. Et ideo.

1. **T**imeo te: non vt Seruus emptitius o pñnam; sed vt filius charissimus ne quan Diuinam offendam incurram.

2. Ti-

2.
qua se
odio.
deince

3.
torum
toto co
in con

4.
omni
bus es
di diui

5.
num,

6.
lam til
tu hab
raliter
velles.

7.
per m
imple
prosp

8.
trio, t
hi vir

9.
quam
stima
radiu
esses l
derem

2. Timeo judicia tua horrenda inscrutabilia,
qua scire non possum, an amore sim dignus vel
odio. Idcirco enitar constanter, vt & nunquam
deinceps deliberatè offendam.

3. Timeo te timore reverentiali & instar Beat-
torum revereor infinitam tuam Majestatem, ex
toto corde me tibi subdens, ac me velut nihilum
in conspectu tuo agnoscens.

4. Te solum vnicè & cordialiter diligo præ
omni dulcedine & gustus suavitate, præ omni-
bus corporis mei commodis, præ omnibus mun-
di diuitijs, præ omnibus honorum titulis.

5. Totus sum tuus mi DEVS, eroq; in æter-
num, sicut totus tu meus esse voluisti.

6. Talem voluntatem habeo mi DEVS, & il-
lam tibi offero, si nimur haberem omnia, quæ
tu habes, omnibus vellem abdicare, & tam libe-
raliter omnia tibi dare, vt tu posses dare cuicunq;
velles.

7. Tuum beneplacitum in me, de me,
per me, & in omnibus semper & ubiq; perfici &
impleri in tempore & æternitate, in aduersis &
prosperis opto & postulo.

8. Tibi Domine mi hoc corpus meum nu-
trio, tibi hanc vitam meam conseruo : largire mi-
hi vires, vt soli seruiam tibi.

9. Te æstimare mi DEVS te amare, plus-
quam possum, plusquam valeo, desidero, sed æ-
stimando nescio quid facturus sum pro te. Si
radius essem, tu autem sol, adderem me tibi, &
esses lucidior. Si essem gutta & tu mare, affun-
derem me tibi, & esses plenior. Si essem ato-

mus & tu mundus, apponem me tibi, & essem
major.

10. Tibi Te ipsum mi DEVS offero, ni-
hil enim est teipso dignius: offero tuam Excel-
lentiam, tuam pulchritudinem, tuam de te volu-
ptatem.

11. Tibi offero cor meum, vt te solum amet,
& nihil aliud nisi te vel propter Te.

DIE SABBATHI.

Amo te DEVS meus. Et ideo.

1. Voueo & renouo fidem tibi in baptismo
datam.

2. Voueo, sicut me tibi obligauit coram tota
curia cælesti, paupertatem, obedientiam, & casti-
tatem perpetuam.

3. Voluntatem meam, tuæ, volo dedicare, in
victimam holocausti. Vis me Domine, viuere
volo. Vis mori, & in ipsum infernum abijke-
re volo. Volo velle, quicquid velle tu me vis.

4. Volo potius quolibet bono priuari, &
quodlibet malum perpetui, quam à tua gratia &
amicitia excidere, & tuam indignitatem incur-
rere.

5. Vtinam possem DEVS meus omnium
fidelium intellectibus in te credere, omnium
cordibus te amare, omnium viribus tibi seruire.

6. Vtinam possem efficere, vt nullus te of-
fendat, & nullus pereat, libenter etiam vitam
meam impenderem, & sanguinem profunderem.

7. Vti-

7
smati-
uerra-
te sol-
8
& an-
inter-
more
9
vitæ
arteri-
verba-
VS S
10.
& infi-
mæz,
ex illi-
meis a
11
sunt,
possun-
neglez-
ingrat-
am tu-
tiplica-

1. X
rus, ve-
sanguin-

CHRISTIANVS.

127

7. Vtinam omnes infideles, Heretici, Schismatici, Apostatae, & peccatores obstinati convertantur! vtinam omnes homines te agnoscant, te solum diligent, tibi seruiant.

8. Volo & per te propono, te in omnibus, & ante omnia purè intendere: nullumq; opus internum aut externum agredi, nisi propter amorem & beneplacitum tuum.

9. Volo & desidero, ut quoduis momentum vitæ meæ, omnis pulsus & motus cordis mei & arteriarum idem sit, idem significet, quod hæc verba, Sanctus, Sanctus, Sanctus Dominus DEVS Sabaoth.

10. Vellem te mi DEVS amare amore continuo & infinito, si possem, omnibus momentis vitæ meæ, & desidero, dolore quadam velut infinito ex illius amoris infiniti fonte profecto dolere de meis ac totius mundi peccatis.

11. Vellem oblatas tibi omnes laudes, quæ sunt, fuerunt, & erunt in cælo & in terra, quas possunt & possent conferre illæ creaturæ, quæ id neglexerunt, negligunt & posthac negligent ob ingratitudinem suam, millies ac millies, per gratiam tuam, quouis respirio & iactu oculi mei multiplicare.

Amo te D E V S meus.

Et ideo I E S V.

I. Xcifixi meritis conjungo, quidquid ago.
Quicquid in posterum cogitaturus, dictatus, vel facturus sum, totum hoc sudore Christi sanguineo rigatum tibi sacrifico.

2. Xcifixi Domini gloriam & honorem, desidero per totum mundum etiam cum dispensio vite & animæ meæ propagari. Imò cupio, ut hoc nomen dignissimum, & dulcissimum I E S V S, etiam ipsi dæmones & damnati reuearentur, laudent, & nullus omnino non amet I E S V M, qui potest amare.

Amo te DEVS meus. Et ideo.

3. Zelo tuæ Excellentiæ, adoro Tuam diuinam Essentiam, unitatem, Trinitatem. Tuam Potentiam, Dominium, magnitudinem, Sanctitatem, Perfectionem, Dignitatem, Tuam Iustitiam, Misericordiam, Gloriam, & Beatitudinem.

4. Zelo tuo, adoro vniōnem Hypostaticam, verbi & Filij DEI Personam, Hominisq; & Filij Virginis naturam.

5. Zelotuæ Sanctitatis, æltimo & Veneros profundo affectu, Tuam purissimam Matrem Virginem, ex eaq; operante Spiritu Sancto Incarnationem. Tuam Ecclesiam militantem ac triumphantem ex SS. Angelis hominibusq; constitutam.

6. Zelo gloriæ tuæ desidero millies ac milles extensione ad omnia tempora, & ad omnia omnium temporum instantia, ad omnia quoq; momenta æternitatis, ea tibi omnia exhiberi ab omni creatura rationali, quæ tibi homines Sancti & Angeli, Humanitas Christi & Beatissima Virgo exhibuit & exhibebit.

7. Zelo tuæ dignitatis, vellem continua actibus adorationis, appretiationis, doloris & amo-

ris in-

ris int
tam h
litias,
imple
peccar

8.
de om
missis

9.
ma est
Opto
quam

10.
omni
tibus

11.
meæ
place

12.
ta ani

13.
spurc
mner

14.
meā.

15.
absq;

ris intensissimi compensare omnes & singula^s
tam hominum quām Angelorum prauorum ma-
litias, ac injurias tibi illatas, & illis bonis actibus
implere omnia intantia, & momenta actionum
peccaminosarum.

8. Zelo tui honoris, doleo quantum possum
de omnibus & singulis peccatis à quocunq; com-
missis & committendis.

9. Zelo charitatis in proximos, opto anatha-
ma esse à Christo, pro Fratribus meis in Christo.
Opto meipso obturari portam inferni, ne quis
quam amplius pereat.

10. Zelo tuo & amore tui solius, renuntio
omnibus hujus mundi bonis, omnibus volupta-
tibus, honoribus, excellentijs, & vanitatibus.

11. Zelo tuo vellem omnibus diebus vitæ
meæ quoad vixerò, illud facere, quod tibi summè
placet.

Finis Alphabeti.

1. **T**U scis ô I E S V plusquām amabilis ! quia
amo te. Amo ex toto corde meo, ex to-
ta anima, ex totis viribus meis.

2. Amo te castissime Sponse supra omnes
spurcas & brutas carnis voluptates ; supra o-
mnem harmoniam & musicorum concentum.

3. Amo te plusquām mundum vniuersum.

4. Amo te plusquām me, plas vitâ & animâ
meâ.

5. Amo te plusquam cælum, quod infernus
absq; te mihi videretur.

6. Amo te & plus in dies amare volo, quām te oderint reprobū & damnati omnes.

7. Quia te amo mi D E V S ! ideo omnibus me Sancti tuis superent in cælo donis tuis, vellem nemo me superaret amore tui.

8. Quia te amo mi D E V S ! ideo pro auer-
sione à te summo Bono & Creatore nostro, &
conuersione ad creaturam per peccatum cuius-
cunq; peccatoris, nunc tibi restituo honorem,
cultumq; tibi & amorem debitum à quoconq;
denegatum offero : te super omnia æstimo &
appretio.

9. Quia te amo ô D E V S cordis mei ! vel-
lem nunc omnes horas & annos meos, & omni-
um hominum ac Angelorum prauorum, reuoca-
re, retrouertere, & peractæ ætatis spatia amoris
tui actibus replere.

10. Quia te amo mi D E V S , offero tibi o-
mnia corda, quæ tam in cælo, quām in terra te
ardentissimè amant, ita quidem, vt ea omnia si-
mul habere, & immensum quoddam purissimi a-
moris tui incendium ex illis facere vellem, in-
quo assidue incessanterq; consumar.

11. Non ideo te amo mi D E V S ! quia bo-
nis tuis me cumulas : sed etiam, si his retractis,
omnibus malis me subijceres. Te amarem ; quia
te amo non tam ob id, quod sum ex munere Tuo,
quām ob id, quod Tu es ex natura Tua.



CA.

CAPVT V.

Solitudo Septemdialis.

Seu quotidiana familiaris cum
DEO Viatoris conuersatio.

O anima Sancta sola esto, ut soli omnium
serues te ipsam. S. Bern.

HAnc breuem solitudinem & secessum suadent
tibi Viator, non tantum mundi hujus miserae,
sed ipsius solitudinis deliciae. Quid enim potest
deesse deliciarum homini, cum illic adelt, cu-
jus deliciae sunt esse cum filijs hominum. Quod
per Isaiam Dominus promisit dicens : *Ponet de-
sertum eius quasi delicias, & solitudinem quasi hor-
tum Domini, gaudium & latitia inuenientur in ea.*
Vnde in hac solitudine de perentii diuinitatis fon-
te limpidissimis consolationibus affluens S. Bene-
dictus, non semel in uno solo radio totum mundum
collectum conspergit. Et S. Ignatius in eadem soli-
tudine interna suauissima celi gaudia libans e-
rumpet in haec verba : *Quam sordet mihi terra
dum calum conspicio!* Ideo Hieronymus saepius
de suo deserto : *Mibi catena carcer & solitudo Ra-
radis.* Ut ergo anima his possit vacare delicijs,
fugiendo hominum contubernium, & cum solo
DEO habens commercium, scire refert ad
quem se locum conferet. *Gemina est solitudo,*
altera.

132 . V I A T O R

altera exterior corporis, altera interior animi. Prima, secundum Ascetas, est locus remotus in abdito recessu, vel extra urbem, à familiæ strepitu, & inanum rerum agitatione: vnde illæ præcursor Domini S. Ioannes Baptista, inter natos mulierum maximus, ab incunabulis solitudinem adiuit pluribusq; annis coluit. S. Magdalena licet singulari gratiâ D E I prædicta fuerit, tamen totum vitæ suæ tempus post passionem Christi, videlicet triginta annos in spelunca quadam transfigere voluit.

Carolus Imperator, ut solitudine liberius frugetur, Regnum suum in Philippum filium derivauit, de quo sic testantur Annales: Carolum Majorem fuisse in sua Eremo, quam in Imperio. Ejus nepos Philippus morti vicinus in hæc verba prorupisse dicitur: *Vt in am Corona caput non cinxisset!* pñnitet fuisse Regem! melius in aliquo deserti angulo, extra mundanorum negotiorum tumultum vixisset!

Potes tali frui solitudine etiam in populosâ ciuitate. Qualem sibi fabricata est Judith, de qua ita sacri Annales: *In superioribus domus sua fecit sibi secretum cubiculum, in quo cum puellis suis clausa morabatur.* Non est igitur, vt sis solus, excusationi locus, quia vbiq; est solitudini locus,

Altera est solitudo non loci, sed animi, non montium sed mentium, non eremi sed cordis. Non te ab hominibus sejungas, sed cum D E O conjungas: non recessus ab urbibus sed accessus ad cælum, attentâ meditatione faciet te solitarium. *In populosâ Urbe,* inquit Petrus Damiani,

amor

amor artifex solitudinem reperit. Ideo nullum vita^r genus est adeò negotijs addictum, adeò curis implicitum, in quo solitudo animi mentisq; secessus nequeat reperi. Quare in turba, itinere, conuiujs etiam faciat sibi cogitatio secretum, faciat solitudinem, & familiarem cum D E O conuersationem,

Siergo secedere non potes ad hebdomas aliquot, si non potes ad aliquot dies, animum colligendi gratiâ, saltem horam unam aut alteram concede D E O loquenti in solitudine ad Cor. Benè suasit cuidam Hieronymus: Adhibe tibi in vrbe solitudinem, Et remoros ab hominibus iunge te D E O. Nam talis solitudo, est quidam paradiis cælestis voluptatis, est via recta ad cælum, conscientiæ cathedra, magistra silentij, est nuptialis thalamus in quo Sancti Spiritus annulus trubitur, & cælesti Sponso felix anima fæderatur.

DIE DOMINICO.

Meditatio Prima.

De Beneficio Prædestinationis.

Pralud. 1. Statue te coram D E O, in quantum Prædestinator est, cui soli cognitus est numerus prædestinatorum & præscitorum.

Pralud. 2. Pete ut possis cognoscere media ad finem prædestinationis consequendum.

Prædictum. 1. Considera hoc beneficium non esse commune sed peculiare eorum.

eorum duntaxat, qui ab æterno electi sunt à DEO ad vitam æternam, quod est omnium beneficiorum maximum, non solum quia datur ante omne meritum, sed quia cæterorum est fundamentum.

2. Cogita tecum: Quis scit an nomen meum scriptum est in libro vitæ, vase sum in honorem an in contumeliam, hædusne an agnus? Ingressit olim hanc cogitationem S. Bernardus Fratribus suis dicens: *Quis scit an omnium vestrum quos hic video nomina scripta sint in libro vita? Multi enim vocati pauci electi.*

3. Admirare tam sublimem finem creationis tuæ, ut in æternum fruaris D E O, viuas cum D E O.

4. Rumina & expende tam magnam D E I propter te resolutionem ac impensam sanè sumptuissimam: quam, ut scopum æternæ prædestinationis assequereris, in vita sua contemptissima, & morte probrofissima ostendit.

5. Colloquere cum Domino D E O: Homo vanitatis similis factus est, & quomodo mi Domine reputas eum, & apponis erga eum Cor tuum, ut inhabitet in domo tua omnibus diebus vitæ suæ, qui es te ipso beatissimus ac felicissimus?

6. Interroga Diuinam Clementiam: Quis effecit quia homo gratus factus est in oculis D E I, qui dignus erat æterno odio iræ D E I? vnde illi quia è massa æternæ perditionis ac reprobationis eum Diuina bonitas secreuit, qui merito suo eidem cum reliquis præscitis inuoluerendus erat?

7. Te-

7. Testare cælum & terram, quod majori
cum homine Dominus misericordia vsus sic,
quam cum omnibus Angelis Apostatis.

8. Alloquere iterum Dominum I E S V M ;
& dic: Quæ tua mi Domine liberalitas & hu-
manitas! potuisti hominem cum reprobis An-
gelis supplicio damnare perpetuo, & ecce non
tantum pepercisti illi, verum etiam decreuisti
pro illo homo fieri, & cum omni opprobrio
mori ?

9. Interroga te ipsum, quid pro his omni-
bus Domino D E O retribuisti? Eheu! reddi-
disti mala pro bonis, quia toties tam grauiter,
tam impudenter Dominum tuum offendisti.

10. Non fle sed ejula cum gemitu cordis
tui quia Diuinæ vocationi & ordinationi resti-
tisti, & auxilia contempsti. Sanctorum & An-
gelorum societate te indignum fecisti. Odium
& indignationem SS: Trinitatis incurristi. Fru-
stu vitae & passionis Domini te priuâsti.

Pro Colloquio. *Actus Contritionis.*

HEu me miserum! quid cogitaui, quid dixi,
quid vnquam feci demens! Peccau contra
rationem, contra conscientiam, & in quem, &
quis?

Ego n̄e vile & projectum cadas, nihil ho-
muncio re quauis deterior, & nequior ausus sum,
& qua fronte impudens in ipsius numinis &
Angeli.

Angelicarum mentium conspectu, scelere meo impetere Creatorem meum, qui me ex nihilo fecit, Redemptorem qui me sanguine redemit, prædestinatorem, qui priusquam me formasset in utero, nouit me, & antequam ex illo progerer recordatus est in sua æternitate nominis mei, quasi guttulae in vasto mari & arenulae in vniuerso hoc !

O me infelicem ! ergone pro momentanea voluptatula infamis mercator D E O contempto æternos mihi ignium inferorum cruciatus comparatim ! Ah pudet me mei, et si nemo aliud conscientia foret, quid vero erit, cum toti mundo reuelabuntur fæditates ac turpitudines meæ ?

Sed quām immanni ingratitudinis vitio scelus est à me perpetratum, in eum, qui me tot beneficijs præuenit ac prosecutus est ! Quid ! tot beneficia contemplisse me amaro recordor animo ? ô me ingratissimum !

O D E V S meus ! peccavi ! jam non sum dignus intueri altitudinem cœli, non sum dignus vocari creatura tua. Quid tamen faciam miser, quo fugiam à facie iræ tuæ ? cui conquerar ô Domine omnia mala aduersum me, nisi tibi Salvatori & Redemptori meo ?

O bone I E S V ne permittas me damnari, quem pretioso sanguine redemisti. Manus tuæ Domine I E S V fecerunt me, manus inquam illæ, quas cruci affixas tenes pro me, ergo opera manuum tuarum ne despicias, vulnera manuum tuarum precor ut aspicias, ecce in manibus tuis descripsisti me, fac ut nomen meum, hic beatæ

præ-

prædestinationis liber per totam æternitatem adscriptum retineat.

Fieri etiam potest mi Domine, quod sim dāmandus, ergo saltēm hic in vita mea volo satiari amore tuo Diuino. Imo si in ipsum fundūm inferni descendero, etiam ibi volo & desidero te amare intensissimè, ut sic euacuato per amorem inferno, ubi solus amoris ignis deinceps arderet, omnibus damnatis te blasphemantibus, oppōnere me possim, clamando in æternum: Bene-dictus DE VS! Iustus Dominus!

Spero tamen mi Domine in bonitate & misericordia tua! Quid spero? Te ipsum! Animant me omnes miserationes tuæ, quas mecum ab infanthia exercuisti ut non cessem sperare in te. Appello viscera tua Paterna, appello misericordiam tuam abyssalem, appello illum actum, quo crucifixus pro peccatoribus orabas, quo peccatores ex visceribus diuinæ tuæ misericordiæ saluare decernebas. Et spero in misericordia illa quod ego sim saluandus.

Tantam enim de te mi bone I E S V habeo fiduciam, quod licet millies plus peccasse, quam feci, sciremque, certò te grauissimè iratum mihi, attamen licet penes me esset eligere mihi judicem, nullum tamen alium, quam te eligerem, certiusque à te misericordiam expectarem, quam ab optimo meo amico.

Etenim si toties tamque grauiter contra aliquem amicorum meorum, sicut contra te, peccasse, certissimus essem, quod mihi non ignoraret, licet charissima Mater esset. Si enī ea ita

ita rebellis, ac injurius fuissim ac tibi, vel milles me abjecisset, & execrata fuisset. Tu vero post tot graues acceptas injurias, foues me nihilominus ac nutris.

Actus Amoris DEI.

O Bonitas infinita D E V S meus! ecquid est homo, putredo & cinis! vt tu ab aeterno ad Salutem & beatitudinem aeternam eligeres illum ac praedestinares? unde inuenit hanc gratiam in oculis tuis, quod ostendere volueris diuitias misericordiarum tuarum in illo? Cur vnum mi Domine vilem & inutilem homuncionem elegisti & assumpsisti, & innumeros Angelos, qui semel tantum peccauerunt, reliquisti & projecisti?

Tunè mi D E V S super hujuscemodi peccatore dignum duxisti aperire oculos tuos? Tibinè mi Saluator ab aeterno nos lutea vasa cordi suimus vt non veniremus in obliuionem coram te? Tantinè nos astimasti vilissima mancipia tua, rebelles tuos inimicos, immemor scelerum, ingratitudinum, ac vilitatum nostrorum? Quid aliud in nobis inuenimus, nisi omnimoda impedimenta, & obstacula aeternæ saluationis, tuarum fruitionis, tui suauissimi complexus?

Quomodo te non exaltabo D E V M meum dignissimum salutis mearum? quomodo non benedicet tibi anima mea? quomodo tota se non euiscerabit exinanietque in dilectionem Bonitatis & charitatis tuarum! O bonitas! O benignitas! utram ab aeterno fuissim, & te ab aeterno amare potuiss-

potuisssem! vtinā nunc saltem, amem te, sed amem ex toto corde, ex tota anima, amem millies milibus cordium, & igne ardentissimorum Seraphinorum.

Vtinam semper te dilexissem superoptime. D E V S, ex quo sum homo, quia tu me dilexi-
sti ex quo es D E V S! vtinam te magis ac ma-
gis diligam, quia eripuisti aniham meam de mor-
te, quia respexisti canem mortuum & pulicem
vnum.

O mi Domine! vtinam saltem ex hoc mo-
mento in æternum tot bonis prouocatus à te,
non declinem à mandatis tuis, neq; derelinquam
te fontem aquæ viuæ! sed eheu! nescio, nescio
quid serus vesper vehat; nam audio: Qui stat,
videat ne cadat: & post hæc dona tua omnia hor-
resco, dum cogito, quòd ecce Domine mi, nisi tu
adjuuares me, etiam hoc momento calcarem te,
& rursum crucifigerem te mihi pro tot scilicet
donis tuis.

En ergo, Saluator piissime, minimus seruo-
rum tuorum in timore & tremore supplico tibi,
ne me projicias à facie tua, nec à participatione
Sacratissimæ Passionis tuæ, sed juxta magnam
misericordiam tuam da mihi congrua salutis me-
dia, vt in æternum cum Electis tuis misericordias
tuas concinam.

Eodem Die.

Meditatio Secunda.

De Beneficio Creationis.

Pralud, I. Constitue te coram D E O, & ima-
K ginare

ginare te ipsum quasi vas quoddam recente
manibus D E I efformatum. Cogita tecum
quo fine?

Pralud. 2. Pete ut finem ad quem creatus es
cognoscere possis, & ad illum peruenire.

Punctum 1. **C**onsidera bonitatē DEI: quan-
ta fecit animæ tuæ! nouisti
quòd ante annos paucos nihil fueris, & nullibi.
Ecce elegit te D E V S ex millibus imo infini-
tis possibilibus, & condidit in hunc mundum, vt
thesauris bonitatis suæ te ditaret in tempore
& æternitate.

2. Ad imaginem & similitudinem fecit te,
quem ante præuidit vilem & inutilern, indignum
& ingratum, inimicum sibi & exosum.

3. Creauit D E V S animam tuam eo fine, vt
cognoscas eum, illum ames, ei seruias, & tan-
dem saluus fias. Finis Sanctissimus, nobilissi-
mus, celsissimus. Quid enim suavius, quàm a-
mare amabilissimum, quid jucundius, quàm æter-
num cum & in D E O viuere?

4. Aperi oculos & vniuersum mundum v-
no quasi obtutu comprehendere, in illo omnia
tibi subjecta repores. Tibi seruunt Angeli,
tibi bruta viuunt, diffunditur àer, fluit aqua &c.
Vide homo, dicit totus mundus, quomodo a-
mauit te, qui propter te fecit me: Seruio tibi
quia factus sum propter te, vt seruias illi, qui fe-
cit me & te, si accipis benignitatem redde hu-
manitatem.

5. Lauda Dominum ob admirabilem po-
tentiam.

tentiam offensam in Creatione. Quia nimurum ex nihilo propter te tam multa, tam varia, tam solida, tam perfecta creauit.

6. Gratias agas pro beneficio existentiae aequalis, quam tibi Diuina bonitas contulit. Item quod habueris Parentes Christianos, ex quibus natus es non Iudaeus, non Paganus, non etiam Hæreticus, sed Christianus. Quod natus sis cum membrorum integritate, complexionis bonitate, non cæcus, non claudus, non monstrum aliquod.

7. Humilia te ante D E V M & dic: O Domine! ego sum verum nihil ante te! & quid recordatus es mei, vt creares me, sciens me gravissimum fore peccatorem, & tuum capitalem inimicum?

8. Confunde te coram cælo & terra, & erubesce, quia toties deturpasti imaginem Domini D E I tui: quia toties rebellis factus es Creatori tuo, ita, vt justè possit de te tactus dolore intrinsecus conqueri. Pænitet me hunc hominem fecisse.

9. Interroga Diuinam Clementiam, cur propter scelera tua sicut alter Nabuchodonosor non fueris toties in bestiam conuersus? nonne merebaris, vt te D E V S in canem, qui fætore peccatorum putidus fuisti, aut suem, qui non semel ad volutabrum sordium tuarum redijsti, aut in aliam bestiam, qui jumentis deterior & insipientior tactus es, justè verteret?

10. Miraberis, quod creaturæ te hucusq; sustinuerint. Confiteberisq; te dignum jam primem fuisse, quem dehiscens terra subrueret, aqua demer-

demergeret, ignis consumeret. Resume postea fiduciam, accurre ad pedes I E S V, tene illos nec dimittas, donec misertus fuerit tui. Protestare in posterum de tua fidelitate, & emendatione usq; ad mortem,

Pro Colloquio.

Actus Contritionis.

Pater peccavi in cælum & coram te, jam non sum dignus vocari filius tuus, sed nec creatura tua. Me miserum! quid feci ego demens? vbi est præcellens illa imago, quâ similitudinem Creatoris mei per omnia gerebam? ob grauissima facinora & factores peccatorum meorum denigrata est super carbones facies ejus; non est agnita in plateis cælorum, erepta est à consortio Angelorum, deputata est cum perditis inferorum

Dicarnè ô Domine amplius Creatura tua? non sum dignus Creatura tua esse, etiam in quacunq; pæna constitutus. Si enim ego solus haberem illam partem infernalem, quam omnes Dæmones & damnati habent, non sufficienter secundum peccata mea punirer.

Nemo tibi Domine tam ingratus extitit vt ego. Latrones ipsi & Sacrilegi perfectius tibi famularentur, si eos tot, vt me, affeciles beneficijs. Animalia ipsa pro captu suo tibi approxinquant: solus ego infinita turpitudine vitæ meæ à te recedo,

Nescio ô Domine! quomodo hucusq; sustinuerunt

nuerunt Angeli perduellem Creatori? quomodo perexerunt Sol & astra benignis me aspectibus obseruare? elementa confouere? quomodo non irruerunt in me volucres cæli, pisces maris & bestiæ terræ? Cur non insurgit in me rebellem tibi, & non clamat terra vsq; & vsq;. Quare tam nequissimum sustineo? cur non dicit aér: Quare non deficio? ignis: quare non comburo. Infernus: quare eum non deuoro? quomodo dignantur homines me societate sua? Profectò p̄ijſſime D E V S, ego deberem in sterquilino jacere à cæterorum hominum coniunctu sequestratus, ne illos peccatorum contagione inquinarem!

Heu me miserum! quid dicam ô Creator! Creatura tua sum en perij! Creatura tua sum, jam morior! Dominus & Plasmator meus es tu, & nunquam vidi te! tu me fecisti & refecisti, & nondum noui, imò jam amisisti! Quid tamen miser faciam, recurram ad te, ô I E S V, fontem misericordiæ.

Expande ô Domine expande super hunc nequissimum Seruum, pallium immensæ Clemenciarum tuarum, cui proprium est misereri semper & parcere. Non pereat in malitia sua, quod operata est bonitas tua. Quæ enim utilitas in creatione tua erit, si descendero in corruptionem & damnationem æternam? Ipsa te vincat charitas ad saluandum me, quæ te vicit ad creandum me.

Fac iterum Domine I E S V lutum ex sputo, & lini oculos meos, ut qui cæcus sum, vide te valeam deturpatam in me imaginem tuam. Itē-

xum atq; iterum aperire digneris latus tuum
mihi nequissimo peccatori, vt oculi mei, qui de-
prædati sunt animam meam, in tuo latere in-
ueniant prædam suam.

Reduc Domine oculos tuæ Majestatis super
opus ineffabilis tuæ pietatis. Ego autem con-
tra meipsum armabor, & ero præ cæteris cru-
delior mihi Iudeus. Et quia non sufficio me
detestari, contra me vniuersum creaturarum ex-
tum congregabo, & à qualibet confundi & pu-
niri desiderabo, quia earum contempti Creato-
rem.

Actus Amoris DEI.

Siccine ô Creator meus! ô bonitas infinita!
ô D E V S plusquam amabilis in charitate
perpetua dilexisti me, & ideo ad imaginem &
similitudinem tuam creasti me miserans mei?
quomodo ita amantem me redamare potero?
Quâ in re animum meum, & ingenium nunc
occupo, si non excogito mille modos, quibus
testificer me diligere te?

O mi sicut corda mille, & millies mille, e-
aq; omnia plena ijs affectibus, ijs ardoribus,
quibus abundauit Cor I E S V, Cor MARIAE,
cor maximi Sancti tui, vt desiderijs meis, & a-
mori tuo respondeat amor meus.

O si ego solus omnium Angelorum corda
possiderem, quibus te incessanter sumimum bo-
num, & vnicum animæ meæ centrum diligerem.
O si haberem omnium hominum amorem & af-
fectionem, quo te mi D E V S complecteter.

O si etiam mi Domine tot habere possem corda, quot sunt in vniuerso creaturæ, vt illis omnibus earum nomine te diligarem & glorificarem, quas propter hominem condidisti, reddens tibi debitum, quod illæ nequeunt, & cuius ego illarum causâ debitor sum.

O si possem singulas guttas aquæ, & singula grana arenæ maris, ac singulos atomos in cælos conuertere, pro gloria & honore tuo!

O si incessanter eâ amoris flammâ arderem, quâ ardent Seraphini, quâ ardet totum cælum, quâ ardes tu, vt omnes ad amorem tui succedere possem! O si in omnibus locis, in omnibus mundi partibus replicari possem, & ibi te amarem!

Sed superabundo gaudio Domine, & infinitas tibi gratias ago, quod Tu ipsemet meum & omnium creaturarum officium supplex in amando Te ipso & significando. Summo etiam gaudio afflictor, quod quicquid creaturæ omnes præstare conantur tui amore, longè sit impar tuæ dignitati. Hunc ego ipsum amorem tui ipsius offero tibi in gratiarum actionem pro omnibus thesauris beneficiorum in creaturas omnes effusis.

FERIA SECUNDA.

Meditatio Prima.

De Mundi Vanitate.

prælud I. Statue te ante Christum Dominum & admirare altissimam illius sapientiam respuen-

spuentem, quæ inundus amat, & præeligentem, quæ mundus detestatur. Dic cum S. Bernardo: aut Christus errat, aut mundus, sed Christus errare nequit, quia eterna Sapientia est, ergo errat Mundus.

Pralud. 2. Pete, vt gratiâ Diuinâ adjutus, sine blandientem, siue terrentem mundum, DEO inimicum feliciter effugias.

Punctum 1. Considera, quomodo Dominus C I E S V S inter plagiarios, patibularios, sceleratos deputatur, & ambiet Christianus magnus inter homines reputari? Intolerandæ superbiæ est, vt vbi majestas humiliatur, vermiculus infletur & intumescat.

2. Aduerte, si quid sensus habes: Mundus clamat, ego deficiam, caro clamat, ego inficiam, diabolus clamat, ego interficiam, Christus dicit, ego reficiam: cur tamen decipientem & interfectum, & non reficientem sequeris?

3. Considera, quia bona terrena, quibus hic pascimur siliquæ sunt porcorum, quæ appetitum nostrum infiniti boni capacem non expletant sed contaminant. Conuenitnè ergo tanti Parentis filium siliquis porcorum ventrem infarcire? Decetnè te Dominum tuorum pedibus soridis conculcandum subdi?

4. Audi quid de mundo S. Bernardus sentiat, ita ille: O homo! quid tibi cum mundo, qui cito transit & concupiscentia eius? quid tibi cum terræ diuitijs? aurum & argentum Verè terra rubea est & alba, quam solus error hominum, facit, aut magis

magis reputat pretiosa? quid tibi cum carne, quā
haud aliud vilius sterquilinum inuenisti.

5. Interroga damnatos, vbi deliciæ vestræ
maledictæ? vbi honores? vbi amatus prae DEO
mundus? Ah quām insuicuosè miseri in illis
inferorum tristibus deplorantes responde-
bunt, & dicent, quod Ionathas Patri suo Sauli:
Gestans, gestans paululum mellis ecce morior!
Ita illorum quilibet Eheu! propter stillam vo-
luptatulæ carnem titillantis, amisi, quo refici
poteram, torrentem voluptatis!

6. Alloquere omnes mundi amatores: O
miseri! quis ita fascinavit oculos vestros, ut
non videant vanitatem hanc, quā major nequit
inueniri sub sole! crumenæ, quas hic mercator
perduellis mundus ostentat, vento magis quām
ære turgent, coronæ nitentes auro sentibus &
spinis horrent, torques aureæ ferrearum com-
pedum instar, non honorant sed onerant, quid
vestes? bombycum excrementa apud nos, quia
rara, id est chara.

7. Defle quantum potes cæterorum homi-
num insaniam, qui pro eo, quod debeat diligere Dominum DEV M suum ex toto corde
diligunt mundum, non mundi conditorem, di-
ligunt dæmonem DEI inimicum, non DE-
V M super omnia benedictum.

8. Elice contemptum rerum terrenarum, &
alloquere omnes illas nugas, quæ te à DEO
retranhunt, & dic: DEV S meus pender in pa-
titulo, & ego vanitatibus & voluptatibus ope-
ram.

ram dabo? absit! non decet sub spinoso capite membrum esse delicatum.

9. Argue & desle tuam dementiam, quia stultus negotiator fuisti, dum pretio bonorum omnium extremum malum mercatus es.

10. Pudore suffundere, quia pro caducis, inanibus, fallacibus, æterna, solida, vera pessum-dedisti, pro vna voluptatula animam, pro cæno cæsum erogasti.

Præ Colloquio.

Actus Contritionis.

O Anima mea sceleratissima non vitâ, sed morte perpetua, ex tuis actibus digna, quid tibi cum mundo, qui in momento transit, & ejus concupiscentia? ô perfida anima, quid fecisti? ob vnam sordidam voluptatulam, de sublimi in profundum, de gratia in peccatum, de cælo in infernum cecidisti!

Quid ergo dicam infelix esca totius inferni homo miser, projectus à facie oculorum Domini Creatoris mei! vendidi eheu! animam meam sine pretio. Quid enim sunt hæc vniuersa, quæ Apostolus arbitratur ut stercore, quorum finis est interitus? Heu me de quanto bono in quantum malum cecidi! quò tendebam & quo deueni? quæsiui bona & ecce turbatio. ecce jam morior, & I E S V S non est mecum, Certè melius mihi erat non esse, quam cum his omnibus vanitatibus finè I E S V esse.

Prahudor! quem fructum habeo miser,
in qui-

in quibus nunc erubesco! Quid? caduca, vana,
& prope nulla infelix & insanus præferre non
erubui æterni Patris amori & honori?

Istanè est & bone I E S V viuæ vocis tuæ
doctrina in operibus meis expressa? Pompænè
mundi & honores nudus in infami crucis ligno
suspensus docuisti? deliciasnè carnis doloribus
grauissimis ad mortem compulsus præelegisti?
superbiamnè Sathanæ in vltimo agone obedie-
ntiam Patris fideliter prosequens professus es?

Me miserum! quânam fronte attollam jam
oculos ad vultum Patris amantissimi tam ma-
lus & peruersus filius? Pudet indigna gessisse
genere meo, pudet tanto Parenti vixisse dege-
nerem. Exitus aquarum deducite oculi mei,
operiat confusio faciem meam, deficiat in do-
lore vita mea, & anni mei in gemitibus, quia
dereliqui te fontem aquæ viuæ, quia dilexi va-
nitatem, & prosecutus sum umbras, quæ nos
fugiunt.

Et an aliquid vltra, me separare poterit a te
& I E S V! ô vita, ô amabilissima charitas! ô
omne bonum D E V S cordis mei & omnia!
cur oculos meos conuertam ad vanitatem, &
non potius ad te ô I E S V, vbi solùm, pu-
rum, & omne bonum meum? Abhinc, quic-
quid mihi dare vis ô D E V S meus, aufer to-
tum, & te solum mihi da, & sufficiet mihi.

Actus Amoris.

O Summum & unicum bonum me-
um

um D E V S meus! hoc millies dicam, hoc
millies repetam, D E V S meus & omnia! neq;
enim vel majus dicere, vel majus cogitare, vel
dignius optare possum, quam hoc ipsum, D E-
V S meus & omnia! Alij alia querant, alia de-
siderent, vnum ego D E V M quero, D E V M
desidero, D E V S meus & omnia! Opes &
honores, voluptates & gaudia relinquo, mon-
tes gemmeos & aureos alijs non inuideo; mi-
hi sit D E V S meus & omnia!

O D E V S meus & omnia! nihil quæso
præter te requirat anima mea. Tu mihi suffi-
cis Domine, ideo habens & possidens te, o-
mnes mundi spes derelinquo, omnem liberta-
tem, inclinationes connaturales ablico, omnia
quæ mundus amat reijcio.

Sum etenim mi Domine, ita erga te affe-
ctus, vt etiamsi mihi ad voluptatem & absolu-
tum dominium, tot deliciissimi mundi da-
rentur, quot sunt possibles arithmeticci nume-
ri, nunquam desererem te, neq; præponerem
illos tibi. Si omnia mundi bona haberem hoc
momento, (si ita opus esset, & ad gloriam tu-
am cederet) illis amore tui renunciarem. Imò
etiamsi cum æquali gloria tua & pari merito
meo possem esse pauper & dunes, vilis & ho-
noratus, infamis & glorioſus, afflictus & deli-
ciosus, eligerem nihilominus contemptum pro-
pter te, quia tu mihi sufficeres D E V S meus
& omnia!

Duo simus ô D E V S! Tu & ego! & ni-
hil aliud! quia minus te amat Domine, qui ali-
quid.

quid tecum amat, quod non propter te amat,
Extingue me Domine in corde omnium homi-
num, & cunctos homines in corde meo occide,
vt tu solus in me, & ego solus in te viuam.

O si etiam possem à cordibus omnium, a-
morem, qui non est tuus auellare & tuum inse-
rere, vt amore tuo omnes arderent & langue-
rent! vtinam tibi subdere possem mi DEVS!
omnia colla filiorum Adæ, vt te solum requi-
rerent & amarent.

Vtinam plurimi Sancti sint in mundo, qui
omnes mundi illecebras amore tui conculcent,
te perfectissimè æstiment, honorent! vtinam
omnes peccatores mundo dediti & immer-
si ad te conuertantur!

Produc Domine austrum ardenterissimæ dile-
ctionis tuæ, qui nos omnes tam valido impe-
tu à mundo impellat in te, vt à nobis ipsis
translati, deinceps Spiritum non habeamus ex-
tra te.

Eodem Die.

Meditatio Secunda.

De Breuitate Temporis.

Pralud. 1. Statue te ante DEV M, cuius oculi
semper in te respiciunt, & quære: quo
sunt dies serui tui Domine, quoniam nume-
rus mensium eius apud te est?

Pralud. 2. Pete, vt totum tempus vitæ tuæ fru-
ctuosè impendas, & particula boni diei nun-
quam te prætereat,

Punctum I. Cogita, quænam occupatio Domini DEI tui? cogitare de te.

Cur non reddit vicem Domino tuo?
2. Erubesce de tua ingratitudine, qui cùm scias DEVM continuò ita super custodiam tuam vigilare, veluti si totius creaturæ oblitus te solum curaret & haberet, tu ex toto corde tuo, DEI tui obliuisceris.

3. Præsentis diei viginti quatuor horas in computum voca: quot ex his sèpius sibi rapiunt somnus non necessarius, gula, otium, ludì, confabulationes. O vitam miserrimam! hanc tu ratione te DEO satisfacturum arbitraris? ita sanguinem Christi remuneraturum?

4. Interroga te ipsum, quot infernos tibi debet justitia DEI, qui totum ferè vitæ tuæ tempus non DEI obsequio, sed mundi & Dæmonis impendis seruitio?

5. Finge regressum in vitam offerri ijs, quos jam in infernum præcipitauit DEVS, vnaq; coniice, quæm sanctè concessos sibi dies agerent, quæm exactam & rigidam agerent pænitentiā? & tu dicis: cras & cras, emendabo vitam. Cur non hodie, cur non hæc horæ finis malorum & turpitudinis tuæ?

6. Apprehende, quanta tibi exhibeatur gratia, dum tibi spatium pænitendi conceditur.

7. Interroga Clementiam diuinam, quæ tam diu te sustinuit, nec condemnari permisit? Quot jam millia animalium ardent in inferno, quæ minus peccauerunt! quis ligauit manus DEI vindicis tuorum scelerum? quid retribues

Domi-

Dominō, quia tantum tibi contulit spatiū pænitentiae?

8. Elice actum agnitionis, coram omnibus
damnatis, quod majori misericordiā Dominus
tecum usus sit, quam cum omnibus illis, qui
minus peccauerunt, & tamen jam ad inferos de-
scenderunt.

9. Ingemisce cum S. Anselmo & dic: O
DEVS meus! cur amavi? quare concupini in
omni vita mea quidquam prater te I E S V M D E-
V M meum? cur intermissti tempore te I E S V
versare in corde, te tota mente amplecti? ubi eram
quando tecum non eram? quo defluxerunt, quan-
do nomine solum habuerunt desideria mea?

10. Obstupesce, quomodo tot annis, tot di-
ebus à D E O tuo propter peccata tua elonga-
tus & exclusus, esse & viuere potuisti?

Pro Colloquio. Actus Contritionis.

O Me miserum! quantum tu mihi Domine
temporis dedisti ad te amandum, tibi serui-
endum! & quid ex eo jam supererit? nihil mi
I E S V ! nisi bonorum tantorum amissorum
tristis recordatio, & malorum commissorum e-
rubescentia memoria!

Infelix ego homo! quis me liberabit de
corpo mortis hujus? ut quid viuo diutius! ut
quid terram occupo ego lignum aridum & in-
frugiferum, ego semper ingratus in D E V M
meum, & nonnisi peccata peccatis toto vitæ
meæ

meæ tempore, accumulo, & sic thesauris o m
hi iram in die iræ & justi judicij!

Heu me! justus scelerum vindex, forte
jam inexorabili sustulit manum, scribens con-
tra me amaritudines, consumere me vult pecca-
tis adolescentiæ meæ?

Quis dabit capiti meo aquam, & oculis me-
is fontem lachrymarum, & plorabo die ac no-
cte quia serò te cognoui ô pulchritudo antiqua!
serò te amavi, ô bonitas infinita, imo tam exo-
sis peccatis offendit te ô misericordia mea! ô
D E V S meus! ô me miserum! cur non amau-
ui te semper, Amor semper amabilissime! sem-
per infinite! Tu es in medio cordis mei, &
quomodo ad latus meum, ausus sum terrenum
aliquid congregare?

Omnia corda hominum, qui sunt, fuerunt,
& erunt, & omnes voluntates Seraphinorum &
reliquorum spirituum, non sufficiunt, ut occu-
pentur in D E O, cur ego pusillus homuncio,
vaicum Cor meum occupabo in alijs vanitati-
bus, & non efficiam, ut tradatur D E O meo?

Serò nimium ad te venio ô I E S V Crucifi-
xe! optimam vitæ meæ partem peccatis con-
sefrau! vel nunc tempus est, ut gratiam tuam
queram.

Suscipe ô bonitas infinita D E V S meus in
manus ineffabilis pietatis tux residuum anno-
rum meorum. Pro his verò, quos viuendo
perdidi, quia perditè vixi, Cor contritum & hu-
miliatum D E V S non despicias. Dies mei si-
c ut umbra declinauerunt, & perierunt sine fru-

ctu,

et, impossibile est, ut reuocem eos. Placeat ergo, ut recognitem eos in amaritudine animæ meæ.

Volo dignissime D E V S, grandem hanc amoris jacturam nunc & singulis residuæ vitæ meæ momentis pensare. Volo amabilissime D E V S, ut abhinc totus Spiritus, totum Cor, totum corpus meum, tota vita mea viuat tibi vita mea dulcis. Addo, totus dies, totæ hebdomadæ, toti menses, toti anni mei viuant tibi æternitas mea.

Actus Amoris.

O Satietas cordis DEVS meus! nunquid non sufficis amanti? quid extra te euager? quid aliud desiderem? Eja quæso vulnera animam meam amoris tui jaculo. Imple omnia desideria mea, ut nihil me extra te delectet, nihil afficiat, te solum ardentissimè in omni creatura diligam, ad te semper æstuantissimis desiderijs tota vitæ meæ tempore anhelem.

Potesne mi Domine sustinere, ut aliqua creatura non diligit te? quæso hoc in me non sustineas, sed irrumpas in cor meum, & vim facias mi potentissime, ut sicut tu à me amoando cefare non potes, ita fac, vt & ego feruentius & intensius in singula momenta te amare possim.

O si te ab instanti conceptionis meæ cepissem amare & nosse! ò si primo rationis imperiu mentem animumq; conjectissim obstrinxissetq; tibi mille votis, nulla postmodum culpa dissoluendis! ò si pueritiam & juuentutem sce-

leris puram incastissimis & sanctissimis tuis amoribus exegisse! Heu optima vitæ pars non amplius redditura vñquam, vt velociter fugisti, nec vidisti bonum! liceat mi Domine damnum hoc saltem desiderijs compensare.

Desidero abhinc Domine vt nullum sit deinceps momentum temporis & æternitatis, in quo tibi debitum amoris, laudis, veneracionis, ac exaltationis non exhibeam, quod tibi deuotissime Sancti & Electi tui exhibuerunt, & in æternum exhibebunt. Desidero vt omnis meæ actio sit ad te aspiratio. Volo Domine, vt omnne momentum vitæ meæ, omnis motus substantiæ meæ, omnis cogitatio & respiratio nihil aliud sit, aliud spireret nihil & sonet: nisi Sanctus, Sanctus Dominus D E V S.

O amor diuine! vtinam è singulis residuæ vitæ meæ momentis usq; ad momentum extre-
mum possem facere totidem secula amoris tui:
sit in posterum omnis cogitatio mea, omnis re-
spiratio, viuum holocaustum Amori tuo, &
honorí profundissima humilitate, altissima cha-
ritate oblatum.

Et quia omnes dies & momenta annorum
meorum non transegi in castissimis tuis amorib-
us ô vita mea dulcis I E S V! omnia momen-
ta vitæ tuæ Theandricæ, tum ea quæ ab æterno
vixisti cum Patre, tum ea, quæ ex tempore
vivere cepisti genitus ex Matre, & quicquid in
illis à te gestum toleratumq; est tibi offero.
Offero & S Matri tuæ merita, ac omnium E-
lectorum tuorum amoris incendia, labores, af-
fectus

fectus cum his omnibus veluti nullius momenti obulum, infiniti valoris pretio junctum me ipsum & residuum vitæ meæ tempus, in tuum mi Domine omnimodum amorem & honorem offero & sacrifico.

FERIA TERTIA.

Meditatio Prima.

De peccatis.

Prelud. 1. Statue te coram D E O veluti reum aliquem grauissimorum criminum, qui stet ante iudicem catenatus, vincitus manibus, & pe-
dibus arctissimè constrictus.

Prelud. 2. Pete à D E O lumen, quo rectè malitiam peccati mortalis & miseriam agnoscas,
& vt illud tibi ignoscat, si fortassis eo ani-
mam tuam aliquando contaminaueris.

Punctum I. **C**ogita quid sit peccatum mortale. Est offensa & contemnitus D E I summi boni, imo voluntas perden-
di D E V M si perdi posset, eumq; perimendi
quidam conatus, quo (vt ait S. Bern.) homo pec-
cando vult interimere aut sapientiam D E I, vo-
lendo ne suum peccatum videat, aut iusticiam vo-
lendo ne puniat, adeoq; peccatum est quoddam in
voto Deicidium. Est demum sanguinis Christi
conciliatio. Est rebellio creaturæ contra su-
prenum Principem, & cum hoste ipsius Diabo-
lo conjuratio.

2. Quædamna operatur in te peccatum.

Primo peccatum te turpissimum facit, ac exosum omni creaturæ. Per peccatum mortale committis Sacilegium, quia violas templum DEI: apostasiam, quia à mandatis DEI ad pedes Diaboli transis; quia datam fidem in baptismo frangis. Per peccatum amitis gratiam vniuerso orbe pretiosiorem. Per peccatum iteratò Christum crucifixis &c. Vnde S. Thomæ Aquinatî mirum etiam videbatur posse hominem aliquujus peccati mortalis consicum in eo damnationis æternæ periculo ridere vñquam & lætari. Ribud. 7. Mart. S. Ludouicus Rex Galliarum maluit vitâ exui quâm fædari peccato mortali. Surius 25. Aug.

3. Considera, quanta fuerit iniqüitas, malitia, & audacia tua, qui summæ bonitatis & Majestatis DEVM peccatis tuis aggredi ausus es, & eo usq; amaritudine compleuisti ipsum, incircumscrip̄tæ bonitatis Oceanum, vt dolore cordis, & pænitudine intrinsecus tangeretur, quod te hominem creasset.

4. Interroga teipsum, quid tibi mali fecit DEVS! quare illum toties tam grauter offendisti & contristasti? quid tibi dedit Dæmon, quia ad ejus pedes transiisti?

5. Admirare non esse vltas ipsas creaturas, omniaq; simil elementa contemptum & injuriam Creatoris sui à te per omnia irrogatam.

6. Testare cælum & terram, quod peccaris super numerum arenæ maris, quod omnibus peccatoribus & ipsis damnatis deterior sis.

7. Cogita te non tantum pejorem esse dæmone,

mone, sed ipso, qui fuit pessimus Dæmonum principi: inter homines verò pejorem pessimorum pessimo ipso Iuda, qui Christum quidem vendidit, sed nondum mortuum vidit: pejorem ipso Antichristo, qui non toties vt tu, experietur in se Christi gratiam.

8. Exclama cum filio prodigo: Pater peccavi in cælum & coram te, jam non sum dignus vocari filius tuus, sed nec creatura tua.

9. Opta tibi tot lachrymas, quot sunt guttae in mari, aut guttae Sanguinis tui, quibus deflesas miseram & miserabilem conscientiam & vitam tuam.

10. Projicias te ad pedes I E S V cum lachrymis postula veniam. Quid enim tibi superest misero, ne pereas miserè, quām vt te conferas ad illum, cui proprium est misereri? Protestare, quod abhinc eligas millies mori, quām peccato fædari.

Pro Colloquio.

Actus Contritionis.

Heu me miserum! peccavi tibi ô bonitas! ô misericordia mea! peccavi & super numerum arenæ maris multiplicatae sunt iniuriae meæ! non est peccatum super peccatum meum! non est iniquus super iniuriam meam;

O si vastus in lachrymas vertatur Oceanus & exundet ex oculis meis! quis mihi det, ut præ acerbo dolore omnes guttae sanguinis mei mutentur in lachrymas, aut lachrymæ mutentur in sanguinem, nec vñquam taceat pupilla oculi

culti mei! Quis mihi det, vt sit magna velut māre contritio mea, ex quo semper lachrymarum flumina exeant, & in illud intrent, vt iterum perenniter fluant!

O Pater misericordiarum! esto placabilis super multitudinem malitiæ meæ, quia vox sanguinis Fratris nostri I E S V Christi clamat ad te pro nobis de Cruce.

O I E S V ! ò M A R I A ! ambo offensi estis, sed ambo estis abyssus misericordiæ & dulcedinis, parce ergo misericordissime I E S V , parce seruo Matris tuæ, misericordissima Mater M A R I A , parce mancipio Filij tui.

Displacent mihi Domine: displacent singula peccata mea: quia ex se mala & peruersa, quia supremæ tuæ Majestati amabilissimæ bonitati ac voluntati injuriosa: Odio perfecto, quo tu D E V S meus detestaris peccata mea, detestor odijq; & ego, odisseq; volo in æternum. Horreo illa, & contremisco totus ad memoriam illorum.

O vtinam nunquam te mi D E V S offendissem! non corde, non opere, non omissione, nec vlla proorsus ratione! vtinam prius extintus fuisset!

Spero tamen omnium ac singulorum peccatorum meorum plenam perfectamq; à te misericordissimo Patre condonationem. Propter bonitatem tuam, propter I E S V Christi amarissimam mortem, propter pretiosissimæ Filij tui Matris, omniumq; Electorum tuorum intercessiones & merita.

Actus Amoris DEI.

O Charitas abyssalis ! ô bonitas infinita D E V S meus ! quâm triste quâm durû mihi est, quod vñquam in te sic & sic peccauerim ! cur ô D E V S meus vel momento vñco recessi à te ? cur tibi ô dulcedo animæ meæ tam amarus & felleus fui ? cur inebriaui te absynthio, qui mille benedictionibus dulcedinis præuenisti me ?

O anima mea ! dic mihi : quid tandem illa, bonitas illa misericordia fecit tibi, aut in quo vñquâm contristauit te responde mihi ? Eja disrumpere immani dolore vel nunc !

O mi I E S V ! cur intermisî vlo tempore te versare in corde, te totâ mente amplecti & delectari in dulcedine tuâ ! Ad te nunc ô Amor suspiro, clamo, anhelo. Te stringo intimis cordis mei medullis, & totis præcordiorum affectibus. O si semper te solum cogitassem, te dilexissem dignissime perpetuo amore D E V S ! O si omnia desideria cordis tui adamussim expleuisse ! confidentius nunc irem in tuos amplexus Sanctissime amor ! nunc autem conscius pudor infamem animam confundit, reijsitq; ad oscula pedum tuorum nitentem !

Et quid vltra poterit me diuellere & separare à charitate tuâ ô D E V S meus ! an voluptas breuis ! opes caducæ, honor falsus ? an vñbræ vimbrarum, nugæ nugarum & vanitates vanitatum ? & istæ & illæ ? non facient ô bone I E S V non facient ! In æternū ex hoc momento, tu es mihi carorum omnium carissimus, tu dulce-

do, tu vnicum centrum cordis mei, & vita animæ meæ, tu thesaurus, diuitiæ, & deliciæ meæ.

Te solum mi I E S V ex hoc momento quædere, te solum ex toto corde diligere constituo. Et non solum corde meo, sed etiam omnium ac singularum, possibiliumq; creaturarum, omnibus genere, specie, numero, possibilitate, distinctis desiderijs cordibus & affectibus vellem te mi D E V S amare: idq; in omni istorum omnium desideriorum intentione ab ipsa pretiosissima Parente, I E S V q; Christi humanitate elici possilibus: ac etiam in extensione ad omnia loca, & spatia etiam imaginaria extensione quoq; ad omnia tempora, ad omnia momenta æternitatis tam ante quam post.

Eodem Die.

Meditatio Secunda.

De morte & circumstantijs ejus.

Prælud. 1. Imaginare te in extremis constitutum. Efferri Christi cruci affixi imaginem, accendi cereum, atq; intonari tibi à Sacerdote: Proficiscere anima Christiana; plurimis interim circum orantibus, & animæ excessum præstolantibus.

Prælud. 2. Pete ut ante mortem diligentem rationem temporis & occasionis, quæ modo offeruntur habere possis.

Punctum I. Considera, quia in separatione animæ & corporis, anima cùsque suam ingredietur viam. Ah! quam viam tuam

tuam ingredietur? si tunc à corpore separata foret, quid cum illa fieret? dignanè esset, vt ab Angelo deduceretur? dignanè esset, cui Mater Virgo obuiaret?

2. Reuoca tibi in memoriam, quæ tibi in morte erunt grauia. Erit graue, quando ponetur ante oculos tuos imago crucifixi! & quomodo in eum quem pupugisti, cuius sanguinem peccatis tuis conculcasti oculos defiges? Erit grauè, quando dabitur lucerna in manu index bonorum operum, quæ non thesaurizasti.

3. Considera extremum cum vita agōnem & angorem mortis, quando inclamabitur auribus, vt corde saltē, si non ore te D EO commendes. Quo pacto etiam Sanctissimi viri magnō inetu tunc concuti solent, vt S. Hilarion etiam clamasse dicitur: *Egredere anima mea, septuaginta annis, servisti D EO, quid times?*

4. Cogita, quomodò tunc totus pallesces, oculi concident & euertentur, pectus palpitabit, cor supra modum saliet, interius verò cum maligno Spiritu bellum geretur.

5. Concipe insuper affectum majoris timoris, quia in illo judicio particulari vides judgmentum iratum, qui te conturbato vultu respiciens ad tuam confusionem aperit cicatrices & cruenta vulnera, tibiq; tuam ingratitudinem, malitiam & impietatem exprobrat.

6. Imaginare quod audias Angelum tuum custodem contra te instigantem, omniaq; occulta peccata tua coram Iudice recensente.

7. Puta te videre à sinistris Diabolos terribiles.

bites ut catulos, leonum rugientes & præparatos ad escam, tibiq; inclamantes: *Euge, euge deuorabimus eum.* Qui etiam motus desperatiōnis excitare solent & dicere: *si iustus vix salubritur, impius & peccator ubi parebunt?* Et: *Qualis vita, finis ita*

8. Interroga te ipsum, quid tunc miser facies, quando infra te os inferni apertum, tetur odorem exhalans aspicies? intra verū mem conscientiā senties: sursum cælum occlusum & D E V M iratum conspicies, ad tanta quomodo non deficies?

9. Gratias age diuinæ bonitati, quia tam diu te sustinuit, & concessit tibi spatiū pænitentiæ, ut p̄teriosam in conspectu ejus mortem promereri, & à morte peccatorum pessimâ liberari possis.

10. Detestare peccata tua, quæ te sola perdere possunt, & mortem æternam adferre, & statue firmissime nunquam deliberatè peccare.

Pro Colloquio. Actus Contritionis.

O Inscrutabilis abyssus pietatis Domine D E V S meus; quomodo apparebo ante faciem tuam in illa terribili hora exitus animæ meæ de corpore, portans iniquitatem meam, reatum deperditionis vitæ meæ, & pondus multæ nimis negligentiae meæ. Talentum temporis mihi creditum non solum expendi in vanum, sed & amisi,

amisi, deprauavi & perdidi totum. Quo ibo,
quo me vertam, & quo à facie tua fugiam?

Vx ingratitudini, impietati, & cætitati meæ,
quia peccavi Domino, quia te D E V M meum
offendi, qui vt me exaltares, humiliasti, te vsq;
ad mortem mortem autem crucis: O lachrymæ
vbi vos subtraxisti, vbi estis fontes lachrymarum!

O æquissima D E I mei Iustitia, quæ nul-
lum peccatum impunitum relinquis! cum o-
mni humilitate accepto sententiam mortis meæ
egredientem ab ore tuo, tanquam dignum sup-
plicium, quod millies & millies promerui malo
vñ vita meæ.

Accepto separationem corporis & animæ
meæ, fateorq; has geminas partes essentiaz meæ
esse hæc pñna dignissimas, quò i toties vnâ con-
spirauerint in transgressionem mandatorum tuo-
rum.

Accepto priuationem vñs omnium sensu-
um meorum, quia januæ fuerunt, per quas pec-
catum intravit in animam meam. Accepto pu-
trefactionem & corruptionem carnis meæ in
pñnam illecebrarum, quas prætuli diuino amo-
ri tuo, & consentio, vt sub terram abiiciatur,
quia animam meam, ne se in cælum attolleret
impediuit.

O mi D E V S! accepto solitudinem tumbæ
atq; sepulchri mei ad reparandam injuriam,
quam irrogavi Majestati tuæ, amando & sestan-
do societas, conuersationes, & amicitias crea-
tura-

turorum, quæ me toties auerterunt, & fortè etiam separarunt à Sancto amore tuo.

O Diuina iustitia, quām recta sunt judicia tua! vt per hæc ipsa nos punias, per quæ te offendimus! puni ergo me D E V S, puni superbiam, & vanitatem meam per humilitatē mortis meæ. Puniri sensualitates meas per dolores & acerbitates ægritudinis meæ. Vlciscere cupiditates insatiabiles avaritiae meæ. Et dum iustitia tua exequitur sententiam condemnationis meæ, ego cum Fratribus Iosephi dicam humiliter: En tandem D E V S vlciscitur illatas sibi injurias. Et nos justè hæc patimur, quia peccauimus non tantum in Fratrem, sed in D E V M nostrum.

Actus Amoris D E I.

Quid possum mi D E V S facere ad declarandum tibi ardorem amoris mei pro omnibus, quæ tu tribuisti mihi, nisi vt tibi sacrificem & offeram vitam meam?

Quod pignus amabilissime I E S V reddam tibi amoris mei, vt aliquantum accedat ad excessum illum incomprehensibilem amoris, quo tu acceptasti mortem crucis amore mei, qui non tantum pati, sed & ignominiosè coegit te mori pro me in cruce inter duos latrones, tanquam caput omnium sceleratorum scelestissimum & infame!

O Saluator amabilissime, cùm te in hoc miserando statu mori videam amore mei, nonne oportet Cor meum aut saxo durius aut glacie frigi-

frigidius
amoris
habeo
O S
omnium
quod d
amore.
mnia si
st! O
vobis g
pro vita
O I
non su
meum
volo t
dedicam
mam e
re tuo
non inc
mus vi
Hō
velim
am vi
dulcissi
re non
culoru
dis, si
derabi
præter
tremu
mula

forte eti-
a tua ! vt
offendi-
perbiam,
rtis meæ.
acerbita-
titates in-
ia tua e-
neæ, ego
En tan-
ias. Et
us non
olstrum.

declaran-
o omni-
cificem

reddam
d exces-
quo tu
ai non
te mori
inquitam
num &
hoc mi-
onne o-
glacie
rigi-

frigidius esse, aut me ardere & mori in flammis
amoris tui? O I E S V amor meus, cur non
habeo mille vitas, quas relinquam amore tui?

O si in mea dispositione & potestate essent
omnium hominum vitæ, protestor mi D E V S!
quod darem illas omnes libentissimè pro tuo
amore. O possim saltem mori morte per o-
mnia simili illi, quam tu Domine pro me subij-
sti! O gloriosi Sancti Martyres, quām vestram
vobis gloriam inuideo, qui Saluatori meo vitam
pro vita, sanguinem pro sanguine reddidistis!

O I E S V amore mei crucifixe! siquidem
non sum dignus mori & effundere sanguinem
meum amore tui intra manus carnificum, saltem
volo totam vitam meam gloriæ & amori tuo
dedicare. Vtinam & vltimus halitus, quo ani-
mam efflabo, halitus amoris sit. Moriar amo-
re tuo D E V S meus, & quia vitam ab amore
non inchoaui, da mihi vitam amore finire, vlti-
mus vitæ meæ actus sit amare.

Hoc etiam insuper de me certum tibi esse
velim ò dulcis amor D E V S meus, vt cùm eti-
am virtus loquendi mortis horâ defecerit, & te
dulcissimum meum I E S V M amplius profer-
re non valebo, supplex peto, vt saltem nutus o-
culorum, vel extensio digiti, vel palpitatio cor-
dis, sit innouatio & confirmatio omnium desi-
derabilium affectuum, verborum, atq; operum
præteriorum, ac futurorum, quæ vsq; ad ex-
tremum judicij diem amore tui cum deuoto fa-
miliatu offerre yellem, si tamdiu vivere possem.

F.E.

FERIA QVARTA.

Meditatio Prima.

De Iudicio Vniuersali.

Prelud. 1. Imaginare quod videas, quomodo
Angeli tubis assumptis, omnia horrendo so-
nitu compleant, mortuosq; è cineribus ad sum-
mum Iudicij tribunal citantes intonant: sur-
gite mortui.

Prelud. 2. Pete gratiam, quâ illuminatus præ-
cognoscas, & animo præsentias horrem juri-
dicij, & discrimina, quæ manent impios, præ-
cipue malos Christianos, in futuro D E I ju-
dicio.

Punctum 1. **M**ente concipito te videre in-
numeras hominum myriades
à quatuor mundi partibus in vallem Iosaphat-
congregari. Sed ah! quali differentia? Pluri-
mi enim comparebunt, in corporibus fædis, de-
formibus, horridis! quid de tuo speras corpore?
an gloriosâ & coruscanti, an tetrâ & horribili ap-
parebit formâ?

2. Imaginare, quod sub tuum conspectum ex
infernali abysslo, aliqui infelices raptentur da-
mnati in squalidis corporibus, ardentibus one-
rati catenis, pallidi, vermis scatentes, ulcerosi,
verbo velut quædam monstra horribilia.

3. Imaginare, quod videas plurimas Dæmo-
num cateruas, quorum plurimi contra te fremunt
& instigant: item quod audias Angelos, instin-
guis diuinos & omnia beneficia tibi recententes,

con-

conscientiam propriam viscera tua corrodentem
& te incusantem.

4. Puta te videre iratum Iudicem assurgere,
eundem cruenta vulnera ostendere, quibus velu-
ti tot linguis loquetur damnatis: Ecce hominem,
quem crucifixisti, videte vulnera quæ infixi-
sti: agnoscite latus quod pupugisti, quoniam
per vos & propter vos apertum est, nec tamen
intrare voluisti. Tunc demum indignabundo
vultu dicet: sanguis meus sit vobis in conde-
mnationem. *Ite maledicti in ignem eternum.*

5. Contemplare Dæmones reproborum.
Carplices, audità Iudicis sententiā velocissimè
ad prædam suam accurrere, viuos ignitis com-
pedibus oneratos, in itagnum sulphure & flam-
mis horrens cum summa rabie pertrahere.

6. Intuere apertam te terrimam abyssum in-
fernalem fumo denigratam, in illaq; conspice
fornaces sulphureas, turbidos fumos, vasa toxic-
co & felle plena, ferramenta ignita, quibus
cruciantur damnati.

7. Imaginare, quòd post feralia Iudicis ver-
ba tanquam è flammeis nubibus excussa tonitrua,
audias stridorem dentum, maledictiones, ex-
ecrationes, horribiles in D E V M blasphemias
damnatorum clamantium: Vx! vx nobis mi-
seris! cur nati sumus? cur lucem vidimus?
cur non felicitas bestiarum datur nobis!

8. Interr ga te ipsum: potestnè fieri, vt
tam horribilis sententia irati Iudicis, ac æterna
reproborum confusio & perditio, medullas os-
sium tuorum non penetrat?

g. In-

9. Inquire ex anima tua: an non millies propter peccata vitam & malitiam suam audiit meruit hanc terribilem sententiam ex ore justi iudicis. *Ito maledicta in ignem aeternum.*

10. Ingemisce & ejula, quia D E V M tuum incircumscriptæ bonitatis Oceanum eousq; amaritudine toties compleuisti, ut dolore cordis intrinsecus tactus, te opus manuum suarum maleficere, & execrari debeat.

Pro Colloquio.

Actus Contritionis.

O Anima mea miserabilis! & quid est, quòd innumeris coinquinata peccatis infeliciissimum tuum statum non consideras? cur non paues iudicis vultum ipsis quoq; tremendum Angelicis potestatibus? cur non contremiscis ab ira Potentis, à facie furoris ejus, à fragore ruentis mundi, à conflagratione elementorum, à tempestate valida, à voce Archangeli, & à verbo aspero?

Cur non contremiscis anima mea à dentibus bestiarum infernalis, à ventre inferi, à rugientibus preparatis ad escam? cur non horres vermem rodentem, & ignem torrentem, & Spiritum procellarum?

Heu me miserom! quid dicam vel quid faciam, cum venerit tempus tremendi iudicij? quis eruet me de manu potenti & brachio extento contra me? quis præseruabit me à ventura, ira ab æterna morte, à laqueis infernalibus?

quid

qui
mean
ra co

Q
cidan
despe
quam
ram a

F
viae:
dá, q
dò ve
rens
tantu
tem:
colun
tus la
non i

C
orun
quali
despe
Carni

foli
simu
cruci
tius
nobis
carni
tis t
nos

millies
am au-
ex ore
um.
M tu-
eousq;
cordis
m ma-

quid faciam, cum cæli reuelabunt iniquitatem
meam, & aduersum me terra & omnis creatu-
ra consurget ?

Quid dicam infelix esca totius inferni ? in-
cidaninè in foueam quam feci ? nunquid laqueo
desperationis præcurrere contendam sententiam
quam merui æternæ damnationis ? Absit ! recur-
ram ad pedes tuos mi dulcis I E S V !

Recordare I E S V pie, quòd sim causa tuæ
viæ : ne me perdas illa die. Die illâ tremen-
dâ, quandò cæli mouendi sunt & terra ; quan-
dò veneris judicare, noli me condemnare. Quæ-
rens me sedisti lassus, Redemisti crucem passus ;
tantus labor non sit castus. Sedisti lassus ad fon-
tem : flexisti lassus in horto : stetisti lassus ad
columnam : iuisti lassus ad montem. Ah ! tan-
tus labor & dolor, sudor & cruor : tantus amor
non sit castus.

Caro tua sumus ô Iudex viuorum & mortu-
orum. Sanguis tuus sumus, membra tua sumus,
qualiacunq; tandem. Carnem igitur tuam ne-
despixeris. Carnem tuam odio ne habueris.
Carnem tuam ne condemnaueris.

Non gloriamur de nostris meritis, in hoc
soli gloriamur, & confidimus, quòd membra
simus illius corporis tui, quod pro nobis passum,
crucifixum, mortuum, abundè pro peccatis to-
tius mundi satisfecit. Quamobrem si merita à
nobis quæris, ecce tibi proferimus meritum
carnis tuæ, meritum passionis tuæ, meritum mor-
tis tuæ. His meritis freti coram Tribunalu
nos sistimus intrepidi. Nostra sunt, quia nostri

sunt capitum, nostri sunt corporis, cui per lauacrum regenerationis in virtute sanguinis tui incorporati sumus.

Tua merita mi I E S V ponimus intra nos & judicium tuum, aliter tecum judicio, contendere recusamus.

Actus Deprecationis.

O Bone I E S V ! plene misericordia & pie-
tate ; ne me perdat iniquitas mea, quem fe-
cit omnipotens bonitas tua, recognosce, quod
tuum est, & absterge quod alienum est. Mis-
erere mei benignissime I E S V dum tempus est
miserendi ne damnes me in tempore judicandi.
Quae enim utilitas in sanguine meo, si descende-
ro in æternam corruptionem & damnationem ?

Non patiaris benignissime D E V S , vt quem
in filium adoptasti, tota æternitate habeas inimi-
cum. Non patiaris, vt cui naturæ tuæ infudisti
imaginem, ille tuorum hostium præda fædissi-
mè dilaceretur. Non patiaris vt cui inter cæli-
tes Spiritus lumen gloriæ præparasti, ille ad in-
ferorum tenebras condemetur. Non patiaris,
vt quem cæli sedibus destinasti, ille damnato-
sum incendijs triste pabulum obijciatur.

Hoc, tuæ bonitatis inclinatio, hoc, naturæ tuæ
benignitas suadet, hoc, paterni affectus suavitas e-
xigit ; hoc, viduatae Angelorum sedes suspirant,
hoc, sanguis filij tui postulat, qui clamore vali-
do interpellat pro nobis, vt miserearis mei in-
tempore judicandi. Exhibe hoc mundo am-
nissimum spectaculum ; ex quo discat, nunquam

apud

apud te irritas esse pænitentium preces; & quoties contrito corde timeris Iudex, toties te Patris affectum exhibere.

Si verò Domine D E V S, placebit tibi damnare & projicere me in æternos cum reprobis gehennæ cruciatus, hoc decretum libentissimè accepto, hoc tamen vnicum postulans, ut in illis ardoribus sempiternis majori amoris tui igne, quām flammis inferni ardere possim. Et dum tibi omnes Dæmones & damnati rabido ore maledicent, ego inter blasphemias eorum, intensissimo affectu & amore clamare possim incessanter: Benedictus D E V S! misericordiam & judicium cantabo tibi Domine! Quia dignus es Domine, ut in omni loco dominationis tuæ benedicat tibi quævis anima & laudem tibi dicat: tum quia adhuc citra condignum punies me. Scio enim Domine omnes gehennæ pænas non sufficere ad vlciscendas & dignè puniendas tot & tantas meas contra te offensas: cùm vñica mortalis offensa gehennæ supplicia mereatur æterna.

Eodem Die. Meditatio Secunda.

De pænis Inferni.

Pralud. i. Interroga te ipsum: Quo discedis peccator cogitationibus tuis! vt tuæ tam peruersæ vitæ horrorem concipias, ad tenebrosam, horridam, fætidam, ac fumo denigratam inferni cauernam te conuerte.

Pralud. 2. Humiliter supplica, vt igne diuini amoris emolliatur, & liquefiat peccatis induratum cor tuum, ex quo vberimæ lachrymæ fiant, ne in locum tormentorum descendas.

Punctum 1. **S**TATUE TE IN FUNDÒ INFERNI CORAM ILLIS IGNEIS & FUMOSIS CATHEDRIS DAMNATORUM, ASPICE IN HAC TERRIBILI FORNAE REFERTA FLAMMIS INEXTINGUIBILIS IGNIS, INNUMERA DAMNATORUM INEXTINGUIBILIS IGNIS, INNUMERA DAMNATORUM EJULANTUM & VLULANTUM MILLIA, & QUOMODÒ EX OCULIS, NARIBUS, ORE ARDENTES & SULPHUREAS IGNIS FLAMMAS, QUIBUS ADURUNTUR, SPIRENT,

2. INTERROGA TE IPSUM, POTESNE TU HIS ARDENTIBUS PRUNIS VNICAM TANTÙM MANUM, VNIUS DUNTAXAT HORÆ SPATIO IMMITTERE? QUOMODÒ IN IJSDEM ÆTERNUM CRUCIARI SUSTINEBIS?

3. CONUERTE TE AD ALIAM PARTEM AD GELIDISSIMUM ILLUD STAGNUM GLACIEI, CUI DAMNATAE ANIMÆ EX ARDENTISSIMIS IGNIBUS IMMANNI CUM FURIA IMMERMUNTUR. O GLACIES! Ô GELU HORRIDUM! HEU QUIS FRIGIDISSIMO HYEMIS TEMPORE PER VNAM HORULAM NUDUS IMMERSUS GLACIEI STARE POSSET?

4. INSUPER CONSIDERA, QUIA CONTINUÒ DAMNATORUM AURES PUNIUNTUR INFELICISSIMIS GEMITIBUS, VLULATIBUS, TERRIBILI RUGITU. AH! QUALIS HÆC MUSICA ÆTERNUM NON FINIENDA! QUAM CANINA EST HÆC MUSICA!

5. ASPICE, QUOMODÒ À VENENOSIS BESTIIS ALIJ TORQUEANTUR, CUM CAPILLIS EORUM SERPENTES CERE-

bro

bro ranæ, visceribus vermes, pectori basiliisci,
dorso dracones adhærent.

5. Imaginare, quod audias maledictiones
damnatorum, maledicentium diem, in qua nati
sunt, Parentes, complices scelerum. Item e-
xecrantium Christi Incarnationem, Passionem,
mortem, gloriam Christi Matrem, Santos o-
mnes, peccata propria non ad pénitentiam sed
rabiem.

7. Imaginare quod sentias factorem ex am-
bulis damnatorum cadaueribus. Caro enim
verminans & putrida prunis imposita quale thus
redolebit !

8. Puta te videre damnatos arcte vincitos
sicut canes ac porcos fætidos, sicut haleces in ca-
nistro, sicut lateres ardentes in fornace, sicut hæ-
dos jugulatos in macello, continuo conturbari,
gemere, fremere propter Dæmones insultantes,
& verem conscientiæ eorum viscera corrodentem,
& illis continuò exprobrantem : En tan-
quam bestia, tanquam canis putridus à DEO
in hanc cloacam projectus : en frustra pro te
Christus mortuus est !

9. Inquire nunc ex anima tua : an non mil-
lies jam pridem has flamas infernales, illa hor-
rifica tormenta suis sceleribus debita promeru-
it ? quis continuit vtrices Christi manus, ne tua
tam exosa puniret sclera ? quis oblstruxit os in-
fernali patulum, ne excæcatus peccatis, eo præ-
ceps cum cæteris descenderes ?

10. Elice actum agnitionis coram omnibus
te viuente, in infernum detrusis, quod majori te-

cum misericordia Dominus vesus sit, quam cum
illis omnibus, neque cum illis damnari permi-
fit. Demum postula indulgentiam, & spatium
pænitentiae.

Pro Colloquio.

Actus Contritionis.

Quis dabit capiti meo aquam, & oculis meis
fontem lachrymarum, ut præueniam fleti-
bus fletum, & tridorem dentium, & pedum du-
ra vincula, & pondus catenarum prementium,
stringentium, vrentium, nec consumentium?
Heu me Mater mea, ut quid me genuisti filium
doloris, filium amaritudinis, & plorationis æter-
næ? cur exceptus genibus, cur lactatus vberibus
natus in combustionem, & cibus ignis?

Heu me! factus sum sicut Sodoma, combu-
stus sum sicut Gomorra! Quis miserebitur ci-
neri meo? O quam acerbus est fructus peccati
amiori felle, crudelior gladio!

Væ animæ meæ peccatrici! væ mihi quia
tibi Domine soli peccavi nimis in vita mea &
malum coram te feci: cui vni soli semper à me,
& ab omnibus creaturis summa laus, honor, a-
mor, & gloria debetur: omnibus autem crea-
turis à te tua benedictio, gratia, & miseratio:
sed quia tolus ego peccavi tibi, idcirco nulla
mihi à te debetur venia, gratia, & miseratio,
sed potius omnis tuus furor, ira, damnatio, &
perditio. Idcirco infernus domus mea est, ego
inferni incola & hæres sum.

Idcirco etiam omnes damnatos, reprobos,
præ-

præscitosq; ex inferno facessere, ac mihi locum
meum cedere jubeo: quia præ me omnes illi
innoxij sunt, & præ omnibus illis mihi vni & so-
li infernus debetur: ego solus inferni pænas pæ-
nis meis exhauiio, & adhuc inferno dignus sum
alio atq; alio. Idcirco etiam infra omnes Lu-
ciperos, Asmodæos, Beelzebubos, infra Cainos,
Iudas, Pilatos descendō ac me demergo: omni-
bus enim ingratis, perfidis, abjectis, malignis,
ego magis ingratus, perfidus, malitiosus.

At misericordissime Domine, quamuis ego
infelix commisi multa nimis, vnde me justissi-
mè damnare & abiicere in æternum debes: quia
tamen tu misericordiarum Pater non amisisti, vn-
de misericordissimè saluare potes: propterea
ego de profundissimis miseriārum mearum aby-
sis clamo ad te: Tibi soli peccauī & malum co-
ram te feci, miserere mei: Istud in me peccatisq;
meis displicet, quia tibi soli peccauī. Amare
cordialissimè & æstimare te solum super omnia
debui, & tibi soli peccauī.

Non ergo Domine deprecor amissionem cæ-
li, aut deprecor supplicium inferni, sed depre-
cor offendam tuam. Nec ardere metuo, sed
peccâsse doleo. Nec me contristat damnum
meum, sed afficit & affligit injuria tua & ini-
quitas mea.

Actus Amoris D E I.

O D E V S meus! quanta mihi felicitas eue-
niret, si possem ego supplere defectum pra-
uorum Angelorum, prosequendo te auctibus illis

amoris, quibus ipsi prosequi te deberent, & non solum ipsorum defectum, sed etiam hominum damnatorum, qui pro amore & laudibus execrabi contra te odio iraq; flagrant longè pejus, quam flammis inferni.

O si per meam ad inferos relegationem & condemnationem honori & gloriae tuæ posset aliquid accedere, rogarem te hanc gratiam. Et si mihi in profundissimo inferni loco sedem præparares, in quem ego maximus totius orbis peccator & abominabilissimus recluderer, & tanquam incus omnium carnificum malleis expedita, tormenta omnia, quæ sunt, fuerunt, & erunt, meo corpore excipere possem, quæ omnibus Dæmonibus & damnatis debentur, ego ex cordis mei intimo affectu offero me continuo ad has pœnas subeendas, plus inde capiens voluptatis, quod inferno exhausto, nullæ amplius blasphemias in te D E V M meum erumperent, & ex tot animarum redemptione, quæ te D E V M meum æternis laudibus prosequerentur, quam de mea vnius salute.

Amo te D E V S meus, quam intensissime possum, & opto supra id, quod possum, omnes omnium creaturarum affectus & amorem transferre in te, odium peccatorum omnium & damnatorum in tui amorem, blasphemias eorum in laudem tui commutare, arenas omnes, & guttas, & atomos in ardentissimos Seraphinos.

Et quia te amo mi Domine! mallem ex voluntate tua acerbissimas inferni pœnas sine fine tolerare, quam sine te gaudijs perfungi semper.

ternis. Ibi enim locus meus est, vbi est locus majoris gloriæ tuæ, paradisus sine majori gloria tua, infernus mihi esset, infernus autem mihi paradisus erit cum majori gloria tua.

FERIA QUINTA.

Meditatio Prima.

De Gloria Cælesti.

Pralud. 1. Contemplare magnificentiam, altitudinem, & pulchritudinem illius ciuitatis supernæ, quæ margaritis & auro ornata constat; odores suauissimos spirat, radijsq; splendidissimis vndiq; illustratur.

Pralud. 2. Roga vt prægustatis interiori sensu istris paradisi cælestis delicijs, & Ægypti peponibus ac paludibus cænosis, mundi inanes filiquas ac fordes nauseabundus semper despicias.

Punctum 1. **F**inge animo te per ciuitatem cælestem ambulare: in eaq; palatia, vicos, hortos, Reges, Cæsares, aliaq; similia intueri. O Patriam desiderabilem!

2. Erige postea oculos ad altissimum hujus cælestis aulæ fastigium, ibiq; conspice SS. Trinitatem in coruscanti & splendidissimo throno gloriæ suæ innumeris Angelorum millibus cincto residentem.

3 Intuere ibidem gloriosam Christi Humanitatem, ac cicatrices ejus mirificè resplendentes. Ad latus Filij inspice Reginam cæli stellis coronatam,

natam, ac omnes Beatorum cætus velut lucidissimos soles.

4. Expende tecum, quomodo felices illæ cæteruæ simul cum Angelis gaudeant, & in continuis cantibus & suauissimis symphonijis vitam jucundissimam vivant. Quam flagrantia lilia! quam odoriferae rosa videntur esse singuli!

5. Cogita quantâ felicitate delicijsq; Beati in singulis sensibus corporum & animæ potentijs perfruantur. O felicem æternitatem!

6. Gratulare Sanctis omnibus tantam gloriam & beatitudinem, tantam summi boni possessionem & æternam fruitionem.

7. Accendere famelicissimo desiderio adnumerandi & adjungendi te Sanctis, cum illis D E V M videndi, D E V M possidendi, & cum SS. Angelis de illorum felicissima beatitudine participandi.

8. Concupisce quam plurimos Sanctos, quam maximos, ut ab ijs D E V S laudetur, honoretur & exaltetur, & quibus viduata cælestis Hierusalem instauretur,

9. Confunde te coram cælo & terra, quod tantum deuiaueris à via gloriose Sanctorum habitationis, & æternæ D E I visionis, quod pro voluptatibus tam sordidis deserueris æternas & infinitas cæli delicias.

10. Arguendo tuam stultitiam exclama: O magna domus D E I! o patria desiderabilis, quam vilis mihi fuisti, & quam turpiter te pro nihil toties contempsi!

Pro

Pro Colloquio.

Actus Contritionis.

O Periat confusio faciem meam Domine D E V S meus, quia tam dissimilis factus sum fratribus meis & filijs matris meæ Ecclesiæ! Heu quomodo apparebo in conspectu tuo Domine, & in concilio justorum tanta charitate ardendum! Illi cum timore & tremore operabantur salutem suam. Alij castigabant corpus suum, & in servitatem redigebant, cæteri non vestiebantur molibus, sed de pilis camelorum tegebant lumbos suos.

Alij ludibria & verbera experti sunt, lapidati sunt, secti sunt. Ego autem vilis, exosus & ingratius peccator, non tantum crucem propriam tollere & Sanctis tuis assimilari renuo, sed etiam, quod grauius est, te D E V M meum centrum omnium bonorum grauissimis peccatis offendere non defino.

Quomodo ergo tam exosus peccator dignus erit aliquandò D E O, qui offendit & contemnit D E V M? quomodo possidebit D E V M, qui eum abjecit? quomodo videbit intuitiuè D E V M, qui totum intellectum auertit à D E O? quâ fronte gratiam requiret, qui æterno odio est dignus? & cui pæna debetur, qua temeritate gloriam deposcer? Quid mi Patér dicam, merui mortem, & præsumam petere vitam? non nè dulcem affectum Patris stultus exacerbat Filius, qui post illatas Patri contumelias adhuc contumax hæreditatis sibi usurpat celstitudinem?

Ergo-

Ergonè mi Domine, & ego deinceps audebo te offendere & nihilominus petere regnum tuum? Ergonè deinceps audebo delicatus miles molli strato vti, indui splendide & epulari? si beati qui lugent, eheu! quomodo felices erunt, quibus nil placet, nisi jocus, cibus, & ludus? Itanè me non pudebit sub spinoso capite membrum esse delicatum? Quomodo potero carni indulgere ac nihilominus petere regnum tuum, qui non habuisti mi I E S V vbi caput tuum reclinares? qui & fame cruciatus fuisti & felle potatus?

Eruntne fortiores ac prudentiores filij hujus saeculi, quam serui tui? tolerabunt illi omnia pro supplicio, & ego nihil pro praemio æterno? An ad hoc veni o bone I E S V, ut ignauis sim miles in castris tuis?

O D E V S cordis mei! non ultra mihi sapiet mundus aut bona illius, quando gustaui & vidi, quam suavis sis Domine! Imo etiam ignis, crux, bestie, confractio ossium, membrorum diuisio, & totius corporis contritio, & tota tormenta Diaboli in me veniant, tantum te DEO meo fruar.

Affirptiones ad Cælestem Patriam.

O Domus D E I magna & spatiosa nimis, quando inhabitabo te! o terra viuentium quando viuam in te! o ingens locus habitatio- nis D E I, quando capies me! o vberas domus D E I, quando inebriabor abste! o terra lacte & melle fluens, quando perueniam ad te! o

tem-

templum Domini quando visitabo te! ô cæna magna, quando accumbam ad te! ô torrens voluptatis quando potabis me! ô fons vitæ, quando sitim extingues in me! ô gaudium super gaudium vincens omne gaudium, quando intrabo te, vt videam D E V M Deorum in te.

O I E S V ! ô I E S V ! quām dilecta tabernacula tua, Domine virtutum! concupiscit & deficit anima mea in atria tua! sitiuit anima mea ad te D E V M fontem viuum. O quando induces me in purum, in excessuum, in absorptiu[m] tui amorem? quando demittes me in abyssum amorosissimi cordis tui, vt omnium præter te solum oblitus, etiam me ipsum nunquam inueniam? quando in lumine tuo videbo lumen tuum?

O quando suauissime mi I E S V licebit Sacros pedes tuos pro me perforatos osculari & lambere? os aperto lateri admouere? ad pedes tuos in æternum sedere?

O Si hoc gaudio! ô si te solo & vnico post aliquot miseros dies frui, & vocari possim ad cænam agni & D E I mei! O I E S V M D E V M meum! ô omne desiderium meum! quemadmodum desiderat Ceruus ad fontes aquarum, ita desiderat anima mea ad te ô I E S V . Quid enim mihi est in cælo & à te quid volui super terram? defecit Caro mea & Cor meum in salute tuum D E V S cordis mei & pars mea D E V S in æternum!

In felix ego homo quis me liberabit de corpore mortis hujus? cupio dissolui & esse tecum mi bo-

mi bone IESV ! Creati nos Domine ad te, & inquietum est Cor nostrum, donec requiecat in te. Nam ubi Pater meus est, ibi Spes mea, & patria mea, portio mea in terra viuentium. Vade vade Cor meum, ad D E V M tuum, ad amorem tuum IESVM. Ecquid vis agere diutius in hujus pectoris mei cloaca ? vade, vade Cor meum, vade ad D E V M tuum, tam dulcem, tam suum, tam amabilem ! nonne anima mea, ibi debet esse Cor tuum, ubi est thesaurus tuus ?

O amor meus ! ô D E V S meus ! ô mellifluum osculum & amplexus dulcissimus, ô indissolubilis conjunctio, ô pabulum suauissimum, ô inflammatio incentiva, non amplius, non amplius possum vivere sine te. O conflagrem ! ô liquefiam amore D E I mei ! ô vtinam nunc mori possem præ amore Domini mei IESV ! ô anime mi quis te adeò beatum efficiet, vt confessim ex hac ærumnosa vita, aut morte potius evoles in D E V M !

Age bone IESV dulcis amor cordis ! educ vincitum amore tui animum debitum charitatis tuæ triumphum. Videant te oculi mei dulcis IESV, videant te, & hic moriar, vt te fruar : Ne patiaris me diutius præ tui amore & desiderio languere & diu interire.

Eodem Die. Meditatio Secunda.

De Æternitate.

Prælud. I. Statue te cum S. Davide cogitante dies

dies antiquos & annos æternos in mente habente, atq; infige diligenter cordi tuo: quid sit æternitas,

Pralud. 2. Pete humiliter, vt felicem & beatam æternitatem promereri possis.

Punctum 1. **C**onsidera, quid sit æternitas! an duratio nunquam fluens, semper præsens, perpetuum aliquod hodie! an circulus cuius centrum semper & peripheria est nunquam! an rota quæ perpetuo voluitur & quiescit nunquam! an oceanus sine fundo, littore, termino, & fine!

2. Cogita, quid sit damnatorum æternitas? an mors semper reuiuscens, & vita semper moriens? an ignis viuacissimæ flammæ nunquam extinguedæ? an vorago profundissima aquarum semper ardentum? an triceps cerberus omni tempore latraturus? an vermis continuo rodens & nunquam moriens? an Basiliscus mortifero oculo? an Draco ignitis visceribus semper nocens & nunquam interimes.

3. Quære: quid æternitas vtrorumq;? O exoptata Beatorum æternitas! & exoptata cælitum patria! o detestandum exilium damnatorum! Quam placet ista Chanaan perpetim manans lacte & melle! quam displaceat illa Aegyptus repleta absynthio & felle! Euge euge fortunata ter & amplius filia Syon! Væ vœ ter & amplius filia Babylonis misera.

4. Considera quam diu hi & illi? semper & nunquam! nunquam & semper! durabit ignis

ignis in Stygio sepulchro semper, torquebit semper, extinguetur nunquam. Hi dilatato corde latabuntur in cubilibus suis semper. Illi præ angustia Spiritus gementes latrabunt in antris suis semper. Verbo tam diu durabit æternitas, quam diu D E V S erit D E V S.

5. Ingemisce & desle maledictam damnatorum æternitatein, quorum vnica erit in tota æternitate occupatio, sine fine, sine termino ejus, rugire, flere, in igne sulphureo torqueri, dentium stridore concuti præ desperatione finis malorum suorum, æternum ardere.

6. Obi animo omnes miseras animas, & damnatos omnes, illosq; alloquere: quot sæcula vobis hic cum alijs contubernalibus restant transfigēta? quamdiu erunt vestri cruciatus? an non videbitis Dominū in æternum in terra viuentium?

7. Interroga Dominū I E S V M, an non sanguine suo has infernales flagras mitigabit? an non Diuino suo cruore ardorem hunc sempiternum post myriades sæculorum extinguet? nunquid in æternum projicit D E V S? respondebit tibi: In inferno nulla est redemptio. Damnatis jam non possunt prodesse vel integra lachrymarum effusa Maria, nec sanguis Martyrum, & ipsius Christi licet infiniti valoris in cruce effusus.

8. Inquire ex anima tua, an non detestabitur vitam suam tam pessimè traductam! an pro momentaneo, quod delectat, eliget æternum quod cruciat? an pro vnica gutta consolationis præliget mare ærumnarum & æternæ plorationis?

9. Computa vires tuas, an poteris habitare in

in æternum cum igne deuorante & ardoribus in-
fernī semper tertiis? an poteris exul esse à DEO,
æternū execrari cum damnatis D E V M, blas-
phemare Sanctos ejus?

10. Resolute te pro commissis peccatis tuis
ad maximam pænitentiam. Desidera vt ex o-
culis tuis sanguineæ erumpant lacrymæ, vt
cor tuum præ immani dolore scindatur, ita, vt
hic vultum amantissimi Patris toties offensi de-
precari possis.

Actus Contritionis.

Vtissime D E V S, qui fieri potest, vt æterni-
tatem mihi mineris pænarum, neq; tamen
justitiaz tuæ metum extorqueas à durissimo cor-
de meo? an nondum apprehendo, tametsi forna-
cem videam æternū arsuram, quantus peccati
sis hostis, & quām enorme sit delictum, te offendere
Dominum vniuersorum?

Qui fieri potuit vt tanta insania nuditaretur
in corde meo, vt viuere auderem, vel momen-
to duntaxat unico tibi inimicus? neq; momen-
to tantum, sed & mensibus & annis integris per-
stisti in hoc miserabili statu, nihil interea imme-
mor veterum mearum deliciarum; & quamuis
tot peccatorum grauatus pondere, somnum ta-
men capio quietissimum.

O insaniam omnium, quæ vñquam occupa-
vēre hominis animum, insanissimam! merebar
dudum plecti sententiā, ad emendationem vsq;
meam tam diu dilatā, merebar equidem, fateor,
sed tu Clementissime D E V S bonitate tua ma-

litiam meam superasti; age igitur, ne dedignare, diutius etiam sufferre me. En vincum me, & captiuum Diuinæ misericordiæ tuæ; qui me fugitiuum tanto labore quæsiuisti, ne repellas supplicem à pedibus tuis, alio! ne reijcias animam, tam caro tibi emptam.

Largire fortitudinem, ut fugiam peccatum, quod ducit ad damnationem, da gratiam, ut timeam infernum qui separat à te, timeam æternos cruciatus, dele sanguine tuo sententiam, quam toties damnari debui ad infernum. Sic ergo his omnibus liber, velut viuum bonitatis tuæ trophæum, misericordias tuas in æternum cantabo.

Actus Deprecationis.

O Infinitè misericors D E V S! si tu me ejicis, quis me recipiet? si tu me despicias, quis me aspicier? Et quid proderit mi dulcis I E S V, Majestati tuæ pro me tam humiliter exinanitæ, si me in æternum à facie tua projectum & exclusum in abyssum inferni æternis trades cruciandum tortoribus?

Cujus utilitatis erit ineffabile pretium tui sanguinis adeò pro me abundè effusi? & quomodo inors tua morte mortua erit, cum tartarus deglutiens imaginem tuam, simul in obliuionem absorbeat infinita merita tuæ durissimæ passionis, & animam igni inextinguibili destinatam à tua beatissima præsentia perpetuò separet.

Quomodo relinques ô Pastor bone ouiculam tuam solam in terra horroris & vastæ solitudinis, inter leones, vrsos, & tygrides infernales?

pote

poterisnè vocem spernere balantis hujus miseræ
ouiculae & fugientis ad te?

Nunquid mi I E S V cognoscentur in tenebris mirabilia tua, & justitia tua in terra obliuionis? Nunquid narrabit aliquis in sepulchro misericordiam tuam? nunquid cum iratus fueris, misericordiaæ nunquam recordaberis? nunquid hereditatem tuam delebis, & claudes ora te canentium? nunquid facies hominem, quem creasti ad laudem tuam, gaudium sempiternum initiois tuis?

O Pater misericordiarum! o D E V S æternæ consolationis! qui non lætaris in perditione peccatorum, sed magis vis ut conuertantur & viuant: en habes ad thronum misericordiaæ tuæ prostratum supplicem, cui vnicum hoc protius vitæ gemitu relictum est. Peccavi! & heu petulantissimè iram tuam. Tibi soli peccavi o Pater benignissime! mereor mille infernos. Non habeo vnde soluam: mea satisfactio est tuus sanguis.

Non auertas bone I E S V faciem tuam ab hac anima mortis æternæ affecta doloribus, quam non auertisti ab ijs, qui eam sputis & colaphis male tractarunt. Noli benignissime I E S V filij tui licet prodigi in æternum obliuisci, quia in manibus tuis descripsisti me. Noli in æternum à facie tua creaturem & opus manuum tuarum repellere: vtq; Domine nihil horum odisti quæ fecisti. Hic potius vre, hic cattiga, vt in æternum parcas.

FERIA SEXTA.

Meditatio Prima.

De Passione Domini.

Prælud. 1. Statue tibi ob oculos cordis IESVM totum fluidum, sanguinolentum, vulneratum, dilaniatum, de cruce pendulum, & disceptum in toto corpore.

Prælud. 2. Roga Dominum I E S V M, vt ex ipsius laboribus, sumptibus, & sudoribus vberes fructus coltigas.

Punctum 1. C on sidera, quis & qualis pro te patitur? Dignitate D E V S & homo? Quid mirabilius! quid horribilis! quis vñquam cogitauit simile! potuitne vitâ mori! D E V S flagellari! potentia D E I funibus ligari! imago æterni Patris confusi! D E V S deniq; nudus inter duos latrones suspendi!

2. Quare: quid & quanta patitur? Tam magna, tam multa, tam ignominiosa tormenta passus est, in vrbe Orbis principe, in oculis innumeræ multitudinis, polt tot miracula, in terrima corporis constitutione, omni genere inmanissimo suppliciorum. Fuere tanta, vt Angeli pacis amarè planixerint: tanta vt rupes scisse, cælum, terra, omniaq; elementa trepidarint.

3. Pro quo patitur? Non pro diuinitatis illis Spiritibus Cherubinis aut Seraphinis, sed pro hominibus vilissimis: pro te in particulari iuto & cinere: pro suo inimico: pro te abjectissimo

simo & ingratissimo homuncione: te damnatio-
nis æternæ reo: te nequam & prodigo filio.

4. Quo tempore incepit Christi passio? Duæ
fuerunt Christi cruces, vna spiritualis, quæ à
primo instanti conceptionis cœpit: altera cor-
poralis, cui principium datum in præsepio. Spi-
ritualis Crux consistebat in continua tristitia in-
terna, quam causabat viua futurorum vulnerum
& mortis crudelissimæ apprehensio: priusq;
Christus ab amore, quam ab odio crucifigi vo-
luit.

5. Quare patitur? nulla illi patiendi necessi-
tas; non quod indigeat nobis, ut pote se ipso fe-
licissimus, non quod accedat quidquam aut de-
trahatur, si vitam aut damnationem æternam
incurramus. Patitur ergo ex solo amore, pie-
tate, misericordia, vltro, sponte, alacriter.

6. Tunc demum dulce cum I E S V tuo in-
stitue colloquium: Quid facis bone I E S V?
nos mori debuimus, & tu soluis! nos peccau-
imus & tu luis! quæ non rapuisti redditus! Opus
sine exemplo, gratia sine merito, charitas sine
modo.

7. Deinde admirare effusissimam ipsius in-
redemptione & passione liberalitatem & dic:
Quæ tua mi I E S V humanitas & liberalitas?
vna guttula non dico cruxis sed sudoris, ad re-
dimendum vniuersum mundum, & mille alios,
si extarent, sufficeret, & tu non guttam, sed tor-
rentem sanguinis tui effundis?

8. Reuoca tibi in memoriam illa verba a-
moris plena Christi Domini, a S. Gertrudem
prolata:

192 VIATOR

prolata: Vide quomodo crucifixus sum amore vestri, quomodo pendeo nudus, despactus, toto corpore vulneratus, per singula membra distensus! & adhuc te ita amo, ut si aliter salutem consequi non posses, vellem iterum mori pro te. Et si fieri posset, ut tories morerer, quot sunt animæ in inferno, ego promptissima voluntate corpus meum traderem, eandemq; passionem, pro qualibet anima sustinerem, quam sustinui pro omnibus.

9. Cogita nunc atq; delibera: Quo ille dignus sit? quid tu illi debeas? quid retribuisti Domino tuo pro omnibus quæ tribuit tibi!

10. Erubesc & confundere, quod tantamq; indigna mala pro tantis bonis & donis retribuas: quod tantis ejus ærumnis, malitiæ tuae & perditione causam deris: quod illi compati & crucem tuam tollere nolis.

Pro Colloquio.
Actus Contritionis.

O IESV pro me crucifice! quantorum ego tibi dolorum causa fui! verè languores meos tulisti bone IESV & dolores meos portasti! O IESV! ô amor! vix pro justo quis moritur, tu pro inimicis & pro injustis mortuus es? O ardentissima charitas! ô quam suauiter vris! quam fortiter trahis in funiculis Adæ & charitatis? vulnerasti Cor meum IESV mi, vulnerasti Cor meum: ytinam amore tui mori possem & viuere tibi!

o me

O me ingratum hominem ! quid pro his o-
mnibus reddidi tibi ? pro tantis beneficijs tanta
reddidi mala ! pro his omnibus toties tam gra-
uiter contra te benignissimum Patrem ego ingra-
tissimus filius, contra te supremum Principem,
ego rebellis Seruus : contra te D E V M & Re-
demptorem meum ego ingratissimus & vilissi-
mus terræ vermiculus insurrexi : toties sanguine-
nem tuum peccatis meis conculcaui : iterum
atq; iterum te in crucem adegi : tot animas tuis
vehementissimis doloribus & pretioso Sanguine
emptas occidi !

O Zelosissime & profusissime amator & Pa-
ter animæ meæ induo & superinduo sicut diplo-
ide faciem meam confusione peccatorum me-
orum. Sto pudore plenus ante te. Et non
me mouet ad confusionem & dolorem horren-
dus infernus, quia offendit te, non me mouent
acerba vincula & æterni gehennæ cruciatus ! Tu
me moues mi D E V S ! non me mouet cælum,
quod propter peccata mea amisī. Mouet me,
quod videam te totum excarnificatum, & in toto
corpore disceptum. Mouet me Caput tuum
Spinis coronatum. Mouet vultus tuus spulis,
alapis, & luore deformis. Mouent manus &
pedes clavis saucij. Mouent me opprobria, &
mors tua, & Sanguis tuus, & ita mouent, ut si
non esset infernus ullus, & si nullum esset cæ-
lum, tamen peccata mea detestari & execrari a-
more tui vellem.

O si vel nunc tota abyssus ingentium aqua-
rum recipiatur sinu cordis mei, illamq; effundam

in signum doloris mei! o si pra^e acerbo dolore
omnes guttae sanguinis mei mutentur in lacry-
mas, aut lacrymae mutentur, in sanguinem, quia
toties ausus sum contemnere & bone I E S V pre-
mium sanguinis tui.

O si etiam daretur in me unicum æterno pri-
us in te amore donatum, & in eo confirmatum
omnium damnatorum & damnandorum pœnas
colligi & aceruari, sic ut cæteri omnes, qui mo-
dò impie calcant pedibus suis tuum sanguinem,
te Salvatorem suum laudarent, & nullus omni-
no non amaret, qui potest amare! profecto mi-
I E S V non dices amplius, justè conquestus,
quæ utilitas in sanguine meo?

NON 20

Actus Compassionis.

Quis mihi hoc tribuat, vt pro te moriar a-
mantissime I E S V? tuas angustias consi-
derans in me ipso deficit, & pra^e dolore, exani-
mis efficior, dum te pro me tanta mala sustinere
conspicio. Quid fecisti Domine? quare pro
me vilissimo ascendisti crucem? & quid sum
ego putredo & vermis, pro quo tu Dominus
omnium debebas sic affligi?

Quare talem mi I E S V commutationem
fecisti, vt dares vitam pro morte, veritatem pro
vanitate, gratiam pro malitia, & gloriam pro mi-
seria? Nonnè melius erat mi bone I E S V, vt
non essem, quam ut factus te occiderem? & cur
carnes meas non lacero pra^e dolore? aut quomo-
do me omnis Cœatura non occidit, qui fui occa-
sio tux mortis?

Nonnè

Nonnè mirabile videtur me cogitare, te tam nobilissimum & benignissimum Dominum pro me vilissimo mortuum, & non statim deficere prænima tristitia? O Frater dilectissime & pri-mogenite, tristitiā nimiā affecte, quomodo ego frater tuus, si hujus tristitiae tuæ confiscius non contristor! O IESV benignissime, qui pro me angustiatus & afflictus es, flagellis laceratus, & terribili morte pereemptus, quoniodò ego filius tuus, si hæc videns mærore non consumor! O Sponse dulcissime pro me tantâ amaritudine plene, quomodo ego Sponsa, si tuam amaritudinem non partipo?

Morior mi IESV morior, nisi videro in manibus meis fixuram clauorum tuorum, & in pedibus meis cicatrices & vulnera pedum Sanctorum tuorum. Morior mi IESV, nisi vide-ro pectus meum tuâ lanceâ transuerberatum, & Caput meum tuâ spinea coronâ redimitum. Certè mi dulcissime IESV nolo viuere sine vulnere, quia tè totum pro me video vulneratum.

O cur crucis illius loco non fui, vt tu Domine mi fuisses manibus meis & pedibus con-clauatus! certè illi Ioseph ab Arimatæa dixi-sem: non auferas IESVM à me, sed mecum illum sepelias, & deponas in sepulchro.

Eodem Die.

Meditatio Secunda.

De Pænis Purgatorij.

Prælud. I. Descende viuens in purgatorium, do-

N 5. mum.

mum flamarum ingentium, lacumq; intue-
re maximum & ardentissimum, ac ibidem in-
quere hominum myriades, & inter illos Prin-
cipes, Prælatos, Sacerdotes, Religiosos, ple-
beios conspice.

Pralud. 2. Pete lumen, vt agnoscas, quām sic
intensus ignis purgatorij.

Punctum 1. **C**onsidera, quia pœnæ purga-
torij tantæ sunt, vt S. Augu-
stinus dicat: *Ignis durior est purgatorij, quam*
quidquam in hoc sæculo panarum videri, excogitari,
aut sentiri potest. Ser. 42. de Sanctis. Et S. Tho-
mas 3. p. q. 46. a. 6. asserit pœniæ martyrum o-
mnium, imo ipsius Christi Saluatoris cruciatibus
esse acerbiores pœnas purgatorij.

2. Quære ob quam causam, hæ animæ crea-
turæ nobilissimæ, genus electum, gens Sancta,
tantas & tam atroces patientur pœnas? Ideo, *quia*
etiam stipula, etiam fanum in iudicium & panam
veniunt. 2. Cor. 3. *Etiam de verbo otioso reddetur*
ratio in die iudicij Mat. 12. *Etiam minutissima*
cogitatio, diuinis oculis discussa non placuit. S. Gre-
gor. 21. Homil.

3. Tunc demum imaginare, quod videoas
igneæ in flammis purgatorij corpora, lacrymas,
quas fundunt, ignes esse.

4. Postea adorare sulphureum illum & te-
rrimum odorem, & gusta quām amarus sit ca-
lix punientis D E I.

5. Deinde si quam illæ flammæ animam
extulerint ad conspectum tuum, percunctare:

eue

cur tot annis in igne deuorante & ardoribus sæ-
uissimis misera permaneat? certè respondebit
tibi, vt ille Paraliticus, qui 48. annis jacuit ad
Piscinam Probaticam: *Domine hominem non ha-
beo, qui me è loco isto moueat.*

6. Insuper inspice mentis oculo, quantus sit
in animis illarum dolor & mæror. Ut clamant
querulæ: *Quia lumen cœli non video!* quia à
D E O meo centro & ultimo bono meo tam-
diu arecor & exulo!

7. Gratias age nomine animarum purgato-
rij, Diuinæ bonitati, quod temporaliter in il-
las igne & pænis aduertat, ne in æternum igne
gehennæ puniat.

8. Opta tibi tantam felicitatem. O si Diui-
na misericordia te etiam hoc igne purgatorij di-
gnaretur! O si hic potius vreret, hic seceret, vt
in æternum parcere possit.

9. Excita in te desiderium, quod velis ex
corde animas purgatorij, tanquam ardentes sti-
pulas lateri Christi aperto admouere, vt ex illo
ceu limpidissimo fonte guttae Sanguinis, aut a-
qua stillæ bullientes effluant ad extinguen-
dum vel saltem mitigandum ardorem purgatorij.

10. Pete gratiam, vt totum vitæ tuæ tem-
pus benè & fructuosè impendere possis, & pro
peccatis hic satisfacias; ne cogaris ibi soluere
vsq; ad nouissimum quadrantem.

Actus pro Defunctis.

R Espice pie Pater de sede magnitudinis tuæ,
ad miserias animas in purgatorio detentas.
Respi

Respice pñnas & cruciatus, quibus tam misera-
biliter torquentur. Considera gemitus & lacry-
mas quas ad te fundunt: audi preces & suppli-
cationes, quibus misericordiam tuam implo-
rant, & esto propitius peccatis eorum.

Offero tibi Pater Clementissime animam dul-
cissimi Filij tui I E S V cum omnibus ejus acti-
bus, & animas omnium Sanctorum & Sanctar-
um, vt è pñnis liberentur electi tui.

Offero tibi pie Pater I E S V M flagella-
tum & crucifixum, & Sanguinem ejus in ter-
ra effusum, I E S V M morientem & lacry-
mantem pro omnibus peccatis animarum pur-
gatorij, quæ vñquam perpetrârunt, ac pro illa-
rum negligentijs offero tibi feruentissima ejus
desideria: pro omissionibus bonorum operum,
offero tibi ejusdem meritorum abundantiam.

Demum pro omnibus pñnis, quibus ob-
noxiae detinentur offero tibi omnes pñnitentias,
jejunia, vigilias, orationes, labores & affi-
ctiones, vulnera, liuores, passionem & mortem,
quam innocentissimè & promptissimè Filius tu-
us sustinuit,

Insuper offero tibi misericors D E V S ve-
nerabile S A C R A M E N T U M in omnibus
templis per vniuersum mundum, omnia Sacri-
ficia jam peracta, & ad finem seculi peragenda,
omnia Martyria, omnia vota & obsequia justo-
rum, quæ tibi dant gustum, vel quæ tibi pla-
cuerunt, & in æternum placebunt, omnem pñ-
nitentiam, mortificationem, jejunia, vigilias, &
omnia merita totius militantis Ecclesiæ. Et
offero

offerò hæc omnia pro peccatis animarum pür-
gatorij humiliter obsecrans, vt per hæc liberta-
tem vel saltem leuamen pænarum consequan-
tur.

DIE SABBATHI.

Meditatio Prima.

De beneficio vocationis.

Pralud. 1. Constitue te coram D E O totaq;
cælesti Curia, & cogita quantâ tecum Domi-
nus misericordiâ n̄s us est, qui te cum paucis
alijs, immo paucissimis respectu multorum ex
prædestinatione, vt speras, vocauit ad Religi-
onem Sacram.

Pralud. 2. Pete lumen cæleste, quo clarè cognos-
cas beneficium vocationis tuæ, & ad quem
finem vocatus es.

Punctum 1. R Euoca tibi in memoriam in-
quantis periculis versabarî vi-
uens in sæculo commemorando peccata tua, oc-
casiones, & miserias, in quibus ceu in limo
profundi hærebas.

2. Perpende, quanto in periculo versentur
ij, qui sceleribus implicati viuunt in sæculo, vel
qui gratiam similiis vocationis arreptam deserue-
runt. Quis hoc effecit, vt ab illis auulsus ad
portum securitatis peruenires?

3. Considera, quomodo singularem bene-
uolentiam, familiaritatem, & intimos amores
SS. Trinitas exhibet castis & à mundo auulis.
Nam tota anima sanctificante gratiâ nobilitatur,

Deiq;

Deiq; filia electa dulcissimis affectibus D E V M semper intra se complectitur. Deinde gaudent Religiosi, quia nomina illorum scripta sunt in libro vitae. Imò jam corde in cælo fixi ea gaudia præguntant. Tanta hæc est exultatio, vt Xauerios exclamare cogat: *Satis est Domine satis est.* Et Antonijs Macarijs Bernardis breues dulcesq; reddat totas insomnes noctes cum D E O transactas. Verissimè S. Aug: *Iustis non subtrahuntur delicia, sed commurantur illicita in licitas, fluxa in solidas, fada in puras.*

4. Commemora, quid S. Bernardus dicat de Cella Religiosi, ita ille: Cæli & cellæ Religiosi habitatio cognata est, à celando enim cælum & cella, nomen habere videntur, & quod geritur in cælis hoc in cellis. Quid enim aliud est hoc? vacare D E O & frui D E O? à cella sæpè in cælum ascenditur, raro à cella in infernum descenditur.

5. Adora Dominum in illo loco in quo tibi primùm data gratia efficax ingressus in Religionem. Item in loco, in quo vestem Religiosam assumpisti: vota & Professionem fecisti.

6. Gratias age Sancto Religionis Fundatori, quod te inter suos adlegerit, cum tu nullies indignus fueris hæc veste Religiosa, indignus omnì gratiæ, & cælestibus inspirationibus.

7. Incusa & argue te coram cælo & terra: O si hoc medium salutis alij haberent, vocatio scilicet beneficium, quam Sancte illo vterentur!

8. Interroga te ipsum: quoties Religionem Sacram

Sacram tuā pessimā vitā diffamasti? quot à te neglectæ inspirationes Diuinæ? quot occasio-nes D E O seruendi præteritæ? quām exigua talentorum à D E O concessorum, temporis pretiosissimi, consiliorum piorum, & exemplorum bonorum cura?

9. Plange itaq; super te, quia te plangunt Angeli, te plangunt guttæ sanguineæ Christi, plangunt lacrymæ Sancti Patris tui, quia pec-casti, & mali illius, quod commisisti pænitenti-am non egisti, quinimò grauius in Religionē deliquisti.

10. Protestare de tua fidelitate & emenda-tione, quod velis in posterum sanctius in Re-ligionē viuere, & districtius vota emissia obserua-re, continuò ad perfectionem debitam aspirare.

Pro Colloquio.

Actus Contritionis.

Ostupesco Domine! quomodo amplius su-stineas conspectum meum, cùm sim crea-turati tam ingrata & rebellis. Profectò Do-mine ego sum vilius peccator omnibus reprobis, & credo neminem tam longè vnquam à te recef-sisse, quām ego recessi per mea flagitia. Imò credo, si maximi quiq; peccatores mundi ha-buissent talia auxilia, qualia ego à te accepi, majore sinceritate cordis & festinatione ad tere-diuros. Latrones ipsi & sacrilegi perfectiūs ubi Domine famularentur, si eos, tot vt me affe-ciles beneficijs & vocasses.

Ideo.

Ideo, prorsus me indignum reproto, mi Domine, vt tibi seruam, tuq; exaudias orationes meas, indignus sum hâc veste Religiosa, indignus omni gratiâ. Indignus sum etiam, cùm tibi sim inobediens & refractarius, qui habitem inter tuos seruos, à quibus si pro meritis me tractare vellent, nihil aliud audire me oporteret quam contumelias & conuictia.

Quin etiam procul amandari me conueniet à confortio tuorum seruorum, ne fortè putredo abominabilium vicerum & vitiorum meorum quenquam illorum inficiat.

O I E S V mi Clementissime! engrauiissimus peccator, seruus tamen tibi mille votis mancipatus recurro cum fiducia ad pedes tuos, summoq; cum dolore animi meam ingratitudinem & malitiam accuso, confitendo omnia peccata, præcipue in Religione commissa, quorum me summopere pñnitit.

Nihil inferni, mi dulcis I E S V, timor, neq; amittendi cæli metus in detestatione scelerum meorum loci habet. Solus ante oculos meos Tui amor obuersatur. Non aliam doloribus oppressi cordis propter iniquitates meas reperio eansam, quam quia te I E S V M amo.

Largire queso Domine vt omnia peccata in posterum longè à me fiant: & quamuis ego naturâ non possum esse impeccabilis, saltem ô bonitas infinita fac mihi hanc gratiam, ne vnquam mortaliter peccem. Deinde fac Domine, vt loco vitiorum in me imprimantur omnis generis

Sanctæ

Sanctæ virtutes, quod totum tibi cedat in gloriam, gratiarum actionem, & salutem animæ meæ.

Actus Amoris DEI.

O Fons amoris perpetui bone I E S V, quid dicam de te? quomodo potero tui obliuisci, qui mei dignatus es recordari, etiam postquam perire? quis hoc misericordissime Domine effecit, ut cum ego in peccatis mortuus & sepultus jacerem me tua gratia excitaret! Quid feci ego? quid merui? nihil; sed vox sanguinis tui ô I E S V! ô I E S V! clamauit ad Patrem, & inueni gratiam in oculis eius, & venisti, & sustulisti me, ex medijs periculis.

O altitudo judiciorum & magnitudo miserationum tuarum! quot homines interea in medio peccatorum suorum cursu subita morte sunt abrupti, qui nunc miserè torquentur in inferno! quid factum fuisset de me, si tu me tunc ad strictum euocasses tribunal? quis cum ego dormiebam pro me deprecatus esset?

Quid in me dulcissime I E S V inuenisti obsequij, ut tantum rependeres præmij? quid in me vidisti amplius, quam in alijs quos reprobarsti? Toto vitæ meæ tempore te non cognoscebam, te non amabam, abyssus eram iniquitatis & tenebrarum; & tamen tu mi I E S V super hujuscemodi peccatore dignum duxisti aperire oculos tuos.

Benedictus sis Domine I E S V in illo primo intuitu ad peccatricem animam meam, & cum in

O

tota

tota collectione animarum, nullam indignorem haberes, quam respiceres, in eam tamen indignissimam respexisti. Benedictus sis Domine I E S V in hoc triumpho bonitatis tuæ de Te ipso, in quo tam magnificè, & gloriòsè triumphauit de te Bonitas & misericordia tua. Laudent te Domine omnes Sancti tui, quia respexisti super unum canem mortuum.

Quomodo ergo mi bone I E S V non exalabit te anima mea pro tantis miserationibus tuis, omnibus diebus vitæ meæ? quomodo non tota se euiscerabit exinanietq; in dilectionem bonitatis & charitatis tuæ? O D E V S meus! ô dulcis amor meus! hoc tibi de me certum esse velim, quod abhinc tam firmâ, tamq; constanti voluntate statuerim te diligere, ut etiam si mihi nihil vñquam, neq; in hac, neq; in altera vita, boni conferre voles, imò si in hac vita omnibus ærumnis, pñnis & cruciatibus, & in altera vita supplicijs æternis me afficeres, nihilominus amare te velim, & ex intimis cordis mei medullis tibi seruire,

Eodem Die.

Meditatio Secunda.

De Cultu magoꝝ D E I Matri.

Pralud. 1. Statue te in conspectu Pretiosissimæ D E I Parentis Virginis M A R I Æ.

Pralud. 2. Petas ut pretiosissima D f I Parens, tibi sis Domina, tu autem illius sis Seruus, & mancipium,

Punctum 1. **G**ratulare Beatissimæ, quod sit
arctis vinculis illigata, affinitatis & consanguinitatis cum Diuinissima Trinitate. Est enim Filia Patris æterni: est Mater Filiij D E I: est Sponsa Spiritus Sancti: est templum SS. Trinitatis.

2. Gratulare ipso de illo gusto & complacencia, quam habet SS. Trinitas de hoc singulari opere suo.

3. Exulta, quod D E V S amet Beatissimam super omnia opera sua.

4. Gratias age D E O pro electione hujus Virginis in Matrem, pro coniunctione Virginitatis & Maternitatis.

5. Adora in B. Virgine relucentem D E I Puritatem, Sanctitatem, Sapientiam, Misericordiam &c.

6. Gratulare duo dona soli Beatissimæ propria: donum Virginæ Maternitatis diuinæ, & donum Immaculatæ Conceptionis.

7. Congaude illi, quod sit Domina & Regina totius vniuersi & omnium creaturarum: creature autem omnes & singulas illius esse subditas ejusq; mancipia. Quia enim Filius ejus est verus D E V S, & ideo absolutus rerum Dominus, omniaq; ei subjecta naturaliter fiunt: inde consequenter; Mater hujus D E I ac Domini omnium, est etiam naturaliter omnium Domina, & omnia sunt ejus mancipia.

8. Cum tota Ecclesia ages gratias D E O pro omnibus donis naturæ, gratiæ, & gloriæ, pro omnibus

mnibus fauoribus & priuilegijs, super omnes
Sanctos Beatissimæ à D E O collatis.

9. Protestare coram D E O quòd gloriæ ipsius
integritatem redimere, augmentumq; illius
procurare cupias, etiam cum tui ipsius j:cturâ,
in quantum id gustui diuino conforme esset.

10. Exulta & gaude, quòd Beatissima (teste
S. Anselmo) sit Aduocata, Patrona, & Mater
nostra, tam pia tam potens, Et omnem ad eam con-
uersum ē ab illa respectum impossibile sit perire.
Imo nullus est, qui saluus fiat, nisi per hanc San-
ctissimam: nemo est qui liberetur à malis, nisi per
hanc purissimam: nemo cui cœlestè donum conser-
tur nisi per hanc charissimam, inquit S. Germanus.

Affectus varij erga B. Virginem.

EMinentissima D E I Mater & Virgo, adoro
Te cultu Hyperduliae, cum tota Ecclesia, tan-
quam Matrem D E I & Dominam mundi.

Saluto te in vnione amoris & per Cor dile-
cti Filij tui, atq; omnium te amantium dicens
cum S. Mechtilde: Ave ex Omnipotentia Patris:
ex Sapientia Filij: ex Clementia Spiritus Sancti,
dulcissima Virgo M A R I A cælum & terram
illuminans.

Saluto te eo affectu, quo salutat te Æternus
Pater, tanquam Filiam suam: eo affectu quo te
salutat verbum æternum, tanquam suam Ma-
trem: eo affectu, quo te salutat Spiritus San-
ctus tanquam suam Sp̄nsam.

Saluto te, eo affectu, quo te salutârunt San-
cti, qui

Et, qui ante nos fuerunt, quo te salutant nunc,
& salutabunt ad tempora Antichristi. Saluto
te & omnibus Salutationibus, Sanctorum omni-
um, tota æternitate duraturis:

Pretiosissima D E I Parens, amo te post DE-
VM super omnia: quia D E V S super omnem
puram creaturam amavit & amat te: quia o-
mnes ciues cœli amauerunt & amant te: quo-
rum amore amo te.

Tantum te diligo, dulcissima D E I Mater,
vt si ego solus possiderem omnium Electorum
gratissima corda, libenter illa omnia amori tuo
impenderem.

Agnosco te & recipio, dignissima D E I
Mater, in Matrem & Dominam meam, meq;
Tibi in filium & mancipium perpetuum offero.

Monstra, ô M A R I A, te veram esse mihi
Matrem, ama me vsq; in finem, & fac vt te re-
damare totis visceribus cordis mei contendam.

Accipe ô Serenissima Regina, & Domina
mea, accipe jam ex hac hora possessionem abso-
lutam, & perpetuam mei.

Tibi tuoq; seruitio, omne tempus, quantum
possum dedico: & opto momenta singula illius
conuerti in æternitates, quibus Tibi inferuiam.

Doleo, quod hæc tenus non seruierim Tibi vt
debui. Paret me, quod tibi aliquando ingratus
fuerim ô dulcissima Domina mea, confundor,
quod nihil dignum hucusq; honore tuo fecerim.

Vtinam, utinam omnia momenta vitæ meæ
pro maxima gloria tua impendissem, & seruif-
sem Tibi corde perfecto.

O Mater dilectissima, de filiis tuis semper
solicita, accende nostrum in te affectum, ut te
Matrem nostram ex corde veneremur, diligamus,
& colamus.

CAPVT VI.

De pænitentia vera salutis semi-
ta, quâ homo ex regione longin-
qua ad DEVUM & salutis
viam reuertitur.

ITinere trium dierum Israelitæ ad montem
DEI Oreb profecti sunt, ut sacrificarent Do-
mino DEO. Viator postquam reuertitur ad
viam salutis æternæ, & vult contritioni ope-
ram dare, veluti quodam itinere tridui perga-
t in desertum ex Ægypto, & de Pharaone & exer-
citu ejus triumphabit. Hujus tridui spirituali
intellectu dies primus est contritio, secundus
confessio, tertius satisfactionis.

Motiva ad maturam & seriam con-
versionem Viatoris ad DEVUM.

1. Seria cogitatio aeternitatis.

O Viator! continuò veloci cursu pergis ad
aeternitatem nullo termino concludendam
& finiendam, & audes vel uno momento mane-
re in statu peccati mortalis? in quo si moriaris,
in puncto descensurus es in infernum! cur non
recogitas, quia, si in statu peccati decesseris, habi-
tabis

tabis infelix in igne deuorante & ardoribus semipiternis? quia totus D E V S vacabit ad pœnas tuas, & vacabit per omnem æternitatem suam, vsq; ad inferni nouissima, vsq; dum compleat inebrietq; sagittas furoris sui iultissimi in te. Computa vires tuas, cum poteris sustinere irruentes super te montes vindictæ D E I!

Quod si nunc sub tuum conspectum ex infernali abyssu (D E O ita jubente) infelix ille Christi discipulus (aut alius ob vnicum solum peccatum mortale damnatus) rapt: retur, catenis oneratus igneis ; quem si hujuscemodi compellares verbis : Expone Iuda, quinam & quam diutius erunt cruciatus ? q[uo]d secula tibi cum tuis contubernalibus pro diluendo tuo peccato restant ibidem transfigenda ? cruciatus nostri, reddet ille, sani acerbissimi. Vos in plumis steriles nos in flaminis æternas agimus vigilias, vos riti letis, nos dentibus stridemus, vos gulæ litatis, nobis pix & sulphur propinatur. Quid multis ? Cruciatu[s] nostri æterni sunt ! voica noxa, vnicum peccatum tota æternitate diluendum est.

2 Incertitudo Mortis.

D E V S pœnitentibus promisit veniam, sed peccantibus spatium pœnitendi non promisit. Quætidie efferuntur cadavera, cadunt juuenes & senes, audis & legis, ille hodie occubuit gladio, ille ceruicem fregit, ille somnum produxit in mortem, aliis peste, fulmine, latrocinio interiit. Quid si & tuam hac nocte, hac die repetent animam à te ? Quot millia hominū delusit

ista spes, aut potius flulta præsumpto? at nunc in inferno positi sunt mors depascit eos; præcisa enim est velut à tuxente vita eorum, dum adhuc orditi viderentur. Omnem ergo diem crede tibi diluxisse supremum & ultimum, & cum mane fueris, puta te ad vesperum non peruenturum.

3. Passio Christi Domini.

Inspice vulnera pententis, sanguinem morientis, prætium redimentis. Caput habet inclinatum ad osculandum, Cor apertum ad diligendum, brachia extensa ad amplectendum. Et his non moueris ut peccata deferas? Moueat te amor boni I E S V, & ad eum reuertere. Crudeles es, si fructu laboris sui I E S V M tuum defraudes, frustra pro te mortuus es. Sanguinem tuum serio de manu tua requiri, & tota passio Christi stabit contra te ad majorem damnationem tuam.

Quædam obseruanda ante Confessionem Sacramentalem.

I. Dispertire totum tempus à nouissima Confessione in certa spatha, tum menses, hebdomadas, & dies singulos percurre, qualibus cogitationibus, verbis, & operibus usus fueris: quibus te peccatis contaminaueris: quibus cum personis, quo loco, tempore.

2. Pollea institue comparationem inter D E VM & te ipsum, inter opera ejus & tua.

Quis peccauit? Ego quoddam phantasma, horror, & fator, & pene nihilum. Ego fons malitiae

malitiae, sentina prauæ concupiscentiae. Ego vermis terræ vilissimus, damnationis æternæ pridem reus, Sponsa adultera.

In quem peccavi? In D E V M Creatorem, summum bonum, amorem infinitum. Peccavi filius rebellis in optimum Patrem. Seruus infidelis in benignissimum Dominum. Vilis & abjecta creatura in conditorem vniuersi. Peccavi in eum, cui Angeli seruunt, cui omnes creaturæ obediunt, illi ego solus fui refractarius.

Quid peccando feci? Animam mēam interemi, & ad infernum detrusi: Chirographum meæ fidelitatis conscripsi Dæmoni: ex corde meo Angelos exturbavi. Heu! quis vñquam cederet ipsum Spiritum Sanctum à me expuli & libellum repudij dedi D E O.

Cur peccavi? Obres caducas & vilissimas, propter obscenam voluptatem, pro luto & cinere. Sine metu, sine horrore peccati, in præsentia D E I, ac si vnius idoli, quo tempore à D E O conseruabar, & beneficijs obruebar.

3. His peractis, imaginare tibi SS. Angelos te fugere, contra te instigare. Ipsam B. Virginem, te vltra pati non posse, SS. omnes te abominari.

4. Insuper concipe affectum adhuc majoris timoris, quia ipse D E V S te detestatur, ac iratus præcipit, ne coram eo vltra compareas, ne ipsius amplius creatura dicaris.

5. Deinde conuertere ad Cortuum, illudq; de duritia sua increpa, quod nihil tot consideratiōnibus emolliatur. Inuoca contra illud in te-

Rimo-

Simoniūm cælum, terram, Elementa, & Creaturas omnes. Sicq; coram illis conquerere Cor tibi esse lapideum.

6. Post hæc tunde pectus tuum persecutorans in oratione & compunctione, brachia immo- dum crucis componens imaginem crucifixi intuere.

7. Ad extreum humi prostratus cum gemitu cordis plora clamans : O Domine pietatem, lacrymas, contritionem, misericordiam, & veniam humiliter efflagito, qui veniam publicanis, meretricibus, latronibus, praedonibus non dengasti. Ne patiaris me diuinus praecorditionis desiderio languere aut interire.

Ante Confessionem,

Actus Contritionis.

QVis dabit o bone I E S U capiti meo a quam, & oculis meis fontes lacrymatum, ut diebus ac noctibus rigare possint statim meum rugiens a gemitu cordis mei. Exutus aquarum deducite oculi mei, operante ohnusq; faciem meam, deficiat in dolore vita mea & anni mei in gemitibus ; quia offendit D E V M yneum ! Partem meum ! ego rebellis seruus,

O anima mea : dic mihi quid tandem illa bonitas, illa Majestas, illa Misericordia fecit tibi ? aut in quo vñquam contristauit te responde mihi ? Cur inebriaui te dulcis I E S U absynthio, qui mille benedictionibus dulcedinis præuenisti

me ?

me? Cur me tibi D E O meo ego improbus & rebellis opposui?

Fierine potuit mi I E S V, vt credens ego te ad iracundiam prouocarem in re vilissima & momentanea & pudenda, & despicerem te, & lacrymas, & vulnera, & sanguinem tuum! O caput mille dignum inferis! si pro vno delicto internum, protot, quot infernos promerui? Quot scelerat tot onera, tot vincula, tot debita sunt, quibus dissoluendis, nec si memet ipsum vendam satis sum!

Cur terra tam diu sceleratum pondus portas tantis patiens flagitij? Cur non aet pro conditore tuo contra tam insensarum mille pugnas fulminabis? Cur mare non mille concitas tempestate in me Iona multo nocentiorum? Cur non omnis creatura in me armata peccatorem adeo impudentem in Orcum praecipitat?

Vix mihi quia peccavi! vix mihi quia D E V I M, & Santos contra me prouocaui, iram tremendi iudicis in me concitaui! Quis eruet me de manu potenti, & brachio extento contra me? O quam bonum mihi erat, si natus non fuisset neq; enim vitam mihi dedisti, vt te offenderem D E V S meus. Utinam prius repentina morte extinctus fuisset, quam te o I E S V offendissem! Quanto suauius flammis infernali, bus in gratia tua arderem, quam extra gratiam paradiso gauderem!

Quid tamen grauissimus & ingratissimus peccator faciam? en ad tuos Sanctissime I E S V pedes pronus confugio. Hi sunt affliti & contriti.

triti cordis mei solatium. Abhinc juro & statuo
custodire judicia justitiae tuæ Malo millies
mori, quam te offendere. Utinam nunc omnia
corda, omnium lacrymas haberem! omnium
cordibus, omnium lacrymis peccata deflerem;
cum neq; sic sufficerem, offero tibi Pater dolo-
rem & lacrymas Filii tui. Aspice in Filio, quo
propitieris in seruo.

Effusio contriti & humiliati cordis.

OPATER amantissime! cuius ego unicum ter-
ræ monstrum ob gravissima facinora mea
non sum dignus vocari filius, qui Patrem in in-
feris elegi sceleribus meis; aperio tibi abyssum
peccatorum meorum.

Tentarem Domine flumine lacrymarum ab-
lucre scelera mea, sed nonnisi crux amantissimi
mei IESV lixiuum peccatorum est. In in-
ferno nequitiae meæ descriptæ sunt, ideo non
guttam aquæ, ut ille diues à Patre Abraham,
sed guttam sanguinis Christi postulo, ego diues
& locupletissimus, plenus omni iniquitate.

Hac vero mea pétitione o Pater misericor-
diæ! nolo fraudare iustitiam tuam, sed volo
deprecari bonitatem & Majestatem tuam. Non
deprecor amissionem cœli, non deprecor suppli-
cium inferni: sed deprecor offensam tuam, nec
ardere metuo, sed peccâsse doleo.

Quin imo optarem in ipsum infernum de-
scendere viuens, ne amplius vultus tuus hor-
rendis peccatorum meorum spectaculis lœdi pos-
sit.

Sed

Sed quanta arrogare audeo? an in profundo
inferni sub pedibus Luciferi aut Iudeæ colloca-
bor? an sub pedibus eius, qui alapam I E S V de-
dit? an ex pectabo præcipitum Antichristi? an
ad januam inferni collocabor, vt omnes introe-
untes me dilacerent & pessimènt? nihil ho-
rum! cum ego non infernū sed nouos millies ac
millies infernos coheritus sim! Ac proinde indi-
gnū me censeo etiā societate Dæmonū ac damna-
torum, quia mihi soli infernus vilior & atrocior
præparandus esset, quia ego omnium peccatorum
maximus!

Ego sum opprobrium naturæ, pudor gene-
ris humani! si in te Creator dignissime verecun-
dia aliqua cadere posset, nullius rei te puderet,
nisi quod tam horrendum & abominabile mon-
strum conseruēs in mundo, vt mea culpa me
fecerunt.

Quin & ipsis Dæmonibus dedecori sum, &
à sua societate infernali meritò me repellerent.
Nam licet illi peccauerunt, non tamen experti
erant tantam misericordiam D E I: non pecca-
uerunt contra D E V M, qui pro ipsis crucifi-
xus fuit, qui se ipsum dedit in cibum. At ego
peccauī! Ergo indignior & deterior sum Luci-
fero, indignior Iuda, qui nondum viderat I E-
S V M pro se mortuum, indignior Antichristo,
qui non toties experietur gratiam vt ego, indi-
gnior omnibus Dæmonibus, qui semel peccaue-
runt.

Quid igitur miser faciam? nunquid cum Cain
præcurrere contendam laqueo desperationis sen-
tenti-

tentian quā merui æternæ damnationis? Misericordia Domine Misericordia! Hoc solum verbum relictum mihi est: in reliquis os meum apud te sine voce, & silentium meum loquitur tibi: Ne projicias me à facie tua misericors I E S V, & propitius sis mihi maximo peccatori. Et cum præ multitudine iniquitatis meæ loqui non audeam, gemitus meos & lacrymas cordis mei intellige misericordissime Domine.

Breuiores Actus Contritionis.

1. **H**eu mihi! heu millies dicam! peccavi! super numerum arenæ maris multiplicata sunt iniquitates meæ! non est peccatum super peccatum meum! non est iniquus super iniquitatem meam. Indignus sum miserationibus tuis Domine, sed misericordia tua superat malitiam meam.

2. O I E S V Fili D E I viui miserere mei, & propitius esto mihi peccatori, quia tibi nihil impossibile est, quām miseris nolle misereri.

3. O Pater misericordiarum! patientiam habe in me, & omnia rediam tibi, non de meo sed de pretio sanguinis Filii tui.

4. O dulcis I E S V, quia te amo, detestor omnia peccata mea supra quidquid detestabile & execrabile est, & si possem de illis infinito dolore semper dolerem.

5. O D E V S meus! summa bonitas omnium creaturarum, tuoq; ipsius amore infinitè digna; doleo quòd tam impudenter te offendim: doleo, non quia timeo, sed quia amo. Si sanguin-

sanguine meo fieri posset, ut non sis offensus; ecce me, discerce me, paratum cor meum. Si tormentis inferorum deleri possit, ecce me: nullum est, quod non merui; nullum quod a more tui non præeligo peccato, quod tantopere odiisti.

6. O si omnes præteritos dies, horas, momenta pro maxima gloria tua impendisse mi DEVS! O si ex corde perfecto tibi toto vitæ meæ tempore seruisssem, te intensissimè amassem! O pretiosum tempus non amplius rediturum!

His peractis omnibus perge cum omni compunctione ad pedes Confessari, tanquam ad pedes ipsius Christi Domini. Erubesce & confundere ad tanta facinora, quæ cum summo dolore confiteberis.

Ad quodcunq; peccatum, quod profers, puta te videre venenosissimum bufonem egredi per os, ex visceribus cordis tui.

Potesta persuade tibi, te cernere Angelos imo ipsam Angelorum Reginam tibi congratulantem & applaudentem.

E contrario aspice aduersariorum tuorum rabiem, qui tanquam maximâ clade affecti, & optimâ prædâ spoliati, præ inuidia, rabie & furore rumpuntur.

Actus post Confessionem.

O DEVS meus! O misericordia mea! quis sum ego homo miser & miserabilis, ut memor sis mei, imo vermis sum ego & non homo, omnium malitiosissimus & ingratissimus. Et di-

gnum

gnum ducis super hujuscemodi peccatore aperi-
re oculos tuos, & vel semel respicere de summo
cælorum? Quis hoc effectit & Sponse animæ
meæ, quia me ingratissimum homuncionem, me
vilissimum terræ vermiculum tam benignè re-
spicisti, ad pænitentiam vocasti, & in gratiam ut
spero ac in dilectionem tuam recepisti.

Quoties vero & inexhausta bonitas in ipsis
peccatis morti me in spolium permittere po-
tuisse, & æternum perdere, & hucusq; tamen
conseruasti? Et nunquid millenæ animæ in igne
inextinguibili jam ardent æternumq; ardebunt,
& minorum, & pauciorum, quàm ego scelerum
teræ? & ego nondum ardeo toties læsa reus
Majestatis?

O Domine! quàm diu halitus erit in ore
meo, misericordias tuas in æternum cantabo. Be-
nedicat te Dominus meum in omni tempore,
semper laus tua in ore meo, qui propitiaris o-
mnibus iniuriantibus meis, & sanas omnes infir-
mitates meas, qui redimis de interitu vita-
meam, & coronas me in misericordia & misera-
tionibus.

Quis ergo me amplius separabit à te & bo-
ne I E S V ! an Diabolus? an caro? an mundus?
an tribulatio? an voluptas? an mors? ni-
hil horum cum gratia tua mi DE VS ! O v-
tinam nunc mi I E S V opere monstrare pos-
sim, quòd abhinc sincerè te ex toto corde, ex to-
ta anima, & ex totis viribus amem ! vtinam
meus amor in te adæquet omnium Seraphino-
rum, omniumq; Electorum in cælo & in ter-

ra ardenterissimum amorem. Utinam prius moriar
in gratia tua, quam vel unico iterum peccato te
offendam.

Quod verò mi D E V S! ad dignos pñi-
tentiaz & satisfactionis fructus faciendo ex mea
parte vel intermissum, vel imperfectè peractum,
obsecro mi I E S V amantissime, suppleant tua
vulnera, suppleat tuus Sanguis, tuæ lacrymæ,
tua mors, suppleant merita totius triumphantis
& militantis Ecclesiæ.

CAPVT VII.

Praxis Sacræ Communionis.

*Ambulanit in fortitudine cibi illius usq;
ad montem Dei Oreb. Exod. c. 3.*

Obseruanda ante Sacram Com- munionem.

1. **E**lige primo mentis oculos ad cælum, &
puta te videre D E V M Patrem innume-
ris cinctum Angelorum milibus, & ex ejus latere
B. Virginem filium infantulum in gremio suo ge-
stantem.

2. Prouolue te pedibus Virginis Beatissimæ,
& obsecra, vt pro te supplicet, quatenus per ma-
nus ejus dulcissimum I E S V M accipias. Puta
eam primo quidem congressu repulsam pati pro-
pter peccata tua; at post multas preces tui gra-
tia prolatas eum tandem placare.

3. Audi quomodo D E V S ob amorem Matris M A R I A E & preces illius tibi polliceatur filium suum.

4. Exulta, & gratias age vtriq; quod Imperator totius vniuersi descensurus sit in pauperculam domum tuam, eamq; inhabitaturus.

5. Admirare tantum D E I erga te amorem, tam effusissimam humanitatem & liberalitatem.

6. Aestima Sacerdotem esse Angelum D E I, qui à manibus B. Virginis suscepturnus sit spetiosissimum Filium ejus, eumq; de cælo susceptum tibi porrecturus.

7. Eo puncto quo tibi communicandum est, puta tibi ab Angelis referari cælos: Christum à throno siue manibus Beatissimæ Matris suæ plenum Majestate & gloriâ in occursum tuum descendere; his te alloquentem: En adsum anima dilecta! En ego ipse ad te venio! Quid desideras amplius? quid ultra requiris?

8. Ea summâ animi demissione inuita Christum Dominum & pete vt his modis ad te veniat. Veni Domine cum patientia vt sustineas grauissima facinora mea. Veni cum humilitate, quia homo inops & pauper sum ego. Veni cum liberalitate, vt me donis tuis munificentissime dites. Veni cum dulcedine, vt corda nostra in imbres lacrymarum resoluas. Veni cum charitate & amore, vt nos totos ad tui amorem, accendas, inflamas, & comburas.

9. Dum tibi Sacerdos Angelico adjutus ministerio porrigit verum D E I Filium, imaginare te os applicare lateri Christi, & sanguinem ejus

ejus pretiosum exsugere. Vel considera te videre puerum speciosissimum radijs splendidissimis circumfusum, vndiq; Angelis circumdatum. Cogita te fieri tunc templum Spiritū Sancti, & tabernaculum totius SS. Trinitatis, præcipue vero sacrarium quoddam Filij DEI.

*Actus timori & humilitatis ante
Sacram Communionem.*

O Amor vim patior responde pro me! quid dicam DEO O vitæ meæ! ô amor quod tuam inclinas Majestatem! vnde mihi, ut tu venias de templo Sancto gloriæ tuæ? DEVS de DEO! & quo? ad me speluncam latronum, serpentum habitaculum, cloacam fætidam, vas contumelie toties fædatum, licet toties in sanguine tuo lotum! ad me leprosam & fornicariam Sponsam, quæ pro dilectione odium pro beneficijs maleficia reddidit!

O amor quod ducis fontem sapientiæ! stupet cælum, mirantur Angeli, certè usq; ad abyssum miseriæ & malitiæ! Quis credat mi IESUS, eo te in amore progressum, ut mihi mortuo cani & prodigo filio ad te reuerso des carnem tuam & sanguinem vnde comedam & bibam! O flos campi! ô lily Conuallium! ô panis Angelorum! quomodo factus es pabulum bestiarum! Ideonè Domine venies ad me, quia te amorem summum toties peccatis meis calcavi, spreui, & crucifixi?

Quæ pars animæ meæ munda est, in qua te

potero sepelire? quid os meum nisi sepulchrum patens, de quo nihil præter fætores peccatorum meorum procedit? quid cor meum, nisi spelunca & abyssus iniquitatis? An fortè Domine vis iterum in stabulo nasci bestiarum? an denuo vis ad inferos descendere?

Non sum dignus Domine I E S V! ut intres sub rectum meum. Cordialiter tibi dico, dico millies: undequaq; mi I E S V conspectu tuo sum indignissimus. Indignissimus, quia sum vas sordidum, esca vermium, putredo & ciniis. Indignissimus sum ob execranda facinora, nequitiam, & malitiam meam. Indignissimus sum ob abusum naturæ & gratiæ, spretum sanguinem tuum, tuam diuinam Clementiam pessimum datam. Indignissimus sum ob peccata, quæ præuides D E V S meus me in posterum commissurum.

Ergo nec oculos, nec cor audeo leuare Pater Sancte quia peccavi nimis in cœlum & contra te, quia omnibus peccatoribus, ac ipsis damnatis deterior sum. Exi à me Domine, quia homo peccator sum. Non expedit hanc pretiosam cœli geminam ante porcum projcere. Ecce non est Domine bonum sumere panem Angelorum, & mittere canibus.

Scio tamen mi I E S V! quia etiam catelli edunt de micis, quæ cadunt de mensa Dominorum suorum: ideo & ego miser & indignus catellus tuus Domine, pedes tuos sacras lambens, corpus tuum esuriens & sanguinem sitiens clamo post te: Da mihi dulcis I E S V

amor

amor meus micas panis viui, qui de cælo descendit, ut refocilietur anima mea.

*Deuota aspirationes ad Christum
suscipiendum.*

O Mi suauissime I E S V ! anima mea ardet, æstuat, flammescit in te, tota se exerit, quanta quanta est, tota ignescit & ebullit in te, deficit in te vsq; ad languorem & deliquium.

O amoris dulcedo ! o vnicum centrum cordis mei ! manducet te anima mea, & omnia interiora mea dulcissimo suauitatis tuæ liquore repleantur.

O vita & totum bonum meum ! non possum viuere amplius sine te. Desidero te I E S V mi intime frui, da vt te comprehendam. Anima mea corpus tuum concupiscit, cor meum tibi vniiri desiderat.

Quid dicam ? quò vadam ? vbi te mi I E S V inueniam ? quis renuntiabit dilecto, quia amore langueo ? Ibo & ibo plorans querar quem diligit anima mea. Vbi es dilecte mi ? vbi requiescit cor tuum ? vbi latet amor meus ?

Vbi es o speciosè I E S V præ filijs hominum, odorem tuum haurio, te autem non video ! cur faciem tuam abscondis ? an ideo quia dicens : non videbit me homo & viuet ? Eja Domine moriar vt te videam, videam vt hic moriar !

Pacifica mi bone IESV Spiritum meum ad inherendum tibi jubilosis excessibus anhelantem. In te enim est totum, quod desiderare pos-

sum, tu salus mea & redemptio, tu spes & fortitudo, tu decus & gloria, tu diuitiae thesaurus & possessio.

Cupio te suauissime I E S V cum tali affectu, amore, & honore suscipere, cum tali fide, spe & puritate, sicut te suscepit Virgo Beatisima.

Desidero ex corde te tractare & suscipere cum tali devotione, gratitudine, & amore, quemadmodum multi Sancti & devotæ personæ te desiderauerunt in communicando, qui tibi unquam placuerunt.

Desiderium & inuocatio Christi Domini.

O Pater amantissime! monstra te esse Patrem! ostende mihi Filium tuum & sufficit mihi. Quid enim mihi est in cælo, & præter illum, quid volo in terra? ille D E V S cordis mei, & pars mea D E V S in æternum.

Adjuro te Mater misericordiæ, & vos animæ Beatae; nuntiate dilecto I E S V meo, quia amore langueo, præ magno faciei ejus videnda desiderio.

O mi I E S V suauissime, spes suspirantis animæ, te querunt piæ lacrymæ & clamor mentis intime. Desidero te millies, mi I E S V quando uenies, me lætum quando facies? Quemadmodum desiderat Ceruus ad fontes aquarum, ita desiderat anima mea ad te D E V S. O I E S V! ne patiaris me diutius præ tui amore & desiderio languere aut interire.

Alij

CHRISTIANVS. 225

Alij alia quærant, te solum ego mi I E-
S V quæro, te solum mi I E S V desidero. Hoc
millies dicam, hoc millies repetam: D E V S
meus & omnia! Quid enim possum extra te de-
siderare cùm in te sint omnia? nimis auarus est
cui tu non sufficis,

Veni obsecro Domine & noli tardare. Ve-
ni, descende priusquam moriar & vita mea vt vi-
uum. Desidero te millies in quem desiderant
Angeli prospicere, cuius pulchritudinem sol &
luna mirantur.

Veni Domine in domum tuam, templum
tuum, animam meam, quam tibi millies dedica-
ui & dedico toto corde meo. Absorbeat me vel
nunc immensa & melliflua vis amoris tui: vt
amore amoris tui moriar, qui amore mei digna-
tus es mori.

Veni I E S V mi dulcissime! I E S V sua-
uissime! vt quiescas & maneas in me, vt videam
te, amem te, ardeam, liquecam, consumar, &
consummer in te. Moriar mi I E S V nisi vi-
dero te, moriar nisi gustauero, quām suavis sis
Domine.

Iam jam accessurus dic.

O Anima mea! en Sponsus tuus! en amor
tuus! diuertit in pauperculum diuersorum
cordis tui! En cælestis medicus accedit ad sa-
nandum te! En amicus millies dilectissimus di-
tare vult extremam paupertatem tuam! En sol
amabilissimus illuminabit densissimas tenebras
tuas. O pietas! ô bonitas! ô misericordia mea!

O vitinam mi I E S V nunquam te offendissem!
vitinam te semper & vnicum amasse.

Veni ergo bone I E S V! Veni Sponse animæ meæ! Veni ad me & ne spernas pauperculam animam meam. Veni ô vnicæ amor meus! O I E S V dono tibi cor meum, animam meam, corpus meum. Paratum cor meum D E V S, paratum cor meum.

*Affectus in sumptione Corporis Christi
mente & corde ardentissimo exercendi.*

Dominus meus & D E V S meus! Quid mihis & tibi ô I E S V Fili M A R I Æ Virgini? O res mirabilis manducat Dominum pauper seruus & humilis!

Quis sum ego seruus tuus, quoniam respexit super canem mortuum similem mei?

Iam quod quæstui habeo, quod concupisi teneo, D E V M meum possideo, & summo bono gaudeo, cur jam corde non ardeo? Quam panis hic dulcissimus, & verè suauissimus, plus nullies gratissimus, quam dicere sufficimus.

O Pater dono tibi cor I E S V! ô I E S V dono tibi cor M A R I Æ, dono tibi cor meum licet indignissimum! O I E S V osculor vulnera tua, osculor pedes tuos! O I E S V amo te ex toto corde, vitinam non meo sed amore ardentissimorum Seraphinorum.

Aue dulcissime I E S V amor meus! aue dulcedo cordis mei. Auete venerabiles manus pro me crucifixæ. Aue latus speciosum pro me vul-

me vulneratum. Aue cor suauissimum mei IE-SV. Moriar mi I E S V moriar inter desideratis-simos & suauissimos amoris tui amplexus.

O I E S V gaudeo de omni bono & gloria tua. O I E S V omnia peccata mea & totius mundi commissa, quantum possum detecto propter te. O I E S V esto mihi I E S V S & Saluator nunc & in hora mortis meæ. O Dominus, totus sum tuus ero; in æternum, sicut tu totus meus esse voluisti.

Observanda post S. Communionem.

1. **I**maginare quod videas mentis oculis speciosissimum puerum in medio cordis tui radijs splendidissimis circumfusum.

2. Admirare tanti Hospitis apud te praesenti-am: Ergonè putandum est, quod verè D E V S habitet super terram? Quid! Ergonè corculum meum (O amor meus) locus est tuus, tuum templum, tua fides, tuum tribunal?

3. Gratias age, quas potes maximas, quia ad vnum stabulum, ad vnum grauissimum peccato-rem Filius D E I descendit. Inuita omnes crea-turas, ad gratias ei tecum referendas.

4. Considera postea, quæ fuerint loca minus digna, quæ tamen Christus sponte ingressus est eaq; glorificauit. Itaq; his eum alloquere;

Ætimò Domine te hodie intrasse stabulum Bethleemiticum, in quo sunt bestiæ indomitæ & effrenatæ passionum mearum, conuerte obse-cro illud in Sacrum tibi palatum. Persuadeo mihi te accubuisse in præsepi pleno stramine & paleis.

paleis sensualitatis: conuerte illud quæso in thronum gloriæ. Agnosco te D E V M meum intrasse infernum tot Dæmonibus plenum, quot anima mea inquinata est sceleribus, conuerte, illum obsecro in paradisum Angelorum.

5. Præterea exerce omnes actus, quos cogitatione concipere potes exercuisse S. Paulum ratum ad tertium cælum. Et S. Magdalenam, quando post tot annos pænitentia inter Angelorum melodias Sacrum hoc viaticum de manibus S. Maximini Aquensis Episcopi suscepit.

6. Considera attente, quid fecerit & dixerit B. Virgo, quanto cum feroore & ardore gratias D E O retulerit, quando sensit se grauidam D E I Filio.

7. Imaginare quòd videoas SS. Angelos ante SS. Hostiam prostratos, & eam in corde tuo adorantes.

Actus Salutationis Christi.

S Alue mundi salutare, Salue Salue I E S V Charre, cordi tuo me aptare vellem vere, tu scis quare. Ore meo te contingo, & ardenter ad me stringo, in te meum cor intingo. O quam dulcis panis iste, qui te gustat I E S V Christe tuo viatus à dulcore, mori posset præ amore.

Salue Sacer Christi vultus, cæsus, consputus, incultus, qui mutasti tuum florem, pro me versus in palorem, Salue caput venerandum totis votis amplexandum, quod diræ spinæ presserunt, & vndiq; confixerunt.

Aue caro delicata, flagris scissa, fatigata, quæ pro

pro me pergens ad lethum gustasti fel & acetum.
Aue latus fons dulcoris, in quo patet vis amoris,
te saluto cor amænum, cor omnibus bonis
plenum.

Manus, pedes perforatos, & crux purpura-
tos, cor de veneror & ore, interno ductus amore,
Tuas mi I E S V sacratas, & mirè vernantes pla-
gas, nunc inscribe meo cordi, ut sim gratus tuo
cordi.

Actus Adorationis.

SALUTO & adoro te Augustissimum SACRA-
MENTVM, adorationibus omnium homi-
num & Angelorum usq; ad diem judicij dura-
turis.

Adoro te adorationibus omnium animarum
purgatorijs, & omnium Sanctorum jam in cælo
triumphantium, & omnium creaturarum, que-
cunq; fuerunt, sunt, & erunt.

Salutote Domine illâ præcipuè salutatione,
quâ te SS. Mater Incarnatum, genitum, rediui-
uum, in Eucharistia ad se venientem solita fuic-
salutare. Illâ, quâ te Sancti cum primûm in cæ-
lum veniunt salutare solent. Illâ, quâ tu Pa-
trem Cælestem, & quâ te Pater Cælestis vnaque
omnes Angeli cælum ascendentem salutauere.

Laudo & adoro te SS. SACRAME N-
TVM tot laudibus, quot ore proferri, quot
corde omnium hominum excogitari vñquam po-
tuere vel possunt.

Laudo & adoro te SS. SACRAME N-
TVM tot laudibus, quot Sanctissima Trinitas
suâ

suā potentia de promere, Sapientia concipere, honestate optare potest.

Actus Gratiarum actionis.

Quid retribuam tibi Domine I E S V pro omnibus quæ tu tribuisti mihi? quomodo te non amabo dulcissime Hospes amorg; mi I E S V, aut potius quomodo amabo te?

Non est quidquam, in omnium rerum vniuersitate pretiosius temet ipso mi I E S V. Itaque te ipsum, cum tua diuinitate, humanitate, gratia, donis, meritis, gloria omnibusq; diuitijs tibi offero. Offero & omnium iustorum ab origine mundi, vsq; ad ejus consummationem virtutes & merita, ac pios affectus erga te dulcissime I E S V in venerabili SACRAMENTO existentem.

O quis etiam mihi det omnium Sanctorum triumphantium & militantium corda ad te mi I E S V diligendum? o vtinam haberem latitudinem cordis, sicut arena maris, sicut totus mundus, vt amare te possim latissime mi I E S V. Vtinam cor omnium hominum, cor omniū Angelorum meum esset, vtinā cor tuū, cor Mariæ meum esset, vt ardore succensus Seraphico & diuino, igne inextinguibilis charitatis tuæ ardeam, & totum me consumat, totum rapiat ignita vis amoris tui, ac me tecum unum efficiat.

O quam libenter te mi I E S V excipio! o quam cupio dignè tractare te! o vtinam ab initio semper fuisse secundum cor tuum! vtinam nunquam te offendisse! confidentius irem in tuos

tuos amplexus Sanctissime Amor. Nunc autem
conscius pudor reiicit animam meam ad pedes
tuos harentem.

*Actus Petitionis post S.**Communionem.*

O Diues Domine in misericordia & miserati-
onibus, cuius sapientiae & bonitatis infinitus
est thesaurus, miserere tam magni mendici, cuius
hodie pauperculam domum visitasti.

Extingue in me omnia terrena desideria, &
succende me ignita vi amoris tui, ut sim tecum
consummatus in unum, omnino abstractus a me
ipso, & ab omni creatura. Dirige me in via tua
& doce me facere voluntatem tuam. Auge in-
me fidem, spem, charitatem, & reliquas virtu-
tes statui meo necessarias. Da mihi veniam pec-
catorum meorum, quæ multiplicata sunt super-
numerum arenæ maris. Davsum salutarem hu-
jus Sacramenti, & concede, ne vñquam te in-
mortali peccato suscipiam, & ne sine hoc viatico
decedam ex hac vita.

Miserere omnium pro quibꝫ orare debeo, præ-
cipue cōsanguineorū, affinium, amicorum & N. Re-
spice Domine omnes ægrotos, afflictos tenta-
tos, agonizantes, & in quaenq; necessitate vel
periculo constitutos. Respicere misericors D E-
VS, omnes Reges, Principes, & gentes Catholi-
cas. Respicere omnes Hæreticos, Schismaticos,
Iudæos, & totum Ethnicismum, omnes gentes
a fide alienas, & omnes in peccato mortali exi-
gentes ac obstinatos peccatores, da illis gratiam
et re-

vt resipiscant, & ad te conuertantur. Miserere Domine omnium inimicorum meorum. Succurre omnibus qui se meis precibus commendauerunt, & pro quibus orare debeo. Da omnibus viuis gratiam & veniam, animabus fidelium defunctorum lucem & requiem sempiternam.

Deprecatio pro felici morte.

O Corpus Domini mei I E S V crucifixi custodi migrantern animam meam in vitam æternam. O I E S V esto mihi I E S V S in vita & in morte. O Sanguis pretiose Domini mei, fac ne tuus infinitus valor & pretium pereat in me.

O misericordia I E S V pro suprema illa necessitate supremam misericordiam tuam imploro, Illam gratiam peto, per M A R I Æ & omnium Electorum tuorum merita, cum qua vides gratum me fore tibi in æternum. Suggere Domine mi ijs, qui circa me tunc erunt, suggere illa, quæ maximè vis fieri à me.

Anticipatò benedic mihi misericors Dominus, benedic mihi morituro. Et dum Spiritus vitales deficient, mortuaq; lingua non poterit hoc tuum suauissimum nomen eloqui. Agnosce tamen tunc creaturam tuam nos à Dijs alienis creatam, sed à te solo D E O viuo & vero. Non pereat in malitia sua, quod operata est bonitas tua.

Pulsant ad ostium tuum & I E S V crucifice desideria rugientium præcordiorum meorum, vt in æternum non auiliar à te. Noli me o D E.

V S !

V 8 ! in æternitatem plenam ærumnarum condemnare, qui pro me ad crucem damnatus es. Non expedit ut hæc lingua mea, quæ tunc pretioso sanguine rubescit, in æternum cum Dæmonibus blasphemet te.

Ne patiaris mi I E S V ! Sanguinem tuum, pretiosum perire in me, suoq; fructu priuari, quem pro salute nostra effudisti. Ne patiaris Saluator Clementissime tantos labores tuos, quos nostri causâ pertulisti fieri irritos, tantum premium ne sustine inuanum fuisse expensum : sed compleatur in nobis fructus Passionis tuæ, labor tuus in nobis proficiat, mors tua in nobis vitam operetur.

Ad B. Virginem & Sanctos.

R Espice in me glorioſiſſima Virgo M A R I A, quia nunc habeo in corde meo amantissimum Filium tuum I E S V M, illum ipsum hodie mihi dono datum tibi repræſento, & offero tuis brachijs conſtrigendum, tuo ore exosculandum, tuo corde amandum, & vnâ mecum adorandum.

Sancti Angeli, Sancti Archangeli, Cherubim & Seraphim, aspicite primogenitum Patris æterni, quem introeuntem in orbem terrarum jussu Patris adoraltis, adorate nunc eundem in corde meo, cantate illi pro me Sanctus, Sanctus.

Omnes Sancti & Sanctæ D E I vos præſer-tim Patroni mei amate in corde meo, laudate & magnificate mecum hunc Dominum meum, quia

quia & surientem impleuit bonis, & respexit super canem mortuum similem mei.

Conclude.

Anima Iesu sanctifica me. Sanguis Iesu lava me. Passio Iesu conforta me. Vulnera Iesu sanate me. Cor Iesu recipe me. Spiritus Iesu anima me. Bonitas Iesu reconcilia me. Pualchritudo Iesu attrahe me. Humilitas Iesu deprime me. Mansuetudo Iesu mitiga me. Pax Iesu pacifica me. Amor Iesu inflamma me. Gratia Iesu reple me. Misericordia Iesu salua me. Sanctitas Iesu consecra me. Puritas Iesu emunda me. Crux Iesu sustenta me. Clavi Iesu configite me. Spinae Iesu coronate me. Fel Iesu inebria me. Os Iesu benedic me, in vita & in morte, in tempore & in æternitate. Amen.

CAPVT VIII.

Praxis deuotè & reuerenter celebrandi Sacrificium Missæ.

*Ante Celebrationm, considerandum,
quanta sit Sacerdotum dignitas &
quanta debeat esse Sanctitas.*

Dignitas Sacerdotum, omnium Principum, omnium Regum & Cæsarum fulgorem & potestatem superat ac excedit. *Ista de illa S. Augustinus in Psalm. 37.* O veneranda Sacerdotum dignitas, in quorum manibus DEI Filius, velut in vte-

in utero Virginis incarnatur. O felices Sacerdotes, si sacerdotaliter vixeritis. O magnum mysterium, quod per vos Sanctissima Trinitas operatur, Cælum miratur: horrescit infernus: contremiscit Diabolus: reueretur quām plurimū Angelica celitudo. Ille enim, qui creauit me sine me (si fas est dicere) creatur mediante me. Et ille, qui ex nihilo cuncta creauit sine me, dedit mihi creare se. O Sacerdotes attendite: major est vobis dignitas collata, quām Angelis, qui adorant, quod vos conficitis. Prouidete ergo vobis, vt nihil in vobis sit terrenum, nihil communem cum populo. Sit Angelica conuersatio vestra, vita diuina, mores illibati. Prouidete ne lingua loquendo, quæ vocat de cælo Filium DEI, contra Dominum loquatur: Et ne manus, quæ intinguntur sanguine Christi, polluantur sanguine peccatorum.

Pracognitio futuri Operis.

Quid facere aggredior? negotium omnium negotiorum maximum! introibo in Sancta Sanctorum, hominum ad D E V M mediatorem agam! In conspectu Curiæ cælestis, coram SS. Trinitate publicam totius mundi causam perorabo! Parum est, sed etiam quod non est concessum Angelis; quod omnis creaturæ merita excedit corpus & sanguinem I E S V Christi veri D E I verbis producam, & cum SS. Trinitate operabor hoc magnum S A C R A M E N T U M: insuper etiam manibus tractabo: intuebor oculis: ore contingam: in viscera recondam!

Q

O ne-

O negotium omnium negotiorum maximum! Facestite quævis alia negotia, omnes aliò auocantes cogitationes abite. Ruat mundus, pereant amici, quidquid pretiosissimum est vnius horæ inuoluatur damno. Majus præ omnibus negotium est. Ad hoc solum anima mea omnes potentiarum sensuumq; vires interide, hoc traxa. Cum illo jam inde occupari elige, cum quo beatissimè æternūm occupabere. Melior omnibus creaturis DEVS, huic omnia creata postpone.

Oblatio Sacrificij in quantum est Latreuticum seu Adoratum.

O Ter magne DEVS! in vnione primi & summi Sacrificij & Sacerdotis Christi: in vnione omnium Sacerdotum noui & veteris testamenti & sacrificatorum usq; ad diem judicij. Toto corde & corpore prostratus ego puluis & cinis, hodie offerre tibi intendo Sacrificium corporis & sanguinis IESV Christi Domini nostri. Et in primis

In recognitionem Tuæ admirabilis in uitate Trinitatis; Tuarum Personalitatum, DEI Patris, DEI Filij, DEI Spiritus Sancti.

In adorationem infinitarum Perfectionum, Attributorum, & Proprietatum Taarum. Tuæ nimirum Sapientiæ, quâ comprehendis te ipsum, & omnia possibilia, præsentia, præterita, & futura. Tuæ imminutatis, quâ cælum & terram impletas. Tuæ æternitatis & immortalitatis, quâ semper idem es, & anni tui non deficiens. Tuæ

Omni.

Omnipotentiæ, Tuæ voluntatis, Pulchritudinis,
Eeatusinis.

In adorationem tuorum actuum liberorum
Tuæ Misericordiæ, quâ grauissimos quosq; to-
leras peccatores ut conuertantur. Tuæ Iustitiæ,
quâ nullum peccatum impunitum relinquis.
Tuæ Prædestinationis Electorum ac reprobati-
onis præscitorum. Tuæ Prouidentiæ & dispo-
sitionis æternum de nobis duraturæ. Tuæ libe-
ralitatis in omnes creaturas diffusioæ.

In cultum latræ tibi soli debitum, ac in
protestationem supremi tui dominij in omnes
creaturas, & nostræ subjectionis, ac omnimodæ
dependentiæ à te.

In recompensationem laudis & gloriæ tibi ab
Angelis Apostatis & damnatis, item ab omni-
bus infidelibus & peccatoribus, denegatæ & non
persoluendæ. In supplementum omnium
blasphemiarum, quæ fiunt in terra & inferno con-
tra Eucharistiam. In suppletionem omnium su-
perstitionum & adorationum impensarum crea-
turis inanimatis & falsis Numinibus & subtra-
tarum Tibi D E O viuo & vero.

In quantum est Gratiarum actium.

IN uniōne gratiarum actionis, quam agit & e-
agit ab initio creationis suæ Sanctissima anima
Christi, B. Virgo M A R I A & omnes Sancti ac
Beati. Gratias tibi Domine hoc Sacrificio ago,
pro immenso gratiarum, donorum & gloriæ
thesauro, quem contulisti Humanitati Christi
Domini in via & in Patria.

Q^z

Gratias

Gratias tibi pro beneficijs concessis Beatissimæ Virgini, præcipue verò dono Virginæ Maternitatis diuinæ & Immaculatæ Conceptionis, ac pro ipsius exaltatione in cælesti gloria supra omnes Angelos & Sanctos.

Gratias tibi pro beneficio creationis, conseruationis, cooperationis, concursus exhibito & exhibendo omnibus & singulis creaturis. Pro Incarnatione verbi diuini. Pro vita, Passione, & morte IESV Christi. Pro doctrina ejus, consilijs, præceptis, exemplis, miraculis. Pro redemptione nostra, pro vsu & institutione Sacramentorum. Pro dilatatione per totum mundum Christianæ fidei, fundatione Religionum, extirpatione Hæresum.

Pro creatione omnium Angelorum ad gloriam tuam, & nostram custodiam. Pro prædestinatione, Vocatione, Iustificatione, Glorificatione omnium Electorum. Pro Conuersione omnium peccatorum.

Pro beneficijs concessis omnibus comprehensoribus & viatoribus, prædestinatis & reprobis, justis & peccatoribus, ingratis & infidelibus, Demonibus & damnatis: imò etiam pro beneficijs, omnibus creaturis irrationalibus, quæcunq; fuerunt, sunt, & erunt, præstitis.

Gratias tibi Domine & pro beneficijs mihi in signissimo collatis. Præcipue quia me creasti ad imaginem & similitudinem tuam, dono tuæ gratiæ per baptismum ditalti, Angelum ad mei custodiam deputasti, me pretioso Sanguine Filii tui redemisti, è saeculo nequam eripuisti, Sacerdo-

tem fecisti, donis tuis naturalibus & supernaturalibus ditasti, tot media ad Salutem æternam, & alia necessaria ad decentiam statu, copiosè præbuisti: ac pro beneficijs omnibus notis & incognitis, præteritis, præsentibus, & futuris mihi præstis & præstandis.

In quantum est Impetratorium.

OPATER misericordiarum & D E V S totius consolationis! quia me famulum tuum, licet grauissimâ flagitiorum meorum onustum sarcina, legatione fungi apud te voluisti pro omnibus hominibus viuis & defunctis. Offero tibi Sacrificium hoc.

In primis pro summo Pontifice Papa nostro, Cardinalibus, Patriarchis, Episcopis, Abbatibus, Parochis, Sacerdotibus, & vniuerso Clero, & omnibus alijs curam animarum gerentibus: ut omnes oves sibi commissas verbo & exemplo fideliter pascant.

Pro statu Religionum omnium, & cunctis Religiosis præcipue N. vt reducantur ad seruorem & perfectionem in qua fuerunt institutæ.

Pro Augustissimo Christianorum Imperatore, & cunctis Regibus & Principibus Catholicis, pro omnibus Magnatibus & Magistratibus, ut Ecclesiam venerentur, mandata tua custodiant, & de hostibus fidei triumphant.

Pro omnibus Benefactoribus, consanguineis, amicis, & inimicis. Pro omni statu Ecclesiæ. Pro Virginibus, conjugatis, viduis & orphanis, pauperibus, peregrinantibus, captiuis, ægrotis,

nauigantibus, incarceratis, afflitis, in quacunq; necessitate & periculo constitutis: vt illis donec auxilium, remedium & consolationem, prouo expedit ad gloriam tuam, & salutem illorum.

Pro omnibus Infidelibus, Turcis, Mauris, Idololatris, Iudæis, Hæreticis, Schismaticis, & alijs dissidentibus, ac omnibus obstinatis peccatoribus, vt ad te conuertantur & resipiscant.

Pro me ipso tandem infelicissimo peccatore: da mihi Domine veniam & remissionem omnium peccatorum. Confirm a me in gratia tua, ne unquam mortaliter peccem. Da vitam plenam meritis, & tuo amore feruentem. Da mihi gratiam semper dignè celebrandi, communicandi, & viaticum in extremo agone sumendi. In particulari autem fructum quem possum & debo illi N. principaliter applico, pro quo celebrare intendo.

In quantum est Propitiatorium.

Quis sum ego indignissimus terræ vermiculus, vt audeam faciem meam leuare ad te, & aspicere altitudinem cœli? Christi igitur Filij tui, clementissime Pater, pretiolo Sanguine & meritis onustus, offero tibi infinitam hanc propitiationem Divinissimi hujus Sacrificij, pro omnibus peccatis, quibus offensus es à creatione mundi & offenderis usq; ad diem judicij.

Offero pro omnibus peccatis meis commissis, corde, ore, & opere. Accipe tremenda iustitia DEI corpus & sanguinem Domini mei, & delicta mea, ac ignorantias meas ne memineris.

Offero

Offero tibi Sacrificium hoc & pro omnibus, cum majori Majestatis Tuæ indignatione perpetratis peccatis: Præcipue per hæreses, superstitiones, idololatrias, Dæmonum inuocationes, errores, & magicas artes. Per Christicidium & Antichristi peccata.

Offero & pro animabus omnium fidelium defunctorum præcipue N. implorans Clementiam tuam, cui proprium est misereri semper & parcere, vt extinguis earum ardorem optato rore misericordiae tuæ, & citò purgatas in conspectum tuum admittas.

Actus diuersarum Virtutum,

Actus Fidei.

Persuadeo mihi firmiter, mi dulcis abscondite. I E S V me sub candido specierum Sacramentalium velamine, millies desideratissimum & speciosissimum vultum tuū latentem agnoscere.

Persuadeo mihi, videre mentis oculis roseum corpus tuum, ex quo fontes saluberrimi quinq; vulnerum tuorum, fontes aquarum viuentium scaturiunt.

Et si non videam nunc in manibus tuis fixaram clauorum, & si non mittam manum meam in latus tuum, credo tamen, quia tu es Dominus meus & D E V S meus.

Et quia Te D E V M meum in SS. Sacramento hic latentem firmiter confiteor, ideo nomine omnium infidelium te non credentium & scire noleantium, nomine omniū Hæreticorum & Schismaticorum te blasphemantium, nomine omnium

Dæmonum & damna' orum te non adorantium,
ego credo, adoro, ante te procido, tibi nomine
terrestrium & infernorum inclamo: Centies mil-
lies laudetur SS. SACRA MENTVM.

Actus Spei.

Scio mi Domine: quia propter peccata mea
indignus sum àere quem respiro, indignus
cælo quod aspicio, dignus mille inferis. Et quo-
modo præsumam accedere ad te sub his Eucha-
risticis speciebus verè præsentem? Ibi enim adest
corpus tuum sole splendidius electum ex millibus.
Ibi est sanguis pro nostra salute effusus,
Ibi deniq; latet diuinitas tua.

Abyssus tamen malitiæ, nequitiæ, & nihil
mei, abyssum inuocat misericordiæ & bonitatis
tuæ Domine. Nam licet plures sint arenæ ma-
gis iniquitates meæ, spero tamen quia non repel-
les me à te, spero in pretio Sanguinis tui, utique
Domine nihil horum odiisti quæ fecisti. Utique
& catelli edunt de mensis Dominorum suorum.

Actus Charitatis.

Quid retribuam tibi Domine I E S V, quia
transitus de hoc mundo ad Patrem, reli-
quisti nobis pignus amoris immensi donans nobis
preciosissimi corporis & sanguinis tui Sacra-
mentum?

Cur non mille habeo corda mi I E S V? quæ
ad tantam tui viui incendiij flammarum resoluantur
in cineres dilectionis tui? quomodo anima-
mea

mea tota se non euiscerabit exinanietq; in charitatem bonitatis & misericordiae tuæ?

O si quantus quantus sum, totus nunc consumar, totus liquefaciam, totus suspensus de te deficiam à me, & transeam in te, totus vitali amoris tui morte moriar!

Actus Humilitatis.

Vis sum ego eminentissime D E V S, vt tandem opus aggredi audeam? quis ego sum & quis tu es? Tu D E V S magnus & grandis nimis! D E V S Majestatis! D E V S cui cogitatio nulla pat! D E V S nihil horum omnium, quæ cogitantur aut sunt, sed super illa omnia!

Ego autem quis sum? ego conceptus & educatus tot⁹ in peccatis! ego peccator major & vilior, quam putem, & quam cogitare possim! ego labijs & toto corpore pollutus! ego mille titulis debitum inferno caput! ego terræ exosum pondus & cœli odium! ego tantò vilior, quanto plurimum peccatorum constringor reatu! ego vilissimorum omnium vilissimus!

Tantusne D E V S tantillo homini incorporabitur? O Sacramentum! O Mysterium! O arcanum abditum! quis vñquam id beneficij genus ausus est optare? nunquam in cor hominis descendit dignatio tanta.

O Domine! si tu ob immensitatem non agnoscis te, sine saltu, vt mea vilitas cognoscatur, & quidem merito formidet conjungi tibi.

O Cor meum, quam audax & temerarium es, quod vel cogitare aedes accedere ad hoc Sacra-

men⁹

mentum. Estnè tibi Seraphica illa crystallo nitidior puritas? Instar miraculi Ecclesia prædicat, quod Filius D E I non horruerit Virginis vtem, qui tamen à Spiritu Sancto pulcherrimo gratiarum donorum ac virtutum omnium apparatu fuerat instructus. Quomodo igitur te cubile Draconum, te prostibulum, immundities, te sentina scelerum non exhorrescat? &c.

Actus Contritionis.

O Quantâ contritione ac lacrymarum fonte, quantâ reuerentia, & tremore, quantâ corporis & animæ puritate hoc diuinum ac cælestē Sacrificium est celebrandum mihi Domine; vbi caro tua in veritate sumitur, vbi Sanguis tuus in veritate bibitur, vbi adeit SS. Angelorum tuorum præsentia: vbi tu Sacerdos & Sacrificium mirabiliter & ineffabiliter es constitutus!

O vtinam & nullies vtinam, nunc totum mare versum in sanguinem, vel potius lacrymas ducere possem per caput meum, vt vel sic mundaretur sentina extremæ vilitatis & peccatorum meorum, quam tu inexcoigitabilis dignitatis Domine mi I E S V inhabitare elegisti.

O vtinam & nullies vtinam cor meum extratum à corpore daretur mihi carentibus carbonibus fruitatim adeo examinandum, vt decoctâ ad purum scoriâ ejus saltem & si non dignam, non tamen tam nimis indignam tibi præbere possem mansionem.

O vtinam mi I E S V nunquam te offendissem! O vtinam te solum & ynicum semper amassem!

sem! Pænitet me peccasse ideo solùm quia amo te, semperq; pænitebit: & si possem infinito dolore nunc dolerem quòd offenderim te. Non amplius tamen mi I E S V! non amplius. Hic sit terminus delictorum meorum. Priùs à Dæmone obsidear, aut pænas inferni patiar, quām peccem; & te amorem meum offendam.

Commemoratio Dominice Passionis.

OMNES Sancti Patres, Commemorationem Dominice Passionis Sacrificium celebranti super omnia necessariam esse affirmat, præcipiente Apostolo: *Quotiescumq; manducabitis panem hunc & Calicem bibetis, mortem Domini annuntiabitis donec veniat.* Quæ verba expendens Seraphicus Doctor dicit: *Timeo nequaquam sine remorsu conscientia ac præjudicio anima ad Sacrificium posse accedere, nisi præmemorata ipsius institutentis charitate, ac eius passione & morte, in cuius memoriam perpetuò recolendam illud Sacramenum debere confici & percipi ipse præclarè afferuit.* *Sininxit.*

P R A X I S.

SAluete delicata membra Domini mei I E S V Christi, pro salute nostra diuersis pænis in passione cruciata. Salue reuerendum caput pro nobis spinis coronatum & arundine percussum. Salue pretiosissima facies pro nobis consputata & alapis cæsa. Saluete benignissimi Salvatoris nostri oculi pro nobis lacrymis perfusi. Salue sacrum os, gutturq; suauissimum pro nobis felle & acetum.

& aceto potatum. Saluete aures nobilissimæ
pro nobis opprobrijs & cōtumelijis afflictæ.

Salue colium regium pro nobis colaphizatum, dorsumq; Sanctissimum pro nobis flagellatum. Saluete venerabiles manus & brachia pro nobis in cruce extensa. Salue pectus diuinissimum pro nobis in passione conturbatum & contusum. Saluete pedes adorandi pro nobis clavis confixi. Salue latus gloriosum pro nobis lanceâ militis perforatum. Salue corpus I E S V totum pro nobis in cruce suspensum, vulneratum, mortuum, ac sepultum.

Salue cor mellifluum summæ Trinitatis gatzophylacium pro nobis in cruce disruptum. Salue ter Sanctissima I E S V Christi anima ad mortem vsq; contristata. Salue Sanguis pretiosissime è vulneribus Christi copiosè effuse. Saluete adoranda Salvatoris nostri vulnera, monumenta charitatis & pretia Redemptionis humanae. Per hæc vulnera tua mi bone I E S V sanam animam meam, & esto propitius mihi indignissimo peccatori.

*Pia desideria & affectus immediatè
ante Sacrum elicendi.*

O I E S V nullies desi literissime ! ecce jam ap-
propinquat hora hora inquā felicissima, quā
te D E V M meum in animam meam susceptu-
rus sum. Extend igitur Sacratissimas manus tuas mi dulcis I E S V ad amplexandram animam meam, & ne projicias me à facie tua, licet id pec-
catis meis nullies meruerim.

O vti.

O vtinam nunc talem ac tantam deuotio-
nem, talem ac tantum amorem, talem ac tantam
munditatem, quā vllum vnquam humanum cor
ornatum fuit, in me haberem!

Vtinam & millies vtinam, omni virtute, omni
desiderio repletus essem!

* O vtinam & millies vtinam omnium Ange-
lorum puritatem, omnium Apostolorum chari-
tatem, omnium Martyrum merita, omnium Con-
fessorum Sanctitatem, omnium Virginum habe-
rem puritatem & munditatem.

Vtinam tali reverentiā, deuotione, & amo-
re te possem suscipere, sicut Beatissima Mater tua
in tua Incarnatione & postmodum in Sacramen-
to suscepit.

Oquām ego illo tempore, quo Sanctissimam
Hostiam sumam, cuperem esse Cherubin & Seraphin,
non propter meām sensualitatem, sed pro-
pter tuām dignitatēm mi DEVS!

Ovtinam & millies vtinam tuum Sacratissi-
mum & Diuinissimum cor haberem mi I E S V !
vt Te in illud ipsum, tali quo dignus es modo,
suscipere possem.

Vtinam me dulcis I E S V totaliter ex tua
præsentia accendas, comburas, & in te transmu-
tes, vt vno tecum efficiat Spiritus per gratiam in-
timæ vniōnis, & liquefactionem ardētis amoris.

O si vel ad vnicum momentum transferar in
te, absorbearq; à te, vt te D E O meo quantus
quantus es in te, fruar & satier, poter & inebrier,
hauriar & obruar, tenendo atq; fruendo, aman-
do atq; innatando.

O Vir-

O Virgo Beatissima Mater misericordiae! ô SS. Angeli Sancti DEI omnes præcipue Patroni mei N. N. ad vos clamo pauper, nudus, & humiliis me eunte ad altare, ad immolandum corpus & sanguinem IESV Christi ornate vestris virtutibus, fulcite meritis vestris.

O Pater da mihi filium tuum IESVM! ô IESV! da mihi te ipsum! O Diuinissime Spiritus da mihi corpus & sanguinem Domini mei, O IESV sis mihi IESVS.

De proxima dispositione ad Missam.

Antequam Sacras Vestes induas breuiter tacitamente institue colloquium. Et in primis.

In terroga te ipsum: Quid facere aggredaris peccator & vilis homuncio? tunè hodie apud SS. Trinitatem in conspectu Curiæ cælestis habebis audientiam? tunè introibis in Sancta Sanctorum?

Postea alloquere DEVM Patrem: O Pater! ego nè mancipium tuum indignum, representabo hodie Filium tuum in ara crucis tibi immolatum? Ego nè labijs sordidioribus ipsius inferni faucibus, & manibus Luciferi, manibus quodammodo inquinatioribus præsumam attrahere dilectum filium tuum? Ego nè linguâ meâ fædis contaminatâ sceleribus è sinu tuo in terram sub species Sacramentales vñigenitum tuum euocabo?

Interroga Clementiam Diuinam, qui fieri poterit ut pro tanto ausu & temeritate ipsi

Dæmo-

Dæmones tuorum scelerum conscijs te è vestigio
altaris abreptum in oculis hominum non stran-
gulent?

Dum Sacras Vestes induas, velut lupum te in-
vestimentis ouium esse aestima: & Dæmones
tuorum scelerum conscijs videaris audire per ir-
ritum exprobrantes: En Saul inter Prophetas!

Postea singula sacri cultus ornamenta cum con-
tumelioso Christi amictu compara. Porro Ami-
ctus velamen illud significat, quo facies Christi
velata est, cum percutiebant eum, illudentes.
Alba, vestem albam denotat, quâ ab Herode ve-
lut stultus indutus fuit. Cingulum, funes qui-
bus in horto vinixerunt eum, sive flagella quibus
columnæ alligatum crudelissimè ceciderunt. Ma-
nipulus, vincula Stola, funes collo ejus injectos,
sive crucis patibulum humeris ejus impositum.
Planeta, vestem purpuream.

Ad altare procedens, mente intueberis Chri-
stum quasi cruce onustum ante oculos tuos ad
montem Caluariæ incidentem.

Cum peruerteris ad altare, cælum tibi desuper
velut apertum contemplare, & effusam innume-
rabilem Angelorum & Sanctorum omnium mul-
titudinem te intueri cogita. Admirare tunc, esse
tibi homuncioni indignissimo, & exuli cantan-
da cantica Domini in terra aliena, & cantica An-
gelorum.

Epiſtolam & Euangelium lecturus dic intra-
te: Egonè in Ecclesia DEI depromam oracu-
la, qui tamdiu sedi in Cathedra pestilentia? E-
gonè

gonē Euangelium promulgabo, qui factis & exemplis Euangelium impugnai?

Ante tempus oblationis erubescere & confundere, tecum serio versans; quidnam animi generis velis, qui vnicum & percarum Patri Filium, quem non semel peccatis tuis enecasti, præsumas offerre?

Quando patenam cum hostia accipis, repone simul in ea cor tuum, cor omnium circumstantium & fidelium. Dum vinum Calici infundis, gratias ages D E O, quod sub his speciebus se occultare voluerit, vel elicies deliderium te totum immergendi in abyssum meritorum Christi.

Dum manus lanae desidera ut erumpant sanguinem lacrymæ ex oculis tuis, vel pretiosissimæ guttæ aquæ & sanguinis ex latere Christi ad diluenda peccata tua.

Cum dicas ante consecrationem, memento Domini ne famulorum famularumq; tuarum: statue tibi ob oculos cordis I E S V M recenter cruci affixum, totum sanguinolentum, dilaniatum, & discriptum in toto corpore eumq; cum lacrymis pro omnibus nobis Patri supplicantem.

Memento igitur servorum junges cum memento Christi in cruce pendentis, ac in ipsius vulneribus depones omnes ac immerges, pro quibus orabis.

Ante Consecrationem cum summo timore & horrore Christi verba tibi ad autem dici existima: Ecce appropinquat hora, Et filius hominis tradetur in manus peccatoris. Dum accipis panem, puta te videre splendidissimos & lucidissimos refera-

referari cælos, Angelos omnes effunsi; ipsum Filium DEI in Diuinis splendoribus supra panem consecrandum descendere.

Verba consecrationis prolatiurus; considera te ipsius Christi personam gerere, & verba enuntiatiæ in persona ipsius proferre. Proinde tunc vel maximè mentaliter intentionem actualem breviter formare poteris. Volo in persona Christi & Ecclesiæ confidere corpus & sanguinem Christi. Vel: sicut ego conuento mi DEVS substantiam panis in substantiam corporis tui, & via in substantiam in sanguinem tuum, ita desidero conuerti cor meum in amore in tui perpetuum.

Prolatiis Verbis consecrationis cum summa admiratione, amore, & timore, puta te videre aut infantulum IESVM eumq; speciosissimum formam præ filiis hominum, ad quem adorantum eumq; custodiendum innumerabiles Angeli de cælo lapi sunt: aut IESVM in manibus tuis quasi in cruce recens extensem. Proinde tunc cordialissimos mente affectus elice.

Dominus meus & DEVS meus: vel IESV Fili David miserere mei vel: ô Pater! dono tibi Iesum. Vel: non dimittam te Domine Iesu donec benedixeris mihi & toti mundo, Vel: voces cælestium terrestrium & infernorum dicite elequo Domino: Laudetur SS. Sacramentum: Vel: Amote DEVS meus pro omnibus & in omnibus & in æternum amare volo. Vel: O Iesu crucifixe parce mihi & omnibus peccatoribus: Vel: O Pater dilectissime respice in me quia in manibus meis habeo dulcissimum Filium tuum:

R

Vel:

Vel: O si exulcerationem illam sentire nunc possem, quæ te Dominum, dum crux attolleretur, totum excruciauit! Vel: O M A R I A! en dilectus Filius tuus.

Dum Calicem elevas dic in corde: O Prestiose Sanguis Domini mei ablue me. Vel: O I E S V in sanguine tuo depono & demergo peccata mea & totius mundi. Vel: Quis mihi det ut moriar etiam pro te mi I E S V? o si meum scatentem in venis cruentem pro te effundere possem! Vel: O Pater! en Sanguis Filij tui clamat ad te pro nobis non vindictam sed misericordiam.

In memento Defunctorum primò commendabis animam, pro qua specialiter offers Sacrificium. Postea sine præjudicio illius commendabis animas consanguineorum, benefactorum, Religiosorum, deuotorum ad Beatissimam, fame, pette, bello sublatorum, animas quæ suis carent suffragijs. Animas, quarum corpora in hac Ecclesia & in omnibus alijs per totum mundum requiescent. &c.

Ante Communionem post verba: Domine non sum dignus. Imaginare Sanctos Angelos cum summa alacritate aperire penetralia cordis tui, & illuc introducere optatissimum Hospitem tuum dulcem I E S V M.

Admirabundus ad tanti hospitis præsentiam clama ardentissimo corde: vnde mihi ut veniat Dominus meus ad me? Exi à me Domine quia peccator sum, & ipsis damnatis deterior. Cur tantum te mi I E S V humilias? Credo,

spero,

CHRISTIANVS.

253

spero, diligo. O Iesu dono tibi cor meum. Paratum cor meum D E V S, paratum cor meum. Doleo mi I E S V quod vñquam offenderim te, Misericordias tuas in æternum cantabo. Non dimittam te Domine, donec benedixeris mihi.

Ante Euangelium datus benedictionem populo eleuatis in Christum crucifixum oculis dic: O mi Iesu tu ipse auulsi à cruce manibus benedic mihi, benedic circumstantibus, benedic Patriæ nostræ, & omnibus Fidelibus.

Actus post Missam.

Credo quia tu es Christus Filius D E I viui, qui ad me descendisti. Viuo ego jam non ego, viuit verò in me Christus. Quid sunt plagæ istæ in medio manuum tuarum mi I E S V? Cor meum & caro mea exultauerunt in D E O meo. Sanctus, Sanctus, Sanctus Dominus D E V S Sabaoth. Pleni sunt cœli & terra gloria tua. Per viscera misericordiae D E I nostri visitauit nos oriens ex alto. Glória in excelsis Deo. Quid mihi jam est in cœlo & à te quid volui super terram? defecit caro mea & cor meum Deus cordis mei, & pars mea Deus in æternum. Nunc dimittis seruum tuum Domine secundum verbum tuum in pace, quia viderunt oculi mei salutare tuum, quod parati ante faciem omnia populo rum. Domine Iesu nouerim me, nouerim te, nec aliud cupiam nisi Te. Magnificat anima mea Dominum, & exultauit Spiritus meus in Deo salutari meo. Misericordias Domini in æternum cantabo,

R 2

Actus

*Actus admirationis & gaudij de
D E O.*

EN coram te suauissime Iesu se sicut anima mea
misericordia plena! vt quid permisisti à me indi-
gnissimo peccatore te hodie tractari: & in latri-
nam corporis mei sceleribus multis labefactatam
deponi? Quomodo tulisti vt hanc tibi execra-
dam injuriam irrogarem? Anni lacrymarum &
pænitentiæ mille non sufficerent ad Sacramen-
tum tam excellens semel dignè suscipiendum,
quanto minus ego indignus aptus esse possum,
qui peccare quotidie non cesso, incorrigibilis per-
severo, & imparatus accedo?

Pro admirando habetur, quòd ad imperium
Iosue Sol in cælo steterit, sed nunquid non magis
est stupendum, quòd ad vocem Sacerdotis, velut
vocem meam hominis nequissimi & malitiosissi-
mi, Deus cum tota sua immensa ac infinita Deitate
sub species Sacramentales descendit, & ibi non ra-
rò indignissimè tractatur?

Quid est hoc mi dulcis Iesu? Quid inquam
est hoc? Tu qui adeò immensus es, vt cuncta
creata te capere non valeant à paruula contens-
ta Hostia in mea intrasti viscera fæda? vnde
mihi Domine vt tu venias ad Publicanum & pec-
catorem? An nescis quis sim ego puluis vtiq;
& cinis, vas fordium, esca vermium, & ad hunc
tu de cælo venis? O D E V S & Dominus no-
ster quam admirabile est nomen tuum! Quid
retribuam tibi Domine pro omnibus his, quæ tu
tribuisti mihi.

O S

O si te nunc non meo indignissimo, sed Seraphico, sed Mariano, sed tuo corde, mi Iesu inten-
sissimè amare possem! & si omnia creata corda-
omniumq; cordium affectus & amores in me-
um cor immersere & includere possem, quām
vellem te amare dulcis amor meus!

Tibi laudes concinant, tibi mecum gratias
agant, te pro me mi Iesu ignitissimè ament Bea-
tissima Virgo Mater SS. Angeli, ac omnes Bea-
ti, vniuersi populi, tribus & linguæ. Iubilent
tibi pro me omnes creaturæ, & misericordias tu-
as in æternum concinant.

Actus adorationis.

A Ve augustissimum Sacramentum. Ave dul-
cissime & gratissime hospes amorq; mi Iesu :
Saluto te salutationibus omnium creaturarum,
quæcunq; fuerunt sunt & erunt.

Ave mi bone Iesu, delitosissimum cordis
mei centrum, recipe me in suauissimos amoris
tui amplexus. Transfer me in te.

Oscular mi Iesu venerabiles manus tuas pro
me cruci affixas. Oscular pedes tuos pro me cla-
uis confixos. Oscular latus gloriosum pro me
vulneratum.

Ave tremendum Saluatoris mei caput coro-
nâ spineâ redimitum. Ave frons sole ferentior.
cruentata & in lapsu percussa. Auete oculi pro
me velati, contusi, liuore pleni. Auete aures
contumelij sauciatæ. Ave dulce os pro me siti
& aceto cruciatum:

Petitiones post Missam.

O Domine! cujus viscera misericordia patent omnibus, qui neminem vis perire, ideoq; pro omnibus hominibus mortem subijti & hoc Sacramentum instituisti. Respice in me oculis misericordia tua, succende me ignita vi amoris tui. Dirige me in veritate tua, & da finalem in gratia tua perseverantiam &c.

Obiecro etiam Domine, ne ob respectum fæditatis meæ & peccatorum meorum illos negligas vel non exaudias, qui se per me tibi in hoc Sacrificio commendauerunt. Succurre itaq; & esto propitius benefactoribus consanguineis &c.

Effunde miserationes tuas Domine Princeps Regum terræ in omnes Reges & Catholicos Principes, & in omnes gentes quæ te non noverunt, Turcas, Idololatras, Hæreticos &c.

Defende omnes fideles tuos à fame peste & bello, à cunctis aduersitatibus & periculis. Memento tot miserabilium peccatorum in peccatis mortalibus existentium. Ne sinas eos labi, qui in periculo & occasione peccandi versantur.

Succurre summo Pontifici nostro, cunctisq; Prælatis & Presbyteris. Dissipa consilia impiorum ne quicquam Ecclesiæ tuae, Regno huic & propagationi gloriae tuae officiant. Da huic congregationi ad quam me vocare dignatus es, bona spiritualia & temporalia. Da superioribus omnibus zelum disciplinæ, subditis obedientiam.

Succurre omnibus afflictis, pauperibus, ægris, agonizantibus, tentatis, incarceratedis, & vniuerso

uerso omnium statuum populo tuo. Succurre animabus purgatorij, vt refrigerium, quietem, & lucem æternam obtineant.

Actus alij superius videantur post Communionem, fol. 231.

Ad B. Virginem & Sanctos.

REspice me ô Domina, quoniam vnitus sum Filio tuo Iesu, & cum vnitus sim Filio tuo, ego quoq; filius tuus sum.


Ô Domina mea! ô Mater mea! doce me Filium tuū amare, vt tu illum amasti, doce me cum illo deliciari.

Omnes Sancti Angeli & Patroni mei, vos amate, vos adorate, vos laudate meum dulcissimum Iesum, quia ego nescio, quid dicam D E O vitæ meæ.

Conclude post Missam.

ANima Christi Sanctifica me: Corpus Christi salua me: Aqua lateris Christi laua me: Passio Christi conforta me: O bone Iesu exaudi me: Intra vulnera tua absconde me: ne permittas me separari à te: Ab hoste maligno defende me:

In hora mortis meæ voca me: & jube me venire ad te: vt cum Sanctis tuis laudem te, in sæcula sæculorum.



CAPVT IX.

Proponuntur quædam Praxes
seu Exercitja colendi per annum
Festa Christi Domini,

Viator D E V S.

In Aduentu Domini.

1. O Quando factus Viator D E V S cæli exultabit ut Gigas ad currendam viam ! o quando procedet tanquam Sponsus de thalamo suo ?

2. O Pater misericordiarum ! num in perpetuum obliuisceris nostri ? derelinques nos in longitudinem dierum ? operi manuum tuarum nos porriges dexteram ? Excita Domine potentiam tuam & veni, vt saluos facias nos.

3. Quemadmodum desiderat ceruus ad fontes aquarum, ita desiderat anima mea, vt te vide-re poscit in ergastulo carnis natum sine contagio carnis.

4. O nos felices ! quid audio ! propter miseri-am inopum & gemitum pauperum nunc exurgam dicit Dominus. Læsus est peccato D E V S ; satisfaciat Deus, factus est homo reus, fiat homo Deus, vt liberetur reus. Peccauit caro, mundet caro.

5. O ingenium amoris diuini ! vt redimeretur homo, factus est Deus homo. 6. Ec-

6. Ecce jam Rex noster aduenit de cælis, lætentur cæli & exultet terra ante faciem Domini quia venit: quoniam venit saluare nos & dare se nobis.

7. Salve dies tot æstatibus exoptata, quā Deus pro nobis factus est homo. Salve Gabriel Archangеле tantum nobis annuntians gaudium. Salve Virgo gloria in cuius vtero carissimo carnem assumpsit Deus!

8. O quām potens est amor, qui ad tam infinitam ab ijs Deum! o quām Diuino est dissimilis amor meus!

9. O bonitas infinita! o admiranda dignatio tua Domine, ut seruum redimeres Filium tradisti!

10. Ama, amplectere Virgo Beatissima proxime dulcissimum Filium tuum in claustrō vteri tui Virginis latentem.

11. O Sancti Angeli adorate pro me primo genitum Patris æterni, quem ad nos traxit amor, rapuit charitas, reclinavit in vtero Virginis misericordia, amate illum pro me, cantate illi Sanctus.

12. Tu qui in Sancto habitas excita potentiam tuam, & veni ex vtero: tædet animam meam vitæ meæ, quia non video te Deum Deorum in Syon.

13. O vtinam mi Domine citius disrumpentes cælum vteri Virginis, & ad nos descenderes! o longa mora! o tædiosa dilatio!

14. Tibi dicit Domine Iesu cor meum, exquirit te facies mea, faciem tuam ardentissimè vide

dere concupisco : sonet vox tua Diuine Pusio in
auribus meis, vox enim tua dulcis & facies tua
decora.

In Vigilia Nativitatis Domini.

1. **N**ascere tandem aliquando post tot sæculo-
rum luctum atq; squalorem o parue De-
us ! o magne puer ! tam impatienter expectate,
quam vehementer expetite.

2. Nascere Domine, expectat te Mater tua,
vt te osculetur osculo oris sui, ac pannis inuoluat:
expectat te Iosephus, vt te Deum in carne adoret:
expectat te bos vt cognoscat te posseforem suum;
asinus, vt cognoscat præsepe Domini sui.

3. Nativitas tua Infans Diuine, gaudium an-
nuntiabit vniuerso mundo, tu enim es Sol justi-
tia, & gaudium vniuersa terræ.

4. Egredere Domine de terra tua ; euocat
te militia cælestis, vt euangelizet gaudium ma-
gnum : Pastores vt te salutent : Magi vt mune-
ra offerant : Symeon vt te excipiat in vlnas suas.

5. Veni Domine propter miseriā inopum
& gemitum pauperum : expectant te cæci vt vi-
deant ; claudi vt ambulent, leprosi vt munden-
tur ; mortui vt resurgent.

6. Age, perge Rex magne, ab ætheris palatio
ad pauperissimam casam, à stellis ad paleas, ab
Angelis ad iumenta, à Diuina Numinis tui for-
ma, ad humanam Christi speciem delabere.

7. Dic mihi Virgo Mater ubi nascetur Filius
tuus ? num in stabulo ? o inaudita amoris pro-
digia.

Pusio in
es tua.
z
taeculo-
ue De-
eetate,
er tua.,
noluat:
dorete
suum;
im an-
justi-
euocat
n ma-
mune-
s suas.
opum
vt vi-
nden-
alatio
as, ab
for-
Filius
pro-
ia

digia dilecti mei Cubile stabulum est, lectus Spon-
si mei fænum, puluillus stramen, aula vilis spe-
lunca!

8. O puelle Diuine! Amor magne & par-
ue! Tu es, qui Seraphinos tuis dulcissimis ignibus
inflammis, cur non stipulam & fænum, in qui-
bus jacebis infantulus accedes?

9. O Diuinitas tremenda! & Humanitas
amanda! & Deus: ô Homo! ibi magnus in cæ-
lis es! & hic parvus in terris! ibi regis sydera,
hic fugis vbera! ibi sedes inter Angelos, hic ja-
cebis inter bestias! ibi diues in throno, hic pau-
per in fæno!

10. Veniam mi Iesu tuæ nativitati præsens
adesse possem, dignusq; habitus, qui te halitu
meo, præ bratis animalibus calefacerem!

11. At miserebuntur tui mi Iesu ipsa jumen-
ta, quæ te suo halitu calefacent. Cognoscet hos
Postflorem suum, & asinus præsepe Domini sui,

12. Veni ergo Domine & noli tardare, ve-
ni Iesu pulcherrime, clarissima gemma nata in-
mari diuinitatis paternæ, cuius originem nullus
intellecetus creatus potest indagare.

13. O puer! ô Deus! ô hominum & An-
gelorum amor! ô Rex cordis mei! ô Impera-
tor animæ meæ, te videre concupisco, te deside-
ro amplecti, osculari, tuos pedes, quia catellus
tuus, lambere volo.

Media nocte Nativitas Domini.

1. **N**Vm, quem diligit anima mea vidisti, vo-
bis loquor Angeli Sancti? dicite mihi de-
Iesu.

Iesu meo, cui nunc cecinistis? indicate mihi quem diligit anima mea.

2. Pijssima Iesu Mater aperi mihi ostium dilecti mei: vadam & videbo hunc puerum natum antequam moriar.

3. Iesu Fili Dei, oltende quæso te animæ querenti, & vultum tuum cernere cupienti: quare enim dignatus es nasci, nisi velles etiam agnoscí?

4. Omnes Reges terræ desiderabant videre faciem Salomonis, & audire sapientiam ejus, & ecce plusquam Salomon hic: finite ergo Paſtores me introire ad Regem natum, ut osculer scabellum pedum ejus, & stabulum ejus.

5. Iam quod quæſiui habeo, Iesum meum, inuenio, & summo bono gaudeo, cur jam corde non ardeo?

6. Gaudens hodie gaudebo in Domino, & exultabit anima mea in Deo Iesu meo: inueni quem diligit anima mea, tenebo pedes ejus, nec dimitteram, donec benedixerit mihi.

7. Salve millies desideratissime Hospes, salve dulcis puelle Iesu, & Iesu Nazarene, Rex sæculorum, Rex cordium, deliciarum omnium, primæ ac summæ deliciæ, felicissima beati amoris æternitas. Salve viuificans gemma diuinæ nobilitatis. Salve immarcescibilis flos humanæ dignitatis Iesu amantissime.

8. Salve Iesu, dominator omnium, speciosus formâ præ filijs hominum, te agnoscimus & veneramur nostrum Clementissimum Dominum.

Salue

Salue
menti
ſideri
9
illius
vbert
crebr
pectu
manu
palpi
pidan
ſaccul
ram, &
Filiu
I
filij l
lux a
I
in du
I
raru
est, v
sus e
I
um r
gaud
recep
I
Salu
um,
ue R

Salve Iesu decus Angelicum, fons viuus, lumen
mentium, excedens omne gaudium, & omne de-
siderium.

9. O Mater! ecce Filius tuus. En pallent
illius labella corallina: marcent roseæ genæ;
vbertim stillant geminæ ocellorum gemulæ;
crebrò gemit os formosulum; alternis singultit
pectusculum lacteum; miserè tremunt frigidulæ
manus; vndiq; titubat mollicela caro; tenerè
palpitant paruula cum **corculo viscera;** toti tre-
pidant infantiles artus.

10. O verè beatissima nox clarior omnibus
sæculi noctibus, quæ scire meruit tempus & ho-
ram, quando de Virginali vtero egressus est Dei
Filius nostræ fragilitatis corpore induitus.

11. O benedicta nox, & laudent eam omnes
filij lucis, quia natus est in ea Christus Filius Dei
lux æternæ lucis.

12. Sed quomodo mi Deus! pusillus vagis
in duro præsepio, & jaces mutus inter animalia!

13. O prodigium! en Viator Iesus cæli ter-
rarumq; amor, procumbit inter bestias, quia non
est, vbi reclinet caput suum in diuersorio, & fes-
sus est ab itineribus æternitatis!

14. Angelus dicit: Euangelizo vobis gaudi-
um magnum, natus est Saluator, at, quale mihi
gaudium, dum plorat contemptus nec diuersorio
receptus Amor?

15. O prodigium gaudijs simul & doloris!
Salve, inquit Deipara, Fili mi, & osculabatur e-
um, sed lacrymando, quia præsigiebat illud: A-
ve Rabbi, Ecce Deus, & canitur: Gloria in al-
tissimis!

tissimis ! sed quid illud ? Ecce homo, & clama-
bitur : Crucifige eum. O quam diuersa sors ; hic
in stramine, ibi cum arundine : hic in fascijs, ibi
in vinculis : hic tenero vagitu vitam inchoat, ibi
clamore valido & lacrymis vitam finiet.

16. O Virgo beatissima, præbe lambenti Ie-
sulo mamillam, ut ipse pro te præbeat percutien-
ti maxillam.

17. O mi Iesu humillime & altissime plan-
tulis tuis pronus accido, oscular pedes tuos in-
tra præsepis angustias arctatos, oscular pro me
clavis perforandos. Adoro in paruo corpusculo
tuo tuam immensitatem, in paupertate tuas di-
uitias, in muta infantia tuam Sapientiam, in te-
nella ætate tuam æternitatem, in carne mortali
tuam immortalitatem.

Die Natiuitatis Domini.

1. **O** Felix ! ô ter beata hora ! quam hodie se-
cūs viam cecidit verbum caro factum.

2. Cur non ardet cor meum tenerrimo tui
amore infans formosissime, qui salutem meam in
ipso tui ortu operari cœpisti ? quomodo non
amabo te mi Domine ita amantem me ?

3. O homo, quantum magnificatus es, &
quantum Deus benignissimus apposuit cor suum
erga te ! an non clamabis usq; & usq; ! Quid re-
tribuam Domino pro omnibus, quæ tribuit mihi ?

4. Non misit Deus Angelum, non Archan-
gelum, non Patriarcham, non Prophetam, sed
ipse venit Rex Angelorum & Dominus Prophe-
tarum ad liberandum me.

5. O De-

3. O Deus bonitatis! nunquam magis te reddidisti amabilem, quam cum te exhibuisti miserabilem. Nunquam clarius resplenduit beatitas tua, quam cum annihilata videbatur Majestas tua.

4. Vulnerasti cor meum tuo aduentu misericordie, vulnerasti cor meum, ut in amorem exnunc mori possem & vivere tibi.

5. Quis te adduxit mihi Iesu nisi amor? & quis de celo te traxit, & ad me inclinavit nisi amor? O amor & amor, quam dulcis & fortis es! hic amor! O etiam in me tam vehementer nascat ardor, cui nihil sapiat, nisi Iesus aeternus amor.

6. Meis affectibus parvule Iesu careo: offero tibi affectus Marris, affectus Angelorum psalmentium, & Pastorum te adorantium.

7. Repräsentor tibi terra puerum natum, tibi datus, tibi natus ex intacta Virgine.

8. Non audebam ob peccata mea accedere ad te mihi Iesu, nunc accedam, quia vincitus es & ligatus. Quis enim posset timere hunc parvulum? quem non succendent amore calentes Iesuli lacrymæ?

9. O dulcissime Fili Mariæ! o dilecte misericordie Iesu candide & rubicunde! o desiderate cunctis gentibus! en pauperculus seruus accedo ad te. Veni intra brachia mea. Requiesce supra cor meum. Irriga me lacrymis tuis. Inflammare me amore tuo. Benedic mihi parvulis manibus tuis. Osculare me suauissimis labeljs tuis.

10. Tu es mihi Iesu Pater pauperum, dator munc.

munerum, da mihi obsecro strenam, strenam grātia& amoris tui. Quid enim nobis denegare poteris, qui te ipsum nobis dedisti?

13. Quam verò & ego tibi mi Domine hodie strenam offeram? dono tibi mi Iesu cor meum, dono me totū, dispone de me, sicut de jumento tuo in tempore & æternitate. O Domine ego seruus tuus, & mancipium perpetuum Matris tuæ Mariæ.

In Circumcisione Domini.

1. **D**eus eras parvule Iesu, & eras innocens Filius Virginis innocentis; vnde ergo opus tibi circumcisione?

2. O lapsus Adæ, quām amarū es Domino meo! ego peccavi, & tu Domine pñnam exoluīs? ego in concupiscentia conceptus & natus sum, & tu suscipis in te vltionem? Agnosce ô homo, quām grauia sint tua vulnera, pro quibus necesse est, hunc Diuinum infantulum vulnerari.

3. Sponsus sanguinum tu mihi es, qui cùm voce nondum possis, ipso crurore tuo clamas ad Patrem, & infantulus, quem vix dum habes, sanguinem profundis.

4. Propter primitias sanguinis Iesu, ô Pater! benedic mihi, benedic Ecclesię, huic Regno, Religioni, benedic coronæ anni, & toti mundo.

5. O verbum incarnatum! ô Fili Virginis Matris æterniq; Patris! gaudeo & exulto, quia vocatum est nomen tuum Iesus.

6. O Iesu! adoro te, vt Nomen Majestatis, Amo te, vt Nomen suavitatis, Inuoco te vt No-

meti

men Potestatis. Opto sanguinem profundere,
vt saluus siam; quoniam & tu sanguinem tuum
dedisti, vt Saluator es.

7. Nomen tuum Sanctum & terribile mi Iesu!
in persona omnium cælestium, terrestrium,
& infernorum adoro, adoratumq; volo ab omnibus,
iuper omnia, in æternum.

8. O Iesu nomen dulcissimum, esto mihi sal-
lus & redemptio: non enim est aliud nomen
hominibus datum, in quo oporteat nos saluos
fieri. Esto mihi Iesu, id quod diceris. Esto mi-
hi turris fortitudinis à facie inimici.

9. O Iesu! pone te vt signaculum super cor
meum, vt signaculum super os meum, vt signa-
culum super brachium meum; vt non cogitem
nisi de te, vt non loquar nisi de te, vt non labo-
rem nisi propter te.

10. Impetra mihi S. Bernarde, vt hoc nomen
suauiissimum & dulcissimum Iesus, semper dul-
cescat in corde & ore meo. Sit Iesus mel in ore
meo, in aure melos, in corde jubilus.

11. Hoc sit mi Domine tecum in æternum.
Pactum: siue quidpiam vñquam scripsero, non
sapiet mihi, nisi legero ibi Iesum. Siue vñquam
disputauero, non sapiet mihi, nisi sonuerit ibi
Iesus.

12. O vtinam hoc suauiissimum nomen Iesus,
vel saltem in extrema mortis meæ articulo, cor-
de ardentissimo & deuotissimo pronuntiare pos-
sim! O Iesu sis mihi Iesu in morte, si quid com-
missi, vnde damnari possim, tu non perdidisti,
vnde me saluare possis.

13. Nihil habeo quod offeram tibi, paruale Iesu! præter lacrymas contriti & amantis cordis, suscipe eas & misce sanguini tuo.

14. Quia dignus es Domine, semper accipere laudem, gloriam, & honorem; ideo desidero singulis hujus anni momentis, quolibet istu ocu-li, respirio, millies ac millies Seraphicè, Mariæ, Theandrice, te adorare, te diligere, te appre-tiare, tibi gratias agere, gaudere & congratulari de bonis tuis & de gloria tua.

15. Omnes actus meritorios, omnes cultus, omnia Sacrificia tibi impendenda, anticipatò tibi offero, approbo, ratifico. Omnia instantia & momenta actionum peccaminosarum, quæ-cunq; erunt, desidero implere actibus Christi Domini, Beatissimæ Virginis, & Sanctorum o-mnium. Omnes cruces, morbos, afflictiones à me tolerandas libenter accepto. Omnia, quæ-cunq; cogitaturus, dicturus, & facturus sum, a-spergo sanguine Domini Iesu, vno meritis Iesu, Mariæ, & omnium Sanctorum.

16. Si vides Domine me aliquando hoc an-no deliberatè contra te grauiter peccaturum, fac ut pro illo momento à Dæmone oblidear, ante-quam peccem, & tamdiu patiar, donec pertrans-feat momentum, quo peccaturus eram.

In Epiphania Domini.

1. Quid facitis ô Magi, quid facitis? infantu-lum pauperem adoratis in tugurio vilii, in vilibus pannis? Ergone Deus est iste?

2. Quid facitis ô Reges quod & aurum offer-tis?

tis? Ergo Rex ipse? vbi aula Regia? vbi thronus? nunquid aula est stabulum, thronus præseptum, curiæ frequentia Ioseph & Maria, serui bos & asinus?

3. O Iesu Rex meus & Deus meus, hoc Theophaniæ tuæ die, à sapientibus tribus Regibus adorate, à Ioanne baptizate, à Patre laudate; cum Matre ad nuptias intuitate, ac ibi ejus rogatu, aquâ in bonum vinum conuersâ, primo miraculo gloriose, cum summa humilitate plantis tuis accido, & cum tribus Regibus procido ante te.

4. Diuine Puer! turbetur licet Herodes, & omnis Hierosolyma cum illo, meus eris Rex, isq; vnicus.

5. Condoleo tibi mi Iesu, quia in propria venisti, & tui te non receperunt, quinimo vix es natus, & statim mori destinatus.

6. Crudelis Herodes expecta paulisper, quod nato Domino facere cupis, hoc lancea feri militis faciet.

7. Gratias tibi mi Deus, pro primijs Gentium, & earum illuminatione admirabili.

8. Gratulor oculis vestris & Magi! quibus vidiltis Regem natum.

9. Apertis thesauris suis Reges obtulerunt tibi mi Domine munera. Aperi tibi thesaurum meum optimum, cor meum, tu habes clauem, claude illud alijs, tibi pateat soli.

10. Orere super tenebras cordis mei o gloria Domini, o Iesu gloria Patris & Matri. Exerce fac illud, dic animæ meæ: surge illuminare Ierusalem; quia venit lumen tuum,

11. Da mihi Domine, ut cum Abele, & cum his Regibus, optima optimè dem tibi optimo Deo meo. Accipe si quid boni habeo, vt illud amore tuo perficias, imò accipe etiam quicquid habui vel habeo mali; vt illud amore tuo exuras, & è pessimo facias optimum: vt vbi abundauit delictum, superabundet gratia.

12. Amor tuus mi Domine, præparet pænitentia meæ myrrham primam in munus gratum tibi, ille me faciat thus tuu dolore contritum: ille me faciat aurum tuum, aurum ignitum: vt omnia opera mea sint è puro amoris tui metallo; & oratio mea ascendat vt virgula ex aromatibus myrrhae & thuris, tibi Regi opera mea dedicans.

13. O Iesu stella splendida & matutina in Mariæ sinu, tanquam in firmamento splendens, fac, vt cum his Regibus, in splendore ortu tui, ambulet cor meum; ac singulæ cogitationes & actiones meæ, sicut stellæ manentes in ordine suo, sint discipulæ tuæ.

14. O mi Deus! vtinam omnes gentes, omnes tribus & populi, omnes Reges terræ & Principes cum his tribus magis venirent, teq; adorarent, ante te Deum prociderent, te solum mi Iesu fide viua cognoscerent, te solum amarent, tibi fideliter seruirent: tunc videndo afflueret & dilataretur cor nostrum cum gaudio magno valde.

15. Quia tibi Regi sæculorum ac Domino dominantium debetur summa laus, honor, & gloria; ideo omnium Regum, omnium Principum, tam Catholicorum quam infidelium, etiam

oppo-

C H R I S T I A N V S.

271

Oppositum volentium colla & corda tibi subijcio,
in persona illorum ante te procido, te adoro, a-
doratumq; volo & desidero ab omnibus, quicun-
que futuri sunt.

Die Cinerum.

1. **V**is Domine me flere, jubes me flere, pec-
cata mea & meorum? Ad Sacros tuos
pedes velut ad asylum reus accurro, & ante illos
toto corde prostratus clamo: Eheu! peccavi
Domino. Tibi soli peccavi, quem solum a-
mare debui.

2. Tu dixisti Domine: nolo morteni pec-
catoris, sed magis ut conuertatur & viuat; ideo
adrepo cinere aspersus ad te, cum sim puluis &
cenis, qui tuum altare olim cinere mundari jussi-
sti: Iobum tuum cinere coepertum amasti; Da-
uidi cinerem tanquam panem manducanti peper-
cisti.

3. Ne reminiscaris Domine delicta nostra,
vel Parentum, Fratrum &c, neq; vindictam su-
mas de peccatis nostris.

4. Ne memineris iniquitatum nostrarum an-
tiquarum, mi Domine, citò anticipent nos mis-
ericordiae tuæ, quia pauperes facti sumus nimis.

5. Adjuua nos Deus salutis noster, & pro-
pter gloriam nominis tui Domine libera nos:
& propitius esto peccatis nostris propter nomen
tuum.

6. Nonnè dixisti Domine: gaudium esse
in cælo super uno peccatore pænitentiam agente?
Exple igitur hoc gaudium in cælis de me. Pæni-
tēt me

tet me peccasse, semperq; pænitibit: & si possem infinito dolore dolerem, quod offendixi te.

7. Detestor & execror omnia peccata mea, supra quidquid detestabile & execrable est, & propono me nunquam amplius te offensurum.

8. O Iesu! o Maria! ambo quidem offensi estis, sed ambo estis abyssus misericordiaꝝ, & dulcedinis, parce ergo misericordissime Iesu, parce seruo Matris tuz, misericordissima Mater Maria, parce mancipio Filii tui.

9. Et quia mi Domine amore tui solius detestor omnia peccata mea, en etiam omnia & singula mea jejunia offero & dedico tibi in sacrificium amoris tui, cuius imperio volo tibi, ea per Ecclesiam imperanti, obedire, quæ conjungo cum omnibus tuis, Mariæ ac omnium Electorum jejunis & meritis omnibus, vt tibi placeant.

10. Eo etiam fine mi Deus hoc jejunium instituo. Ut nimirum subtraham materiam vitiorum. Ut tuear castitatem meo statui conuenientem. Ut seruem sanitatem virtuti impendam. Ut animum aptem inspirationibus tuis. Ut imiter jejunium tuum & Sanctorum. Ut me comparem ad orationem & venerabilem Eucharistiam. Ut satisfaciam pro excessu in cibo & potu.

Tempore Passionis.

I. Si vñquam alias, nunc certe tempus est exhibendi te mihi Deum misericordiaꝝ ac benignitatis, Iesu mi amantissime, Conditor ac Redem-

demptor! atq; omne bonum meum. Ecce!
monstrum ingratitudinis ac perfidiae sittit se di-
uino conspectui tuo.

2. Quid facere poteras amplius in gratiam
mei, quām mori in cruce? poterasnē majori pre-
tium regnum tuum ac potestatē mercari, quām
quo salutem meam redemisti?

3. Quid dixerint Seraphini, cum Deum vi-
derent inter duos latrones cruci affixum? mori
Deum & mori quidem inter tormenta tam im-
mania, inter opprobria tam nefanda, fluctibus do-
loris obrutum decumanis? nunquid par erat,
vt excelsæ illæ mentes attonitæ obstupecerent
tam inexpectato caritatis excessu, cuius capax
non erat cor aliud, quām diuinum?

4. Sed en! noua admirandi materies! en,
prodigium ingratitudinis, supra bonitatis exces-
sum nouum atq; insolens! post tot perpeſſio-
nes, post tantum sanguinis prodigè effusum,
quos fructus refers mi Deus? nondum expugna-
re potuisti ingratum hoc cor meum?

5. O dedecus abominandum! post mortem
mei causā exantlatam, potui contemnere te, po-
tui renouare vulnera tua, nouisq; sceleribus tu-
um conculcare sanguinem?

6. Ah! vt nunc saltē parem ingratitudi-
ni meæ sentirem dolorem, vt pænitentiam saltē
tem pro amore, pro sanguine lacrymas redderem?
sed & istic deficio miser, neq; aliud mihi restat,
quām vt ad te configiam mi Deus! & deside-
rem hunc dolorem, & ex toto corde flagitem.

7. Vides Domine & scis me dolorem non me-

rer, sed & scis, consequi me eum non posse absq;
te; ex me cadere possum, at non resurgere, auer-
ti à te, sed non redire ad te, peccare sed non pæ-
nitere.

8. Tu Amator animæ hujus fidelissime, reli-
quis miserationibus tuis etiam hanc adde, vt ope-
ri manuum tuarum porrugas dexteram, neq;
miserum subleues atq; sustentes; ego amori tuo
victas do manus, æstimo te & amo super omne
bonum, & propter hunc solum amorem tui a-
bominor peccatum super omne malum, detactor
illud & execror, velut causam perpessionum tu-
arum, tuæq; mortis vnicam originem.

9. Patrocinentur ergo mihi mi Iesu vulnera
tua, pro mea salute clament ad Patrem, impetrant
mihi misericordiam, gratiamq; abundantem, vt
mortiar prius, quam te rursus offendam.

Die Cene Domini.

8. O Mi Iesu! dum te video ad pedes Iudæ
hodie prostratum, timor & tremor veni-
unt super me! & dum considero opera tua ex-
pauesco!

2. Amabilissimam hanc charitatem tuam ô mi
Deus, admiror & veneror, æstimo & laudo,
magnifico & benedico, quantum possum; neq;
possum quantum volo: neq; velle valeo, quan-
tum debeo.

3. Exosculor mi Iesu illas tuas diuinæ ma-
nus, quibus lauisti pedes discipulorum, & ipsius
proditoris tui

4. O si & ego hodie in toto mundo omni-
um ege.

um egenorum, omnium pauperum pedes in terra
prostratus lauare possem ! quia id præstare non
valeo, offero tibi Domine lotiones pedum ubi-
cunq; factas à deuotis tuis seruis & faciendas vsq;
ad finem judicij.

5. Ex osculor mi Iesu tuas sacras manus, qui-
bus sub speciebus panis & vini, hodie pretiosissi-
mi corporis & sanguinis tui Sacramentum disci-
pulis tuis tradidisti,

6. O anima Christiana ! vide & considera,
quomodo memoriam fecit mirabilem suorum
misericors & miserator Dominus, & fecit cæ-
nam magnam.

7. O prodigium ! ecce homo quidam fecit
cænam magnam. Magnam, quia à magno Deo,
magnâ charitate propositam. Magnam, quia ma-
gno prodigio elaboratam. Magnam, quia magnis
ferculis instructam, corpore Christi, animâ Chri-
sti, Diuinitate Christi.

8. O mi Iesu ! si me totum debeo, pro me
facto, quid dabo pro refecto hoc modo ?

9. Viciisti Domine viciisti misericordiâ & bo-
nitate tua omnia exempla, omnia ingenia, omnes
amores, omnium amorum gradus, & omnem ex-
pectationem omnium creaturarum superasti.

10. O si possem mi Deus ! reparare omnes
irreuerentias, profanationes, impietates contra-
tuam Majestatem in hoc Sacramento verè conten-
tam, præcipue hodie à Iudæis, hæreticis & sagis
commissas & committendas.

11. O si possem nunc tantum tibi exhibere
honorem, quantum tibi dedissent darentq; omnes
simul

simul Athei, infideles, hæretici, Turcæ, idololatæ, & omnes blasphemæ, si essent vel fuissent fideles, teq; totâ vitâ suâ debito cultu & recognitiōne honorassent.

12. Pro omnibus contemptibus & irreuerentijs, quas aliquando mi Domine tulisti & feres vsq; ad tempora Antichristi innouo tibi & offerto primum sacrum à te, & primam communio nem à Beatissima, Apostolis, & omnibus alijs famam, cum illa adoratione & honore quam Sp̄itutus Sanctus illis inspirauit.

Die Parasceues.

1. **O** Anima Christiana! respice in faciem Christi tui & intuere speciosum formâ præ filijs hominum opprobrijs, injurijs, verberibus, liuoribus, contusionibus pro te ita deformatum, vt non sit ei species neq; decor.

2. Vide caput nobilissimum spinarum punctionibus transfossum & percussionibus attritum. Vide genas modestissimas sputis fædatas, alapis cæsas, sanguine cruentatas. Vide oculos benignissimos lacrymis perfusos, & ad ignominiam velatos. Vide os suauissimū siti ardentissima cruciatum & felle atq; aceto potatum.

3. Vide dorsum, supra quod fabricauerunt peccatores verberibus dilaniatum & humeros crucis pondere oppressos. Vide brachia amabilissima funibus deuincta, & in cruce crudeliter extensa. Vide manus innocentissimas durissimis clavis perforatas. Vide pedes delicatos tot itineribus defatigatos, ac cruci tandem affixos.

4. Vide

4. Vide corpus venerabile pro nobis in cruce suspensum, vulneratum, mortuum, & sepulatum. Vide sanguinem pretiosissimum vsq; ad minimam guttam pro nostra salute misericorditer effusum.

5. O Pater! quād stupendā, quād inauditā charitate dilexisti me! vt seruum redimes Filium tuum tradidisti.

6. O mi Iesu suauissime! abyssus bonitatis, tantanē res erat salus peccatricis animæ meæ ut ei expiandæ tantum sacrificium ab æternō destinares? adeonē non taurorum aut vitulorum sanguine, non corruptibilibus auro vel argento redemptus sum, sed tui iphius pretioso sanguine quasi Agni immaculati?

7. Quid retribuam tibi Domine mi Iesu pro omnibus his quæ tu tribuisti mihi? quomodo amabo te, vel potius quomodo redamabo te ita amantem me?

8. O si incessanter èa flamma amoris ardem, amando te, quā ardes Tu, quā ardet Mater tua, quā ardent Seraphini! quā ardent omnes Sancti tui!

9. O si incessanter tot millenis vicibus te adorare, & benedicere, te salutare, & amare possem, quot suspiria mi Iesu emisi, quot lacrymas fudi, quot dolores sustinui, quot lapsibus cecidi, quot pænitis gressibus ambulasti!

10. O si tot millenis vicibus, amore tui sanguinem meum effundere possem, quot vulneribus in flagellatione concisus, quot spinis in coronatione vulneratus, quot fætentibus sputis et macula,

maculatus, quōt funibus ligatus, quōt iniquis iudicij es condemnatus !

In Solennitate Sancti Sepulchri.

1. **O** Angeli ! ô cœli ! ô elementa ! ô creaturae omnes ! adeste ! En jam Dominus Iesus mortuus est !

2. Venite omnes ad Sacrum hoc depositum jam sepulchro conditum, & mecum flete, nam pupilli facti sumus absq; Patre. Cecidit corona capitis nostri.

3. O anima Christiana ! Ecce quomodo bonus Iesus amauit te ! Dedit pro te genas vellenibus ; faciem conspuentibus ; capillos extrahentibus ; corpus percutientibus ; caput coronantibus ; manus pedesq; perforantibus.

4. Ecce quomodo amauit te ! Quando vnicā guttā sudoris, vnicā lacrymulā, gressu, gemitu, istu oculi, voluntatis actu te redimere potuisset : ah ! quōt guttas sanguinis, quōt lacrymas, gressus, gemitus, horas, dies, annos impendit !

5. O dulcedo mea, quot amaritudinibus ; ô gaudium meum, quot lacrymis ! ô sanitas mea, quot vulneribus ! ô vita mea, quot mortibus pro me obruta es !

6. O mi Creator ô mi Redemptor quantum tibi debo ! quomodo tam exilis amor meus respondet diuino affectui & amori tuo !

7. O si cor meum esset Salamandra, & continuo ardens viueret in flamma amoris diuini : ô si audiente toto cælo & terrâ semper & ubiq; clamare possem : Millies ac centies millies dignus est

est Agnus qui occisus est, accipere virtutem, &
Divinitatem, & sapientiam, & fortitudinem, &
honorem, & gloriam, & benedictionem.

8. O si incessanter mi dulcis Iesu ! tuum re-
uerendum caput pro nobis spinis coronatum,
tuam faciem pro nobis consputam, tuos oculos
lacrymis perfusos, tuas manus & pedes clavis
confixos, cum gemitu & lacrymis osculari pos-
sem :

In Resurrectione Domini.

1. **E**xurge Domine ! exurge de tenebris, &
vmbra mortis non decet Sanctum Domini
videre corruptionem.

2. O anima mea ! en dilectus tuus candidus
& rubicundus loquitur tibi , surge propera ami-
ca mea & veni : jam enim hyems trahit dolo-
ris, imber abiit sanguinis, flores renascuntur læ-
titiae.

3. O Pater ! annuntio tibi gaudium magnum,
Iesus Filius tuus viuit ! quem fera pessima deuo-
rare voluit, & ipse dominabitur in cælo & in
terra.

4. Consurge, consurge Maria, induere vesti-
mentis gloriae tuæ Virgo gloria, Surge & il-
luminare, quia venit lumen tuum, & gloria Do-
mini Iesu, gloria Filii tui resurgentis super te or-
ta est.

5. O Angeli pacis ! gaudete in Domino, ite-
rum dico gaudete, en ille nuper despectus Rex
vester, iterum speciosus formâ præ filijs homi-
num factus est,

6. Quam

6. Quām magna multitudo dulcediris vestra
ō SS. Apostoli ! quam habuistis vidēndō & am-
plētēndo Dominum vestrū è mortuis redi-
uiuum.

7. O si possem velocissimē totam peragrare
terram, & clamore valido ubiq; vociferari : Vi-
uit Iesu ! viuit Iesu !

8. Lætare & exulta anima mea ! en cui hu-
per non erat aspectus neq; decor, nunc resplendi-
dit facies ejus sicut sol, vestimenta autem illius
facta sunt alba sicut nix.

9. Infelix Synagoga, vidisti nuper Regēm
tuum & fecisti tanquam leprosum, & nouissi-
mum virorum, en cerne ! vt pulchritudinem illi-
us sol & luna mirantur.

10. Ostende etiam mihi mi dulcis Iesu faci-
em tuam gloriosam ! sufficit mihi illam videre
antequam moriar. O si citius venirem & appa-
rerem ante te ! tunc cūm lætitia exclamarem
Dominus meus & Deus meus.

11. Sancte Iesu per Sanctam Resurrectionem
tuam te rogo fac me Sanctum : resuscita me cum
Sanctis illis de quibus dicitur : Multa corpora
Sanctorum, qui dormierant, surrexerunt. Duc
me in Sanctam ciuitatem tuam, in qua tu es : fac
me ita viuere, sicut sancti illi, à te resuscitati vi-
ixerunt tecum.

12. O vere Agne, qui abstulisti peccata mun-
di ! aufer & mea, qui mortem nostram morien-
do destruxisti, destrue & meam ; qui vitam re-
furgendo reparasti, reparas & meam.

13. Quid verò sunt plagæ istæ in medio ma-

nuum

num tuarum? in medio pedum tuorum, in
medio cordis tui? Overè sunt æterni testes amo-
ris; diuinæ monuimenta pietatis; cruentæ tro-
phæa victoriæ; nimiæ symbola charitatis; ve-
rè sunt januæ cælorum; sunt claustra inferorum;
sunt fodinæ gratiarum; sunt deliciae hominum
& Angelorum.

14. Exoscotor mi Iesu hæc rosea vulnera-
ac cicatrices tuas splendidiores sole, exoscotor tu-
um Deificatum cor, quod in morte tua tam ve-
hemens rupit amor & dolor.

15. O vtinam mergar & absorbear pelago
pietatis istius: abysso miseracionum istarum:
vtinam inter vulnera illa intra viscera illa abscon-
dar ibiq; perpetuo stupore defixus, exclamem æ-
ternitate totâ: Deus meus & Amor meus!

16. Imprime mihi mi dulcis Ieu! cicatrices
istas, & lancinent cor meum altissimo vulnere,
& vulnere sempiterno: vt tui vnius desiderio
langueat cor meum, tui vnius amore moriatur,
& moriens resurgat, & te diligit in æternum.

In Ascensione Domini.

1. **A**bijsti Domine in cælum, quia male tibi in
terra à nobis peccatoribus fuit.

2. O Domine! ideone tot annis quæsusitus, tot
sæculis expectatus, tot votis expeditus, tot suspi-
rijs exoptatus, tot lacrymis quæsusitus fuisti, vt
breui nobiscum conuersatus redires? quid displie-
cuit tibi in nobis?

3. Quomodo mi Domine potes dicere: de-
liciae

liciæ meæ esse cum filijs hominum, cùm in altissimis habites, nos autem relinquas in infimis?

4. O Pater! quid facis nobis sic? omnes dolentes amittimus Saluatorem nostrum, & non est tibi curæ, quo i nos desolatos relinquat?

5. Utinam mi Domine! disrumpes terram hujus corporis mei, & irem ad te. Quid enim mihi est in cælo, & præter te quid volo in terra?

6. O si citius de custodia corporis mei educetur anima mea, quod videndo Deo meo officit! O si darentur mihi pennæ sicut columbae, volarem & requiescerem sub umbra illius, quem desiderat anima mea!

7. Super flumina tantisper Babylonis hujus sedebo & flebo, quamdiu recordabor tui Syon, non quidem propter te, sed propter eum, qui habet solium suum in te.

8. Dic ergo jam anime mi ultimum vale Saluatori tuo. Vale mi Redemptor, vale mi dulcis Amor, sed memento mei dum veneris in Regnum tuum. Vale Frater amabilis nimis! vale Sponse animarum nostrarum! sed prius ante discessum da Iesu benedictionem; da Frater amplexum; da sponse dilectæ amoris suauium.

9. Intelligis tu Domine & superintelligis omnia. Intellige super me egenum & pauperem, ac me desolatum rede Mater tuæ: ne derelinquas me orphanum, da mihi dulcissimam hanc Matrem, qui dona das hominibus.

10. O qui ascendens in altum captiuam duxisti captiuitatem! gratulor tuæ magnificenzia super cælos eleuatae! Fac me magnificentem in sanctitate,

Etitate. Tu scis quid me captiuum teneat, ne liberarem te, hanc meam captiuitatem captiuam ducas in triumpho tuo.

11. Omnis pulchritudo tua eleuata est super sidera: da ut omnis amor meus habitet ibi tecum, in amore veræ pulchritudinis occupatus. Utinam semper ibi sit cor meum, ubi est thesaurus meus!

12. O Iesu, qui es plusquam Elias curru igneo hinc abreptus: fiat super me Spiritus tuus duplex; timoris quo timeam Deum tuum, & Deum nostrum; amoris quo amplectar Patrem tuum & Patrem nostrum ad quem ascendis.

13. Dixisti Domine: Ego si exaltatus fuerit a terra omnia traham ad me ipsum. Trahe me obsecro post te, & educ in altum; ut mihi quotidie ascensiones in corde disponenti, haec infima, minora semper & minora videantur.

14. O gloriose triumphator qui hodie super omnes caelos ascendisti & jam venisti in regnum tuum, obsecro, memento nostri, memento quod sis os de ossibus nostris & caro de carne nostra. Vtique, & in manibus tuis descripsisti nos, lege scripturam istam & salua nos.

15. Iam non possum tristari, quia Christum Adiuvatum habemus in caelis: ille pro nobis exhibebit Patri iatus & vulnera, Mater Filio peccatus & vbera, certe non poterit esse repulsa, ubi tot concurrent charitatis testimonia.

Die Pentecostes.

1. Quod munus pro Saluator^e nostro dabis
Totius cælum

cælum nobis? emitte obscro Spiritum tuum,
& renouabis faciem terræ.

2. Utinam Diuinissime Spiritus disrumperes
cælos, & ad me descenderes, quia anima mea ve-
lut terra sine aqua tibi.

3. Quemadmodum desiderat ceruus ad fon-
tes aquarum ita anima mea Te desiderat, deside-
rijs Virginis Matri & Apostolorum.

4. Veni Creator Spiritus & emitte cælitus
lucis tuæ radium: Veni Pater pauperum, veni
dator munerum, veni lumen cordium. Conso-
lator optime dulcis hospes animæ dulce refrige-
rium. In labore requies, in æltu temperies, in-
fletu solatium.

5. O lux beatissima reple cordis intima tuo-
rum fidelium. Sine tuo numine, nihil est in ho-
mine, nihil est innoxium. Laua quod est sor-
didu, sana quod est saucium, flecte quod est rigi-
dum, foue quod est frigidum, rege quod est deuiu.

6. Da tuis fidelibus in te confidentibus sacrum
septenarium. Da virtutis meritum, da salutis e-
xitum, da perenne gaudium.

7. Recipe me (ô Sponse) inter suauissimos
amoris tui amplexus, quibus constrictus Spiritus
meus totus ardcat & comburatur.

8. Accende cor meum frigidissimum igne
tuo Deus meus; tu enim ignis comburens es, &
facis ministros tuos ignem vrentem.

9. Produc diuinissime Hospes austrum ar-
dentissimæ dilectionis tuæ, qui me tam valido
impetu à mundo impeilat in te, vt à me ipso
translatus deinceps Spiritum non habeam extra
te.

10. O fi-

10. Q si vulnerares mi Deus hanc animam meam peccatricem igneo & potentissimo telo tuæ nimia charitatis, ut ex ipso vulnere amoris tui vberrimæ fluant lacrymæ die ac nocte.

11. Meis affectibus careo opreatissime ac desideratissime Hospes! ideo offero tibi affectus & amoris astus, quibus ardebat cor Virginis Matris & Apostolorum in tuo aduentu.

12. O si linguis omnium hominum & Angelorum loqui possem, irem per vniuersum mundum, & annuntiarem hoc gaudium magnum: Spiritus Domini repleuit orbem terrarum.

13. O Patris & Filij amor æterne SS. Spiritus: gratulor quod sis Deus! Gratulor quod infinita illa pulchritudo & bonitas ametur à se ipsa tantum, quantum est ipsa.

14. Quicquid boni accepit vllus à te, gratias ago tibi! Quicquid boni fecit vllus gratulor tibi & illi! Opto vt ameris tot Seraphicorum chororum cordibus, quottumente tua infinita potes concipere. Opto vt omnes homines tuo amore semper ardeant, & nullus non amet, qui potest amare.

15. Displicet mihi quidquid mali sit, aut vñquam factum est contra te. Vtinam prohibere possem mala omnia; & bona quæ fiunt augere omnia, ac omnium cordibus amare te, singulisq; momentis vitæ meæ tantum facere boni, quantum factum est ab omnibus vñquam!

16. Vtinam mea & omnia omnium peccata possem in pretiosissimos tibiq; gratissimos excellæ & ardentissimæ erga te charitatis actus, adeoq; ipsas

ipsas inferni flamas (si id tibi placeret) in æternum tui amoris ignem conuertere, ac omnia corda frigida linguis igneis tibi accendere !

In Festa SS. Trinitatis.

1. **C**redo te Deum Patrem ingenitum, Filium unigenitum, Spiritum Sanctum ab utroque procedentem. O credam & fruar semper, quia tu Deus meus es principium meum & finis ultimus, & mea æterna beatitudo.

2. O Deus immensæ majestatis ! in omni loco cœli aëris, terræ, aquæ, purgatorij, inferni, in omni loco dominationis tuæ ante te procido, tibi genu flecto, te ubiq; præsentem adoro.

3. O Pater, principium absq; principio ! gaudeo, quod intra te verbum æternum concipias, Filiumq; generes, adeo tibi similem, ut sit vnum & idem tecum in essentia.

4. O Deus infinite qui es trinus in personis, sed unus in essentia ; & ita Diuinitatem communicas, ut unitas non lœdatur, communica mihi copiosam gratiam, ut sim unus tecum charitate perfecta.

5. O Deus unitas ! O Deus Trinitas ! Credo, adoro, & laudo te, pro omnibus, qui te ignorant, vel blasphemant, siue in terris, siue in inferno.

6. O si fidem annuntiare possem in uniuerso mundo, & omnes infideles ad te Deum conuertere ! quam libenter id facerem, etsi propterea omnia tormenta omnes cruciatus sustinere deberem,

7. Utinam possem Deus meus omnium infidelium intellectibus in te credere, omnium affectibus te amare, omnium viribus tibi seruire ! utinam possem blasphemias omnium damnatorum in laudem tui commutare !

8. Detestor mi Deus contra te trinum & vnum omnes errores, & irreuerentias vbiq; in toto mundo factas, ac omnes blasphemias anathematizo.

9. Pro omnibus & in omnibus creaturis, quæcunq; fuerunt, sunt, & erunt siue rationales illæ, siue non, te adoro, te laudo, tibi gratias ago, tibi inclamo : Benedicte omnia opera Domini Domino : Sanctus, Sanctus Dominus Deus Sabaoth : Gloria Patri &c.

10. Desidero vt quævis creatura rationalis tibi seruiat, te laudet, te amet, propter solam & maximam gloriam tuam, ob amorem & beneplacitum tuum, ob tuæ voluntatis impletionem, ac in adorationem & latrati debitat.

11. Desidero per quamlibet creaturæ rationalis actionem, exhiberi tibi, quicquid vñquam te dignum cogitari & exhiberi tibi debet potestq; à quocunq; & omnibus in toto mundo.

12. Opto per quamlibet actionem meam reproduci, approbari, & ratificari omnes actus sanctissimos, siue in cælo, siue in terra elicitos & eliciendos ad gloriam tuam.

13. Quicquid boni de te scriptum habent bibliothecæ omnes ; quicquid boni de te scriptæ vel cogitauit ylius ; quicquid in thesauro scien-

tia uæ est, quod tibi offerri à me possit, id q-
uæne tibi offero.

14. Quicquid vñquam per totam vitam me-
am cogitauero, dixero, vel fecero, id totum of-
fero tibi & consecro, in gratulationem de bonis
tuis, in gratiarum actionem pro donis tuis, in sa-
tisfactionem pro malis meis, in impetrationem
amoris, quo te magis ac magis amare velim sem-
per.

15. Quotiescunq; ad te sustulero animum
meum, atq; de te cogitauero, audiero; toties cor-
dialiter cupio dissolui & videre te in cælo: toti-
es omnes & singulos omnium actus peccamino-
fos desidero per intensissimos ac elici possibiles,
amoris, doloris, & appretiationis affectus com-
pensare: toties cupio in persona omnium pecca-
torum restituere honorem Excellentiae dignitati
& Immensiati tuae Diuinæ.

In Feste Corporis Christi.

1. VEnite omnes audite, & narrabo vobis, qui
timetis Deum, qui amatis Dominum Ie-
sum, quanta fecit animæ nostræ! En Deus &
homo fecit nobis cænam magnam! fecit conui-
nium magnum!

2. O res mirabilis, manducat Dominum,
pauper seruus & humilis! o prodigium! en ca-
telli non tam de micis edunt, quæ cadunt de
mensa Domini, sed panem Angelorum mandu-
cat homo catellus Domini,

3. O quam suavis est Domine Spiritus tuus,
qui ut dulcedinem tuam in filios demonstrares,

pane

pane suauissimo de cælo præstito esurientes re-
ples, & diuites dimitis inanes.

4. Vicisti Domine vicisti misericordiâ & bo-
nitate tua, omnia exempla, omnia ingenia, omnes
amores, & omnem expectationem omnium crea-
turarum superasti.

5. Utinam hodie replicari possem, & in o-
mnibus Ecclesijs, quæ sunt in toto mundo, tibi
mi Deus Eucharistice existenti offerrem & inno-
uarem omnes actus adorationis, salutationis, re-
cognitionis, impensos & impendendos!

6. Utinam cor meum extractum à corpore,
in tot minutissimas diuidi posset particulas, quot
pulueris pyrij grana in cineres hodie redigentur,
vt totum redactum in cineres, in cultum Eucha-
ristiæ consumeretur!

7. Utinam in omnibus Ecclesijs, in omni-
bus plateis, processionibus, loco lampadum &
candelarum ante Eucharistiam suspendere pos-
sem in venis cor meum, vt arderet continuò, &
totum combureretur, totum consumeretur, totum
abiret in cineres amoris diuini!

8. Gaudeo & exulto mi Iesu! quod tibi in-
Sacramento latenti publicus per totum mundum
honor deferatur in templis, processionibus.
Quod omnes Reges & Principes tibi Regi po-
tentissimo cum summa humilitate & reverentia
genu flectant, ante te procidant, te agnoscent, &
venerentur.

9. Desidero in locum omnium idolorum &
falsorum Numinum, quæ sunt inter Ethnici-
sum & infideles omnes, introduci SS. Euchari-
stiam.

stiam, ipsiusq; cultum vbiq; promoueri & celebra*ri*.

10. Doleo mi Deus, doleo cordialissimè, ob infinitam Majestatis & bonitatis tuæ excellenti-am de omnibus sacrilegijs, hæresibus, blasphemis, irreuerentijs, abusu Eucharistia, contem-ptibus, quibus vnquam à sagis, hæreticis, malis Catholicis, in hoc Sacramento verè præsens, of-fensus es & offenderis.

11. Desidero, ut ab omnibus creaturis ratio-nalibus adoreris & glorificeris in hoc Sacra-men-to & dignè suscipiaris.

12. Effundo tibi mi Domine in hoc Sacra-men-to præsenti mare illud affectuum, adoratio-num, & salutationum, quas Virgo Beatissima, quas Angeli, quas omnes deuotissimi serui tui e-licuerunt, eliciunt, & elicient ad tempora Anti-chricti.

13. Desidero mi Iesu exhibere tibi tantum honoris, laudis, & benedictionis, quantum da-mnati tibi exhibit contumeliarum toto tem-pore suppliciorum suorum, & quoniam ipse a-dorare & benedicere nolunt, ego nomine ipso-rum te adoro, laudo, & benedico.

14. Gratias tibi Domine pro omnibus Com-munionibus sumptis & sumendis à me & à quo-cunq; in toto mundo, itemq; à me accipienda, (vt spero in gratia tua) communione viatici.

15. Desidero potius mi Iesu millies mori, quàm te vnquam indignè, in Eucharistia præsen-tem suscipere, te tractare.

16. O si semper mi Deus! Communionem-sumen.

fumendo, illos omnes amoris æstus concentrare possem in cor meum, quibus ardebat cor Virginis Matris, cor maximi Sancti tui!

CAPVT X.

Breues Meditationes de Passione Domini.

Sive peregrinatio Viatoris cum Christo paciente,

O vos omnes qui transitis per viam, attende & videte, si est dolor similis, sicut dolor meus. Thr. I.

Perge Viator plorans, quò trahent funes, quò raptabunt catenæ, quò crudelis feritas incabit. Perge quò rapit dolor & amor. Seque te Iesum, qui doloris passibus, immensum nostorum scelerum, & infinitæ suæ bonitatis campum dimetitur. Defluit ex vulneribus Christi Sanguis pro te ô Viator, sed non in te, nisi tu facias eum per gratitudinem recurrere ad principium suum.

Amor SS. Trinitatis totus consistit in Passione & vulneribus Christi, illa enim mouet Deum ad fundenda liberaliter in nos beneficia, ut docent Doctores, qui ajunt, omnia dona gratiae effectus esse & præmia meritorum ac vulnerum Christi. Si cupis à Deo diligi, ama vul-

nera

nera Christi, commorare in illis sacris catternis. Tota tua occupatio sit cum S. Comite Elseario in vulneribus Domini. Sic ille ad conjugem suam scribit: Si me videre cupis, quare me in vulnera lateris Christi: ibi enim habito, & ibi me poteris inuenire.

Vnde exclaims S. Bonaventura: O cecitas filiorum Adae, qui per hac Vulnera in Christum nesciunt intrare. Ecce apertus est thesaurus divinae sapientiae et charitatis aeternae. Intra per Vulnerum aperturam et delicias obtinebis. Certa enim et secura expectatio promissa beatitudinis (inquit S. Leo) ubi est participatio Dominicæ Passionis.

Christus S. Gertrudi dixit: Filia qui amanter crucifixum in vita intuetur, eum amanter Crucifixus in hora mortis respicere dignabitur.

Virgo quædam Crucifixum fixè intuens amore æstuans exclamabat: O Deus! o amor! o excessus amoris da mihi tantam vocem, quæ audiatur ab Oriente ad occidentem, à calo usq; ad infernum, ut te Amorem meum omnibus inclinem, ut ab omnibus agnoscaris & ameris.

S. Edmundus Episc. Cant. Daemonem in virtute sanguinis Christi adegit ad significandum sibi, quo potissimum modo superari potest. Adjuro te, inquit, per aspercionem sanguinis Christi, in quo facilius te vincere possum. Respondit Daemon: Deo sic ordinante, in eo quod non minasti, illius sanguinis virtute facile vincor.

Simplex recordatio Passionis Christi (teste B. Alberro magno) multò plus valet, quam si quis integrum annum in pane & aqua jejunaret;

vel

vel figura
ad effusum
integrum
in die Pentecostes
Cuius
candunt
in se amato
stus: et
vulnera
non aliud
lans in f
ardore,

1. EGI
montem
Viatori
campi t
ut hilium
rum crucis

2. C
montem
sa Matri
prædicat
conspicit

3. V
nuptium
Odolorum

4. I
quomodo
punctilac-

vel si quotidie virgis & flagellis cæderetur usq;
ad effusionem sanguinis ; vel si quotidie legeret
integrum Psalterium. Apud Discipul. Ser. I.
in die Parasceues.

Cuidam Viro eximiaæ Sanctitatis inter pre-
candum, medium efficacissimum pro excitando
in se amore diuino flagitanti, respondit Christus : exerce te in humanitate mea passionata &
vulnerata, nam in ea maximè lucet mea charitas
non aliter, quām sol in suo splendore, rosa ruti-
lans in suo odore, ignis vehemens in suo æstu &
ardore.

Christus in horto sudat.

1. Eredere Viator ac plorans comitare Iesum
euntem in hortum Oliuarum, vel potius in
montem myrræ & collem thuris. Primus
Viatori Deo ad hortum erit passus, non ut flos
campi transplantetur in amæniorem locum, sed
ut lilyum collocetur inter spinas acerbissimo-
rum cruciatuum.

2. Cogita, dum jam egreditur Christus ad
montem Oliuarum, cum quanto dolore vniuer-
sa Matri suæ, quæ sibi in passione euentura erant,
prædicit : quia omnino oportet Filium hominis
conspui, flagellari, crucifigi.

3. Vide quomodo mæsta Mater ad tantum
nuntium exanimata in brachia Filij sui procidit.
Odolorem cruentum Matris !

4. Penetra hic viscera Filij & Matris ! &
quomodo vberrimæ ex oculis ytriusq; erum-
punt lacrymæ !

5. Aspi-

5. Aspice, quām triste spectaculum sit hoc,
Matrem DEI & Filium lacrymis diffluere!
Eheu! quō vadit dilectus tuus o Nōémi, o pul-
cherrima mulierum, quō vadit? ad hortum vbi
sudabit sanguinem; ad Annam vbi alapis crue-
tabitur; ad Herodem vbi illudetur ut demens;
ad Prætorium vbi cædetur ut reus; ad montem
vbi suspendetur ut latro.

6. Cogita, quem putas eum dolorem sensis-
se in egredi portæ ciuitatis, dum intra se dice-
ret: Non sum ultra transiturus per portam hanc,
nisi vinculis & catenis constrictus.

7. Cum lacrymis inspice, quantis angustijs
prematur bonus Iesu in hortum veniens. O tri-
ste spectaculum! en protinus Dei Filius genio-
rum cælestium voluptas expallescit, submittit
genua, procumbit humili, diuinum os solo adstet-
nit, cum morte luctatur.

8. Imaginare, quod videas per poros & ve-
nas, sanguineas erumpere guttas. Heu qualis
hortus hic est Gethsemani! in hortis alijs sunt
deliciæ, in hoc mæror & dolor.

9. Interroga Dominum Iesum: cur tam
præmaturè ex illius corpore erumpit sanguis, su-
dant pori, stillant venæ, ora lacrymis rigant o-
culi, pluunt cuncta membra?

10. Cogita, si primo in passu Viator sanguini-
em sudat, quis sperandus est tam atrocis transi-
tus ac itineris progressus?

Affectus.

O Mibone Iesu! quō tua demum in nos a-
bibit

bibit liberalitas? paulo ante sub extremæ cænæ
finem, tuum nobis in calice sanguinem propina-
sti, jam illum iterum in tuo corpore, in veste, in
horti paumento propinas?

Cur ita ô amor meus, ipse tormenta præci-
pit? nondum adsunt carnifices, nondum te
flagella lacerant, nondum aculeatæ spinæ diui-
num verticem perfodiunt, nondum prægrandes
clavi manus pedesq; configunt, & tamen jam
nunc, tam vberes crux fonticuli fluunt? Quid
cras tecum fiet, cum totum corpus unus erit,
liuor, vulnus vnum?

O nimium amorem istum, cui explendo
mors vna satis non fuit, sed ante mortem vitam
hanc nostram mori coegit! ita ut nostri amantis-
simus Dominus membratim interire, guttatum
contabescere, & per lenta sanguinis stillicidia,
diuersis vijs animam abire voluerit.

O felicem te terram! quæ Domini tui cru-
ote in combibisti, nunquam tam pretioso rore ir-
rigata. Quis mihi det, vt sexcentis osculis fati-
gem & amplectar locum, quem Saluatoris mei
presserunt vestigia, genua contigerunt.

Quid verò purpureum hunc & tam copio-
sum sudorem è corpore Iesu eliquavit? Eheu!
peccata & scelera mea. Hoc prælum fuit, hoc
torcular, quo hortus succo plenus fuit expressus!
sub isto culparum mearum onere bonus Iesus
ingemiscit, mæret, plorat, fatiscit, sudat largiter,

Tantè res erat salus nostra mi Domine! vt
eam tanti æstimates, & perditam tantis impen-
dijs sarcires? Tam pretiosæ in oculis tuis erant
animæ

animæ nostræ, ut eis redimendis tantum & tam copiosum destinas pretium? Adeonè diligens me, tradidisti temetipsum pro me, ne perennibus traderer flammis? Ergo non diligam te sed tradam me concupiscentijs meis, tradam me juratis hostibus tuis?

Meliora Deus meus meliora! Potius tradō me tibi, vel nunc, ut disponas de me in tempore & æternitate, ut cantem miserationes tuas stupendas, & magnas in æternum & ultra.

Christus in horto comprehenditur.

1. Penetra cor Saluatoris: vide cum qua promptitudine & charitate morti se se offerat, cum qua alacritate obuiam procedat proditori Iudæ & Carnificibus.

Iuda quid agis? amoris signo vulnus infligis? mellis oblatione venenum propinas? charitatis officio sanguinem fundis? instrumento pacis morteni irrogas?

2. Vide, quomodo unico verbo omnes satellites strauerit in terram, ne prosterneret in inferno.

3. Considera duritiam satellitum, qui nec horrore mortis perterriti, nec blandimento charitatis commoti, quem noluerunt propitium habere Saluatorem, sibi elegerunt Iudicem severissimum.

4. Obstupescet, quomodo viles & barbari nebulones in Agnum innocentem cum ingenti clamore irrunt: alij caput benedictum pugnis, alij fustibus cædunt: brachia cæteri funibus

tam

nam arcte stringunt, ut sanguis profusum debeat e venis.

5. Intuere, quam immanem catenam ferream (ut multi volunt) Carnifex injicit collo ejus. O miserabile spectaculum, onustum vide re catenis & funibus Creatorem cœli & terræ! Quis vñquam publicus latro, quis prædo tanta cum rabie tractatus?

6. Comitare ulterius Christum, quem ad impiam pertrahunt ciuitatem. O quot anterius hantis & calcibus te propellunt mi Iesu! quot à tergo te lapidibus, luto, & puluere inpellunt! Eheu! nulla fera tam male fuit habita à canibus venaticis.

7. Interea mente concipe Christum appropinquare torrenti Cedron. Intuere illos gradientes per pontem, Christum vero, tanquam indomitam bestiam raptari per gelidas aquas.

8. Inspice cum lacrymis, quomodo lapides præacuti illius torrentis calcaneos Domini vulnerant, & ita cruentant ut per totam viam sanguinis vestigia relinquat.

9. Insuper comitare Christum raptatum ad Tribunal Annæ, capite disceoperto, facie liquida, manibus post tergum vincitis pedibus sanguinolentis.

O prodigium! en innocentissimus sol justitiae ad iniquitatis Tribunalia constitit. Stat sine Aduocato Innocentia, sine Patrone veritas, sine voce verbum. Quid enim loqueretur, cui jam nuper ferale Herodis imperium, ad saltatriculæ votum, ipsam vocem eripuerat?

16. Considera, quām toruis & ardentibus
oculis Basiliscus ille aspiciat Saluatorem! quām
superbè interroget & sciscitetur ab eo de do-
ctrina & discipulis.

Eheu! obstupesce, vt mox ad primam æter-
næ sapientiæ vocem, à quo piam ministrorum,
armatâ manu, tam crudelissima alapa ei infligi-
tur, vt dentes excusserit, & ex labijs sanguinem
elicuerit.

Exhorrescat Cælum ad tam inauditum faci-
nus! contremiscat terra! alapâ Deus percuti-
potuit! ô Angeli, quomodo manus continere
potestis? an attonitos vos tenet facti insolentia?

Loquitur interim ad focum Petrus, eliquatis
ad prunas verbis, cui antea pauor ora congelaue-
rat. Loquitur sed mendacium, quia veritas post
crudelem ictum conticuerat. Loquitur sed ins-
sipienter, quia Sapientia obmutuerat.

Affectus.

Quid retribuam tibi Domine Iesu pro omni-
bus ludibrijs, percussionibus, vilipendijs, de-
risionibus, & pro innumeris opprobrijs, quibus
pro me saturatus fuisti?

Heu mæstissime, heu dulcissime Iesu! Cur
adeo ferreum ac lapideum cor habeo, quod com-
passione ac dolore non scinditur? cur præ dolore
non tabescit anima mea, quandoquidem tam
immanum dolorum & cruciatuum causa est pes-
fima vita mea?

Potuitnè fieri, vt pro me vilissimo vermicu-
lo talia Deus pateretur? Eheu patitur! quia
pro

pro me conculcatur, pro me Deus ligatur, irrideatur, à satellitibus nefarijs, nunc pugnis, nunc calibus tunditur.

O amor infinite! quid retribuam tibi, qui pro me seruo nequam tantum, & innocentissimus, & amabilissimus Iuis? Fundam sanguineni! sed innocentissimus est, dignissimus, quem canes lingant, & porci spurcissimi conculcent. Fundam lacrymas, sed peccatrices sunt, immundæ sunt.

O æterna Sapientia dulcis Iesu! pro hisce contumelijs, injurijs, irrisiōnib⁹, insanisq; clamoribus, te honorent, te glorifcent, & extollant omnium Beatorum mentium agmina. Vel in solo tuo nomine benedicte Iesu, omne genus reflectatur, cœlestium, terrestrium, & infernorum.

Christus apud Caiphām.

1. **C**ogita, qualiter Dominus noster, Rex Regum & Dominus dominantium, sub vilissima specie pessimi serui, ab Anna ductus fuit ad Caiphām Pontificem illius anni.

2. Considera, quomodo crudelissimi satelles, magis Dæmoniorum inferni naturam gerentes, quam hominum, non sinentes illum pedibus incedere, vi (catenā collo circumligatā) rapabant per terram, conculcantes & percutientes illum,

3. Attende, quia ibi juramento Christus adstrictus aperte se dixit esse Filium Dei. Caiphas scidit veltimenta sua, dicens coram omnibus eum blasphemasse,

4. Vide nunc, quomodo eadē omnes, quā
scelestus ille Pontifex rabie in satellites in Iesum
infiliunt! Vnus te Domine pugnis cætit, alter
conuelliit capillos, hic te impellit calcibus, ille
calcaribus vulnerat.

5. Insuper obstupesce. En expuunt in faci-
em Domini! ô nouum & inauditum in terris
spectaculum! ô faciem Domini alapis liuidam!
ô faciem fædis sputis maculatam!

6. Considera homines spuere volentes ad
sordidos domus angulos se conuertere. Scilicet
impij illi sordidius nihil æstimarunt faciem Sal-
uatoris, in quam desiderant Angeli prospicere.

O Pater respice in faciem Christi tui, & mi-
serere nostri, pro quibus sic fædatur. O si vel
modo incipiunt oculi mei vbertim flere, vt vel
ita eluant faciem Salvatoris mei!

O Mater! nunc soluis cum usura, quod in-
partu non habuisti à natura, Filium pariendo, do-
lorem non sensisti, quem millies replicatum, Fi-
lio sic paciente, passa fuiti.

7. Ulterius obstupesce immanium bestiarum,
non hominum truculentiam, quomodo hâc non
contenti carnificinâ, in profundissimum carce-
rem, præter tenebras densissimas, plenum fatore
& horrore protrudunt Dominum ferreis con-
strictum compedibus.

8. Ingredere cum Domino tuo carcerem;
quid ibi non tentat Carnificum rabies? en tota-
nox in crudelissima paupertatis Christi, & inno-
centiæ supplicia extenditur.

9. Considera anima mea celitudinem Domi-
ni Dei

ni Dei tui adeo profundè exinanitam, vt verè nunc non homo, sed vermis, & opprobrium hominum ac abjectio plebis nunc dici debeat.

Affectus.

O Nox, quam meus Iesu habuit ultimam in carne mortali, quale tu spectaculum exhibisti mundo & Angelis & hominibus ! Ecce dum medium silentium tenent omnia, en Deus & homo ! ab homine & pro homine à gehennæ circumdatur doloribus ! en lamentabiles Domini preces audiuntur ad Patrem !

O horror cæli ! o scelus mundi ! o dolor & amor Dei mei ! o luna, quæ tam luctuoso speculo testis sola assistis, quando tu demum obscuraberis, si luces ? quando conuerteris in sanguinem, si serena es ?

Quid tibi mi Iesu cum terra ? quid tibi cum homine ? quis audiuit vñquam tale ? vt redimeres seruum Te ipsum seruo illudendum tradidisti ?

O quām indebita miseratio, quām gratuita & probata dilectio, quām inopinata dignatio, quām stupenda dulcedo ! Regem gloriae pro vilissimis mancipijs, ijsq; suis inimicis assumere formam ferui, tot suscipere labores & dolores !

Quis vñquam parens simile quid fecit pro liberando filio, aut filius pro parente, aut amicus pro amico, quale fecit Deus pro homine, Crea- tor pro creatura suprema Majestas pro vermiculo ?

O Cor meum plusquam lapideum, cur non

accenderis amore cui Iesu? lapis calore solutus
in cinerem vertitur, & tu ad tantum calorem
immutabilis perseueras? O vtinam mi dulcis Ie-
su! mille amoribus amem te! mille obsequijs
seruiam tibi, mille millenis laudibus prosequar
te, omnibus diebus ac noctibus vitæ meæ, ac de-
inde totâ, quâ patet, æternitate.

Christus apud Pilatum & Herodem.

1. **V**ide, quod necdum dies illuxerit, & jam
rumor captiuitatis Dominicæ per totam
ciuitatem increbuerat: itaq; omnes certatim cur-
runt ad palatium justitiæ: vbi à senioribus po-
pulus aduersus Christum concitatatur.

2. Obserua, quomodo Christum decernunt
offerre Pilato præsidi morti condemnandum.
O bone Deus! quantis cum ludibrijs impropri-
js per medium ciuitatem rapitur!

3. Inspice præsidem Pontium prodire ad
solium plenum arrogantiâ; Christum verò ple-
num confusione, catenis ligatum coram eo con-
sistere.

4. Audi, quomodo reprobi illi satellites ad-
uersus Dominum, tanquam canes effrænes la-
trant, falsò Iesum insulantes, quod se Deum
faceret & Regem, & subuerteret populum.

5. Considera, quod cum in multis Iesus ac-
cusaretur, nec in eo præses causam mortis inueni-
ret, remisit Christum ad Herodem, sub cuius era
potestate.

Eheu miserandum spectaculum! vix se Chri-
stus commouere poterat, & tamen barbari mili-
tes

re solutus
calorem
dulcis Iesu
obsequijs
prosequear
az, ac de.

tes per medianam urbem Iesum trahunt, multis
probris & fannis afficiunt.

6. Cogita, quod cum videret eum Herodes,
putans eum mente captum spreuerit cum exercitu suo; ac illudens remiserit iterum ad Pilatum.

O bone Iesu! quam ignominiosè ex conspectu Herodis abstractus sis! quantis ludibrijs à tanto militum numero exceptus! quot soldibus petitus! nec enim stulti aliter tractari solent.

7. Contemplare hic cum deuotione & compassione, quartam Domini raptationem ad Pilatum. Quousq; tandem ô Domine haec barbare mancipia te protrudent, colaphis cædant, comas euellent?

8. Obserua, quod Pilatus volens illum liberare dederit sortem ejus cum Barabba homicida scelestissimo, & concesserit populo, ut peteret ex his duobus, quem vellet dimitti.

9. Obstupeice incredibilem Christi patientiam! qui cum esset Deus verus de Deo vero, passus est non modò se cum Barabba, infami nebulone comparari, sed etiam, quod indignissimum est, illi postponi.

Affectus.

Q Admiranda mi dulcis Iesu, tu circa nos pietatis dilectio! Quomodo tu, qui tribus digitis appendis terræ molam, qui sedes super Cherubim & intueris abyssos, tam crudeliter, tam immaniter torqueri à reprobis permisisti?

Quid commisisti Domine, ut sic judicareris?

quid fecisti mi dulcis Iesu, ut adeo crudeliter traharis? quod scelus tuum? quae noxa tua?

O glacies non cor! cur non liquefis ad calorem hunc? nullum prope singi potest, quod auribus non percepit conutium, nullum quod corpore pro te Iesus non excepit supplicium. Vinctus est ut fur, consputus ut blasphemator, derisus ut sacrilegus in Deum.

O mirabilis misterij dispositio! peccat ini quis & punitur iustus, offendit impius & damnatur pius, quod perpetrat seruus exoluit Dominus, quod commisit homo sustinet Deus.

Quid ad haec & anima mea? vtinam nunc saltem amem te mi Deus! sed amem ex toto corde, amem ex tota anima, amem ex omnibus viribus meis.

Vtinam obuerseris semper mehti meæ & vita mea! & amor meus! vtinam ad te semper suspi rem & desiderium; ad te semper confugiam & asylum meum; semper adiuuar pedibus tuis & mi Deus; semper exosculer manus tuas & mi Domine, semper inuolem in amplexus tuos & mi Sponse!

Christus flagellatur.

I. **V**ide, vt agnum mansuetum impius Pra fes ad sedandum populi furorem, prædæ Tigrium & Pantherarum tradit, vt eum flagellis cædant.

Ah quantæ cum rabie te mi Iesu adoriantur! vestibus violenter spoliant, & eas projiciunt humi! Quis ausit te denudare & Rex Regum? Ah!

quan-

quanto cum rubore nudus consilis coram illa
maledicta multitudine, Virgo Virginum Sponse.

O execrandum seræ posteritati facinus! nu-
datur Deus, & Virginea illa candidissimi corpo-
ris membra deteguntur! Quo vno scelere, tot
mortes Deo inferri crediderim, quot sunt oculi
spectatorum.

2. Inspice cum qua ferocitate Christus alli-
gatur columnæ, alijs manus vincentibus, alijs
brachia contorquentibus. Et ne multis ita Do-
minum stringunt, vt carnes disrumpi, & foras
sanguinem profilire compulerint.

3. Admirare nunc cum lacrymis, Iesum feri-
ri crudelissimè, cutem dilaniari, viscera denudari,
partes carnis in æra exilire.

4. Vide in tenerima carne Domini sulcos,
vide sanguinem defluentem in terram instar ri-
uulorum.

5. Respice humeros, brachia, pectus, ven-
trem, & totum corpus tui Salvatoris dilaniatum,
totum corpus disserptum.

O quantum prodigium! amor cruciat, fun-
dit sanguinem, dilacerat, & nisi ipse sibi obstitis-
set, interemisset.

6. Interroga Dominum Iesum, qui fit, vt
post tot flagellations, quæ ad numerum perue-
nerunt sex millium sexcentarum sexaginta sex,
etiamnum vitâ frui possit, cum decem tam imma-
nium percussionum suffecissent ad te occiden-
dum?

7. Meditare h̄c, quomodo lictores percuti-
endo lassū sunt, & Christus necdum fatigatus est

pro te feriri. Quare cùm amplius non possent crudelitatem suam in ipsum exercere, illum à columna soluant.

8. Vide, ut agnus innocens volutatur in suo sanguine propter nimiam debilitatem, & animi deliquum non valens ultra pedibus insistere. Ah! vt truculentæ illæ bestiæ calcibus eum protrudunt clamantes: surge seductor: surge Rex Israel.

9. Inspice, quod doloribus plenus, totus dilaceratus præ frigore tremat, nudus, dilaniatus, & sanguine madidus, vbiq; firmat pedes, vestigia sanguinis relinquat.

Affectus.

Ostupescite cœli super hoc, & potteræ ejus desolamini vehementer. Iesus Dei Filius in flagella nudatus est. Iesus meus Dominus in flagella paratus est. Nudatus, qui etiam omnia lilia agri sic vestit. Nudatus est, qui sub umbra alarum suarum nos protegit. Vides hoc sol nec obscuraris? Aspicitis Angeli, nec mortalium omnium oculos percutitis cœcitate?

Si hoc corpus templum Domini est, vbi nebula? si Sanctum Sanctorum vbi velum? si tuus est Filius Virgo Mater, vbi tunica inconsutilis? si hic Filius tuus dilectus Pater æterne, vbi nubes lucida est?

O mæstissima Virgo, quos fontes lacrymarum dicam erupisse de pudicissimis oculis tuis, cum cerneret Filium tuum coram te ligari, flabella?

gellari, & carnem de carne tua tam crudeliter & immaniter dissecari!

O Virgo dolorosa, quomodo viuere poteras, quando in tuo conspectu, tot rabidi canes in tene-ram damulam: tot sanguinarij lupi in innocen-tissimum agnum, tot carniuori accipitres in sim-plicem columbam vngues ac dentes exacuebant?

Quo obsecro Natae Dei, quò tua descendit hu-militas? quò processit pietas? quò tua flagra-uit charitas? Ego crimen edidi, tu torturæ subij-ceris; ego fruor delicijs; tu ad columnam in-languine natas; ego pomi dulcedinem, tu fellis gustabis amaritudinem? Quid est hoc? quid fe-cisti Rex meus & Deus meus? quid retribua-mibi pro omnibus, quæ tu tribuisti mihi?

Benedicant te Domine millia millium, & de-cies centena millia Angelorum. Non hoc sati-s. Benedicat te benignissime Iesu, multitudo miserationum tuarum, & amoris tui, melliflui suauissima viscera, in quibus visitasti nos oriens ex alto, in quibus redemisti nos, & laquisti nos à pec-catis nostris in sanguine tuo, & vulneribus tuis.

Christus Spinis coronatur.

1. **V**ide nouam truculentiam, & immanita-tem nefariorum. satellitum, qui horridam coronam de spinis, & acutissimis juncis marinis capiti jam satis cruentato infigunt & imponunt.

2. Considera (vt dicit S. Bernardus) illas spinas, non solum carnes & nervos perforasse, verum etiam ipsa ossa, necnon ipsum cerebrum penetrasse.

3. Imas

3. Imaginare, quòd videoas sanguinem cerebri humore mistum ex omni parte per capillos & faciem defluere.

4. Dic ex corde: O Pater! jam istud caput non semel sudavit sanguinem! cur spinis eundem elicit justitia tua?

O sacratæ spinæ parcite, parcite sacro illi & innocuo capiti, venite potius & vertite aculeum contra me, pungite cor meum puncturis paenitentiae, ut si non sanguinem, saltem vel lacrymam possitis è corde duro elicere. Dilatare corona, ut inter illas spinas caput quoq; meum inferam.

5. Ulterius mente progredere, & vide, quomodo velant faciem Domini turpissimam vittam, & percuentes faciem & caput ejus alapis, illudunt ei.

6. Cogita, cur velat faciem Domini hæc barbara Tenebrium turba? An quia oculis diuinis sua videri scelera pertimesceant? an quia, qui uno ejus aspectu emollitam in lacrymas petram conspexerant, suam quoq; mitigandam crudelitatem metuebant?

7. Consilie hic parumper, & accuratè perspicce factum Pilati, qui rabiem infernalis turbæ volens sedare, Christum totum deformatum, deturpatum, & tam crudeliter dilaniatum ad propyleum jussit duci.

8. Ausulta verba Pilati Christum plebi monstrantis: Ecce Homo, Ac si diceret: veniat vobis in mentem hunc esse hominem non besti-

am; satis immaniter in eum sauitum, immanius quolibet latrone.

9. Conuerte tu hæc verba Pilati ad Patrem;
O Pater! Ecce Homo! ecce Filius tuus dilectus, tam crudeliter dilaniatus! ecce Homo plusquam barbarâ, plusquam belluinâ Iudeorum sauitiâ tractatus.

O Mater! ecce Homo! vide an hæc non tunica, sed caro Filij tui sit? verè fera pessima deuorauit eum. O Angeli pacis! ô anima Christiana! ecce Homo! sed eheu! jam verè exclamare poteris, quia non noui hominem, nam non est ei species neq; decor.

O peccator! Ecce Homo! ecce caput pro te spinis coronatum! ecce facies pro te sputis & alapis liuida! ecce oculi in lacrymis & mortuantes! ecce os & labia mox felle replenda!

Affectus.

O Anima mea, non diffuis lacrymis! amore non conflagras! Ecce tuus Homo! en vide nouum crudelitatis inuentum dolorosissimum! en furore quanto! nisu quanto! dolore quanto! sauvissimi lanienæ immanis ministri, coronam spinis, sentibus hispidam, visu horrendam solo, capiti Saluatoris imponunt, & ipsum penetrant cranium!

Ah dolorosissime Iesu! viuis! natura non succubit adeo læsa? miraculis opus est, ut grauiora pro me patiaris.

Egredere nunc filia Syon, egredere ô Virgo Mater, & vide Filium tuum Iesum in diadema te, quo

310 VIA T O R

te, quo coronauit eum Mater sua, Mater improba Synagoga, O Rex mundi: o gloria cœli! hoccine est regnum tuum, in quod natucess?

O innocentissimi, & diuini corporis benedicta terra, rigata non jam rore tantum, sed sanguine, quomodo spinarum & tribulorum communia maledicto obnoxia facta es?

Ergone, qui me gloriâ & honore coronauit, dolore ipsem & dedecore coronatur? Qui dedit ornamenta aurea capiti meo seruauit tegumenta spinea capiti suo? qui coronat me in misericordia & miserationibus, spinis ipse & sentibus non renuit coronari? qui mihi repositam habet coronam justitiae, solam sibi coronam patientie reseruauit?

O patientissime Iesu! quis tibi animus? quem sumam humilitate jussu Patris adorant omnes Angeli, hunc coronatum sumino ludibrio adorant caelæ vilissimi? O quale amantissimi Iesu oppobrium! irrident, insultant, blasphemant, alapas ingeminant, & sputa fætentissima agglomerant vsq; & vsq;

O mi Creator, o mi Redemptor, quantum tibi debo! o si mille corda & linguas haberem, quibus misericordias tuas in æternum concinerem! o si nunquam è memoria mea excideret amor tuus! o si die noctuq; clamare possem cum omni creatura, quæ in cælo est & in terra. Sanctus, Sanctus Dominus Deus.

Christus crucem bajulat.

I. Inspice cum lacrymis, quomodo humeris mitiss.

CHRISTIANVS.

311

mitissimi Agni eruatis & conftractis impo-
nunt ponderosam illam crucis molem, cæteris o-
mnibus hoc lignum ferre recusantibus. Eheu !
eheu ! quid facies bone Iesu, quia viribus es de-
stitutus ?

2. Cogita tecum, quis vnquam vidi reum
ferre cruce in suam & patibulum, cui affigendus ?
contra commune jus gentium est ; portare ta-
men innocentissimus Iesus cogitur.

3. Contemplare Dominum vñā manu ligatā,
alterā crucem bajulantem. Heu quām illa in-
humaniter ô Iesu corredit, & conquassat hume-
ros tuos, quām profundè carni vsq; ad ossa in-
figitur. Quid ultra facies mi Iesu ?

Perge tamen, perge mi Redemptor, constan-
ter progredere, erige te mi Iesu, nouas assumo-
vires, deducat te Pater tuus cælestis & confortet,
stipent latus tuum Angelici Spiritus, & solentur.

Proficiscere mi bone Viator proficiscere, ve-
nos fedimas, peccata nostra te ligarunt, & in mi-
serias has adduxerunt.

4. Considera, quoties ob nimiam lassitudi-
nem & Carnificum furiam, sub crucis pondere
in medio plateæ Christus corruit ; quoties nefarij
satellites è vestigio in eum insiliunt, capitili
trahunt, calcibus protrudunt, à tergo luto & la-
pidibus impetuunt.

O prodigium ! en cadit Verbum Dei securus
viam, & conculeatur ab hominibus. En cadit,
per quem cuncti stant, infirmatur, per quem
omnes roborantur, in terra Deus jacet, per quem
homines eriguntur in cælum.

g. Intu-

5. Intuere, vt occurrit & mæsta Mater in montem Caluarie eunti Filio. Quo pergis ô Virgo Mater, inter militum armatorum ceteras? Ergone dilectum Filium tuum extremo supplicio affici conspicies?

6. Vide, quomodo subsistit Dominus fatigatus saxo cuidam insidens, ultimo Matri inter amplexus valedicens.

7. Meditare nunc, quo cum ardore, quibus lacrymis inuicem se se complexi sunt. Quoties ingemuisse putas tunc mæstam Matrem lugendo Filium & dixisse: Fili mi Iesu, Iesu Fili mi! quis mihi det, vt tecum & pro te moriar, Fili mi dulcis Iesu?

8. Contemplare, cum qua rabie, canes illi, inhumano quodam impulsu improperantes ei, Matrem à Filio repellunt, & cum semimortuum protrudunt.

9. Vide ô homo! quomodo patientur & lacrymis diffluent pro te Iesus & Maria! cur ergo tu ferreum cor non commoueris? cur nos fles pro te ipso?

Affectus.

TVus ô Domine ingressus in mundum, & egressus è mundo, quām dispar est! cantantibus Angelis ingressus es, Angelis pacis amarè flentibus egressus es. Ingredientem te Virgo Mater vtero brachijsq; porravit, egredienti tibi grauis crux, ingens illud & infame tormentum, portanda imponitur.

O potentia æterni Patris, quām imbecillis

façta

facta
es!
omnia
mat,
te lusi
ponis
collap
hibet

O
num q
quid f
instar,
illæ,
runt.

Q
omne
membr
marum
Iesum
tum, p
cula.
Coron

O
mente
ce Filii
lus ext
torme
rum in
biflum
ad infa

facta es! ô virtus mundi, quām infirma effecta,
es! ô sustentator vniuersæ terræ, quām infra,
omnia abjectus es!

Tu æthera firmasti sursum, & nemo te confir-
mat, tu appendisti fundamenta terræ & nemo
te sustentat, tu cum ceciderit è nobis aliquis sup-
ponis manum tuam; tibi postquam tam dirè
collapsus, imò collisus es, nemo ex omnibus ad-
hibet in auxilium ultimum manum suam?

O manus ita vincitæ! quid malî patrastis?
num quem fortè occidistis aut vulnerastis? nun-
quid fortè rapuistis, quod furum & prædonum
instar, constrictas tunibis vos intueror? absit!
illæ, illæ manus sunt, quæ omnibus benefice-
runt.

Quis ergo mihi nunc dabit aquas, imò quis
omnes venas, arterias, neruos, ossa, & vniuersa
membræ corporis mei vertet in Oceanum lacry-
marum, vt plangam in amaritudine animæ meæ.
Iesum meum sanguine decoloratum, sputis fæda-
tum, post sanguineum sudorem, post dura vin-
cula, post crudelem flagellationem, post horridam
coronationem crucifigendum?

O Angeli! ô creaturæ omnes lugentes la-
mentemini, currite abundantiter, currite, quia ec-
ce Filius Dei in extremis est. Ecce mundi sa-
lus extinguitur. Ecce Saluator nostrus ad atrocia
tormenta, ad vestium spoliationem; ad vulnè-
rum innouationem; ad fellis potum; ad acer-
bissimam fossis manibus pedibusq; lanienam;
ad infame suspendium; ad nouos gemitus, ad
clamo-

clamorem validum & lacrymas, & amarissimam mortem pergit.

Christus crucifigitur.

1. **S**Vbliste jam cum Christo in monte Calutiariæ, & diligenter inspice, quomodo Carnifices detrahant cum immani violentia vestes Christi, vulneribus ob sanguinem concretum adhærentes.

2. Audi cum lacrymis, quomodo mæstissimæ Matri illas vestes ostendant, horribili cugen blasphemia dicentes: Aspice o improba mulier, num hæc sint vestimenta sceleratissimi Filii tui?

3. Intuere Christum præ summo frigore, toto corpore trementem, cum nudus vento & aéri aspermissæ hyemis tempore exponatur.

4. Cogita, quam ingens confusio ejus fuit, cum videret se nudatum in præsentia tantæ multitudinis consistere.

5. Vide cum lacrymis, quomodo Ministri illi infernalibus furijs agitati, instar pantherarum rabie percitarum adoruntur Christum, calcibus impetunt, & primo iœtu atrocissime in terram substernunt, horribili clamore vociferantes: Ades dum o seductor populi; ocyus super hoc lignum te extende, expande brachia, & manus porrigere.

6. Deinceps finge animo te coram intueri unum Carnificum, Christum capillis tenere, ne se commoueat, alterum pedibus, tertium infigeret clausos, & manus extendere,

7. Pene-

7. Penetra h̄ic, si potes, cor benedictæ Matris, quod exanimabatur ex auditu ad tam duros, ictsus. Ah! cur unus horum iustum non dirumpit & emollit pectus meum adamantinum? Eheu! dimittite clavi istas innocentissimas manus, configite cor meum, illudq; compassionem vulnerate.

8. Ulterius inspice quā immanitate Carnifices fune pedes constringunt, & tantā cum rabiie trahunt, ut ossa omnia laxent ac loco moueant, & omnia vulnera dilatent, propter manum & pedum extensionem.

9. Obstupesce, quā largi sanguinis riui per brachia, corpus, & crucem disfluunt, lacusq; roseos efficiunt humi! ô Deus! quā lacrimabile & inauditum tormentum, & neandum Christus moritur!

10. Vide, quot machinis, quot funibus satellites illi vtantur, qui Christum in cruce pendentem nunc in hanc nunc in aliam partem impellunt: demum crucem erigunt, & in excaecatum scrobum immenso cum sonitu cadere permittunt.

O quantā cum angustia ad terribilem hanc concussionem disjuncta sunt Christi membra, conturbata interiora ejus, & cuncta ossa, cum incredibili dolore loco mota.

Quæsisti s̄æpe ô anima Christiana à Domino tuo Iesu, & dixisti: Indica mihi, quem diliget anima mea, vbi pascas, vbi cubes in meridie? Ecce cubat in monte Caluariæ, medius in-

ter latrones, nudus, luidus, cruentatus, illic jacet exporrestus in duro lecto crucis.

Affectus.

O Spectaculum ab orbe condito luctuosissimum ! Deus suspenditur ! Deus occiditur ! laxentur in gemitus ora, mergantur oculi nostri lacrymarum pelago.

Veni, accurre, Oriens, occidens, Septemtrio, Meridies. Ecce panditur terra Sancta, beati pedes, venerandæ manus, benigna brachia, amabile pectus.

Aspice nunc ô Pater caput Filij tui propter tot canales sanguineos defecisse ! intuere cervicem, olim instar niuis candidissimam, nunc inclinatam & exsanguem.

Defige oculos ô mæsta Mater in faciem dilecti Filij tui, & in membra conquassata Christi tui ! vide quām obscurata sit pulchritudo ocolorum ! quantum palleat color regij vultus !

Ô Deus ! ô Iesu mi ! adoro te in hoc thro no doloris & ignominiaz. Ô Si mihi licerer per te, vt sacram tuorum pedum aram millies exosculer, manantemq; inde cruorem lacrymarum imbre diluam.

Ô si submitteres tantisper verendum cælo & terris caput, vultum miserabilem, sanguine innatantem suo, ora illa plumbeo mortis calore pallentia, amoris roseo igne purputascentia.

Ô anima mea ! dic saltem a longè ultimum vale Saluatori tuo. Vale ergo mi Redemptor ! Vale ô Frater amabilis nimis ! vale ô Sponse anima-

nimirum nostrarum. Sed prius ante discessum da benedictionem, da Frater amplexum. Da crucifixoribus tuis orationis affectum, latroni paradisum, Matri filium, filio Matrem, mortuis vitam, toti mundo sanguinem tuum.

*Christus clamans voce magnâ
exspirat.*

1. Intuere anima mea, quia jam tandem exacto tormentorum itinere, se se durissimum in lectum fessus Viator quieturus reponit: & audi quid loquatur ad te de lectulo crucis.

2. Audio, clamat Iesus: Pater dimitte illis. Quid est hoc? Iesus flagellis cæsus est, spinis coronatus, affixus patibulo, omnium tamen dolorum immemor ait ignosce illis. Cygnea verba! is, qui haec tenus in propria cœla tacuit, nunc causâ inimicorum disertus est.

3. Deus Deus meus ut quid dereliquisti me. Derelictus es mi Iesu, sed propter me, quia ego saepius dereliqui Deum meum, fontem aquæ viuæ & recessi à Deo salutari meo.

4. Sitio clamas mi Iesu! Attendite animæ, quantum diligit vos, tot dolores perpessus Iesus propter vos, adhuc tamen dolores propter vos sitit, sitit sanguinem effundere, quem adhuc celavit in corde.

5. Domine memento mei. Hiccinè nudus ḥ latro, sanguine perfusus socius ac particeps patibuli cui Dominus est? hæccinæ spinæ sunt diadeina Regis? Beatus es latro, quia caro & sanguis non reuelauit tibi, sed Pater qui in cœlo

est. Memento & nostri Domine, dum veneris
in regnum tuum.

6. Ecce Mater tua. Breue testamentum, par-
uum peculium facilè dispensatur. Nihil sibi ex
suo restabat præter Matrem, & hanc tradidit di-
scipulo.

7. Ecce Filius tuus. O voces miras, morta-
liumq; cordibus optatissimas. Filium effici Vir-
ginis, quid dulcius? Matrem habere Mariam,
quid securius? O Mater non dignare nos fili-
os, quoniam Deus non est dignatus te Ma-
trem.

8. Consummatum est. Quod consummatum
est Domine Iesu? dolores tui, passio tua, chari-
tas tua? ita sanè. Omnia transierunt, consum-
mata sunt, perfecta sunt, præcipue autem chari-
tas tua, quā cum dilexisses nos, vsq; in finem
dilexisti.

9. In manus tuas Domine commendo Spi-
ritum meum. O si & meum mi dulcis Iesu in
agone egredientem de corpore Spiritum in ma-
nus tuas susciperes! ò si me reciperes & omnes
me cum agoni zaturos in lateris tui aperti paten-
tem aulam, miserorum arcem, pænitentium tri-
clinium!

10. Et inclinato capite emisit Spiritum. Er-
gonè meus Iesus clamans voce magna, inclina-
to capite, vt mihi amplexum, mihi det osculum
reconciliationis, inclinato capite, vt mihi dicat ad
aurem cordis mei: morior, & libenter morior
amore tui; inclinato capite, vt inspiret in fa-
ciem

ciem meam spiraculum vitæ, inclinato capite
tradidit spiritum?

Affectus.

O Anima mea! tradidit pro me Iesu Spiritum & ego spiro? verbum æternum pro me sicut & ego loquor? Deus meus pro me mortuus est, & pulcherrimus ille nexus purissimæ carnis cum Sanctissima anima dissolutus est, & ego viuo?

Cur non venies ô hora, ut & ego moriar, si & Dominus meus Iesu mortuus est? cur non saltem compassionem morior ego, cum iam exspirauerit in cruce vita mea?

Etsi non habeam mihi Iesu puritatem & sanctitatem tuæ Matris, ut digne tibi compatiar, latronis tamen prauitatem habeo, ut ad latus tuum crucifigi debeam. Etsi non sum tanquam velum nobilissimum templi, ut in morte tua scindar, sum tamen monumentum fastidissimum, ut ad apertioinem tui lateris aperiri debeam.

Quid in me quæris dulcissime Iesu? si in morte tua petræ scissæ sunt, & ego ducior sum petrâ. Si terra mota est, & ego terrenissimus sum. Ipsum etiam ferrum voluisti tuum corpus vulnerando intrare, & me intrare per facta jam vulnera non permittes? Nunquid cor meum est durius omni ferro?

Et si cœlestis non sum in compatiendo tibi, nec queam cum sole obscurari, tamen infernalis conuersationis sum, ut saltem in triduo mortis tuæ à te debeam visitari.

Cure enim me fecisti Domine, si non debeo esse tibi conjunctus? aut si tibi sum conjunctus, quare pariter tecum non sum vulneratus? Nolo mihi Iesu vivere sine vulnere, quia te pro me video vulneratum.

CAPVT XI.

Proponuntur Praxes colendi
Deiparam Virginem & quosdam
Sanctos in Festis Ipsorum.

In Feste Conceptionis Beatissime.

1. **Q**uæ est ista, quæ progreditur quasi aurora consurgens, pulchra ut luna, electa ut sol, terribilis ut castrorum acies ordinata.

2. Aue ex omnipotentia Patris; aue ex sapientia Filij; aue ex dulcissima bonitate Spiritus Sancti Maria cælum & terram illuminans.

3. Aue candidum lily fulgidæ semperq; tranquillæ Trinitatis, rosaq; præfulgida cælicæ amænitatis, de qua nasci & de cuius lacte pasci Rex cælorum voluit.

4. Salve consecratum Regis palatium. Salve thalamæ, in quo Humanitas Christi desponsabitur. Salve electa Deo, antequam nata fueris. Salve diuina cum hominibus reconciliatio.

5. Saluto & veneror Animam tuam gratiâ plenam; Tuum intellectum tam scientiâ in ins-

tantia.

CHRISTIANVS.

321

Manti Conceptionis infusâ, quâm Lumine gloriæ & visione Dei illuminatissimum. Tuam voluntatem impeccabilem, omnibus habitibus & attributis virtutum ab ipsa Conceptione tua ornatissimam.

6. Saluto & veneror tuum corpus sacratissimum Deo Homini in primo gradu consanguineum. Tuum cor semper immaculatum, semper amore Dei ardentissimum. Tua omnia Sanctissima & purissima membra.

7. Gaudeo de omnibus virtutibus tuis, quod eas habueris origine Maternitatis altissimas, in gradu perfectissimas, in instanti tuæ Conceptionis infusas, singulis vitæ mortalis momentis crescentes, heroicas, Angelicas.

8. Gaudeo de tua Puritate, quod sis præseruata ex meritis Christi non solum à peccato originali, sed etiam à debito proximo illud contrahendi; quod sis semper libera ab omni peccato actuali etiam veniali.

9. O felicissima & beatissima mulierum, jam præuenio omnium generationum benedictiones, & loco earum omnium te millies & infinites beatam prædico, & esse gaudeo, plusquam dicere possim.

10. O puella sine macula concepta, tu sola eris gloria Hierusalem, tu honorificentia populi nostri.

11. O Augustissima Mater Dei! fiat cor meum immaculatum; ut plius amet te, honoret te, apud omnes extollat te, plius quâm vlla vñquam creatura possit inhonorata vita suâ offendere te!

12. Tu inchoasti Virgo, ora ut ego finiam,
vitam sine macula. Impetra cordi meo, illam,
quæ ad benè videndum Deum requiritur mundi-
tiem. Habeam cor, quod cordis tui Sancti amo-
res omnes offerat pro te Filio tuo, Deo Iesu
doceat me cor tuum amores immaculatos, æter-
nos!

13. Utinam possim esse totus Virgineus, to-
tus diuinus, ut cor meum totum, sit amor Virgi-
neus, sit amor diuinus.

14. O Sancta Mater Dei! utinam Filius tu-
us, in morte mea intuens animam meam dicere
posset: Tota pulchra es amica mea & macula-
non est in te.

In Purificatione.

1. O Mater Domini mei monstrá te esse Ma-
trem, depone Filium tuum in manibus
meis, sufficit mihi ut videam & exosculer, quem
diligit anima mea, antequam moriar.

2. O bone Iesu? apud te os meum sine voce,
& silentium meum loquitur tibi; visquequo
tardat venire Dominus meus ad me? quando vi-
debunt oculi mei o Pater salutare tuum, quod
parasti ante faciem omnium populorum?

3. Diuine paruale, in sinum meum licet an-
gustissimum, amore tamen tuo, & tui diuini
cordis dilatandum aduola, requiesce in sinu
meo, ut sic amore tui moriens in amplexisibus
tuis cantem: nunc dimittis Domine seruum tu-
um in pace.

4. Suscipio hodie in medio templi miseri-
cordi-

cordiam, & amorem meum, gaudium & vitam
meam, Iesum & Deum meum. O delicium si-
ne deliquio! o exultationem sine suppicio! o
lætitiam sine fastidio!

5. Intelligis tu paruule Iesu superintelligis
omnia: intellige super egenum me & paupe-
rem, maximè in occatu meo.

6. O Purissima Domina mea, dulcissimum &
amarissimi agonis solatium! da mihi Iesum mo-
rienti, & dimitte eum Symone me seruum tu-
um in æterna pace.

7. Feltina o Mater misericordiæ, & mon-
stra te esse mihi Matrem in hora mortis meæ, ve-
ni & fac, ut in occasu meo otiantur mihi sol non-
tam justitiæ, quām misericordiæ.

8. Non recuso horrendos ignes, longum il-
lum diem purificationis meæ. Mallem tamen
illos Dei amore, quām pro pæna culpatum pati.

9. Sim ego o Iesu o Maria, sim candidus
velter cereus, consumar, absumar amore veltri
Lucens & ardens, vsq; dum hic felici vos aman-
tium morte extinctus immortaliter apud vos ar-
deam igne illo, cuius flammæ, sunt linguae a-
moris Dei.

10. Respice paruule mi Iesu, respice in tem-
plo, & accende me ac mea omnia illis tuis oculis,
quos tanquam flamمام ignis vidit poltea Ioan-
nes tuus. Illi tui ignei oculi faciant me alis
flammeis auolare illuc, vbi est templum amoris
æterni, ad quod euocare soles dilectos Virginis
Matris tuae.

11. O mi Iesu! rogo te per Patrem tuum
cui

cui hodie oblatus es, per te ipsum, qui oblatus es, per Spiritum Sanctam, cujus instinctu oblatus es, per Virginem Matrem tuam & S. Iosephum à quibus oblatus es; facte ego & omnes tuo diuino ac Matris tue amori addicti, sumus candelæ tue, quas tu (quod hodie petit Ecclesia) lumine supernæ benedictionis accendere digneris, ut corda nostra inuisibili igne, id est S. Spiritus illustrata, omni vitorum cæcitate careant.

12. Tibi me hodie sisto parvule Iesu, quem Patri hodie in templo sistit Mater; ut cum ante te mihi ad ultimam sententiam percipiendam sistendum erit, ad dexteram Electorum me sittere velis.

13. O Maria dulcissima Mater mea amantissima! quid obsecro dabis nobis in hoc festo? Purifica me Virgo Sancta, purifica totum mundum. Benedic Filio tuo mihi, quem gelas in manibus, & toti mundo. Accende me igne tuo, ut cor meum flammis amoris diuini semper ardeat.

In Feso S. Benedicti Abbatis.

1. **B**enedictus sis Domine Deus in æternum, in firmamento cæli, quia Benedictum tuum Patrem multarum Religionum constitueristi, filius ejus benedixisti, & multiplicasti eos sicut stellas cæli.

2. O dilecte Domini Benedicte! cuius hodie solenne festum omnes filij tui (quorum numerus vni Deo cognitus est) sub Sanctissimis legibus tuis militantes concelebrant. Iuuia me preci.

precibus ac meritis tuis; vt ego nunc & æternum sum dilectus & benedictus à Domino, ac diligens & benedicens Dominum.

3. Seraphine terrestris! qui in materno ventre exultare & psallere es auditus. Non potui Deum amare & illum benedicere antè, quām nascerer, fac vt saltem nunc, & in æternum totus dulcedine diuini amoris plenus, totus flammæ diuinæ charitatis incensus diligam Deum ex toto corde, totisq; medullis præcordiorum meorum misericordias ejus concinam.

4. Cælestis inter homines Angele! qui è visæ à te olim fæminæ recordatione, immundum Spiritum fædis tibi cogitationibus importunum inter vrticas & spinas volutatus repulisti & tam diu corpus tuum senticeti aculeis lacerauisti, donec nesciret insidiator, lilijs an rosis irascetur; cum innoxia inter spinas lilia efflorescere frondens conspiceret; impetra mihi cor totum candidum, totum lilyum, impetra mihi victoriam de mundo, carne, & Diabolo.

5. O felicissimi & flammei cordis vir! qui discipulorum quendam orationis tempore, mente sponte vagum, per fimbriam vestis è templo foras à nigro puero trahi vidisti, eidemq; orationis Spiritum impetrasti, impetra, ne me vñquam irretire possit Dæmon; vt deniq; non tradat bestijs meam hanc animam confidentem sibi Deus meus;

6. O Thaumaturge! cujus imperio aquas pede sicco calcauit tuus discipulus Maurus. Qui bibiturus, facto, pro more, super vasculum Crucis sis.

cis signo, illud vi diuinâ fractum, ne venenum biberes, vidisti. Qui rogatu cuiusdam parentis, filium ejus mortuum resuscitasti. Roga obsecro Iesum, vt latitiam Angelis Dei creet mea mors non verò Dæmonibus: vt in templo Sancto gloriæ Deum meum vñà tecum benedicam, æternūm benedictus.

7. Sancte mi! & in altissimo gloriæ throno à Deo collocate Vir! qui Sanctæ Scholastica fororis tuæ, & postea S. Germani Episcopi animam in cælum abeuntem aspexisti; assume animam meam, vt in morte à corde meo abeat a te itinere Sancto!

8. Martyr amoris Dei! qui scriptis diuinis sapientiæ plenissimis legibus, miraculorum gloriæ celeberrimus, vatisco Spiritu multa præfagiens, sumpto sacro Viatico, præmortua corporis per austeriorates exhausti membra in paratumulo inter manus & lacrymas discipulorum placidissimè composuisti. Veris pænitentiæ a amoris lacrymis cor meuni imbue, vt Sancta veramantium morte moriar. Impetra mihi Spiritum veriamoris Dei, qui corpus meum mortificatione assida & animam oratione perpetua Deo sacrificet.

9. O dilecte Domini Benedicte! cuius anima fulgentibus circum lampadibus, pretiosissimum pallio velut Sponsa ornata visi est abiire in cælum & vox audita est: Hæc est via, quā dilectus Dominus Benedictus ascendit. Qui hoc tuo die Sanctæ tuæ filiæ Gertrudi apparuisti, totus ei florescentibus ex te rosis vndiq; corpore tota vernans.

vernans. Ora pro pigro hoc, & ad dura pro æternitate sustinenda, delicato nimis corpore meo. Patiatur nunc ne patiatur æternum. Currat, quod anima, quod Deus vult; ut cælum non internum comprehendat.

10. Idem etiam nunc oro, quod hodie in solenni oratione ad te clamant alumnii tui: ut excites in me Spiritum illum excellentissimum, quo tu calcare mundum, mortificare carnem, subjugare infernum didicisti, ac docuisti: ut eodem repletus, Sanctissimam Regulam tuam fideliter obseruem, virtutes tuas imitari studeam, Dæmonum iostidijs viriliter resistam; & te juuante feliciter moriar.

In Annuntiatione.

1. Ecce Angelus Domini nuntiat tibi Virgo Beata, quia tu gratia plena, concipies & paries Filium, Deum videlicet & Hominem.

2. Audit Virgo, quod concipies & paries Filium exspectat Angelus responsum, tempus est, ut reuertatur ad Deum, qui misit illum. Exspectamus & nos & Domina verbum miserationis, quos miserabiliter premit Sententia damnationis.

3. Responde Domina per Angelum Dominum verbum, & suscipe verbum, profer tuum & concipe Diuum, emitte transitorium & amplectere Diuum. Da Virgo responsum, quod terra, quod inferi, quod exspectant & superi.

4. O Archangeli Dei, qui legatione fungere

ris pro verbo increato, fortiter & suauiter age,
pro Domino tuo.

5. Deo gratias. Iam vtrinq; consensus datus
est; jam Verbum caro factum est, & habitat in
sacro Virginis vtero; jam puer Iesus vocatur,

6. O Mater Dei mei, quibus tibi affectibus
gratulabor Maternitatem tuam diuinam? ò si o-
mnium mihi corda essent! ò si cor ipse totus
esset, quantum est totum vniuersum, velle.
Te toto me, gratulari æterno Deo! toto me
Tibi gratulari Filium Deum.

7. Benedicta & Venerabilis es Virgo Maria,
quæ sine tactu pudoris inuenta es Mater Salua-
toris, & quem totus non capit orbis in tua se-
closus viscera factus Homo.

8. Benedicta sis tota ò dulcissima Virgo, in
corpo tuo purissimo, & anima Sanctissima.

9. Benedico beatissimum vterum tuum, in
quo Dominum cœli & terræ portasti. Benedi-
co beatissimum cor tuum, quo feruenter Filium
tuum dilexisti. Benedico beatissima vbera tua,
quibus eum lactasti. Benedico os & labia tua,
quibus ei dulcissima oscula dedisti &c.

10. Benedictus sit Deus Pater qui te in suam
Filiam adoptauit. Benedictus sit Filius, qui te
in Matrem suam elegit. Benedictus sit Spiritus
Sanctus, qui te in Sponsam sibi assumpsit.

11. Sancte Gabriel Archangele Mariane be-
nedic & saluta mecum, & pro me Mariam, &
doce me illam salutare; vt ore pro me, ore
nunc dum viuo; nunc dum oro; nunc dum in
pericu,

periculo damnationis æternæ; & in agone mortis meæ.

12. O Virgo gratiâ plena, esto mihi Maria, impetra, vt in gratia moriar, vt Dominus sit mecum & ego cum Domino in æternum.

13. O benedicta in mulieribus, ora, vt bendic tus fructus ventris tui Iesus, sit mihi viuenti & morienti Iesus. Ita fiat ô Maria Mater Dei, viuentium & morientium, ac prædestinatur Mater.

14. O Virgo Beatissima, quæ cum esses parvula, placuisti Altissimo, tantum te & ego diligo, vt si ego solus possiderem omnium Electorum gratissima corda, libenter illa omnia amori tuo impenderem.

15. Si essem ô Domina Christus, in te, non in aliam, flumina gratiarum deriuarem. Si essem Maria, relinquem esse Maria, vt tu sola esses Maria. Si essem supremus Angelus te non aliam, nomine omnium Angelorum optarem Reginam.

16. Si in me voluntates omnium hominum positæ essent, te non aliam Mediatricem redemptionis humanæ precarer. Si cordibus & linguis omnium loquerer, te, non aliam Dominam mundi vocarem.

In Visitatione.

1. E Xurge Domina, surge amica mea, Dei Mater & Virgo, gratiosa mea & veni: ostende mihi faciem tuam; sonet vox tua in auribus

bus meis : vox enim tua dulcis, vox salutis est,
nuntia Saluatoris.

2. Loquere Mater, & exultabit præ gaudio
cor meum. Dic verbum & sanabitur anima mea.
Tu enim habes intra te Verbum Dei, quod dat
vitam mundo.

3. O Domina mea ! vt facta est vox tua in
auribus meis, cor meum & caro mea, exultant
in Deum vitium. Gaudabo in Domino semper,
iterum dico gaudabo, & exultabo in Deo Iesu
meo.

4. O Virgo Beatissima ! ad cujus hodie Eli-
sabetham vilitantis vocem infans Ioannes in Ma-
tris vtero, præ gaudio exultauit ! non te potui
amare ante, quam nascerer, ora, vt saltet nunc,
& in hora mortis, & per omnes beatitatis felices
æternitates, sim in numero seruorum & filiorum
tuorum lætantium in te, & amantium te.

5. Visita me cum tuo Iesu ô Maria, ita vt
nunc & in hora mortis meæ visitatio tua custo-
diat Spiritum meum, hinc migrantem ; vt in æ-
ternum vnâ tecum, magnificet anima mea Do-
minus, & exultet Spiritus meus in Deo saluta-
ri meo.

6. O quam beati, quos respexerint illi tui
misericordes oculi ô Maria ! hos etiam oculos
ad me converte, & Filio tuo benignè me recon-
cilia, & in æternum conjunge.

7. Gaudeo Virgo Beata, quod sis inuentrix
gratiæ, quod sis thesauraria & dispensatrix gra-
tiarum, ita vt nulla grata de cælo in terram ve-
niat, nisi transeat per manus tuas.

8. Gau-

8. Gaudeo & exulto ô SS. Virgo, quòd Deus te amet super omnia opera sua, & de hac re super omnia delector.

9. Gaudeo, quòd sis Sponsa Dei, Mater verbi, ministra Incarnationis, omnium gratiarum mare, verè illuminata Maria, Angelorum Regina, Mediatrix nostra & omnium Domina.

10. Exulto de illo amore, quo te amat Deus Pater, Deus Filius, Deus Sp̄ ritus Sanctus! Sc̄ de illo amore & honore, quo te amant & colunt omnes Angeli & omnes Beati in cælo, & omnes iusti in vniuersa terra.

11. Inuenisti Virgo gratiam apud Deum: Quid non impetrabit tanta Filia à Patre, Mater à Filio, Sponsa à Spiritu Sancto?

12. Per te accessum habeamus ad Deum ô benedicta inuentrix gratiæ, genitrix vitæ, Mater salutis.

13. Sis mihi ô Maria pia semper Mediatrix apud Filium: sis de me tanquam de filio tuo sollicita: succurre erranti: deduc me in semitas justitiae: misericordes oculos ad me semper converte: & mihi in morte succurre ut pia Mater cum festinatione.

In Assumptione.

1. **V**bi est mors victoria tua? Vbi est mors simulus tuus? Non tu vitam auferis Virginis, sed ad Deum transfers, non mortalitati subiugis, sed donas immortalitati.

2. Verè fortis est mors, sed fortior dilectio

Mariæ in Deum, quæ valido impetu animam Virginis à corpore separauit.

3. Non nobis Domine Iesu, non nobis, sed Mariæ Matri tuæ da gloriam! eleuetur hodie magnificentia ejus super cælos, ubi tu Rex regum, stellato sedes solio.

4. O quis mihi daret, ut omnia membra mea, verterentur in linguis, tunc non aliud prædicarem nisi hoc: viuat, regnet, & triumphet Maria!

5. Si linguis hominum & Angelorum hodie loquerer, adhuc celsitudinis tuæ dignitatem & gloriam o Virgo pulcherrima, ne adumbrare quidem, nedum effari possem.

6. Benedictus sis tu Deus, qui corpus & animam Mariæ Virginis Matris tuæ in cælum asumpsisti, & super omnes Angelos juxta Deitatem tuam honorifice collocasti.

7. Gaude Maria Virgo, quia omnes Sanctos superas tuo honore. Gaude quia totum cælum & orbem illuminas tuo splendore.

8. Gaude quia ad tuum nutum, tota tibi obedit cælestis curia. Gaude quia ad tuum votum à Deo impetas omnia.

9. Gaude quia sola es SS. Trinitati proxima. Gaude quia seruis tuis datur à Deo præmia maxima.

10. O Maria pulchra ut luna, electa ut sol, fac me videre pulchritudinem tuam, & ob eam adorare & laudare diuinam Majestatem in æternum.

II. Sicutiuit anima mea ad te Dei Matrem
viuen-

CHRISTIANVS. 333

vuentem & regnante in cælis! quando venies
am & videbo lucidorem sole faciem tuam?

12. Speciosa facta es in delicijs tuis dulcissima
ma Dei Genitrix, quis non diligit te? ô Regina
cordium & Mater Sancti amoris, quis non ama-
bit te?

13. Amo te Virgo Beata, & desidero amare
tantum, quantum te omnes beatæ animæ
in cælo, quantum te amant omnes nouem Chori
Angelorum, quantum te amat ipsum cor & ani-
ma vnigeniti Filij tui.

14. Saluto te ô Regina cæli & terræ! ô Ma-
ter gratiarum & misericordiarum! vita mea & spes mea
post Deum! Saluto te & veneror in throno glo-
riæ, ad quem Deus te extulit. Video te jam in
portu, dum nos jactamur procellis. Video te in
patria, dum nos gemimus in exilio. O poten-
tissima Mater memento nostri, dum tibi bene-
est, & ne obliuiscaris inopiaz nostræ & tribula-
tionis nostræ.

15. Scimus quodd pulchra sis mulier, dic (ob-
secro) quod soror nostra sis, ut benè sit nobis
Propter te, & viuat anima nostra ob gratiam tui.

16. Fratres tui sumus ô Virgo, os tuum, ca-
rotua, sanguis tuus. Obsecra Filium, ut mise-
reatur fratrum tuorum, filiorum tuorum, ac pro-
inde fratrum suorum.

In Feste S. Patris. N. Bernardi

abatis.

Sancte mi Iesu! Maria Dei Iesu Mater!

Y 2

gratias

gratias vobis pro donis bonisq; omnibus in San-
ctissimum veltrum ac meum Bernardum largè ef-
fusis.

2. O cordis felicissimi & flammei Bernarde,
tot candidorum filiorum Pater, candidum me fa-
ciat non tam vestium, quam animi candor.
Fac ut cygneam ac candidam puritatem in mori-
bus & cogitationibus meis præferam.

3. Melliflua Iesu & Mariæ ac cordium de-
uotorum apis! fac me verum Iesu & Mariæ
seruum, impetra mihi hoc vnum, hoc Sanctum,
vt non aliter velim viuere, nec mori velim aliter,
quam, tanquam natus ad hoc, vt viuam & mo-
riar Iesu & Mariæ humillimus seruus & filius.

4. Felicissime nascentis Iesuli amator & spe-
ctor! qui puer vidisti natali Dei nocte nascen-
tem Iesum; ora, vt cor meum viuat in Iesu ac
vicissim in corde meo nascatur, adolescat, dele-
etur, & nunquam moriatur Iesus.

5. Triumphator mundi, carnis, & Dæmonis;
quiturpes ignes aquâ gelidâ extinxisti, & nocte
latronem pudicitia fugasti viator; arce à me ma-
chinas immundi Spiritus, ne quid in carnem me-
am, vel in Spiritum meum, dolis suis possit.

6. Martyr amoris diuini! cui fratres tuos
ad Religionem pellicienti, visa est adesse non fe-
mel olim extincta Mater tua, quæ tibi arrident
gratulabatur de consilio tam felici; alias quoq;
a te conspecta in gloria; fac ut per te dicam
Deum amare, ita vt tu amasti, Dei matri seruire,
ita vt tu teruiuisti, alta fugere, vti tu fugisti.

7. O cordium dulcis magnes! qui ad vale-
mundo

C H R I S T I A N V S . 335

mundo & salue cælo dicendum triginta socios
vnâ tecum traxisti, tot animas ad Deum, voce,
calamo, exemplo, oratione rapuisti. Ora vt ta-
les hic socios amem, qui me ducant, vel quos du-
cam illuc, vbi tu es. Iuuia me, vt hic, & in cælo,
tuorum cætu dignus inueniar.

8. Seraphine terrestris ! è cujus orantis ore
visus est ignis erumpere ; quem hoc tuo die,
gloriosum vidit S. Gertuſis, mirifico quodam
splendore de tuo pectore, ad omnia eorum pecto-
ra erumpente, qui per tua merita feruentem Dei
amorem obtinere desiderant. Ecce me vnum ex
illis desiderantibus, desidero amorem illum, quo
cor tuum, os tuum, tuus calamus abundauit.

9. Cæleitis inter homines Angele ! qui singu-
lis tuis orantibus, singulos Angelos adesse, ac nul-
lā omissâ syllabâ, quicquid orando dicebant, au-
ro, argento, vel aquâ (prout quisq; flagrans e-
rat vel tepidus in orando) adnotare vidisti. Fac
vt nomen meum quotidie libro vitæ, frequenti-
bus purissimi erga Deum amoris & laudis acti-
bus velut aureo charactere, inscribam.

10. Potentissime apud Iesum & Mariam.
Orator ! qui sæpius visus es in altum cum Ca-
thedra eleuari. Eleua Sanctissimis precibus tu-
is frigidas, arentes, & distractionum pondere
prægraues orationes meas, vt constanter assue-
fcam eleuato ad Iesum & Mariam corde, ignea-
hæc jacula in cælum pleno affectu euibrare.

11. Felicissime Iesu collæctanee ! quem
Virgo Beatissima dicentem sibi : Monstra te esse
Matrem, purissimo sui pectoris lacte in os tuum
immis.

immisso recreauit. Clamo & ego: Monstra te esse Patrem, quod melius non præstabis, quām si propitiam mihi reddideris clementissimam misericordiæ Matrem. Irriga cor meum igneo hoc lacte, fac ut corde toto rationabile, diuinus amoris plenum sine dolo lac concupiscam.

12. Sanctissime Pater! in cujus amplexus, solutis de cruce brachijs, te se demisit Christus, a cantâ durcedinis copiâ cor tuum inundauit; ut tunc verè cantare didiceris solenne illud tuum. *Expertus potest credere, quid sit Iesum diligere.* Inebria axidum cor meum de illa supereffluente gratiarum plenitudine, quam è fonte mellifluo Christi vulnerum bibisti. Fac ut residuum auditorum meorum sit jugis meditatio dolentis & amantis Iesu: nec prius dolere & amare defnat, quām viuere.

13. Mariæ Deiparæ cliens intime, qui, moriens cuidam apparuisti dicens te velle ad montem ascendere ad discendum; hic enim nullam ibi omnem veri scientiam reperi: qui denig à Maria sanatus illam spei tuæ fiduciam, & ad cælum scalam esse dixisti, & cælum per illam moriens ascendisti. Commenda me Mariæ: ut quamvis oculi mei vitijs corrupti non sint digni illam in hac lacrymarum valle spectare, illus tamen auxilio purgati non excludantur à conspectu ejus in cælo gloriae.

14. S. Bernarde, ad quem, cum Spiræ ad laitationem p̄fissimam, falue Regina à te (vt mulxi non dubitant) inuentam, deuotam illam clausulam addidisses: *O clemens, o pia, o dulcis Virgo Maria;*

Maria: ex ejusdem Icone, audiente omni populo dulcis echo insonuit: Salve Bernarde, Licet & mihi te alloqui.

Salve Bernarde melliflue Pater & spes te amantium Salve. Ad te clamamus exules filij tui: ad te in cælis regnante suspiramus gementes & flentes peccata nostra in hac lacrymarum valle. Eja ergo aduocate miserorum, illos tuos amabiles oculos ad nos clientes tuos converte. Et Iesum solutis de cruce brachijs tibi constricatum, nobis post hoc exilium ostende placabilem. Ociemens ô pie ô dulcis Bernarde.

In Natiuitate Beatissime.

1. **N**on possum tristari, quia nata est nobis puerla Sancta, Mater Domini mei, & ipse fundavit eam Altissimus.

2. O Sancta felicissimorum Ioachim & Annae filiola, natiuitas tua gaudium annuntiavit universo mundo; quæ nata es ut ex te nascatur Deus.

3. Ad beatissimas cunas tuas supplex accurre o paruula Beatissima, annuntio tibi gaudium magnum: Ecce concipies & paries Filium & vocabis nomen ejus Iesum.

4. Nescio quid dicam tibi puerla Sancta Virgo Maria, Regina mundi, quomodo te salutabo, dicam tibi quod per Angelum auditura es: Ave gratia plena, Dominus tecum.

5. Utinam omnium creaturarum corda haberem, ut ex affectu & virtibus omnium te dulcissima Virgo salutarem inquiens: Ave Filia,

Dei Patris, Ave Mater Filij Dei, Ave Sponsa
Spiritus Sancti, Ave templum SS. Trinitatis.

6. Quot maris sunt guttae, celi stellae, quot
beatorum Spirituum agmina, toties ex intimo
cordis mei affectu te saluto Virgo Beata, tibi in-
clamo: Vnus Maria, celi Regina, Domina
mundi.

7. Te saluto cum Ecclesia Sancta Catholica:
Ave maris Stella, Dei Mater Alma, atq; semper
Virgo, felix celi porta. Salve Regina celo-
rum, ave Domina Angelorum.

8. Te saluto cum S. Bonaventura: Ave Do-
mina mea, Mater mea, in o cor meum, & anima-
mea Virgo Maria & Maria mea.

9. Te saluto cum S. Christofomo. Ave ani-
matum Dei templum. Ave celi terraeq; pari-
ter domicilium. Ave naturae illius, quae compre-
hendi non potest amplissimum habitaculum.

10. Aestimo te pretiosissima Dei Mater su-
pra cor & animam meam, super omnia solo
Deo minora, quia tu es honos totius creaturae,
(& praecipue generis nostri,) quae nec primam
similem visa est nec habere sequentem.

11. Toto cordis mei affectu, & quantum
possim amo te amabilissima Virgo Maria, super
omnia amabilia creata.

12. Amo te decus Angelorum, honor, gau-
dium Sanctorum, vniuersis imperans. Amo
te nostra Mediatrix, afflictorum consolatrix, no-
stri semper miserans.

13. Trado me tibi in seruum perpetuum, in
mane-

mancipium, te autem mihi eligo & assumo in
Dominam & Reginam.

14. En corpus & animam meam, Spes & o-
mnes res meas Tibi deuoueo & mancipo in æ-
ternum, ut tibi viuam, moriar, Tibi æternum tu-
us. Tibi tuoq; seruitio omne tempus, quan-
tum possum dedico: & opto momenta singula
illius conuersti in æternitates, quibus tibi inser-
uiam.

15. Monstra ô Maria, te veram esse mihi Ma-
trem, ama me vsq; in finem, & fac, vt te redama-
re totis visceribus cordis mei contendam.

In Feste Nominis Beatissima.

1. **B**enedic anima mea Dominæ nostræ, Virgi-
ni Dei Genitrici Mariæ, & omnia quæ in-
tra me sunt nomini Sancto ejus.

2. Per singulos dies benedicam tibi ô Maria
Virgo & Mater Dei Sanctissima, & laudabo no-
men tuum dulcissimum in sæcula.

3. Adhæreat lingua mea ori meo, si non pro-
posuero te ô Maria in principio latitiae meæ: si
non meminero nominis tui, obliuioni detur
dextera mea.

4. Magnificate omnes Dominam tecum &
exalteamus nomen Mariæ in æternum, nam no-
men Mariæ, nomen Sanctissimum, nomen di-
gnissimum, nomen potentissimum.

5. O M A R I A esto mihi M A R I A! ô
dulcis Maria! recognosce, quod Iesu Christi Fi-
lij tui in me est, & absterge quod mundi & amo-
ris proprij in me est.

6. O no-

6. O nomen Mariæ nomen dulce; nomen Mariæ nomen delectabile; nomen Mariæ nomen gloriōsum & salutiferum. Quid est enim Maria nisi Stella maris? ergo ô Maria, propterea nomen Sanctum tuum luceas mihi in procelloso mari hujus mundi nauiganti.

7. Protege me dulcissima Virgo Maria sub umbra alarum tuarum: & non recedat in æternum mellifluum Nomen tuum ab ore & à corde meo.

8. O Virgo dulcissima & suauissima fac ut mori nequeam, nisi inuocato hoc jucundissimo, hoc mellifluo, hoc salutifero nomine tuo Maria, Maria.

9. Gloriosum ô Maria & admirabile est Nomen tuum: qui illud retinent & inuocant, non expauescent in puncto mortis. Inuocabo & ego semper nomen tuum, vt me tuearis in morte à rugientibus præparatis ad escam; vt me Stella maris deducas ad portum salutis.

10. Data est tibi ô Virgo Sanctissima, omnis potestas in cælo & in terra, & in manu tua est vita & salus noltra, loquere ergo pro me bona, loquere Filio tuo dulcissimo, impetra mihi gratiam & veniam.

11. O Maria! monstrá te esse Matrem, & respice filium inter adoptuos infimum. Respice & non despiciet Filius tuus; recipe & non seducet inimicus. Quod vt à te impetrem viuus, & obtineam mortuus, per illud tibi charissimum, & mihi dulcissimum Nomen Matris supplico.

In Feslo Omnitum Sanctorum.

1. O Ter magne Deus, supreme infinitarum perfectionum Author, gratias tibi pro bonis donisq; omnibus naturæ, gratiæ, & gloriæ, quæ in Sanctos tuos effudisti & effundes.

2. O Sancti Sanctæq; omnes fideles Sponsæ Christi saluto & veneror vos, gratias ago Deo meo, quod vos elegerit & in sublimi gloria collocauerit.

3. O Sanctissima Iesu ac prædestinorum omnium Mater! monstra te esse Matrem, illos tuos misericordes oculos de summo cælorum habitaculo ad nos conuerte, & Iesum benedictum Filium tuum nobis post hoc exilium ostende placabilem.

4. Sancti Patriarchæ & Prophetæ, qui Dominum nostrum dictis prophetastis, & ardentissimis desiderijs è cælo ad terram traxistis, succendite me illo igne, quem Dominus misit in terram, & voluit vehementer accendi. Feliciter ardebo, si corde ita succendar.

5. Sancti Apostoli & Euangelistæ, impetrante obsecro mibi, vt totus dulcedine amoris diuinæ plenus, totus flammæ diuinæ charitatis incensus diligam Deum ex toto corde meo, totisq; mediullis præcordiorum meorum, habeam Deum in corde, in ore, & præ oculis semper & ubiq;

6. Sancti Martyres, gratulor vobis, quia Salvatori vestro vitam pro vita, sanguinem pro sanguine reddidistis. Vtinam & ego, sicut vos, effundere possem sanguinem, & fieri victimæ in holo.

holocausto fidei, spei, charitatis: Orate, vt sim
saltem Deo meo amoris victimam inuenta, si cru-
enta non ero.

7. Sancti Pontifices & Confessores fideles
dominici gregis Pastores, ad me respicite adhuc
peregrinantem in hoc exilio, & mittite de caelo
opem, eleuate me ab hac folidâ terra, vt mihi
mundus crucifixus sit & ego mundo.

8. Sancti Monachi & Eremitæ, illibatam
mihi mentis & corporis puritatem obtinet, vt
hujus vitæ cursu peracto mundus ab omni labore
in conspectu Domini merear presentari!

9. Adjuro vos Sanctæ Virgines & Viduæ fi-
liæ Ierusalem, habitantesq; in ea animæ beatæ,
si inteneritis dilectum meum, vt nuntietis ei,
quia amore languo, præ magno faciei ejus viden-
dæ desiderio.

10. Omnes Sancti pænitentes, innocentes,
item conjugati olim, impetrare mihi frequentissimos
ac pretiosissimos excellentissimi erga Deum
amoris actus, nunc ac potissimum ultimo
die atq; momento, vt sit pretiosa in conspectu
dilecti Dei, vita mea, mors mea, æternitas mea.

11. Omnes Sancti, qui SS. Trinitati, Crucifixo Iesu, SS. Eucharistia Sacramento, Virgini
SS. singulari pietate addisti fustis in hac vita,
impetrare mihi duo hæc præsidia, Crucifixi vulnera & Mariam, vt viuam & moriar in osculo Domini sicut Moyses.

12. Omnes Sancti meæ nationis: omnes Sancti,
qui inter prædestinatos omnes Beq; estis pro-
ximi

ximi atq; charissimi: omnes Sancti & Sanctæ
Dei, quorum nomina sunt in libro vite: impe-
trate mihi, juuate me ut Deum vobiscum vide-
am; vt in templo Sancto gloriæ suæ Deum me-
um vnâ vobiscum benedicam, & ternum benedi-
ctus.

In Feste Presentationis Beatissime.

1. O Deo, Angelis, hominibusq; amabilis Par-
uuula, triennis Maria, quam Joachim &
Anna, parentes felicissimi, trimulam hodie in-
Sanctis Sanctorum victuram Deo, prælentarunt
in templo, munus præ omnibus hactenus datis
majus! offer me nunc, & in agone meo munus
Sanctis Sanctorum æternis!

2. O templum Dei! O Sancta Sanctorum!
ego me tibi præsento in seruum. Ad te O Domine
na vnicè id pertinet curare, vt ita viuam, ita mori-
ar, sicut decet tuum, & à te in templum gloriæ
in Sancta Sanctorum præsentandum.

3. Maternæ tuæ curæ Virgo Sancta hoc ipsum
transcribo, ne me aliter, quam tibi dedicatum,
& prædestinatum decet, viuere permittas.

4. Fac me pia Mater viuum templum gra-
tiae Dei. Offer me templo gloriæ; vt sim ædi-
ficatio Dei, pone in corde meo altare aureum, cu-
jus Sacerdos sit amor Dei, qui ei, alendo diuino
igni, ligna suggerat per singulos dies.

5. Impetra mihi O dulcissima Paruuula, vt
sim inter ignitos lapides in illa vrbe amoris Dei,
cujus turres gemmis ædificabuntur, id est amoris
actibus pretiosissimis:

6. O mi

6. O mi Deus! sicut obsecro oculi tui & cor tuum in hoc templo tuo, quod tibi millies dedicaui; ut oculos meos & cor meum custodianter, & faciant, ut semper te geram in oculis, & in corde. Ita cor meum erit domus orationis assidua, locus Sanctus, inaccessibile Sacramentum.

7. De viuis & electis virtutum, tibi maxime placentium lapidibus, architecto amore tuo, in me obsecro aeternum Majestati tuae praepara mihi Deus habitaculum: ut cor meum sit aurea dominus tua, quies tua, delicia tua.

8. Nec Salomonis templum fuit adeo sumptuosum, quam hoc meum, seu tuum in me, cuius aedificatio, expiatio, dedicatio constituit pretio magno valde sanguine Filii tui Deus! vestias ergo illud cedris Dei. Cogitationes meae sint in illo tibi Sancta Sanctorum. Pone in medio ejus tuae voluntatis oraculum, & arcam fæderis aeterni, Sacratissimam Virginem Matrem, quae est fæderis arca.

9. Nihil erat in illo templo quod non auro tegeretur. Tege, imo imbue, intus & foris, quicquid cogito, dico, ago, illo tuo auro ignito, quod nascitur in montibus Sanctis, in corde tuo Deus! ut nihil in me sit, quod amore illo solido cooptatum non sit.

10. Pone in me mi Deus! auro tectos Cherubinos, qui me doceant scientiam Sanctorum, id est amoris tui, adde Seraphinos, qui me preioso illo tui altaris igne perpurgent, illuminent, & inflament. Ut ita igneis & aureis Seraphinorum

norum ac Cherubinorum alis, ope tua, ad te sub-
iectus intellectus meus, & voluntas mea videat
te, amet te, ac immortaliter viuat in te, in tem-
plo Sancto glorie tue.

In Festo Sancti tui Nominis.

1. Sancte N. cujus nomine ac patrocinio meo,
jam inde ab ipsa baptismi mei hora, muni-
uit optimus Deus meus; commenda me Deo,
diuinæ Matri, ac Sanctis omnibus; illis potissi-
mum omnibus Electis Dei, quicunq; hoc tuum,
ac meum, nomen in terris olim magna virtute or-
nârunt.

2. Respice ô Sancte Patrono, ex illa æternæ
securitatis ac lætitiae vrbe, me tibi cognominem,
hic adhuc inter quotidiana æternū pereundi
pericula exulem ac timentem.

3. Effice Sancte & Electe Dei, vt sicut idem
tecum nomen gerò, ita tuo & nomini & exem-
plo, Sanctâ heroicorum tuorum factorum imita-
tione respondeam.

4. Suggere cordi meo, quæ Deus vult; &
tardi cordis mei duritiem ac surditatem vince.

5. Sensus meos omnes, & cor meum gubern-
na, Mariam Reginam nostram & Sanctos omnes,
ac Sanctas Dei, tibi pro auxilio adjunge: totum
me Sacratissimæ Trinitati, per I E S V sangu-
inem, & Mariæ manus, ex toto dedica, in holo-
caustum æternum: omnes omnino (etiam quas
indifferentes dicimus) actiones meas ad majorem
Dei gloriam, offer ad thronum gratiæ ejus, &
gloriz.

6. Ope

6. Ope tua obsecro assiste mihi cum socijs
tuis Sanctis, nunc, & in hora mortis, vt omnia ac
singula momenta viræ ac mortis meæ, sint mihi,
tibiq; æterno solatio; Iesu & Mariæ, æterno ho-
nori & amori, in felici Sanctorum omnium æter-
nitate, ad quam, quod Deus te prædestinaverit, &
dotibus ad illam necessarijs decorauerit, gratulor
tibi.

CAPVT XII.

Aspirationes Viatoris pro felici morte ad Christum.

Non intres in judicium cum seruo tuo Domine Iesu! quia non justificabitur in conspectu tuo omnis viuentis.

Ne memineris, bone Iesu, iniquitatum meorum: eitò anticipent me misericordiae tuæ, quia pauper factus sum nimis.

Ne tradas Domine Iesu, bestijs animam confidentem tibi, & animam pauperis tui ne obliuiscaris in finem.

Illumina mansuetissime Iesu! oculos meos, ne vñquam obdormiam in morte, ne quando dicat inimicus meus, præualui aduersus eum.

Tuus sum ego saluum me fac Domine, & ne perdas cum impijs Deus animam meam.

Saluum fac seruum tuum, Domine Deus, sperantem in te,

O Iesu esto mihi Iesus! & salua me. be me

be me venire ad te, vt cum Sanctis tuis laudem
te & in æternum fruar te.

O mi dulcis Iesu! quando corpus meum morietur, fac vt animæ donetur paradisi gloria.

In te Domine Iesu speravi non confundar in
æternum.

Alij affectus ad Iesum agonizantem.

Iesu agonizans & in cruce moriens pro me;
immitte, quæso Spiritum tuum in cor meum,
illoq; animam meam viuifica, quoniam Tuō solo
Spiritu viuere volo, tam in hujus præsentis vitæ
meæ tempore, quam in mortis meæ articulo.

Iesu in cruce agonizans & moriens pro me;
adoro te adoratione Latriæ debita Majestati tuæ
diuinæ, insuperq; mori totis viribus cupio, vt
morte mea quam citissimè, & condignissimè ago-
nizantem morientemq; Te pro me in Cruce ve-
nerer, ac morte mea quoad possum, compensem
mortem tuam.

Iesu in Cruce agonizans, & moriens pro me;
per hunc agonem tuum, & per Spiritum, quem
in manus Patris æterni commendasti, obtestor
te, vt instans mortis tuæ influat in mortis meæ
intans; illudq; dignificet, & in conspectu SS.
Trinitatis gratum atq; pretiosum reddat. Instan-
ti igitur mortis tuæ, agoniq; tuo pretioso, instans
mortis meæ agonemq; meum humillimè repræ-
sento, recommendo, vnio, consecro.

Iesu agonizans & moriens in Cruce pro me;
ibidemq; orans pro crucifixoribus tuis Patrem;
obsecro vt ores quoq; eundem pro me crucifixo-

re tuo, impetresq; mihi mortem Sanctam, & charitate perfecta consummatam.

Iesu agonizans & moriens in Cruce pro me; stillantem te penteimq; amore mei sanguinem Tuum colligo, & lambo deuotus, optans simul ac petens à Te; vt in hora mortis meæ adesse mihi præsens, cum gloriofa Matre tua, Sanctisq; tuis digneris, adnumereresq; me saltem vltimis redemptis, & electis Tuis, & in illo decretorio agonis meæ momento, secundùm magnam misericordiam, copiosamq; redemptionem Tuam miserearis mei.

Iesu agonizans & in Cruce moriens pro me; cupio, propono, & à te peto, vt instans vltimum vitæ mortisq; meæ consummatium, sit ardentesissimus Tui amor, quo cor meum & accensum ignescat, & vulneratum immoriatur, & consumptum incineretur, & concrematum fauillecat.

Iesu agonizans & in Cruce moriens pro me, amo te quām possum ignitissimè, & æstuofissimè, quomodo etiam amare te volo, statuoq; in mortis meæ agone, in quo vt cor meum amoris Tui ignibus Seraphicis Marianisq; ac insuper Tuis æstuet, palpitet, concutiatur, eorumq; actu & æstu conficiatur, ac emoriatur, Tu mi Iesu propter agonis mortisq; tuæ instans, misericordissimè factio.

Ad Beatissimam Virginem.

Mater Dei memento mei nunc & in hora mortis.

Adhuc

Adsis mihi Domina in omnibus actionibus
meis, nec me deserbas in hora mortis.

O Sanctissima Virgo, per pretiosissimam mor-
tem tuam, & illos actus amoris Dei, quos tunc
elicuisti; per omnem misericordiam, quam vlli
succuristi, memento mei nunc & tunc. Gere
curam mei finis, ut tua defensione munitus ingre-
diar beatam æternitatem. Experiar te Matrem
pulchræ dilectionis, & timoris, & agnitionis, &
Sanctæ spei.

Per te accepi gratias pia Mater, per tuas etiam
manus commendo & offero Spiritum meum
Deo meo; ut illum videam, videam, videam,
amem, amem, amem æternum.

O Iesu rogo te per Mariam, o Maria rogo te
per Iesum: o Iesu & Maria rogo vos per SS. Tri-
nitatem: o SS. Trinitas rogo te per amorem
quo te amas; miserere mei, ut felix moriar ad
majorem tuam gloriam & amorem: ut vos a-
mem æternum.

Ad SS. Angelos & omnes Sanctos.

Succurrite subuenite o vos omnes beatissimi
Spiritus, Sancti Angeli Dei: & cum in extre-
mis vestram opem non amplius implorare pote-
ro, ne me deseruite.

Sancte Angele Custos, defende me in hoc præ-
lio, ut non peream in tremendo judicio.

Sancti Dei omnes intercedere dignemini pro
animæ meæ salute,

Moriatur anima mea morte Iustorum, sed
vivat prius vitæ Iustorum. Amen,

HOMAGIA

In Vita & Morte Deo præ-
standa.

Reddite quæ sunt Dei Deo. Mat. 22.

1. **A**gnosco te ô mi Deus ! vt supremum Do-
minus meum, Primum Principium, &
ultimum Finem meum, Authorem naturæ,
gratiaz, & gloriae : & profundissima cum humilitate
te adoro Dominum vitæ & mortis tibiq; spon-
te sacrificio vitam meam.

2. Credo te mi Deus vnum in essentia & Tri-
num in Personis, Patrem, Filium, & Spiritum
Sanctum. Credo, teneo, ac profiteor fidem illam,
quam Christus docuit, quam prædicauerunt Apo-
stoli, quam Sancta Romana Dei Ecclesia docet ac
profitetur, & singulos Catholicæ fidei articulos
paratus sum sanguine meo subsignare, & morte
mea confirmare.

3. Doleo Domine & quidem ex animo, quod
non merui vitam meam alio modo pro obsequio
tuo amittere, sanguinem scilicet fundendo cum
SS. Martyribus pro nominis tui confessione, sed
quia his indignus sum, en etiam hanc mortem
meam lubens amplector in incruentum amoris
tui sacrificium.

4. Spero misericors Domine, per sanguinem
& merita Iesu Christi, ab infinita bonitate tua ac
clementia remissionem peccatorum, quibus to-

sumnum

CHRISTIANVS.

351

summum Bonum meum grauissimè offendì. Specie firmissimè me à paterna liberalitate tua obtenturum gratiam copiosam, & gloriam sempiternam.

5. Amo te amabilissime Deus ex toto corde meo, super omnia, propter infinitam Bonitatem tuam. Vellem si possem, amare te illo amore, quo te àmant omnes Sancti, & Iesus Christus Filius tuus; & quo te ipsum infinitè amas. Fac ut in æternum a mem te in regno amoris & beatitudinis.

6. Gratulor tibi de te. Gaudeo de infinita gloria tua. Gaudeo de diuinitatis tuæ thesauris infinitis. Vtinam Cherubinorum, Seraphinorum, Angelorum omnium, Sanctorum omnium, Beatissimæ Virginis Matris, ac deniq; ipsius Iesu corde possem amare ac laudare te, gaudere de te, & gratulari tibi.

7. Veneror, approbo, laudo, & ab omnibus laudari cupio judicia tua omnia occulta, horrenda; tuam de nobis & quidem æternum duratram dispositionem.

8. Doleo, doleo, doleo! quòd vñquam vi lo modo Te maximum, dulcissimum, optimum Deum meum offenderim. Doleo! non propter infernum, vel purgatorium, quæ tamen credo & timeo. Doleo! non propter cælestem gloriam: quam tamen credo & spero, sed doleo propter te, optime super omnia, pulcherrime super pulchra omnia, dignissime super omnia Deus.

9. Doleo! quòd ullum temporis momentum perdidierim, quo te mi Deus non amauit. Vti-

352

V I A T O R

nam possem redimere & excellētissimis excellētissimæ charitatis actibus implere omnes horas illas, ô Deus, qui charitas, qui ignis consumens es!

10. Detector omnia peccata in toto mundo quomodo cunq; commissa & committenda contra te mi Deus! utinam potuistem, ac possem omnia impeditre, ac in toridem bona conuertere! utinam possem omnia instantia & momenta actionum peccaminosarum, bonis ac heroicis actionibus implere,

11. Detector omnes cogitationes præsumptuosas, & magnificientes merita mea, quas Spiritus malignus in mortis meæ articulo posset inspirare, huimiliterq; confiteor, me non posse habere ex me ipso, nisi nihilum, nisi peccatum, nisi damnationem æternam. Ac proinde Domine Deus te solum & unicum Authorem salutis & felicitatis meæ agnoscō.

12. Rata nunc habeo mi Deus bona omnia, quæcunq; in tota vita mea, ex Te, circa Te, propter Te habui; ratos habeo pios motus ac sensus & actus meos omnes sub omni latitudine illorum ac sublimitate, eosdem nunc elicitos à me volo, imò illos, quæ possum elicio. Approprio mihi merita Filij tui, & facio illa mea, illisq; uno & dignifico omnia bona mea. Approprio mihi omnes actus bonos à quocunq; elicitos & eliciendos, eosq; tibi mi Deus, quasi meos offero. Omnia opera totius vitæ meæ, quanta quanta sunt mala & imperfecta retracto, & corrigo ad tuum placitum.

13. Statum Religiosum (si est Religiosus)
quem

C H R I S T I A N V S. 353

quem tot annis tenui, approbo, amplector, & ex-nunc ingredior, totiusq; mundi res & spes pro tuo amore & seruitio calco.

14. Approbo omnia bona opera omnium hominum & Angelorum. Approbo quidquid boni vnquam factum vel futurum est: & utinam augere bona illa possem in infinitum.

15. Pro omnibus, & singulis beneficijs tuis, mihi quomodocunq; in tota vita mea & ante vitam præstitis & post vitam præstandis, gratias ago tibi mi Deus, quantas possum, ago quantas debeo, ago quantas Christus pro suis obtulit & Beatissima Virgo, quantas omnes Sancti obtulerunt & offerrent. Deinde ago tibi gratias pro omnibus proximorum, atq; adeò creaturarum omnium, bonis.

16. Volo voluntatem meam tuę dare in vitam. Quidquid vis, quantum vis, quomodo vis & ego volo. Visnè Domine ut hoc anno moriar? hoc mense? hac die? hâc horâ? hoc momento? an lenta morte? an inopinata? volo & ego, visnè ut in inferno omnes cruciatus & omnes damnatorum pñnas æternum sustineam & lubens hoc faciam, quoniam sic placitum est ante te.

17. Nolo, quidquid non vis à Deus meus! volo, quidquid vis. Doleo quòd fuerit tempus, in quo nolui, quæ volebas; & volui quæ noluebas.

18. Decretum mortis à tua diuina manu, eo animo excipio, quo animo exceptit Christus Iesus Filius tuus, decretum mortis suę pro me, instan-

instanti Conceptionis suæ & in crucis morte.
Item eo animo amplector, quo animo exceptis
nuntium Incarnationis, expressitq; illis verbis;
Fiat mihi &c. Pretiosissima Parens Virgo Ma-
ria.

19. Spiritum meum non alibi, quām in sua-
uissima tua voluntate, Iesu Christi latere, Pretio-
sissimæ Parentis meæ manibus, Ecclesiæ Roma-
næ Catholicae fide (in Religione mea) emittere
atq; deponere exēuentem ex hoc corpore volo
atq; cupio.

20. Non merui quidem te mi Deus videre
beatificè, nec merebor in æternum: cupio tamen
æstuantissimis desiderijs videre, quia tu me ad
hunc finem condidisti, sanguine Filij tui rede-
misti, gratiam largiris, & merendi per Christi
sanguinem, facultatem.

Desiderium bonæ Mortis.

Cupio dissolui & esse cum Christo

Rom. 7. 24.

Opto mori: quia mortalis sum naturâ meâ:
& Dei Creatoris mei sic factus sum volunta-
te, fiat ergo voluntas ejus

Opto mori: in testimonium & protestatio-
nem, tūm supremæ potestatis, dominijq; in me-
diuini: tūm totalis meæ rerumq; omnium à Deo
dependentiaz.

Opto mori: vt primi originalis peccati p-
nam etiam mihi justo iudicio Dei inflictam exol-
uam morte, tandemq; illud finaliter expiem.

Opto

CHRISTIANVS. 355

Opto mori: vt sim extra periculum omne peccandi, vel in minimo, contra dignitatem, Majestatem, Sanctitatem, Bonitatem Dei mei.

Opto mori: vt mea morte mortem Iesu Christi Domini mei, quā me ille ab æterna morte redemit, honorem, imiter, eiq; mortuo, & ipse mortuus assimiler.

Opto mori: vt sequar exemplum Præiosissimæ Dei Matris Mariæ Dominæ meæ: quæ carrens alioqui moriendi debito mori tamen voluit & ipsa, vt sua morte mortem Filij honoraret.

Opto mori: vt in articulo mortis meæ, omnines Dei mei voluntates circa me absolutissime impleantur.

Opto mori: vt citius finem ultimum, ad quem creatus sum, assequar.

Opto mori: ex desiderio quām primū accedendi ad Sanctos eosq; videndi: tum præiosissimam Dei Matrem. Verbi quoq; Incarnati sacratissimam Humanitatem: præ omnibus autem Vni Trinam Beatissimi Dei Essentiam; vt mediante morte mea, tandem Deo æternaliter ac beatificè conjungar in gloria consummata.

Opto mori: ne amplius exosā vitā mea alios scandalizem.

Opto mori: vt in Ecclesia sepultus nunquam amplius auellar & recedam à præsentia, Augustissimi Sacramenti.

Opto mori: vt exhilarem Cor Beatissimæ Virginis, cor Sancti Patris N, quando post mortem gaudens gaudebo in Domino, & misericordias Domini cum Sanctis omnibus in æternum cantabo.

Opto

Opto mori: ut finaliter de Thesauro Ecclesiarum Sanctorumq; communione participem.

Aspirations Morientis.

1. Pater in manus tuas commendabo Spiritum meum. *Psal. 39.*

2. Cupio dissolui & esse cum Christo. Infelix ego quis me liberabit de corpore mortis hujus. *Rom. 7. 24.*

3. Educ de custodia animam meam Domine ad confitendum nomini tuo: me expectant iusti, donec retribuas mihi. *Psal. 141.*

4. Lætatus sum in his quæ dicta sunt mihi, in domum Domini ibimus. *Psal. 121.*

5. Paratum Cor meum Deus, paratum cor meum Tibi & ad Te. *Psal. 56.*

6. Ecce sponsus venit exeamus obuiam ei *Mat. 25.*

7. Quemadmodum desiderat cœrus ad fontes aquarum, ita desiderat anima mea ad te Ó Deus. *Psal. 41.*

8. Sicutiuit anima mea ad Deum fontem vivum, quando veniam & apparebo ante faciem Domini. *Psal. 41.*

9. Misericordias Domini in æternum canticabo. *Pf. 88.*

10. Adjuro vos Filiae Ierusalem, ut nuntietis Dilecto meo, quia amore langueo *Cant. 5.*

11. Tædet animam meam vita meæ, quia non video Deum Deorum in Syon.

12. O quando vacabimus & videbimus, videbimus.

bimus & amabimus, amabimus & laudabimus?
ô quando erit finis sine fine? *S. August.*

13. O Fons vitæ perennis, quando sitim meam extingues in me! ô beata æternitas, & æterna beatitudo quando peregnabo in te!

14. Iesus & Maria dulcissimi mei Amores, patiar ego, moriar ego Amore vestri: totus sim vester, nullus meus in æternum.

15. Æterna Sapientia dulcissime Iesu, absorbeat quæsto medullas, & viscera animæ meæ ignita & melliflua vis amoristui: vt amore amoris tui moriar, qui dignatus es pro me indigno in ligno Crucis mori. *S. Aug.*

16. Iesu nostra redemptio, Amor & desiderium, Deus Creator omnium, Homo in fine temporum. Quæ te vicit Clementia vt ferres nostra crimina? *Hymn. Ecl.*

17. Desidero te millies, mi Iesu quando venies? me lætum quando facies? me de te quando saties? *S. Bernardus.*

18. Mori desidero, vt videam Christum, viuere renuo vt viuam cum Christo. *S. Aug.*

19. Eja Domine moriar vt te videam, vide am vt huc moriar. *Ibidem.*

20. Veni Domine & noli tardare, veni Domine Iesu, & visita me in pace. Veni & educ vinclum de carcere &c.

Suspicio coram Christi crucifixi effigie.

Agnosce ô Domine creaturam tuam non à dijs alienis creatam, sed à te solo Deo viua & vero.

& Vero. Ne me perdat Domine iniquitas mea
quem fecit omnipotens bonitas tua.

Respice Domine Sancte Pater de excelso cæ-
lorum habitaculo. Ecce vox sanguinis Fratris
nostrí pro nobis clamat ad te de Cruce. Audi Pa-
ter vocem sanguinis Filij tui.

Respice pie Pater innocentes manus Filij tui,
quaæ distillant pretiosum sanguinem, vt dimittas
iniquitatem meam. Intuere illud lancea perfos-
sum pectus, & amore mei apertum Cor, meq;
ex sacro illo fonte renoua. Defige oculos o Pa-
ter cælestis in faciem hanc dilecti Filij tui, & in
membra conquassata Christi tui, & per miseras,
quas ille amore mei sustinuit, miserere mei.

Eia dulcissime Redemptor Domine Iesu, per
illas lacrymabiles voces, quas in Cruce moriturus
edidisti : Deus Deus meus quare me dereliqui-
sti ? ne quæso derelinquas me in hora mortis
meæ.

En suauissime Iesu in manibus, in pedibus,
& in toto Corpore descripsisti nie. Cernitur
in toto Corpore sculptus amor : lege scriptu-
ram tuam hanc & salua me.

Respice in me oculis misericordiaæ tuæ Do-
mine Iesu, Rex æterne, Deus & homo, Crucifi-
xus propter hominem. Exaudi me sperantem
in te : miserere mei pleni miserijs & peccatis,
tu qui fontem miserationis nunquam manare
cessabis.

Recordare Domine creaturæ tuæ, quam tuo
Sanguine redemisti. Illa ouis amissa ad Pastorem
meum redeo : Vocem tuam noui non alienoru.

Potesne

Potesne vocem spernere balantis ouiculæ tuæ
& fugientis ad te?

Scio equidem me conspectum tuum non mereri; quia dum vitam meam considero, confusio est mihi potius appellanda quam vita. Sed in Spiritu humilitatis, & in animo contrito suscipe me o bone Iesu salus & vita mea. Suscipe me secundum magnam misericordiam tuam, & non confundas me ab expectatione mea. Aperi mihi properanti ianuam vitæ, & principes tenebrarum non occurrant mihi. Tua me manus inducat in locum refrigerij, & vel in ultimam mansionem ex ijs, quas parasti seruis tuis timentibus te.

Quando moribundus animi territi signa ostendit inculcanum est ei illud de S. Bernardo Abbe, qui in ægritudine extrema grauissimis & aureis planè verbis Inimicum accusantem confudit; ita habet Author vitæ, qui tunc præsens aderat.

Cumq[ue] extremum iam Spiritum trahere cederetur, in excessu mentis sua ante Tribunal Domini Iesus est presentari. Adfuit autem & Satan ex aduerlo, improbis eum accusationibus pulsans: Vbi herero omnia ille fuerat prosecutus? & Vno Dei esset pro sua parte dicendum, nihil tertius aut turbatus ait. Fateor non sum dimes ego; nec proprijs possum meritis regnum calorum obtinere. Ceterum duplici illud iure obtinens Dominus meus, hereditate scilicet Patriis, & merito passionis, altero ipse contentus, alterum mihi donat; ex cuius dono, iure illud mihi scandicans

*non confundor. In hoc verbo confusus inimicus,
l. i. c. 12.*

**Quedam clara voce moribundo
suggerenda.**

Protector, quod morior verus Catholicus, in Fide, Spe, & Charitate in Deum. Protector, quod volo mori mancipium Iesu & Mariæ. Protector, quod exnunc & pro reliquo vita meæ tempore nolo consentire ulli tentationi Dæmonis.

In manus tuas Domine commendo spiritum meum. Iesu Fili Dauid miserere mei. Deus in adiutorium meum intende. Domine ad adiuvandum me festina. Bone Iesu dic animæ meæ salus tua ego sum. Bone Iesu qui venisti perditum redimere, noli redemptum daminare. Domine Iesu suscipe spiritum meum. Fiat voluntas tua.

Addantur bac in aurem.

Arenuncio tibi Satana. Vade Satana, Domine vim patior responde pro me, ne derelinquas me Domine Deus, ne discesseris à me.

Bone Iesu in quem credidi miserere mei. Bone Iesu in quo speravi miserere mei. Bone Iesu quem dilexi miserere mei. Recordare Iesu pie, quod sim causa tuæ viæ, ne me perdas illâ die.

O Mater Dei memento mei. Maria Mater gratiarum, Mater misericordiarum, tu nos ab hoste protege, & hora mortis suscipe. Eia bona Mater & Aduocata nostra illos tuos misericordes oculos

ocula
dulci
O
mam
moria
& Sa
meam
sit vi
Vulne
separa
meun
nus r

Cum
xia

PR
I
creau
qui p
di, q
& A
Princ
rubim
& Pro
lorum
rum M
Mona
ginun

oculos ad nos converte. O clemens, ô pia, ô dulcis Virgo Maria. Angele Dei sit tibi cura mei.

O Iesu & Maria dono vobis cor meum, animam meam. Iesu Maria, amores mei, patiar, moriar amore vestri. O Iesu, esto mihi Iesus & Saluator. Iesu agonizans, morti tuæ mortem meam unio. Iesu pro me mortue, mors tua sit vita mea. O bone Iesu exaudi me, intra. Vulnera tua absconde me, & ne permittas me separari à te. Domine Iesu suscipe spiritum meum. Tu es Christus Filius Dei Viui, Dominus meus & Deus meus.

O Maria sis mihi propitia.

Amore tui morior mi dulcis Iesu.

O Iesu, I E S V, I E S V, esto mihi Iesus.

Cum iam in agone sui exitus anima anxiatur, dicantur sequentes orationes.

P Roficitcere anima Christiana de hoc mundo,
In Nomine Dei Patris Omnipotentis, qui te
creauit: in nomine Iesu Christi Filii Dei Viui,
qui pro te passus est: in nomine Spiritus Sancti, qui in te effusus est. In nomine Angelorum
& Archangelorum. In nomine Thronorum,
Principatum, & Potestatum. In nomine Cherubim & Seraphim. In nomine Patriarcharum
& Prophetarum. In nomine Sanctorum Apostolorum & Euangelistarum. In nomine Sanctorum Martyrum & Confessorum. In nomine SS. Monachorum & Eremitarum. In nomine Virginum & omnium Sanctorum ac Sanctorum Dei:

Dei: hodie sit in pace locus tuus, & habitatio
tua sit in Sancta Syon. Per eundem &c.

Deus Misericors, Deus Clemens, Deus qui se-
cundum multitudinem miserationum tua-
rum peccata pænitentium deles, & præteriorum
criminum culpas veniam remissionis euacuas; re-
spice propitius super hunc famulum tuum N.
& remissionem sibi omnium peccatorum suorum
totam cordis confessione poscentem deprecatus
exaudi Renoua in eo pijissime Pater, quidquid
terrena fragilitate corruptum, vel quidquid dia-
bolica fraude violatum est; & unitati corporis
Ecclesiæ membrum redemptionis annexe. Mi-
serere Domine gemitum, miserere lacryma-
rum ejus, & non habentem fiduciam, nisi in
misericordia tua, ad tuæ Sacramentum reconci-
llationis admitte. Per Christum Dominum no-
strum Amen.

Commendamus tibi Domine animam famu-
li tui N. precamurq; te Domine Iesu Chri-
ste Saluator mundi, ut propter quam ad ter-
ram misericorditer descendisti, Patriarcharum
tuorum sinibus insinuare non renuas. Ago-
nosc Domine creaturam tuam, non à diis alienis
creatam, sed à te solo Deo Viuo & Vero: quia
non est alius Deus præter te, & non est secun-
dum opera tua. Latifica Domine animam eius
in conspectu tuo: & ne memineris iniquitatum
eius antiquarum, & ebrietatum quas suscitauit
furor hue fero malo desiderij. Licet enim
peccauerit, tamen Patrem & Filium & Spiritum

San-

Sand
in se
AmeInt
ria
ticul
illum
tuam
omne
vt tec
suo æ
scere
cordi
numSv
ni,
in cor
W
sinum
piento
Altissi
mine.
eleyf.
cas &
W.
v. Re
xaudi

T

Sanctum non negauit, sed credidit, & Zelum Dei
in se habuit, & Deum qui fecit omnia adorauit.
Amen.

Oratio ad Beatam Virginem.

In temerata & in æternum benedicta Virgo Maria, famulo tuo in hoc extremæ necessitatis articulo subueni, illos tuos misericordes oculos ad illum conuerte: ostende illi dulcissimam faciem tuam, & in virtute Sanctæ Crucis inimicos ejus omnes disperde. Libera eum ex omni angustia, ut tecum & cum beatis Spiritibus Redemptori suo æternas gratiarum referat actiones. Reminisciæ misericordiarum tuarum, O Mater Misericordiæ, & secundum multitudinem miseracionum tuarum animæ illius succurre.

Post expirationem.

Svauenite Sancti Dei, occurrite Angeli Domini, suscipientes animam ejus, offerentes eam in conspectu Altissimi.

V. Suscipiat te Christus qui vocauit te, & in sinum Abrahæ Angeli deducant te. **R.** Suscipientes animam ejus offerentes eam in conspectu Altissimi. **V.** Requiem æternam dona ei Domine. **R.** Et lux perpetua luceat ei. Kyrie eleys. Christe el, Kyrie eleys. Et ne nos inducas &c.

V. A porta inferi, **R.** Erue animam ejus.

V. Requiescat in pace. **R.** Amen. Domine exaudi &c.

Oremus.

Tibi Domine commendamus animam famuli

Aa

tui

tui N. vt defunctus sæculo, tibi viuat, & quæ per fragilitatem humanæ conuersationis peccata commisit, tu veniā misericordissimæ pieratis absterge, Per Christum Dominum nostrum.

DE V S cui proprium est misereri semper & parcere, te supplices exoramus pro anima famuli tui N. quam hodie de hoc sæculo migrazione jussisti; vt non tradas eam in manus inimici, neq; obliuiscaris in finem, sed jubeas eam à SS. Angelis suscipi, & ad patriam paradisi perduci, vt quia in te sperauit & credidit non pænas inferni sustineat, sed gaudia sempiterna possideat Per Christum Dominum nostrum. Amen. Requiem æternam &c.

*Orationes pro omnibus Christi fideli-
bus vbi cunq; agonizantibus.*

OI E S V Crucifixe per merita SS. Genitrix tuz, per merita & intercessionem SS. Angelorum, Patriarcharum, Prophetarum, Apostolorum, Martyrum, Confessorum, Virginum, & Viduarum, itemq; dilectæ Sponsæ tuz Ecclesie te supplices exoramus, vt miserearis omnium illorum, qui in hora mortis constituti turbantur & propter vehementiam hostilis impetus vacillant.

A morte perpetua & æterna, libera eos Domine. A terrificis visionibus inimici, libera &c. A regione gelidissima & feruentissima: libera &c. Ne audiant in regione umbræ mortis & tenebrarum blasphemati nomen tuum, Ne tradantur

tur in
ni fidu
A cora
Per m
Natiui
alapas,
libera.
triump
Domin
v.
tentes
ne obli

C Le
tia
qua te e
pulit, v
ijs cond
bo, & c
ratur, a
& preti
disti.

Aff
manus
sum tu
pe tene
um ver
gloria, v

tur in manus bestiæ infernalis, libera &c. Ab ini-
ni fiducia & securitate non in te fundata, libera.
A corde obstinato & in peccatis obdurato, libera.
Per mysterium Sanctæ Incarnationis tuæ, per
Natiuitatem tuam, per catenas, funes, vulnera,
alapas, sputa, spinas, crucem, & mortem tuam,
libera. Per gloriam resurrectionis tuæ, & per
triumphum tuæ in cælum ascensionis, libera eos
Domine

V. Ne tradas Domine bestijs animas confi-
tentis tibi. R. Et animas pauperum tuorum
ne obliuiscaris in finem.

Oremus.

Clementissime I E S V inuocamus Clemen-
tiam tuam per charitatem illam infinitam,
quæ te ad moriendum pro genere humano im-
pulit, vt miserearis omnium agonizantium, &
ijs condones excessus commissos cogitatione, ver-
bo, & opere, & vt suppleas, quod in eis deside-
ratur, applica illis infinita merita tuæ passionis,
& pretium sanguinis tui, quem pro nobis effu-
disti.

Assistat illis S. Michael Archangelus & per
manus Ss. Angelorum deportentur ad paradi-
sum tuorum Electorum: vt liberati de princi-
pe tenebrarum, & abyssø pñnarum in conforti-
um veniant Sanctorum tuorum resuscitati cum
gloria, vt filij & heredes regni tui. Amen.

366 VIATOR CHRISTIANVS.

Quidam Religiosus, ut refert Cæsarius, impe-
travit sibi gratiam ex hac vita et a re grandi sine
purgatorio ad Calum hac preca-
tiuncula.

Domine IESV per illam amaritudinem,
quam sustinuisti propter me in Cruce, ma-
xime quando Anima tua benedicta egrediebatur
de corpore tuo: miserere animæ meæ in egressu
suo. Vel. Domine Iesu instanti mortis tux, &
instanti mortis Matris tux, omniumq; Electo-
rum tuorum instantis mortis meæ commendo:
benedic isti propter illa.

CONCLVDO

Melliflui Doctoris S. Bernardi
Verbis.

Dignus est morte, qui tibi Domine Iesu recusat
vinere (adeoq; te laudare te glorificare) Et
mortuus est. Propter temeritatem Deus fecisti omnia,
Et qui vult esse sibi Et non tibi, nihil esse incipit
inter omnia.

A. M. D. G. B. V. I. C. H.

F I N I S.



INDEX.

C A P. I. Proponuntur quadam Considerationes Viatoriis tyles ac necessaria. pag.	1.
Via recta ad Calum Via Crucis.	3.
Compendium Viae caelestis est breuissimum per Herroica.	11.
Decet Viatori semper Etobijs Dei sui meminisse.	13.
Orationes iaculatoriae Et motus anagogici quid sint?	
17.	(23.)
Viatori per Creaturas ad Creatorem ascendendum.	
C A P. II. Praxis Aspirationum seu affectuum pro qualibet occasione Et actione.	26.
Actus oblationis omnium actionum totius septimanae.	
40.	
Actus Gratitudinis ad finem septimanae eliciendi.	44.
C A P. III. Diarium Viatoris. Sive actionum per diem ordinatio.	46.
Actus Matutini.	49.
Actus Intentionis.	53.
Scintilla ad flamمام diuinī amoris concipiendam.	
57.	
Actus ante recitationem diuinī Officij.	59.
Actus post recitationem diuinī Officij.	64.
Actus ante Meditationem.	66.
In ingressu Ecclesie.	68.
Visitando SS. Sacramentum.	69.
Praxis offerendi sacrificium Missæ cum Sacerdote celebrante.	70.
Praxis Communonis spiritualis.	71.
Actus petitionis pro statu Ecclesie.	72.

Depre-

<i>Actus</i>	
<i>C A I</i>	
<i>Exe</i>	
<i>ni.</i>	
<i>C A I</i>	
<i>Dor</i>	
<i>C A F</i>	
<i>para</i>	
<i>ipfor</i>	
<i>C A P.</i>	
<i>mora</i>	
<i>Affectu</i>	
<i>Homag</i>	
<i>Desider</i>	
<i>Affirat</i>	
<i>Suspiri</i>	
<i>Oratione</i>	
<i>Pag</i>	
<i>in te. P.</i>	
<i>affectus</i>	
<i>tam. le</i>	
<i>23. illas</i>	
<i>v. 13. d.</i>	
<i>mori. P.</i>	
<i>Mart. I.</i>	
<i>extinctio</i>	
<i>Pag. 214</i>	
<i>tieris. Pa</i>	
<i>scipe Ve</i>	
<i>Actus</i>	
<i>Deprecatio pro felici successu Sacra Religionis.</i>	75.
<i>Postulatio gratiarum.</i>	73.
<i>Formula dedicandi se Beatissima Virgini.</i>	75.
<i>Votiva ad S. Iosephum.</i>	81.
<i>Ad S. Antonium de Padua. Responsorium à S. Bonaventura conscriptum.</i>	83.
<i>Modus honorandi quemcunq; Sanctorum in eius festinitate.</i>	85.
<i>Actus Antemeridiani.</i>	86.
<i>Actus Meridiani.</i>	89.
<i>Actus Pomeridiani.</i>	90.
<i>Actus Anteuerespertini.</i>	92.
<i>Actus eanti dormitum.</i>	93.
<i>Actus brevis pro defunctis.</i>	98.
<i>C A P. IV. Alphabetum amoris Dei per Hebreos domadam dispositum.</i>	99.
<i>C A P. V. Solitudo Septemdialis, seu quotidiana familiaris cum Deo Viatoris conuersatio.</i>	
<i>C A P. VI. De penitentia Vera salutis iherita, quâ homo ex regione longinqua ad Deum & salutis suam reuertitur.</i>	208.
<i>Quadam obseruanda ante Confessionem Sacramentalis.</i>	210.
<i>Actus Contritionis ante Confessionem.</i>	212.
<i>Actus post Confessionem.</i>	217.
<i>C A P. VII. Praxis Sacra Communionis.</i>	219.
<i>Obseruanda post S. Communionem.</i>	227.
<i>C A P. VIII. Praxis deuotæ ac reuerenter celebrandi Sacrificium Missæ.</i>	234.
<i>Oblatio Sacrificij.</i>	235.
<i>Actus diuersarum virtutum.</i>	241.
<i>De proxima dispositione ad Missam.</i>	248.

Actus post Missam.

253.

C A P. IX. Proponuntur quadam Praxes seu Exercitia colendi per annum festa Christi Domini.

258.

C A P. X. Breves Meditationes de Passione Domini.

291.

C A P. XI. Proponuntur praxes colendi Deiparam Virginem & quosdam Sanctos in festis ipsorum.

320.

C A P. XII. Aspirationes Viatoris pro felici morte ad Christum.

346.

Affectus ad Iesum agonizantem.

347.

Homagia, in vita & morte Deo praestanda.

350.

Desiderium bona mortis.

354.

Aspirationes morientis.

356.

Suspiria coram Christi Crucifixi effigie.

357.

Orationes pro agonizantibus.

361.

Errata sic corrige.

Pag. 22. v. 24. jam rapias in te, lege jam rapias in te. Pag. 28. v. 16. amoris effectus, lege amoris affectus. Eadem pag. v. 20. absoluere vnam guttam. lege absorbere vnam guttam. Pag. 94. v. 23. istas infernales, lege ipsas infernales. Pag. 116. v. 13. dulcius est mihi mors, lege dulcius est mihi mori. Pag. 158. Ribud. 7. Mart. lege Ribad. 7. Mart. Pag. 174. v. 9. innumera damnatorum extinguibilis ignis, hæc verba sunt frustra posita. Pag. 214. v. 7. quo propitieris, lege quod propitieris. Pagina 327. v. 24. suscipe verbum, lege suscipe Verbum.

Omissa.

• • • • •
Omissa.

Pag. 10. v. 27. qui allatum, lege qui fertur al-
latum. Pag. 19. v. 3. Qui plasmasti miserere, lego
qui plasmasti me miserere. Pag. 77. v. 2. cum gau-
dio animæ ejus, lege cum gaudio animæ
eius venisti, & sine.



al-
ge
iu-

